

開明活葉文選注釋

第十冊



韓 楚 原 周 振 甫

釋注



開明書店出版

開明活葉文選注釋 第十冊

民國廿三年九月初版發行

實價大洋一元

(實價不折不扣
外埠酌加寄費)

“釋注選文葉活明開”

〔冊十第〕

印翻准權不著作有

注釋者

周韓

楚

原

發行者

上海福州路開明書店

周章

錫

琛

印刷者

上海梧州路三九〇號

美成印刷公司

總發行所

上海福州路二七八
電報掛號七〇五四

開明書店

分發行所

廣州惠愛東路漢口中山路
南京太平路長沙南陽街
北平楊梅竹斜街

開明書店分店

凡例

一 本書排印，係按着手注釋之先後爲序。但每篇仍列原有號碼，以便檢查。

一 本書每篇分「題解」「作者述略」「注釋」三項。如係譯文，則於「作者述略」之後，另列「譯者述略」一項。

一 本書爲謀教師講解及學生自修之便利，解釋務求詳明，引證不厭繁博。於每條注釋之下，皆說明出於某書某篇，以便檢對。

一 本書於古地名則注今爲何地；人名之見於史傳者則注見某史第幾卷，年號則注公元若干；生僻之字，則加注國音字母；譯名則附注原文。

一 古書異釋紛如，本書從其說之較長者，或並列數說，以資參證。

一 凡已見前注之條目，但注見前某篇注，以避重複。

一 注者聞見有限，錯誤在所難免，尙望讀者隨時指示，以便改正。

開明活葉文選注釋第十冊目次

671	孝經	一
335	禮運篇	二
672	國學季刊宣言	三
683	狂人日記	四
738	戊午上高宗封事	五
716	蟹志	六
699	僮約	七
280	爲袁紹檄豫州	八
103	謝玄淝水破秦之戰	九
428	王大夫述	十
41	文理	十一
239	載文	十二
	劉知幾	十三
	章學誠	十四
	胡天游	十五
	資治通鑑	十六
	陳琳	十七
	王襄	十八
	陸龜蒙	十九
	吳立	二十
	魯迅	二十一
	胡銓	二十二
	吳立	二十三
	胡適	二十四
	小戴禮記	二十五

74	敍事	劉知幾
75	煩省	劉知幾
749	疑古	劉知幾
91	說難	韓非子
429	別賦	江淹
62	謝靈運傳論	沈約
544	職方氏	周禮
551	春秋左氏傳序	杜預
753	謝平原內史表	陸機
745	鹽鐵論本議	桓寬
739	書何易于	孫樵
733	梓州兜率寺文冢銘并序	劉蛻
728	唐吏部侍郎贈禮部尙書昌黎韓先生墓誌銘	皇甫湜
	文章論	李德裕

醉鄉記	王績	國
草書勢	崔瑗	國
讀韓愈所作毛穎傳	柳宗元	國
三戒序	柳宗元	國
醉翁亭記	歐陽修	國
睡鄉記	戴名世	國
百丈山記	朱熹	國
老柏與野薔薇	陳衡哲	國
蟬與紡織娘	鄭振鐸	國
致文學青年	夏丏尊	國

題解

說文：「孝，善事父母者。」爾雅釋訓：「善父母爲孝。」又釋名：「孝，畜也；畜，養也。」此孝字之定義也。考孝字首見於諸經者，莫古於虞書「克諧於孝」，是此字造於黃帝而堯、舜更重之，實據古代倫理觀念之中心。漢書五行志及司馬遷傳注，皆云：「經，常法也。」是孝經者，實謂天下古今當奉孝爲常法，循之以爲大道也。至以經名書，實始孝經。蓋五經如詩、書、易、禮、春秋等，在當時並未名經，皆出於後人之尊奉，惟本書則撰述者自名之也。

作者述略

孝經之作者問題，歷來經學家意見殊不一致，約可分爲七說：（一）以孝經爲孔子所作，見漢書藝文志及鄭玄六藝論、三國蜀志秦宓傳。（二）以孝經爲孔子弟子曾參所作，見史記仲尼弟子列傳。（三）以孝經爲曾子弟子所作，見晁公武郡齋讀書志及王應麟困學紀聞引胡寅語。（四）以孝經爲曾子弟子子思所作，見困學紀聞引馮椅語。（五）以孝經爲七十子之徒所作，見毛奇齡孝經問及四庫總目提要。（六）以孝經爲後人附會而成，見朱熹孝經刊誤後序引汪應辰說。（七）以孝經爲漢儒所僞造，見姚際恆古今僞書考。以上諸說，要

以第五說較爲合理（詳見周子同羣經概論）書凡十八章。鄭康成注今文，孔安國注古文。宋朱熹撰孝經刊誤，取古文孝經分爲經一章，傳十四章，又刪經文二百二十二字，自後治孝經者，乃有古文今文兩派。今注疏有孝經正義，唐玄宗注，邢昺疏。清阮福有孝經義疏。

注釋

【仲尼居】居本作尻，說文：「尻，處也；从尸得几而止。孝經曰：『仲尼尻』，尻謂閑居。」釋文引鄭玄云：「尻，講堂也。」王肅云：「閒居也。」孔安國曰：「靜而思道也。」阮福孝經義疏云：「尻，乃許文受衛宏之真古文孝經，但凡經中之尻字，皆隸變爲居，不能改矣。」

【曾子侍】曾子卽曾參，子，男子之美稱也。邢疏：「侍，侍坐。」鄭注：「卑在尊者之側曰侍。」

【子曰】子，孔子也。鄭云：「古者稱師曰子。」

【先王有至德要道】鄭云：「五帝官天下，三王始傳子爲孝教之始，故先王指文王也。」又云：「至德，孝悌也要，道，禮樂也。」王肅曰：「孝爲德之至也；道之要也。」

【避席】本作辟席。古人布席於地，各專一席以坐，有所敬，則起立避原位，謂之辟席。禮：「孔子蹴然辟席而對。」

【身體髮膚受之父母不敢毀傷】鄭注：「父母全而生之，子當全而歸之也。」曾子大孝篇：「君子一舉足

不敢忘父母，故道而不徑，舟而不游，不敢以先父母之遺體行殆也。」又立事篇：「戰戰兢兢，惟恐刑罰之至也。」論語：「曾子曰：戰戰兢兢，如臨深淵，如履薄冰，而今而後，吾知免夫，小子！」儀禮士喪禮：「葬埋於坎。」按皆不敢毀傷之義也。

【揚名於後世以顯父母】古聖賢以名爲重，易云：「善不積，不足以成名。」禮記云：「身不失天下之顯名。」又云：「將爲善，思貽父母令名，必果。」曾子大孝篇云：「父母旣沒，慎行其身，不遺父母惡名，可謂能終矣。」按皆揚名後世以顯父母之義也。

【夫孝始於事親，中於事君，終於立身】鄭注：「冊彊而仕，行步不違，縣車致仕。」邢疏：「鄭玄以爲父母生之，是事親爲始，四十彊仕，是事君爲中，七十致仕，是立身爲終也。」

【愛親者不敢惡於人，敬親者不敢慢於人】沈宏曰：「親至結心爲愛，崇恪表迹爲敬。」疏引魏真克曰：「博愛也，廣敬也。」阮福義疏曰：「人字包諸侯卿大夫士庶人而言，言天子不敢惡慢於人，即使人不敢惡慢其親也。禮記中庸，凡爲天下國家有九經，九經卽不敢惡慢之要道也。」按卽以孝道推己及人之意。

【刑於四海】刑，鄭注本作形。正義：「經作刑，刑法也；此作形，形，猶見也；義得兩通。」阮福義疏：「形亦可通訓爲法，刑亦可通爲見。」

【蓋天子之孝也】孔傳：「蓋者，辜較之辭。」劉炫云：「辜較，猶梗概也；孝道既廣，此纔舉其大略也。」劉瓛云：「蓋者，不終盡之辭；明孝道之廣大，此略言之也。」

【在上不驕高而不危】曾子立事篇：「與其奢也寧儉，與其倨也寧卑。」又：「居上位而不淫，臨事而栗者，鮮不濟矣。」此卽在上不驕高而不危之義也。

【制節謹度滿而不溢】荀子宥坐篇：「孔子曰：『吾聞宥坐之器者，虛則欹，中則正，滿則覆。』」孔子顧謂弟子曰：「注水焉！」弟子挹水而注之。孔子喟然歎曰：「吁！惡有滿而不覆者哉！」子路曰：「敢問持滿有道乎？」孔子曰：「聰明聖知，守之以愚；功被天下，守之以讓；勇力無世，守之以怯；富有四海，守之以謙。」此卽制節謹度滿而不溢之義也。

【社稷】應劭風俗通：「社者，土地之主；土地廣博，不可徧敬，故封土以爲社而祀之。稷者，五穀之長；五穀衆多，不可徧祭，故立稷而祭之。」

【非先王之法服不敢服】北堂書鈔衣冠部引：「天子服日月星辰，諸侯服山龍，卿大夫服藻火，士服粉米。」

釋文引鄭注：「皆謂文繡也。」按卽所謂先王之法服也。

【口無擇言身無擇行】鄭注：「禮以檢著也。」擇者，檢點之意，卽三思而動也。言行初需檢點，著意於禮，浸焉成爲慣習，則口無擇言而無口過矣；身無擇行而無怨惡矣。

【守其宗廟】卿大夫以守宗廟爲孝，謂非止於父母生前之愛敬也。守宗廟所以奉祭祀也，蓋謂卿大夫言行無德無法，必獲罪致禍，春秋之世，出奔絕祀者多矣，故作者特致意於此耳。

【資於事父以事母而愛同資於事父以事君而敬同】資取也，言取事父之愛以事母，事父之敬以事君也。
公羊定公四年傳：「事君猶事父也，此其爲可以復讎奈何？」曰：「父不受誅，子復讎可也。」**何休解詁曰：**
「孝經曰：『資於事父以事君而敬同，』本取事父之敬以事君，而父以無罪爲君所殺，諸侯之君與王者，異於義得去，君臣已絕故可也。孝經云：『資於事父以事母，』莊公不得報讎文姜者，母所生雖輕於父，重於君也。」

【兼之者父也】王肅注：「言事父兼愛與敬也。」劉驥曰：「父情天獨尊無屈，故愛敬雙極也。」按此可以覘古代父系家族制度之倫理觀念。

【以敬事長則順】鄭注：「移事兄之敬以事於長，則爲順矣。」

【用天之道分地之利】鄭注：「春生夏長，秋斂冬藏，分別五土，視其高下也。」又：「若高田宜黍，稷下田宜稻麥，邱陵陂險宜種粱粟。」按即因天時地利以種植農作物也。

【故自天子至於庶人孝無終始而患不及者未之有也】明皇注：「患不及者，何患不及於己哉！」蓋以「患」作「憂慮」解，言天子庶人，始終各有孝道之分際，而憂患己之力不能及乎其孝之分際者，未

之有也。邢昺疏引倉頡篇謂「患」爲「禍患」，言孝無終始，禍患必及其身也。阮福義疏曰：「明皇之說非也。此患字所以作禍字解者，言孝須有始有終，孔曾之學，皆以防禍患爲先，故曾子曰：『君子患難除之。』又曰：『禍之由，生自熾熾也。是故君子夙絕之。』皆禍患及身之義也。」

【明王事父孝故事天明事母孝故事地察】明王猶言聖主，書說命：「明王奉若天道。」又旅獒：「明王盛德。」疏引王肅云：「王者，父事天，母事地。」謂聖人之德，明察天地，猶禮記中庸所謂「察乎天地，言其上下察也」之義。

【詩云自西自東自南自北無思不服】詩大雅文王有聲：「鎬京辟廡，自西自東，自南自北，無思不服。」鄭注：「義取德教流行，莫不服養從化也。」

【明王之以孝治天下也不敢遺小國之臣而況於公侯伯子男乎】此謂諸侯五年一朝，問王無恙，天子五年一巡狩以勞來也。太平御覽引鄭注：「古者，諸侯五年一朝，天子使世子郊迎芻禾百車，以客體待之；晝坐正殿，夜設庭燎，思與相見，問其勞苦也。」公羊莊公二十五年傳：「陳侯使女叔來聘，」何休注：「稱字敬老也；禮七十雖庶人，主孝而禮之。孝經曰：『昔者明王之以孝治天下也，不敢遺小國之仁。』是也。」

【治國者不敢侮於鰥寡而况於士民乎】禮記王制正義：「男子六十無妻曰鰥，女子五十無夫曰寡。」孝

經正義「士知義理」又「士丈夫之美稱」

【生則親安之祭則鬼享之】論語「子夏問孝子曰色難」孟子「舜盡事親之道而瞽瞍底豫」豫安也。皆生則親安之之義也。廣雅「享養也」祭統云「祭者所以追養繼孝也」蓋緣孝子之心畜養無已故於祭祀追而繼之。謚法「協時肇享曰孝」正合斯義也。

【詩云有覺德行四國順之】詩大雅抑篇「無競維人四方其訓之有覺德行四國順之」覺大也順訓也四國四方諸侯之國也在周皆謂管蔡商奄四國言有大德行則四方之國服從其教訓也。

【天地之性人爲貴】鄭注「貴其異於萬物也」阮福義疏「中庸曰『天命之謂性率性之謂道修道之謂教』蓋謂人之性卽味色聲臭安佚不率之以道則任放無節故曰修道之謂教卽孝經『人爲貴天性以孝爲教』之說也」

【周公郊祀后稷以配天】郊謂圜丘祀天也史記封禪書注引王肅曰「配天於東郊祀之」蓋后稷爲周之始祖故周公以祀天之禮祭之也。

【宗祀文王於明堂以配上帝】明堂之制禮明堂位月令篇周禮考工記大戴禮及蔡邕明堂論各說不同要爲古代明政教之堂凡祀上帝祭先祖朝諸侯養老尊賢關於大典禮者皆於此行之上帝鄭注「天之別名也」馬融傳「太乙之神在紫微宮天之最尊者」宗祀廟祭也此言祀祖故以文王配上帝以

別於祀天之以后稷配天也。

【夫孝天之經也地之義也】繁露五行對：「河間獻王問溫城董君曰：『孝經曰：『夫孝，天之經，地之義，何謂也？』』對曰：『天有五行，木火土金水是也；木生火，火生土，土生金，金生水，水爲冬，金爲秋，土爲季夏，火爲夏，木爲春；春主生，夏主長，季夏主養，秋主收，冬主藏。是故父之所生，其子長之；父之所長，其子養之；父之所養，其子成之；諸父所爲，其子皆奉而緒行之，不敢不致如父之意，盡爲人之道也。由此觀之，父授之子受之，乃天之道也，故曰夫孝者天之經也。』』王曰：『善哉！天經旣聞得之矣，願聞地之義。』對曰：『地出雲爲雨，起氣爲風，風雨者，地之所爲而不敢有其功，必上之於天，曰天風天雨；勤勞在地，名一歸於天，非至有義其孰能行？下事上，如地事天也；士者，火之子也；五行莫貴乎土，土之於四時無所命者，不與火分功名。木名春，火名夏，金名秋，水名冬，忠臣之義，孝子之行，取之士士者，五行最貴者也，其義不可以加矣。五音莫貴於宮，五味莫美於甘，五色莫盛於黃，此謂孝者地之義也。』王曰：『善哉！』

【則】法也。

【教不肅而成】鄭注：「孝悌忠信，民皆樂之。」言可不煩嚴肅而行也。

【非家至而日見之】言教不必家到戶至，日見而語之，但行孝於內，其化自流於外也。

【詩曰豈弟君子民之父母】詩大雅泂酌：「泂酌彼行潦，挹彼注茲，可以餌饁。豈弟君子，民之父母。」豈弟

同愷悌樂易也。

【教民禮順莫善於弟】順謂不逆也。弟同愷，善事兄長曰悌。

【移風易俗莫善於樂】樂感人情，故足移易風俗。聖人惡鄭聲之亂雅樂也。以此。

【敬一人而千萬人悅】孔傳：「一人謂父兄君；千萬人謂子弟臣也。」

【續莫大焉】釋文引鄭注：「復何加焉。」

【親生之膝下】謂親生之子依依膝下也。後世人子對於父母稱膝下，昉此。唐書高宗紀：「願得奉至尊居膝下。」

【其所因者本也】疏引鄭注：「本謂至孝也。」阮福義疏：「論語『君子務本，本立而道生』，孝弟也者，其爲人之本與！」曾子本孝篇：「忠者，其孝之本與！」卽「其所因者本也」之本字。」

【居則致其敬養則致其樂】論語爲政：「生事之以禮。」孟子：「曾子養曾晳，必有酒肉；將徹，必請所與；問有餘，必曰有。」曾子立孝篇：「飲食移味，居處溫愉。」大戴禮：「曾子養曾晳，常以皓皓，是以曾晳眉壽。」按皆居則致其敬，養則致其樂也。

【病則致其憂】鄭注：「色不滿容，行不正履。」按禮記文王世子：「文王之爲世子，朝於王，季日三；其有不安節，文王色憂，行不能正履。武王帥而行之，不敢有加焉。」文王有疾，武王不脫冠帶而養。」卽病則致其憂。

憂之義也。

【喪則致其哀】鄭注：「蹠踊哭泣，盡其哀情。」曾子大孝篇：「父母既沒，以哀祀之。」又立事篇：「居哀而觀其貞也。」又本孝篇：「死則哀以莅焉，祭則莅之以敬。」按皆喪則致其哀也。

【祭則致其嚴】鄭注：「齋戒沐浴，明發不寐。」禮記玉藻：「凡祭，容貌顏色，如見所祭者。喪容累累，色容款款，視容瞿瞿，梅梅，言容繭繭。」按卽祭則致其嚴也。

【居上不驕爲下不亂在醜不爭】醜，衆也。中庸：「居上不驕，爲下不倍。」倍者，背也，背近亂矣。論語曰：「其爲人也孝弟，而好犯上者鮮矣；不好犯上而好作亂者，未之有也。」禮曲禮：「在醜夷不爭。」按卽居上不驕爲下不亂在醜不爭之義也。

【五刑之屬三千而罪莫大於不孝】五刑：墨、劓、剕、宮、大辟也。釋文引鄭注：「科條三千，謂劓、墨、宮割、臏、大辟。穿窬盜竊者劓，殺傷人者墨，男女不以禮交者宮割，壞人門牆開人門閭者臏，手殺人者大辟。」此謂不孝之罪，聖人惡之，在三千條以外也。周禮掌戮云：「凡殺其親者焚之。」漢書匈奴傳：「王莽作焚如之刑。」應劭曰：「易有焚如死如棄如之言，莽依此作刑也。」如淳曰：「焚如死如棄如者，謂不孝子也；不畜於父母，不容於朋友，故燒殺之。」是不孝之罪，在五刑三千條以外也。

【要君者無上非聖人者無法非孝者無親】要，挾也；刼也，非侮也；反對也。謂要挾人君，是無上下之序；非侮

聖人是蔑棄禮法反對孝道是目無父母也

【進思盡忠退思補過】文選三良詩注：「死君之難爲盡忠。」孝經章注：「退居私室，則思補其身過。」又疏引韋注：「君有過則思補益。」按義得並通。

【將順其美匡救其惡】將，猶扶助也；救止也。言君有美善，爲臣者必當扶而進之，以底於成也。君有過惡，爲臣者必當匡正而救止之也。

【詩云心乎愛矣遐不謂矣中心藏之何日忘之】詩小雅隰桑之卒章也。鄭注：「遐，遠也；謂勤也；藏，善也。」禮記表記引此詩，「遐」作「瑕」。鄭注：「瑕之言胡也。」又詩南山有臺：「樂只君子，遐不眉壽。」棫樸：「周王壽考，遐不作人。」皆訓「遐不」作「何不」，則此亦以訓「胡」爲義近。「胡」「何」聲轉相通，「遐不謂矣」即「何不勤矣」之謂也。

【居家理故治可移於官】鄭注：「君子所居則化，故可移於官也。」按積家成國家爲國之雛型，故家政而能治理者，必可移其道以治民，此治國之必先齊家也。

【天子有爭臣七人】爭臣，諫諍之臣也。白虎通諫諍篇：「天子置左輔、右弼、前疑、後承、左輔主修政，刻不法；右弼主糺周言失傾；前疑主糺度定德經；後承主匡正常考變。故建三公序四諍，列七人，雖無道不失天下，仗羣辟也。」後漢書劉瑜傳引鄭注：「七人，謂三公及前疑、後承、左輔、右弼也。」

【諸侯有爭臣五人】疏引孔傳：「指天子所命之孤及三卿與上大夫。」王肅云：「三卿內史、外史五人也。」

【大夫有爭臣三人】疏引孔傳：「指家相、室老、側室。」王肅注：無側室而謂邑宰。

【令名】善名也。

【從父之令又焉得爲孝乎】荀子子道篇：「孝子所以不從命有三：從命則親危，不從命則親安，孝子不從命乃衷；從命則親辱，不從命則親榮，孝子不從命乃義；從命則禽獸，不從命則脩飾，孝子不從命乃敬。」禮內則：「父母有過，下氣怡色，柔聲以諫，諫若不入，起敬起孝，說則復諫。」按皆從義不從父之謂也。

【哭不憇】鄭注：「氣竭而息聲不委曲。」說文：憇作慄，痛聲也。

【禮無容】鄭注：「不爲趨翔，又：「觸地無容。」

【言不文】鄭注：「唯而不對也，又：「不爲文飾也。」

【服美不安】鄭注：「去文繡，衣衰服也。」

【聞樂不樂】鄭注：「悲哀在心，故不樂也。」

【食旨不甘】鄭注：「不嘗鹹酸不食粥。」

【棺槧衣衾】鄭注：「周尸爲棺，周棺爲槧。」又：「衾謂單，謂可以亢尸而起也。」

【簠簋】鄭注「方曰簠，圓曰簋，盛黍稷稻粱器。」又「簠簋祭祀受一斗二升。」

【撻踊】拊心曰撻，頓足曰踊，喪親哀痛貌。

【卜之宅兆而安厝之】孔傳：「宅，墓穴也；兆，塋域也；恐其下有伏石湧水泉，復爲市朝之地，故卜之。」厝亦作措；安置，安置也。

【爲之宗廟以鬼享之】鄭注：「宗，尊也；廟，貌也；親雖亡沒，事之若生，爲立宮室，四時祭之，若見鬼神之容貌。」

【春秋祭祀以時思之】鄭注：「四時變易，物有成熟，將欲食之，故薦先祖，念念若生，不忘親也。」

335 禮運篇 小戴禮記

題解

儒家之政治哲學，爲禮治主義，舉凡一切風俗、習慣、制度、文物，以及政治、法律、教育等，莫不包含於禮之一義之內。其作用，除養成一般人之倫理習慣以外，對於人生内心，又能養成美善之品性；對於國家社會，又能造成一種道德範疇，防止姦邪。禮記一書，本爲儒家言禮之專書，本篇論禮之流運，自發生以至大備，粲然畢具，以今語釋之，即「禮之進化」是也。

作者述略

見注釋第四冊學記。

注釋

【蜡賓】蜡音乍（ㄓㄚˋ）祭名，周曰蜡，秦曰臘，蜡索也；歲十二月，合聚萬物而索饗之也。蜡賓，助祭者也。

【觀】闕也。古宮門外兩臺曰象魏，懸法示人之處，其間無門，故曰闕；上有樓觀，故亦曰觀。

【言偃】字子游，春秋吳人；孔子弟子，列於文學之科。仕魯爲武城宰，其墓在今江蘇常熟縣西北虞山東麓。

【大道之行也四句】言上古大道之行於天下，與夫夏商周三代英俊之臣，所以得時行道之盛，我雖未及見而實有志於此也。一說：大道之行，言遠古之時；三代之英，言三代之盛；志記之書也，言雖未及親見古昔之事，而志記之書可披覽也。

【選賢與能】王引之經義述聞：「與當讀爲舉，大戴禮王言篇：『選賢舉能』是也。『舉』『與』古字通，楚辭九章：『與前世而皆然兮』，言舉前世而皆然也。墨子天志篇：『天下之君子與謂之不祥』，言舉謂之不祥也。」

【老有所終壯有所用幼有所長】老有所終，言老者皆得贍養以終其餘年也。壯有所用，言壯者不愛惜其力，以奉老幼也。幼有所長，言幼者皆得長養以成人也。

矜寡孤獨 矜同鰥老而無妻曰鰥，老而無夫曰寡，老而無子曰獨。

男有分女有歸 分職務權限也。歸嫁也。

謀閉而不興 謀姦邪詐欺之謀也。言奸謀閉塞，無自起也。

天下爲家 言視天下爲私有物也。或曰：天下之人，各私其家也。

貨力爲己 言藏貨於身，出力贍己也。

大人世及 大人，言天子諸侯也。世，父子相傳；及，兄終弟及。

以賢勇知以功爲己 言以勇知爲賢，以立功爲爲己也。

以著其義以考其信著有過刑仁講讓示民有常 著明也。考成也。著有過，謂民有罪，則據禮以明之也。刑，則也。刑仁，言民有仁者，用禮賞之，以爲則也。講讓，講求謙讓之美德也。常經也。

如有不由此者在勢者去衆以爲殃 言如有不由禮義者，雖在勢位亦必去；衆共認爲殃禍，必以罪排除之也。

相鼠有體人而無禮人而無禮胡不遄死 詩《鄘風》相鼠之篇也。相視也。遄，速也。一說：相鼠，視鼠而大能人立；體非身體，言禮體也。

禮必本於天殺於地列於鬼神 本於天，言本於天理之節文也。殺，效也。殺於地，言效於山澤高卑之勢，爲

上下之等也。一說殷錯雜也有分布之意，列排比次第也；列於鬼神，言取法度於鬼神也。

【達於喪祭射御冠冕朝聘】八者皆禮儀之名，俱是儀禮御爲「鄉」字之誤，卽鄉飲酒禮也。

【極言禮】極至也；極言禮，言論禮之極處也。

【我欲觀夏道是故之杞而不足徵也吾得夏時焉】道，卽言禮也。杞，春秋國名，周武王封夏後東樓公於杞，後爲楚所滅。地卽今河南杞縣。徵，證也。言杞之政治，不足取證也。蓋卽論語所謂「夏禮吾能言之，杞不足以徵也。」夏時，夏代定四時之書也。今大戴禮記有夏小正，卽依之而作者也。或謂夏時爲夏之麻法，非書之專名。

【我欲觀殷道是故之宋而不足徵也吾得乾坤焉】宋，春秋十二諸侯之一，爲微子所封地，殷之後也。地在今河南商邱縣，至戰國爲齊所滅。殷禮不足以宋爲取證，與上條同義，亦卽論語所謂「殷禮吾能言之，宋不足以徵也。」乾坤爲殷陰陽之書，曰乾坤鑿度，爲易緯八種之一。

【乾坤之義夏時之等吾以是觀之】等，序列也；言觀於乾坤之義理，夏時之序列，以知上代之禮也。

【燔黍捭豚】古代未有釜甑，燔黍，以黍米加於燒石之上，燔之使熟也。捭，分擘也。捭豚，分擘豕肉，加以燒石之上而熟之也。

【汙尊而抔飲】汙尊，掘地爲汙坎以盛水也，以手掬物曰抔，抔飲，掬水而飲也。

【蕡桴而土鼓】蕡，土塊也；桴，鼓槌；蕡桴，搏土塊爲擊鼓之槌也。土鼓，樂器。周禮：「籥章掌土鼓幽籥」。杜子春云：「土鼓以瓦爲匡，以革爲兩面，可擊也。」

【皋某復】皋，長呼之聲也。某死者之名也。復，歸來也。所以升屋而呼者，以魂氣在上也。

【飯腥而苴孰】生肉曰腥；熟肉曰孰。論語：「君賜腥，必熟而薦之。」飯腥，言以生肉（或云生稻米）納尸口使含之也。苴草苞也；孰同熟；苴孰，言以包裹熟肉而奠之也。

【天望而地藏】天望，言始死望天而招魂也；地藏，言埋藏尸體於地中也。

【死者北首生者南鄉】言死者之頭向北，生者之居向南也。鄉同向。

【皆從其初】言後世所行，皆從古初所有之禮也。

【營窟】累泥土以爲窟穴，或穴山作室也。

【楨巢】楨，聚薪也。上古之民，未有宮室，夏則聚薪柴而居其上，如鳥之巢，是謂楨巢。一說楨或作增，卽後世層字，言爲巢於木，累數層也。

【茹其毛】茹食也；古時生食禽獸，去毛而啖，去毛不能盡，卽併食之，故曰茹毛。

【范金合土】范金，爲型範以製金屬之器也。合土，和合泥土爲陶器也。

【以炮以燔以亨以炙以爲醴酪】炮，裏而燒之也。燔，加於火上也。亨，卽烹，煮之於鑊也。炙，貫串而置之於火。

上醴，酒也。酪，醋也。

【皆從其朔】朔，初也。言後世生事皆取法古初也。

【玄酒】水也；以其色黑，謂之玄。太古無酒，用水行禮，後王重古尊其名曰玄酒。

【醴醕】醴，甜酒也；釋名：「釀之一宿而成醴，有酒味而已。」醕，酒濁而微清，作葱白色者。

【粢醍】酒成而紅赤色也。

【澄酒】酒成而淳沉也。

【陳其犧牲備其鼎俎】陳，列也。犧牲，牛羊豕之屬以祀神者。鼎，食器，范銅爲之，三足兩耳。俎，禮器，古祭祀燕享用以薦牲者。此言陳列祭品，熟者盛於鼎，腥則盛於俎也。

【脩其祝嘏】古者祭祀皆有尸，以卑幼者爲之居神之位，祝爲神體。祝，主人告神之辭；嘏，尸致福於主人之辭也。

【祝號】古司祝之官——祝史，稱物之尊名，如祖曰皇祖，牛曰一元大武之類，以告鬼神，是謂祝號。

【與其越席疏布以幂】越席，蒲席也。疏布，麤布也。幂，音覓，覆食之巾。此言以蒲席粗布蓋覆食物也。

【潛帛】言祭服，以練染之帛製之也。

【君與夫人交獻】行禮時，第一君獻，第二夫人獻，第三君獻，第四夫人獻，故云交獻。

【以嘉魂魄是爲合莫】嘉樂也；言以上所稱祭祀之禮，以嘉樂死者之魂魄也。莫，冥漠也；合莫，言生人與神靈契合於冥漠之中也。

【退而合亨】言祭畢而退，取所薦陳之牲肉，合而烹煮之，使熟而可食也。

【體】分別骨肉之貴賤，以爲衆俎，用供尸及待賓客兄弟等也。

【簠簋籩豆鉶羹】簠音甫（ㄈㄨˇ），內圓外方，盛稻梁之器也。簋音晷（ㄍㄨˋ），外圓內方，盛黍稷之器也。籩豆二者，形製相同，竹曰籩，以盛菹；木曰豆，以盛肉。鉶音刑（ㄊㄧㄥ），如鼎而小，盛羹之器也。

【我觀周道幽厲傷之吾舍魯何適矣】幽，厲，周之暴君也。幽王名宮涅，以嬖褒姒，召犬戎之禍，被弑驪山。厲王名胡，監國人之謗，國人共畔之，出奔彘。此言周之儀禮法則，爲幽、厲所傷壞，惟魯爲周公之後，略有存

者，舍魯無可觀也。

【魯之郊禘非禮也】郊，祭天地也；禘，祀祖之大祭也；二者皆天子行之。魯以諸侯而行天子之郊祭，故孔子以爲非禮。

【杞之郊也禹也宋之郊也契也是天子之事守也】禹，杞之始祖；契，宋之始祖；言杞亦郊天，配之以禹，宋亦郊天，配之以契，而郊者是天子之所守，明杞、宋亦非禮也。

【諸侯祭社稷】社，土神；稷，穀神；孝經：「然後能保其社稷而和其民人。」社稷，即以代表國家，諸侯所應祭

也。

【祝嘏莫敢易其常古是謂大假】假讀若嘉，善也。言祝嘏之辭，古有常訓，莫爲更易，則禮之大善者也。
【祝嘏辭說藏於宗祝巫史非禮也是謂幽國】宗祝、巫史皆古時掌祭祀祝嘏之執事者。言棄去古時祝嘏辭說不用，藏於宗祝巫史之家，而更易古禮，自爲辭說，是必幽闇之國也。

【醜辱及尸君非禮也是謂僭君】醜亦作殘，夏爵也。辱音嫁（ㄐㄧㄚˋ），殷爵也。及尸君者，君以獻尸而尸以酬君也。醜辱，皆先代之器，惟天子用之，乃諸侯而亦用之，故謂之僭禮之君也。

【冕弁兵革藏於私家非禮也是謂僭君】冕袞冕也；弁，皮弁也；皆國君之尊服。兵革爲國君之武衛，乃皆藏之大夫之私家，則君必爲見辱於臣之君矣。

【大夫具官】諸侯有三卿，有五大夫，若大夫則家臣之長惟宰，而不得如諸侯之有三也。宰之下有宗人、司馬、司士（見禮少牢）而不得如諸侯之有五也。具官者，謂仿諸侯三卿五大人之制而備設之也。

【祭器不假聲樂皆具】四命之孤得備祭器，周禮大宗伯「四命受器」是也。三命大夫，祭器造而不備，必假而後足也。聲樂皆具，謂聲之八音皆備也。大射禮無柷敔及墳，八音闕其二；大射乃諸侯用樂之輕者，八音尚不得具，則大夫可知也。此所稱均得其反。

【仕於公曰臣仕於家曰僕】臣者對君之稱，故仕於公曰臣，而諸侯稱君。僕者對主之稱，故仕於家曰僕，而

大夫稱主。此言公臣與家臣，貴賤殊也。

【三年之喪與新有昏者期不使】三年之喪，父母之喪也。謂有三年之喪與新婚者，則期年之內，不使之以事也。蓋喪不貳事者，禮也。期年得出使者，權也。期年之內，無出使之禮也。昏同婚，期卽週歲。

【以衰裳入朝與家僕雜居齊齒】衰裳，喪服也。齊齒，齊同齒列也。以喪服入朝者，大夫擅國政，居喪不復守禮，故以喪服入於朝，而治事不待期年也。大夫強則陪臣尊，故朝廷之臣，與之相雜而處，而齊同齒列也。君與臣同國】言其上陵下替，而政柄不出於一也。蓋君被劫脅，國法紊亂，則其勢之所極，必至於上失操柄而下移於臣也。或曰「國」爲「惑」字之譌，言君臣均不得辭惑亂之咎也。

【天子有田以處其子孫】田，謂九州之田也。處，位置而區處之，使各得其所。卽天子封建子孫爲諸侯之義也。

【大夫有采】漢書：「此卿大夫采地之大者也。」注：「采，官也；官因地而食，故曰采地。」按卽采邑，卿大夫所封之邑，收其租入以爲俸祿者，亦曰食邑。

猶有敬焉，自拱飭也。」舍居之也。

【禮者君之大柄也】柄者，所執以治物者也。人君執禮以治國，猶匠人執斧斤之柄以治器也。

【別嫌明微】嫌者，事之淆雜；禮以別之，而嫌者辨矣。微者，事之細小；禮以明之，而微者著矣。

【儕鬼神考制度別仁義】接賓以禮曰儕；鬼神者，天地社稷山川之屬；禮以儕而接之，而幽明通矣。別度者，宮室車旗衣服等；禮以考而正之，而貴賤辨矣。仁主於慈愛，義主於斷制，以禮別而用之，而刑賞黜陟當矣。

【大臣倍小臣竊】倍，悖也；大臣悖逆而犯上，如魯季氏之逐君是也。大臣既倍其君，則小臣亦盜竊國政，若魯陽虎專政，因季桓子是也。

【刑肅而俗敝則法無常】肅，峻急也。言政出於下，人心不服，則以嚴刑峻法以肅之；於是民志不定，上下乖離，而風俗敝壞，舊法不足以防姦，而至於更張無常也。

【法無常而禮無列】列，等列也。古者，禮以治君子，法以治小人，法者所以輔禮之不足，本以無禮而至於法無常，而法無常則禮益無等列，蓋其彼此相因之勢然也。

【士不事】謂上無禮則下無學，故士皆游談而不事事也。

【疵】病也。

【政者君之所藏身也】藏，託也；藏身，謂身之所託以安也。或曰：謂人君施政於外，人止見其政，不見其人也。或曰：政必本於天，穀以降命。穀，效也；命，政令也；謂效法乎天，以施降其政令也。或曰：穀，紛雜也；言人君所行之

政必本於天，紛紛然降下之政令，即是政也。

【命降於社之謂殷地】社，地神也。卽地也。指其神謂之社，指其形體謂之地。命降於社，謂政令降於地也。殷地，謂效法於地之德也。或以殷訓紛，言地之所產，至紛雜也。

【降於祖廟之謂仁義】自仁率親，自義率祖，故仁義出於祖廟；蓋言祖廟之設，本仁而合義也。

【降於山川之謂興作】言山川有草木禽獸，政令降於山川，則有種種之興作也。

【降於五祀之謂制度】小學紺珠：「五祀之名，其說有五：（一）句芒、蓐收、玄冥、祝融、后土。（二）門、行、戶、竈、中雷。（三）司命、中雷、門、行、厲。（四）門、井、戶、竈、中雷。（五）禱、郊、宗、祖、報。」集解：「五祀，五行之神，左傳：『社稷五祀，是尊是奉』；周禮大宗伯：『以血祭祭五祀』是也。五行者，見象於天爲五星，分位於地爲五行，行於四時爲五德，稟於人爲五常，播於音律爲五聲，發於文章爲五色，散於飲食爲五味，是天下之制度，莫不本之，故制度出於五祀。」

【聖人參於天地並於鬼神】猶中庸「建諸天地，質諸鬼神」之意。言聖人效法於天地鬼神而參擬之，比並之，以求其合也。

【處其所存禮之序也，玩其所樂民之治也】言天地鬼神之道，具於吾身，是聖人之所存也；有以處之，而率履不越，則禮無不序矣。天地鬼神之道，見於政治，是聖人之所樂也；有以玩之，而鼓舞不倦，則民無不治。

矣。

【天生時而地生財人其父生而師教之】言天生四時，地生貨財，人則父生之而師教之也。

【四者君以正用之】言人君正己修德，而後用天時地財，兼總父師之任也。

【君者所明也非明人者也】明，猶尊也。或曰明取以爲明也。言君者人所取以爲明者也，非取於人以爲明者也。質言之，卽君者當爲人所取法，不當取法乎人也。明一作則。

【君者所養也非養人者也】養，供養也；所養，謂爲人所供養，養人謂供養人。質言之，卽君爲食於人者而非食人者也。

【君者所事也非事人者也】事，奉事也；所事，謂役人事人，謂役於人也。

【禮達而分定】爲人所明所養所事者，君之分也；明君養君事君者，民之分也；禮由分出，分以禮顯，禮達則分自定也。

【愛其死而患其生】禮達分定，則人皆知尊君親上，愛其死而患其生。蓋合禮而死，則死賢於生，違禮而生，則生不如死也。

【用人之知去其詐用人之勇去其怒用人之仁去其貪】詐，巧言也；近乎知，怒，敢爲也；近乎勇，貪，多愛也；近乎仁。三者俱爲氣質之偏，惟禮達分定而民知嚮方，則有去其氣質之偏而全其德性之美。故用人之知

而能去其詐，用人之勇而能去其怒，用人之仁而能去其貪也。

【君死社稷謂之義大夫死宗廟謂之變】集解：「國君與社稷共存亡，故死社稷者謂之義。大夫得罪於君，則當出亡，若致死以守宗廟，則謂之變。若鄭之伯有晉之變，盈是也。蓋大夫死宗廟，乃誤用其勇而致怒者，惟不明於上下之分故也。」或曰：「變當爲辨，正也。」

【聖人耐以天下爲一家以中國爲一人】耐能也。言天下雖遠，而民之親其君，不啻父子兄弟之相親愛，如一家之人；中國雖大，而下之趨上，不啻手足頭目之相捍衛，如一人之身。

【非意之也】意之者，以私意測度也；謂實知其理之所以然，非以私意測度也。

【必知其情辟於其義明於其利達於其患然後能爲之】情人情也。辟同闢，開也。通也。言聖人於人之情義利害，知之無不明，處之無不當，故能以天下爲一家，中國爲一人也。

【何謂人情喜怒哀懼愛惡欲】左傳昭公二十六年：「人有六情：喜、怒、哀、樂、好、惡。」此以「欲」易「樂」。

「愛」易「好」，而增一「懼」爲七。蓋人值所好則喜，值所惡則怒，得所愛則樂，失所愛則哀，而於所怒所哀之將至未至也，則懼，故總之爲四，析之爲六，又析之則爲七也。

【何謂人義父慈子孝兄良弟弟夫義婦聽長惠幼順君仁臣忠】陳祥道曰：「父慈、子孝、兄良、弟弟、夫義、婦聽，閨門之義也。長惠、幼順，鄉黨之義也。君仁、臣忠，朝廷之義也。」集解：「先父子而後兄弟、夫婦，先尊而

後卑也。先兄弟而後夫婦，先天合而後人合也。先閨門而後鄉黨，先鄉黨而後朝廷，先近而後遠也。」

【治入七情脩十義講信脩睦尚辭讓去爭奪舍禮何以治之】情不治則亂，義不治則壞，信睦非講且脩則廢，爭奪非尊尚辭讓而不能去，此四者非禮則無以治之也。

【欲惡者心之大端也】情者，心之所發；心者，情之所具，情雖有七而喜也、愛也，皆欲之別也；怒也、哀也、懼也，皆惡之別也，故情七而欲惡可以賅之。故曰：欲惡者心之大端也。

【欲一以窮之舍禮何以哉】一以窮之，言用一道以極盡其端也。蓋人之欲惡不可見，惟禮可以窮之，見其所爲之悖禮，則知其情之美矣；見其所爲之悖禮，則知其情之惡矣。

【人者其天地之德陰陽之交鬼神之會五行之秀氣也】集解：「天地之德以理言，陰陽鬼神五行以氣言，人兼理與氣而生。」周子（周敦頤）所謂『太極之真，二五之精，妙合而凝』也。魂者神之盛，魄者鬼之盛，陰陽之交，指其氣之初出於天地者而言；鬼神之會，指其氣之已具於人身者而言。天地之生人物，皆予之理以成性，賦之氣以成形，然以理而言，則其所得於天者，人與物未嘗有異；以氣而言，則惟人獨得其秀也。」

【天秉陽垂日星地秉陰竅於山川】秉持也，垂，在上而照臨乎下也，竅孔也在下而通氣乎上也。言日星從天而屬陽，山川從地而屬陰也。

【播五行於四時】五行，金、木、水、火、土也。四時，春夏秋冬也。播分也。播五行於四時者，春爲木，夏爲火，秋爲金，冬爲水，而土則分寄於四季也。

【和而后月生也】言四時分爲十二月，而月弦望晦朔於其中，五行之氣和，則四時之序順，而月之弦望晦朔，無不應期而生矣。

【三五而盈三五而闕】三五，十五日也。三五而盈，自朔以至望，月漸以盈也。三五而闕，自望以至晦，月漸以闕也。

【五行之動迭相竭也】動，運轉也；竭，終也。言五行運轉，迭相終始，如水王則金竭，木王則水竭，蓋卽五行生尅之說也。

【五行四時十二月還相爲本也】還相爲本，謂循環週始也。五行各以其王（同旺）者爲本，春木王，夏火王，秋金王，冬水王，四時之季土王。謂五行之於四時十二月，各有其本，而迭相推運，周而復始也。

【五聲六律十二管還相爲宮也】五聲，宮、商、角、徵、羽也。六律，謂陽律黃鍾、太簇、姑洗、蕤賓、夷則、亡射也。十二管，謂陽律合陰呂——大呂、夾鐘、中呂、林鐘、南呂、應鐘六管也。還相爲宮，謂五聲十二管可更迭爲宮也。

按孔氏說：「十二管更相爲宮，以黃鐘爲始，至中呂而畢，隨其相生之次，每管各自爲宮，各有五聲。黃鐘爲第一宮，下生林鐘爲徵，上生太簇爲商，下生南呂爲羽，上生姑洗爲角。林鐘爲第二宮，上生太簇爲徵，

下生南呂爲商，上生姑洗爲羽，下生應鐘爲角。太簇爲第三宮，下生南呂爲徵，上生姑洗爲商，下生應鐘爲羽，上生蕤賓爲角。南呂爲第四宮，上生姑洗爲徵，下生應鐘爲商，上生蕤賓爲羽，下生大呂爲角。姑洗爲第五宮，下生應鐘爲徵，上生蕤賓爲商。上生大呂爲羽，下生夷則爲角。應鐘爲第六宮，上生蕤賓爲徵，下生大呂爲商，下生夷則爲羽，上生夾鐘爲角。蕤賓爲第七宮，上生大呂爲徵，下生夷則爲商，上生夾鐘爲羽，下生無射爲角。大呂爲第八宮，下生夷則爲徵，上生夾鐘爲商，下生無射爲羽，上生中呂爲角。夷則爲第九宮，上生夾鐘爲徵，下生無射爲商，上生中呂爲羽，下生黃鐘爲角。夾鐘爲第十宮，下生無射爲徵，上生中呂爲商，上生黃鐘爲羽，下生林鐘爲角。無射爲第十一宮，上生中呂爲徵，下生黃鐘爲商，下生林鐘爲羽，上生太簇爲角。中呂爲第十二宮，上生黃鐘爲徵，下生林鐘爲商，上生太簇爲羽，下生南呂爲角。」

【五味六和十二食還相爲質也】五味，酸、苦、辛、鹹、甘也，以滑調之。（按「調以滑甘」見周禮，滑謂不凝滯也。）是爲六和。十二食，六穀、六牲也；或曰十二月之所食也。質，猶本也。言各味各物，均可互取以爲本也。【五色六章十二衣還相爲質也】五色，青、赤、黃、白、黑也；加以「天玄」爲六章。考工記：「東方謂之青，南方謂之赤，西方謂之白，北方謂之黑，天謂之玄，地謂之黃。」十二衣，日、月、山、龍、華蟲、宗彝、藻、火、粉米、黼黻也。或曰十二月之所衣也。還相爲質，言繢繩繡之事，配色者可互爲文質也。

【人者天地之心也五行之端也】言人在天地中爲萬物之最靈，可以參贊天地，故謂天地之心也。萬物皆由五行而生，而人獨秉其全，發爲仁義禮智信，然後其端緒可見也。

【食味別聲被色而生】五味六和，物不能備也；而人則盡食之。五聲六律，物不能辨也；而人則盡別之。五色六章，物不能全也；而人則盡被之。故曰食味別聲被色而生也。

【聖人作則必以天地爲本以陰陽爲端以四時爲柄以日星爲紀】則法也；以天地爲本者，道之大原出於天，聖人之所效法，莫非天地之道也。端首也；以陰陽爲端者，仁育萬物，法陽之溫，義正萬民，法陰之肅。聖人之政治，以二者爲端首也。柄者，工之所執也；以四時爲柄者，四時有生長收藏，聖人執而用之，以爲農政之順序也。紀綱紀也；以日星爲紀者，歲有四時而日星運行其間，若綱之有綱而又有紀，聖人因之以爲綱紀也。

【月以爲量】量計也；十二月各有分限，聖人因之以爲量，孟春則有孟春之政，仲春則有仲春之令也。

【鬼神以爲徒】言明則有禮樂，幽則有鬼神，聖人之功用，與天地之功用，並行迭運，若相爲徒侶也。

【五行以爲質】言聖人利用厚生，制器取材，無非以金木水火土爲質幹也。

【禮義以爲器人情以爲田】言聖人用禮義治人情，猶農夫用耒耜之器以耕田也。

【四靈以爲畜】四靈見下文。言至德盛治，同四靈益至，聖人養之，若養六畜然也。

【舉】生也；興也。

【以陰陽爲端故情可睹也】言人與陰陽相通，法陰陽，故人情可睹也。

【以四時爲柄故事可勸也】春生、夏長、秋收、冬藏，隨時無失，故民不假督勵而事皆勸勉也。

【以日星爲紀故事可列也】列次第也；敬授人時各有早晚，故事可次第陳列也。

【月以爲量故功可藝也】藝，猶才也；言按月程課，則人竭其才之所長而爲功也。或曰：藝謂事之分限；月以爲量，則十二月之政各有分限，而不相踰越矣。

【鬼神以爲徒故事有守也】事有守，言事無失其職守也。蓋鬼神體物不遺，以鬼神爲徒，則事皆有所循以守矣。

【五行以爲質故事可復也】復者，終而復始之意；五行循環迭運，生尅相制，以五行爲質，則事之已終者可復矣。

【禮義以爲器故事行有考也】考成也；以農器治田，則農功成，以禮義治人，則事行成也。

【人情以爲田故人以爲奧也】奧，猶主也；田無主則荒廢，故用人爲主。聖人以人情爲田，而其情不至於荒廢，故人以爲奧。

【四靈以爲畜故飲食有由也】四靈爲羣物之長，既爲聖所畜，則其屬並隨而至，得以充庖厨，故飲食有由。

也。

【魚洧不滌】鮪，魚名；鱠屬滌音（戶_レ）水中驚走也。魚鮪從龍，龍既爲畜，其屬見人不驚走。

【猶】音血（丁口_セ），驚飛貌。

【犧】音月（丁口_セ），獸之驚走貌。

【龜以爲畜故人情不失】龜可以卜吉凶，故知人情。既來爲人畜，則知人情善惡，人各守其行，其情不失矣。

【蓍龜】蓍草名；古者用以爲筮。龜用以卜，皆以決疑。

【瘞繪】瘞，埋牲也；繪，幣帛也。古者瘞帛以降神，地祇之祭也。

【制度】城郭宮室車旗之屬也。

【官有御事有職禮有序】御治也；言官各治其事，事各歸其職；行禮又各有其次序也。

【祭帝於郊所以定天位也】帝卽指天，尊天，故祀之於郊，定天位，所謂祀於南郊，就陽位也。

【祀神於國所以列地利也】社，土神也；親地，故祀之於國中；列地利者，陳列其養人之功而報之也。

【祖廟所以本仁也】祭祖於宗廟，謂本於仁恩之意也。

【宗祝在廟三公在朝三老在學】言王者在宗廟則委於宗祝，在朝廷則委於三公，在學則委於三老。按宗祝，掌祭祀之官也。周之三公爲太師太傅太保，見尙書。古天子設三老五更，以父兄之禮養之，蔡邕以三

老爲三人，鄭玄以三老爲一人，知三德五事者也。

【王前巫而後史卜筮瞽侑皆在左右】瞽，樂人也；侑，四輔主規諫者也。言在王前後左右者，巫以卻其不祥，史以記其言動，卜筮以助其明智，瞽侑以導其中和，無非所以格其非心而納諸軌物也。

【百神受職】百神，天之羣神；受職，各率其職也。

【百貨可極】極，盡也；謂百貨可盡得其用也。

【孝慈服】服，服行也；言天下化之而服行孝慈之道也。

【正法則】言法則得其正也。

【義之脩而禮之藏】脩者，禮也；義因禮而見，故曰義之脩。藏者，義也；禮因義而起，故曰禮之藏。或曰：脩，脩飾其節文也；藏，含藏其妙運也。

【禮必本於大一】大一，謂天地未分之初也。蓋大者極至之名，一者不貳之意。大一者，上天之載，純一不貳，而爲理之至極也。

【其降曰命其官於天】其降曰命，者言天理之流行，而賦於物者，則謂之命，所謂「天命之謂性」也。官，主也；其官於天者，言此所降之命，莫非天之所主，所謂「道之大原出於天」也。

【動而之地列而之事】動而之地，言禮動而有所之，則體國經野，分田授邑，闢土作室，築城鑿池，道路溝洫，

皆地利也列而之事言禮之分列燦陳陳官列職所謂事也

【變而從時協於分藝】協合也。分權限也。藝，才具也。變而從時，言或損或益之各有所宜也。協於分藝，言大事小事之各稱其職也。

【其居人也曰養】言禮之在人，所以養其身心，而非以煩苦天下也。

【其行之以貨力辭讓飲食冠昏喪祭射御朝聘】貨力飲食，行禮之具；辭讓，行禮之文；冠昏喪祭射御朝聘，行禮之事。御，仍爲「鄉」之誤，同前。

【固人之肌膚之會筋骸之束】言肌膚筋骸四者，聚而爲身，有禮則莊敬，日強惰慢邪僻之氣，無自而入，而肌膚之會，筋骸之束，自此固矣。

【寶】孔穴之可出入者也。由於禮則通達，不由禮則窒塞，故以人情之大寶喻禮也。

【禮之於人也猶酒之有漿也君子以厚小人以薄】漿，麴也；所以釀酒。禮，所以成人。猶漿，所以成酒。漿厚則酒醇而美，猶君子之厚於禮也；漿薄則酒醨而惡，猶小人之薄於禮也。

【義起】酌於義而創爲之也。

【義者藝之分仁之節也】藝，以事言，仁，以心言，事之處於外者，以義爲分限之宜，心之發於內者，以義爲品節之度也。

【協於藝講於仁得之者強】協於藝者，合於事理之宜也。講於仁者，商度其愛心之親疏厚薄而協合乎行事大小輕重之宜，一以義爲之裁制焉。上好義，則民莫敢不服，故得之者強。

【仁者義之本也順之體也得之者尊】仁者本心之全德，故爲義之本，是乃百順之體質也。體仁足以長人，故得之者尊。上文言「禮者義之實」，此言「仁者義之本」，實以散體言，本以全體言，同一理也。吳澄曰：「順乎天理，略無違逆，中節之和也。由全體之中，發爲中節之和，全體之中，仁也；大用之和，順也。」見《禮記集解》。

【故治國不以禮……猶食而弗肥也】集解引吳澄曰：「此反解上文而以順爲極也。治國謂治一國之人情，合之以仁，謂合聚衆理於一心；仁而未能安，是猶與仁爲二也；成於樂而安於仁，則與仁爲一矣。仁者體之全於內，順者用之達於外，仁之體雖全而順之用未達，猶內腹雖充而外體未肥，故必達於順而後爲禮義治情之極功也。」

【天子以德爲車以樂爲御】車以載物，天子之德，所以容載天下，故曰以德爲車。樂以導和，而感人爲深，天子之德，所以無所不達者，賴有樂以導之，猶車之恃御以行也，故曰以樂爲御。

【大順】卽順天道達人情之意也。

【事大積焉而不可苑】苑音鬱（口），膠滯也。集解引陳澔曰：「以大順之道治天下，則雖事之大者積疊

在前，亦不至於膠滯。」

【並行而不繆細行而不失】繆舛謬也。細行謂一顰一笑之微是也。此言事之不同者，一時並行，亦不至外謬；雖小事所行，亦不以微細而有失也。

【深而通茂而有間】茂盛多也；間謂有中間也。盛多易雜，而言有間，則條理仍秩然。且兩物連接而相及，則有彼此之爭。兩事一時而俱動，則有利害之爭。惟其有間，則不相及，即不相害，而無所爭矣。故下言「連而不相及也，動而不相害也。」

【不豐也不殺也所以持情而合危也】殺音（戶死），減損也。持情，維持其情也。合危，不使其危也。言禮制不同，宜儉者不可豐，宜隆者不可殺，所以維持人情，不使驕縱，不使危亂也。

【順山者不使居川不使渚者居中原而弗敝也】小洲曰：渚，高平曰原。山者利其禽獸，渚者利其魚鹽，中原利其五穀，使各安其所，不易其利以勞敝之也。

【膏露】猶甘露也。

【醴泉】言泉味甘如醴也。

【山出器車】器謂若銀甕丹瓶也。禮緯斗威儀：「其政太平，山車垂鈞。」注：「山車，自然之車；垂鈞，不揉治而自圓曲。」一說器車皆山中所產之物成之，故云然也。

【河出馬圖】伏羲氏王天下，龍馬負圖出於河，遂則其文，以畫八卦。又尚書中候：「帝堯卽政，龍馬銜甲，赤文綠色，有帝王錄，紀興亡之數。」禮：「河出馬圖」疏：「龍而形像馬，故云馬圖，是龍馬負圖而出。」

【鳳皇麒麟皆在郊櫟】櫟音（ㄓㄨˋ），聚草也。鳳皇麒麟，爲鳥獸之靈，非聖人之世不出。今出於郊野叢薄之間，是聖人之瑞也。

【則是無故】作「是無他故」解。

672 國學季刊宣言 胡適

題解

宣言，宣布其言於衆也；凡宣示政治上之意見，主義上之旨趣，以及學術上之見解者，皆曰宣言。蓋新創之文體也。國學季刊爲整理國故之一種定期刊物，北大出版，作者時爲北大教授，主持其事，故發此宣言。

作者述略

見第三冊注釋論短篇小說。

注釋

【靜坐扶乩】靜坐，爲道家修養之靜功，謂靜坐運氣，可以入道，如北平同善社、悟善社等，都創是說。蔣維喬

著因是子靜坐法，卽其一流扶乩，本作扶箕，見夷堅志。今術士以盤盛沙，上置形如丁字之架，懸錐其端，左右兩人扶之，謂神降則憑之，以畫沙作字，示人吉凶，俗亦謂之扶乩。按皆迷信之舉也。

【乾嘉】清乾隆、嘉慶、高宗、仁宗年號也。當公元一七三六至一八一九年。

【崔述】字武承，號東壁，清大名人。乾隆舉人，官羅源知縣。其學考據詳明，如漢儒而未嘗墨守舊說；辨析精微，如宋儒而未嘗空談虛理。著書三十四種，《考信錄》一書尤爲生平心力所注。

【戴震】字東原，清休寧人。乾隆舉人。少從婺源江永游，凡禮經制度名物及推步天象，皆洞澈原本。既乃精究漢儒傳注及說文，由聲音文字以求訓詁，由訓詁以求義理，實事求是，不主一家。四庫館開，薦充纂修，旋賜同進士出身，授庶吉士，卒於官。著有《東原文集》等數十種。所校《大戴禮記》、《水經注》，尤精核。

【段玉裁】字若膺，一字懋堂，清金壇人。乾隆舉人，官巫山知縣。引疾歸師，休寧戴震講求古義，尤精小學。著《有說文解字注》、《六書音均表》、《周禮儀禮漢讀考》、《古文尚書撰異》、《毛詩訓詁傳》、《經韻樓集》等。

【王念孫】字懷祖，學者稱石臞先生，清高郵人。乾隆進士，官至永定河道，罷歸。少受業於戴震，通聲音文字訓詁之學，分古韻爲二十一部，爲段顧諸家所未及。撰《廣雅疏證》，凡漢以前古訓，皆搜括而通證之。尤精校讎，著《讀書雜誌》，正古書傳寫之誤。

【阮元】字伯元，號芸臺，儀徵人。乾隆進士，官至體仁閣大學士，加太傅。歷官中外，所至以提倡學術自任。在

史館倡修儒林傳，在粵倡設學海望，在浙倡設詁經精舍。又輯經籍纂詁，較刊十三經注疏，彙刊學海堂經解等書。所著曰研經室集、卒謚文達。

【王引之】念孫子，字伯申，嘉慶進士。傳父聲音訓詁之學而推廣之，作經義述聞、經傳釋詞等書，精博過惠戴二家。累官工部尚書，卒謚文簡。

【錢大昕】字曉徵，號辛楣，又號竹汀，清嘉定人。乾隆進士，累官少詹事、督學廣東，丁艱歸，歷主鍾山、婁東、紫陽書院。精研羣籍，於經史、文義、音韻、訓詁、典章、制度、氏族、地理、金石、畫像、篆隸，無不洞悉；兼通中西歷算。著有經典文字考異、廿二史考異、通鑑注辨正、三統術衍、疑年錄、恆言錄、養新錄、竹汀日記鈔、潛研堂詩文集等數十種。

【趙翼】字雲菘，號甌北，清陽湖人。乾隆進士，殿試第三，授編修。累官貴西道，佐兩廣總督李侍堯幕，告歸後，主講安定書院。詩與袁枚、蔣士銓齊名。尤精史學，著有二十二史劄記、武功紀盛、陔餘叢考、甌北詩集、簷曝錄記、十家詩話。

【王鳴盛】字鳳喈，號禮堂，又號西莊，晚號西沚，清嘉定人。乾隆進士，累官內閣學士，兼禮部侍郎，遷光祿寺卿，告歸。治經以漢人爲師，撰尚書後案、專宗鄭注治史、撰十七史商榷、蛾術編、詩學盛唐、古文亦負重名。著有耕養齋集、西沚居士集。

【洪亮吉】字稚存，號北江，清陽湖人。少孤，資館穀以養母。舉乾隆進士，授編修，督學貴州。嘉慶時，以上書指斥戌伊犁，尋赦還，自號更生居士。於書無所不窺，尤精輿地學，詩文有奇氣。其後沉研經史，與孫星衍論學相長，稱孫洪著有北江全集。

【俞樾】字蔭甫，號曲園，清德清人。道光進士，官編修，提督河南學政。罷官歸，一意治經，以高郵王氏爲宗。由經以及諸子，大要在正句讀，審字義，通古文假借。自少至老，著述不倦。主講杭州詁經精舍，凡三十一年，爲一時樸學之宗。著有春在堂全集，凡五百餘卷。

【孫詒讓】字仲容，清瑞安人。同治舉人，官刑部主事，簽分未久，引疾歸。窮經著書，垂四十年。光緒間，吏部尚書張百熙、兩湖總督張之洞交薦，皆不出。著有周禮疏、古籀拾遺、契文舉例、周書斠補、尙書駢枝、經遂札、述林、周禮政要、永嘉郡記等。尤以墨子閒詁一書，直抉墨學之微，爲後代治墨者之圭臬。

【邵晉涵】字興桐，一字二雲，清餘姚人。乾隆進士，歸部銓選，四庫館開，特旨改庶吉士，充纂修官，累官至侍讀學士。博聞強識，四部七錄靡不研究，尤長於史。著有南部事略、爾雅正義、孟子述義、穀梁古注、韓詩內外傳考、方輿金石編目、輶軒日記、南江詩文集等。

【郝懿行】字恂九，號蘭皋，清棲霞人。嘉慶進士，官戶部主事。潛心著述，深於名物訓故之學。著有易說、詩說、鄭氏禮記箋、爾雅義疏、春秋說略、山海經箋疏、竹書紀年校正、晉宋書故、燕子春秋等。

【錢繹】初名東墉，字以成，一字小廬。清嘉定人。大昕之猶子也。諸生少承家學，善真行篆籀，尤邃於學。著有十三經斷句攷、方言箋疏、釋大釋小等。

【王筠】字貫山，號菉友。清安丘人。道光舉人。官山西寧縣知縣。博涉經史，尤深說文之學。所著說文句讀折衷段玉裁、桂馥之說，獨闢門徑。論者稱二家之勁敵。又有說文釋例、說文繫傳校錄、鄂宰四稿，及禹貢正字、禮記讀儀禮鄭注句讀刊誤、四書說略等。

【朱駿聲】字豐芑，號允倩。清吳縣人。道光中以舉人授吳縣訓導。時詔海內文學士獻所著書，駿呈所自撰說文通訓定聲，賞國子監博士銜，旋升揚州府學教授，引疾未之官居。著書甚富，諸經皆有成稿。

【墨子閒詁】孫詒讓著，見上「孫詒讓」條。閒同箋詁，訓詁也。爲解釋墨子最善之本。

【二徐說文】二徐，徐鉉、徐鍇兄弟也。鉉字鼎臣，會稽人。仕南唐官至吏部尚書。隨李煜歸宋，官太子率更令。精小學及篆隸，嘗受詔校說文，續編文苑英華。著有騎省集。鍇字楚金，四歲能自知書。李景見其文，以爲祕書省正字，累官內史舍人。善小學，著有說文繫傳、說文解字韻譜。兄弟俱有名於江左，鉉稱大徐，鍇稱小徐。

【朱彝尊】字錫鬯，號竹垞。清初秀水人。少肆力古學，博極羣書。康熙中舉鴻博，授檢討，與修明史。其學長興考證，工古文，詩與王士禛稱南北兩大宗。又好爲詞，與陳維崧齊名，稱朱陳。著有曝書亭全集、明詩綜詞。

綜日下舊聞等

【古經解鉤沉】清余蕭客撰。蒐輯唐以前解經遺說，編次成帙，冠以序錄，備述所引先儒爵里及著書之名，皆但錄舊文，不加斷制，凡三十卷。

【小學鉤沉】清任大椿撰。校輯字書四十種，號爲精博。顧震福復爲續編，於任氏有補遺正誤之功。凡八卷。
【玉函山房輯佚書】清馬國翰輯，凡六百二十九種。國翰字竹吾，山東歷城人。道光進士。玉函山房爲其齋名，所輯皆宋以前古書後世久無傳本者。或云此書實山陰章宗源輯，國翰攘爲已有耳。

【四庫全書】清乾隆三十七年，開四庫全書館，徵求天下書籍，十餘年而成，計共三萬六千餘冊。分鈔七分，建七閣以貯之：文淵閣在文華殿後，文潮閣在奉天行宮，文津閣在熱河避暑山莊，文源閣在圓明園，文匯閣在江蘇揚州之大觀堂，文宗閣在江蘇鎮江之金山寺，文瀾閣在浙江西湖之孤山。茲文匯、文宗燬於洪楊之刦，英、法聯軍之役，文源亦燬；浙江文瀾書多殘缺，補鈔難復舊觀；而文潮、文津，則又於九一八後入於他人之手。今所巍然存者，惟文淵一閣，歸教部保存，正在計畫選印中云。

【永樂大典】明成祖永樂元年，敕解縉、姚廣孝等，以韻字類聚經史子集天文地志陰陽醫卜僧道技藝之言爲一書，凡二萬二千八百七十七卷。召國學縣學生員繕寫，計共一萬一千九百九十五冊，五年書成。初名文獻大成，後更名永樂大典。世宗時，重錄副本，入清以逮民國，屢經浩劫，現所存者，僅副本六

十册而已。清代修四庫全書時，由此典輯出佚書四百九十二種。

【甲骨文字的發現竟使殷商一代的歷史有了地底下的證據】詳本文選丁種周予同關於甲骨學一文：「所謂甲骨，原來是龜甲獸骨的簡詞。離現在三十一年前，當公歷一八九九年，在河南省安陽縣西北五里的小屯地方，忽然發現許多龜甲和獸骨，上面刻有古代的文字。經考古家的考訂，說安陽的小屯，在洹水之南，原來是商代的故都，就是史記項羽本紀上所說的『洹水南殷虛上』。商代迷信鬼神，凡有大事必卜，這些甲骨上的文字，原是商人掌卜者用刀筆所契刻的。這些古文字，有人就發現的地點，稱爲『殷墟文字』或『殷墟書契』；有人就文字的用途，稱爲『貞卜文字』或『卜辭』；有人就文字的製作，稱爲『契文』或『契文』；又有人就文字所施的質料，稱爲『龜甲獸骨文字』或『甲骨文字』。」

【遼陽河南等處石器時代的文化發現】遼陽，清屬盛京，今遼寧遼陽縣。現代史家，謂世界有史以前之時代，距今二十餘萬年之前，分新舊石器兩時代：舊石器時代，石製兵器之類，略具形狀，不加琢磨；新石器時代，則小刀、箭頭等物，皆經磨治。現今考古家，在各處地層中發掘，屢有新舊石器時代之器具發現，可以爲古代文化之考證。中國近時，以遼陽、河南等處發現最多。

【婢作夫人】本爲成語：「婢學夫人」，喻摹擬不似之意。袁昂書評：「宋羊欣書，如婢學夫人，舉止羞澀，終

不似眞。」此則謂婢竟作夫人也。

【古韻學】韻學本爲小學之支流，所以考正音讀者也。大別爲今韻、古韻等韻三類。至金而等韻合於今韻，至南宋而古韻亦合於今韻。至清而等韻又合於古韻。於是韻學三類不分，而研究之者遂離小學而爲獨立專門之學。

【漢學和宋學的分家】清初顧炎武、胡渭、閻若璩等，鑒於宋明理學空疏之弊，起而矯正，大倡「舍經學無理學」之說。治經一本於漢儒，惠戴衍其緒，遂爲漢學家不祧之祖。其時猶爲高談義理之宋理學堅守殘壘，効死弗去者，有孫奇逢、李中孚、陸世儀等。於是漢學、宋學分立門戶，有同水火。江藩著有《漢學師承記》及《宋學淵源記》，記述頗詳。

【今文和古文的分家】今文古文之分，起於東漢。因詩之毛傳、春秋之左氏傳及周官皆晚出，係蝌蚪文，故稱古文。公羊傳等係篆書，故稱今文。漢末古文學乃盛，清代漢學家多宗許、鄭，號爲正統派。自清閻若璩攻僞古文尚書得勝，於是劉逢祿大疑春秋左氏傳，魏源大疑詩毛氏傳，至康有爲併東漢晚出之古文經傳，皆指爲劉歆僞造，於是今文派與古文派勢不兩立矣。

【治一部詩經還捨棄東漢之鄭箋而專取西漢的毛傳】清代末葉，正統派最尊崇之許、鄭，概爲今文學家所排擊，高唱「復古」之說，欲由東漢以復於西漢，故治詩則棄鄭箋而取毛傳也。按鄭玄，東漢人，著有

毛詩箋。毛萇，西漢人，著有毛詩故訓傳。

【鄭樵朱熹】俱宋人。鄭樵字漁仲，莆田人。經、禮、樂、文字、天文、地理、蟲魚、草木、方書之學無不通。著《通志》。居夾漈山，人稱夾漈先生。朱熹字元晦，婺源人。其學出於李侗、羅從彥，盡得程氏之傳。大抵窮理以致其知，反躬以踐其實，而以居敬爲主。晚年講學於考亭，人稱考亭學派。著《詩集傳》、《大學中庸章句或問》、《論語孟子集註》、《通鑑綱目》、《近思錄》、《晦庵集》等。

【毛公鄭玄】俱漢人。大毛公亨魯人，作《詩訓詁傳》，以授毛萇。趙人稱小毛公，以《詩》授同國貫長卿。其時言詩者齊、魯、韓三家，毛詩未得立於學官。後三家皆廢，毛詩獨傳至今。鄭玄字康成，高密人。事扶風馬融，既歸門徒千數百人。著書凡百餘萬言，今存者有《毛詩箋》、《三禮注》、《易注》及《春秋之箋》。嘗發墨守，起廢疾等。
【宋朝的道士易】易經爲各家所比附，自宋陳搏著《指玄》篇八十一章，專言導養及還丹之事，易遂流爲道士易，即黃宗羲所謂易至陳搏而流入道家者也。

【魏晉人的道家易】何晏、王弼注易，以老子道德經相比附，厥後晉人清談玄理，多假老、莊以釋易，故稱道家易。

【兩漢的方士易】方士，方術之士也。盛於秦漢，爲後世道家之祖。漢焦延壽作《易林》，以八卦演爲六十四卦，各繫以賦詞，易始流爲術數，即黃宗羲所謂易至焦京，流爲方術是也。

【三禮】周禮儀禮禮記也。

【章學誠】字實齋，清會稽人。乾隆進士，官國子監典籍。邃於史學，以纂修方志爲時所重。著有文史通義、校讎通義、札考、劄記、實齋文鈔等。

【指秫黍以爲酒】秫稷之粘者，可以釀酒。今北人通呼高粱。黍亦禾屬而粘者，亦以釀酒。此謂指原料爲製造物也。

【文史通義】清章學誠著。分內外篇，內篇五卷，通論文史於古今學術淵源；外篇三卷，多州志序例書儀。又有補篇，輯入靈鵠閣叢書。博約爲其內篇之一。

【章氏遺書與汪輝祖書】章氏遺書爲實齋歿後蒐集其遺文所輯成。汪輝祖，字煥曾，號龍莊，蕭山人。乾隆進士，知湖南寧遠縣。律之所窮，濟以經術，有神明之頌。著有元史本證、讀史掌錄、史姓韻編、龍莊四六稿等。

【鴛鴦繡出從君看莫把金針度與人】元好問詩句也。意謂祇示人以成績，不教人以方法也。

【僞古文尙書】僞古文尙書凡二十五篇，爲大禹謨一、五子之歌二、胤征三、仲虺之誥四、湯誥五、伊訓六、太甲上七、太甲中八、太甲下九，咸有一德十說、命上十一說、命中十二說、命下十三泰誓上十四泰誓中十五泰誓下十六、武成十七、旅獒十八、微子之命十九、蔡仲之命二十、周官二十一、君陳二十二、畢命二十

三君牙二十四，問命二十五。凡此二十五篇與所謂孔安國尚書傳同時出現。今本尚書注疏即以僞古文尚書二十五篇加真。今文尚書三十三篇（今文尚書本三十四篇，去泰誓三篇，分堯典下半爲舜典而另加篇首二十八字，分臯陶謨下半爲益稷，故爲三十三篇）共五十八篇及僞孔安國尚書傳爲底本。此僞古文尚書及僞孔傳爲東晉時豫章內史梅赜（一作梅頤）所獻，曾立於學官。至宋吳棫作書碑傳，始有疑辭。明梅鷟作尚書考異，始明斥爲僞作。清閻若璩著古文尚書疏證，惠棟作古文尚書考，用考證方法，一一發現其來源。丁晏作尚書餘論，更證明爲晉王肅所僞造。

【蔡沈的書集傳】蔡沈，字仲默，宋建陽人。少師事朱熹，熹晚欲著書傳，遂以屬沈。洪範之數學者久失其傳，沈父元定獨心得之，然未及論著，曰：「成吾書者沈也。」沈受父師之託，沉潛反覆者數十年，遂成書經集解、洪範皇極，發明先儒之所未及。晚年隱居九峯，學者稱爲九峯先生。明代追謚文正。

【幾部啓蒙的小書】朱熹著有易學啓蒙，與周易本義相表裏。本義主於玩占，爲易之用；此書主於觀象，爲易之體。分上下兩卷，後稅與權作小傳，胡方平作通釋，胡一桂作翼傳。宋以後易學之言象數者，以此書爲大宗。按此指四書集註、詩集傳等一概而言。

【大學】禮記篇名。禮疏引鄭目錄云：「名曰大學者，以其記博學可以爲政也。」至宋淳熙時，用朱熹之章句集注，與中庸論語、孟子同稱四子書。明清科舉，且以之取士矣。

中庸 禮記篇名子思所作不偏之謂中不易之謂庸謂道德之最正者也至宋朱熹撰章句與大學論孟

尊爲四子書。

【詩序】毛詩各篇之首附有序，說明作此詩之意，并及作詩之人。首篇關雎序，總論全書旨趣，凡千餘言，後人稱之爲「大序」，其餘各篇稱爲「小序」，總稱「詩序」。詩序之作者言人人殊，或謂序之首句爲大毛公所作，次句以下爲小毛公所作。或謂大序爲子夏作，小序爲子夏、小毛公合作。或謂大序爲孔子作，小序爲當時國史所作。惟後漢書儒林傳云衛宏作毛詩序，此出於正史傳記，較爲可信，但亦無確據也。

【公羊】春秋公羊傳，舊本題周公羊高撰，實高所傳述而其元孫壽及胡母子都錄爲書。漢何休作解詁，其書多引讖緯，所謂黜周王魯，變周文從殷質之類。公羊皆無明文。清孔廣森、劉逢祿皆有注釋。

【一切經音義】唐玄應撰，二十五卷，亦名玄應音義。又慧琳所撰者百卷，係采集玄應音義、慧苑音義等而成，亦名慧琳音義。中土亡佚已久，日本有傳本。又希麟有續一切經音義十卷，亦日本所傳，今皆收入大藏經中。

【王肅】字子雍，三國魏東海人。仕至中領軍散騎常侍。善賈馬之學，而不好鄭氏采會同異，爲尙書、詩論語、三禮、左氏解，及易傳，皆列於學官。卒謚景。有孔子家語注論者，謂爲肅所僞託云。

【王弼】字輔嗣，三國魏山陽人。少知名，好論儒道，辭才逸辯。注《易》及老子，爲尚書郎，年二十餘卒。

【何晏】字平叔，三國魏宛人。少以才秀知名，尚魏公主，累官侍中，尚書爵列侯。好老莊言，與夏侯玄等競爲清談，士大夫效之，遂成一時之風氣。後爲司馬懿所殺。著有《道德論》及《論語集解》。

【王安石】字介甫，宋臨川人。博覽強記。神宗時，爲相，封荆國公。謀改革政治，創新法，物議沸騰，遂求補外而卒。謚文。著有《周官新義》、《臨川集》、《唐百家詩選》。

【惠棟】字定宇，號松崖，清吳縣人。元和學生員。自幼篤志向學，於經史諸子稗官野乘，及七經《緯》之學，無不通。乾隆中，薦經明行修，索所著書，未及進呈，罷歸卒。棟熟治諸經，尤邃於《易》，嘗撰《易漢學》、《周易述》、《易微言》、《易例》，又著《九經古義》、《明堂大道錄》、《禘說》、《古文尚書考》、《松崖文鈔》等。

【劉逢祿】字申受，清武進人。嘉慶進士，官禮部主事。少從外祖莊存與、從舅莊述祖學，精於《公羊春秋》，爲清代言今文學者之冠。著有《公羊何氏釋例》、《公羊何氏解詁》、《箋發墨守許穀梁廢疾申何左氏春秋考證》、《管膏肓論評論語述》、《何劉禮部集》等書。

【康有爲】原名祖詒，清廣東南海人。由蔭生中舉人，入京師，上萬言書，設強學會，成進士後，力主變法。德宗信任之，以阻於那拉氏，險遭不測，遁逃海外。入民國後，屢主復辟，志不得逞，卒。其學先出孔、孟，繼在漢學方面，集今文派之大成。著有《孔子改制考》、《新學僞經考》、《大同書》、《不忍雜誌》、《廣藝舟雙楫》等。

賈 賈逵字景伯，後漢平陵人。弱冠能誦左氏傳及五經本文，以大夏侯尚書教授，兼通五家穀梁之說。永平中，獻左氏傳解詁三十篇，國語解詁二十一篇，和帝時累官侍中，以老病乞歸。所著經傳義詁及論難，凡百餘萬言。

孔 孔穎達字仲達，唐衡水人。少聰敏，日記誦千餘言。隋末舉明經，煬帝召天下儒官集東都，詔國子祕書學士與論議，穎達爲冠。入唐累遷國子司業、祭酒。嘗受太宗命，撰五經正義，即今注疏本之五經疏也。卒謚憲。

杜 杜預字元凱，晉杜陵人。博學多通，泰始中爲河南尹，秦州刺史，拜度支尚書，鎮南大將軍，都督荊州諸軍事。以平吳功，封當陽縣侯。功成之後，耽思經籍，著春秋左氏經傳解，又作釋例、盟會圖、春秋長歷，備成一家之學。

鄭 卽鄭玄也。

釋文 經典釋文，唐陸德明撰，採集諸經音義及文字異同，爲談經之士所宗，凡三十卷。

經韻樓集 清段玉裁撰，凡六卷，所作多關於解經及說文之文。阮元收入學海堂經解中。

程朱 謂程顥、程頤及朱熹也。二程，宋洛陽人，俱學於周敦頤，灝稱明道先生，嘗泛覽百家，出入老、釋，返求諸六經而後得之。著定性書，與太極圖說相表裏，開聖學之祕。頤稱伊川先生，其學以誠爲本，以窮理爲

主，晚年著《易傳》及《春秋傳》等。朱得二程之薪傳，發揮而光大之。程、朱遂爲宋理學之正統。

【陸王】謂陸九淵、王守仁也。陸九淵字子靜，宋金谿人。乾道進士，官至知荊州軍。居貴谿之象山，稱象山先生。嘗與朱熹會講鵝湖，論多不合。熹重道問學，九淵重尊德性。熹好註經，九淵謂學苟知道，六經皆我注腳。有《象山集》二十八卷，外集四卷，附語錄四卷。王守仁字伯安，明餘姚人。弘治進士。正德時，巡撫南贛，平大帽山諸賊，定宸濠之亂，卒贈新建伯，謚文成。其學以良知良能爲主，稱爲姚江派。嘗築室陽明洞中，稱陽明先生。於宋儒特推重陸九淵，而以朱熹集註或問之類，爲中年未定之論。著有《王文成全書》。

【吳敬梓】字敏軒，清全椒人，一字文木。諸生。乾隆初舉鴻博不赴，精於文選，詩賦援筆立就。性豪好施，與以此傾其貲。著《儒林外史》說部，爲中國社會小說之祖。有《文木山房集》。

【曹雪芹】字雪芹，清旗人。父曹頫，祖曹寅，俱爲江南織造。至雪芹而中落，乃著《紅樓夢》一書，以寫家庭過去之生平史。（胡適考之綦詳，見《胡適文存三集》）爲中國白話小說之雋品。

【關漢卿】號已齋叟，元大都人。金末解元，後爲太醫院尹。工曲，與馬致遠、鄭光祖、白樸稱四大家。嘗續《王寶甫西廂記》，又有《救風塵》等雜劇，凡六十種。

【馬東籬】名致遠，元大都人。任江、浙行省務官。工樂府，爲元劇四大家之一。著有《漢宮秋》等雜劇多種。

【杜甫】字子美，唐襄陽人居杜陵。舉進士不第。玄宗時，以獻賦得待制集賢院。肅宗時，爲右拾遺，被黜，尋起。

爲工部員外郎。博極羣書，善爲詩歌，涵渾汪洋，千態萬狀，爲後世談詩學者不祧之祖。有杜少陵集。

【韓愈】字退之，唐鄧州南陽人。由進士累官吏部侍郎，上疏極論宮市，貶潮州刺史。卒謚文。愈於六經百家，靡不通貫，其文閑深奧衍，起八代之衰，爲後世所宗。封昌黎伯，世稱韓昌黎。

【平妖傳】相傳爲元羅本撰。現行者有明末張无咎序，謂羅原本稱三遂平妖傳，全二十回，經馮夢龍增補，成爲四十回。敍北宋慶曆七年王則造反，文彥博等討平之事。其間妖變怪異，層出不窮，爲明代鬼神小說之先驅，西遊記、封神榜等，即繼此而出現者。

【五代史平話】宋人小說；宋人謂說部曰平話。

【道藏】道家諸書之彙刻也。明有正統、萬歷二刻，其中所收，多古子書，雖刻於明代而實根源於宋，故清乾、嘉間學者，多從之校訂俗本。

【索引】即 index，亦譯「引得」，將書籍之內容，別爲目錄，以便檢索也。

【說文解字】漢許慎撰。以小篆分五百四十三部，推究六書之義，自來言小學者皆宗之。南唐徐鉉、徐鍇，重加刊定，蓋以未收之字，爲新附字。本十五篇，鉉等以篇帙繁重，每卷各分上下，爲三十卷。

【二十四史】清乾隆時所定正史也。明刊監版正史，以十七史合宋、遼、金、元四史，爲二十一史。自乾隆四年明史既成，又詔增舊唐史、舊五代史，共爲二十四史。卽史記、漢書、後漢書、三國志、晉書、宋書、南齊書、梁書、

陳書、後魏書、北齊書、周書、隋書、南史、北史、舊唐書、新唐書、舊五代史、新五代史、宋史、遼史、金史、元史、明史。

【史姓韻編】清汪輝祖撰。二十四史所載諸人姓名，皆分韻編錄，詳註卷葉，頗足爲讀史之助。凡六十四卷。

【佩文韻府】清聖祖敕撰。正集及拾遺，共二百十二卷。分韻隸事，薈萃陰氏韻府羣玉、陵氏五車韻瑞二書，而大加增補。首列韻藻，即二書所已錄者，次標增字，則新收之字也。網羅繁博，詞章家極便查檢。

【校讎通義】清章學誠撰。按風俗通義、劉向別錄，一人讀書，校其上下，得謬誤爲校；一人持本，一人讀書，若怨家相對爲讎。本書卽敍述校讎書籍，摘正舛誤之方法也。

【朱筠】字竹君，一字美叔，號笥河，清大興人。乾隆進士，由翰林院侍讀學士降編修。博聞宏覽，好獎掖後進，所居椒花吟舫，聚書至數萬卷。著十三經文字同異未成。詩文曰笥河集。

【經籍纂詁】清阮元等撰。元督學浙江時，以經術倡導學者，思治經必先通訓詁，因授之凡例，遴經生分別纂訓，依韻歸字，延臧鏞堂兄弟總其成，凡一百有六卷，每卷後均有補遺，實有功經學之書。纂同撰。

【李鼎祚的周易集解】李鼎祚，唐資州人。官著作郎，祕閣學士。常集子夏、孟喜至孔穎達三十五家爲周易集解。四庫提要云：「自序謂刊輔嗣之野文，補康成之逸象，蓋王學既盛，漢易遂亡，千百年後，學者得考見畫卦之本旨者，惟賴此書之存耳。是誠可寶之古笈也。」

【陸德明的經典釋文】名元朗，以字行，唐吳縣人。善名理。歷仕陳、隋、高祖時，爲國子博士，封吳縣男。卒，著有《經典釋文》。

經典釋文，見上「釋文」條注。

【唐宋的十三經注疏】南宋以前，經疏皆單行，不與本書聯屬。南宋紹熙間，三山黃唐始合刊之。其後復有十行本十三經注疏。十三經者，周易、尚書、毛詩、周禮、儀禮、禮記、春秋左傳、公羊傳、穀梁傳、孝經、論語、孟子、爾雅也。刻本不一，阮元本有校勘記，附於每卷之後。

【朱熹的四書詩集傳易本義】朱熹撰大學章句一卷，論語集註十卷，孟子集註七卷，中庸章句一卷，即今通行本之朱子四書也。大學古本爲一篇，朱則分別經傳，顛倒其舊次，補綴其闕文。中庸亦不從鄭注分節，故均謂之章句。論語、孟子，融會諸家之說，故謂之集註。詩集傳宋志作二十卷，今八卷。初稿亦用小序，後與呂祖謙相爭，遂改從鄭樵，廢小序，見四庫提要。周易本義，以上下經爲二卷，十翼自爲十卷。日知錄曰：「洪武初，頒五經天下，儒學而易兼用程、朱二氏，亦各自爲書。永樂中，脩大典，乃取朱子卷次割裂附程傳之後，而朱子所定之古文，仍復淆亂。」提要云：「苟其微言大義，本不相乖，則篇章分合，未爲大害於宏旨；故今但著其割裂本義之失，而仍附原本之後，以備參考焉。」

【清經解】皇清經解，一名學海堂經解，清道光間阮元編輯，刊於廣州之學海堂，共一百八十八種。光緒間，王先謙又輯皇清經解續編，刊於江陰之南菁書院，共二百九種。合之阮刻，清人漢學家言，略已大備，誠經生之鴻寶也。後又有人撰皇清經解正續編目、皇清經解分經彙纂，以爲檢查之助。

【粵若稽古關關雎鳩】「粵若稽古帝堯」爲尙書堯典開始首句。「關關雎鳩，在河之洲」爲毛詩國風開始首句也。

【望洋興歎】莊子秋水：「河伯至於北海，東面而視，不見水端，於是焉河伯始旋其面目，望洋向若而歎。今我睹子之難窮焉，吾長見笑於大方之家。」按卽事巨才絀力有不勝之意。

【王應麟】字伯厚，宋慶元人。九歲通經籍，第淳祐進士，累擢祕書郎，遷禮部尙書。東歸後二十年卒。著有深寧集、玉堂類稿、詩考、詩地理考、漢書藝文志考證、困學紀聞、小學紺珠、玉海等二十餘種。

【陳喬樅】字樸園，一字樹滋，清閩縣人。道光舉人，仕終撫州知府。治經好漢學，有今文尙書經說考、歐陽夏侯遺說考、三家詩遺說考、毛詩鄭箋改字說、四家詩異文考、齊詩翼氏學疏證等。

【李富孫】字卿沚，清嘉興人。嘉慶拔貢。精小學。有李氏易解贋義、易經詩經春秋三傳異文釋、夏小正分箋、夏小正異義、說文辨字正俗、校經頤文稿、曝書亭詞注、續梅里志等書。

【吳棫】字才老，宋建安人。重和進士，官泉州通判。有書裨傳、詩補音、論語指掌、考異續解、楚辭釋音、韻補等；又作字學補韻。朱熹謂近代訓釋之學，唯才老爲優，遂據以叶三百篇之韻。

【陳第】字季立，號一齋，明連江人。萬歷時諸生。都督俞大猷召致幕下，起家京營，歷薊鎮游擊將軍。善詩，所居世善堂，藏書極富。著有毛詩古音考、伏羲先天圖贊、尙書疏衍、屈宋古音義、一齋詩集等。

【顧炎武】初名絳，字寧人，清初崑山人。居亭林鎮，號亭林，自署蔣山儒。明諸生，魯王時官兵部職方郎中。明亡，周游四方，清康熙間舉鴻博，薦修明史，均不就。後卜居華陰以終。其學篤志，六經精研考證，爲清代樸學開山之祖。著有《日知錄》、《左傳杜解補正》、《九經誤字石經考》、《音學五書》、《吳韻補正》、《亭林詩文集》等數十種。

【胡承珙】字景孟，號墨莊，清涇人。嘉慶進士，官至臺灣兵備道。究心經術，於毛詩用力尤深；所撰《毛詩後箋》，於鄭箋之失毛旨者，必求諸本經，博稽他籍，以還其舊。又著《儀禮古今文疏義》、《小爾雅義疏》、《爾雅古義》，求是堂詩文集等。

【馬瑞辰】字元伯，清桐城人。嘉慶進士，由庶吉士官工部員外郎。博綜經學，著有《毛詩傳箋通釋》、《洪楊之難》、《居鄉不屈死》。

【陳免】字碩甫，號師竹，清長洲人。少師事段玉裁，治毛詩說文。入都，與王念孫引之父子游，所學益邃。咸豐初，舉孝廉方正。著有《毛詩傳疏》、《毛詩說》、《詩義類》、《鄭氏箋考證》等。

【詩辨妄】宋鄭樵撰，凡六卷。以詩序爲村野妄人所作，昌言排擊，不餘遺力。朱熹和之，周孚作《非鄭樵詩辨妄》，一卷，摘其四十二事攻之。

【僞詩傳】古文學僅有毛氏一家。毛詩相傳始於毛公。據漢書《儒林傳》，毛公趙人，以治詩爲河間獻王博士。據漢書《藝文志》，毛公詩學，自謂學自子夏，其著作有《毛詩故訓傳》三十卷。毛詩之傳授，毛公之名字，毛

詩故訓傳之作者，言人人殊。鄭玄詩譜謂魯人大毛公爲訓，故傳於其家，河間獻王得而獻之，以小毛公爲博士。吳陸璣毛詩草木鳥獸蟲魚疏謂作訓，故傳之。大毛公名亨，小毛公名萇。而陸德明經典釋文敍錄引吳徐整說，所述傳授世數與人名又與陸璣不同，且諸說互相矛盾，故有斥詩傳爲僞作者。

【姚際恆】字立方，號首源。清仁和人。諸生。少折節讀書，旋盡棄詞章之學，專事於經。年五十，屏絕人事，閱十四年成九經通論一書。持論與閻若璩暗合。毛奇齡頗歎服之。又著庸言錄、古今僞書考。

【龔橙】字公襄，號石匏，更號孝拱。清仁和人。龔自珍之子也。少以才自負，歷試久不遇，間以策干大帥，不能用；遂好奇服，流寓上海，依英人威妥瑪以居。咸豐中，英兵入京師，或曰挾橙爲導。後卒於上海，治經宗晚周、西漢，多非常異誼。著有詩本義。

【方玉潤】清雲南人。著有詩經原始。

【巨子】墨家號其成道者爲巨子，見莊子。巨亦作矩，若儒家之大儒也。

【十字架】耶穌遇害時，釘於十字架，故基督教以爲表號。

【墨子裏的經上下篇】墨子，春秋宋墨翟撰，凡五十三篇，十五卷。其旨與佛教頗相類。其中經上、經下、與經說上下四篇，文字古奧，極難解讀，顧含義頗深，多與近世西洋學術暗合者。孫詒讓墨子間詁解之最精。

【印度因明學】印度佛家學說也。翻譯名義集：「大論言五明者，第四爲因明，考定邪正，研覈真僞。」按與

西洋論理學頗相似

【韓非】戰國韓諸公子。喜刑名法律之學，與李斯俱事荀卿。數以書諫韓王，王不能用，迺發憤作《內外儲說》、《說林說》，難孤憤、五蠹等五十餘篇。秦王見其書而悅之，因急攻韓，韓王遣非使秦。李斯、姚賈毀之，王下吏治非，斯使人餌非藥，遂自殺。

【王莽】字巨君，諸父皆封侯。莽獨孤貧，乃折節讀書，曲事諸父。後封新都侯，愈爲謙抑，虛譽隆治。拜大司馬，平帝立，委政於莽，號安漢公，加九錫。旋弑帝，立孺子嬰，羣臣進符命，稱假皇帝。未幾，篡位，國號新。改革百政，法令煩苛，益賊蜂起。光武討之，莽敗，被殺。

【李贊】字卓吾，明晉江人。萬歷中爲姚安知府，士大夫好禪者往往從之游。小有才辯，一旦自去其髮，冠服坐堂，上官勒令解任。居黃安，日引士人講學，雜以婦女。專崇釋氏，卑侮孔孟。北遊通州，爲給事中張問陶所劾，逮死獄中。

【李觀】字泰伯，宋南城人。俊辯能文，舉茂才異等。親老，以教授自資。學者常數十百人。皇祐初，范仲淹薦爲太學助教，上明堂定製圖。嘉祐中，歷太學說書。卒，學者稱盱江先生。著有《周禮致太平論》、《士論》、《平禮論》、《退居類稿》、《皇祐續稿》等書。與王安石同爲宋代具有經濟思想之學者。

【易繫辭傳】周易繫辭，本文王、周公所作之辭，繫於爻卦之下者。繫辭傳乃孔子所述，通論一經之大體也。

【拍拉圖】 Plato 希臘雅典哲學家，學於蘇格拉底。蘇氏歿後，遊歷埃及、西西里及南部意大利之希臘城邑，廣求智識。歸國後，集諸弟子講學於林中，所謂阿加的米 Academy 學園是也。著述醇雅，有名於世。
【荀卿】名況，戰國趙人，時人相尊，故稱荀卿。漢人稱爲孫卿。其學以孔子爲標準，倡性惡之說。漢志儒家載荀卿三十三篇，劉向序錄，稱荀卿書。凡三百二十三篇，校除重複，定著三十三篇，爲十二卷，題曰新書。楊倞編爲二十卷，復爲之注，更名荀子。其書大旨，在明周、孔之教，崇禮而勸學。

【亞里士多德】 Aristotle 希臘之哲學大家，研究各種學問，爲演繹法之始祖。學於拍拉圖，在其門約二十年。馬其頓王亞歷山大聘爲師傅，後歸雅典，建學校於園林之內，以教弟子。晚年不遇，抑鬱而卒。（紀元前三八四—三三二）

683 狂人日記 魯迅

題解

本篇雖名日記，實則小說也。作者小說，長於諷刺，本篇故託狂人，爲一般社會現象之透視；以「喫人」二字，爲通篇主腦，直抉舊道德、舊禮教之假面。敍述雖故作狂癲語無倫次之狀，顧其思想則前後一貫，非狂人所能著作也。

見注釋第一冊與幼小者譯者述略。

注釋

【迫害狂】病名，亦稱迫脅狂，(the obsessional neurusis) 神經病之一種。患者常恐懼受他人之迫脅而加害於己也。

【荒唐之言】語出莊子，注謂廣大無域畔也。俗又謂言行不飭曰荒唐。

【流水簿子】商人逐日記載買賣出入及其他各項營業之帳冊也。亦稱日用循環簿。

【納罕】北方土語，猶言稀奇。

【李時珍】李時珍字東璧，明蘄州人。官楚王府奉祠正。讀書不治經生業，獨好醫書，窮搜博采，歷三十年，成本草綱目一書，爲世界藥物學之祖。又著奇經八脈考及瀕湖脈學等書。

【易子而食】左傳宣公十四年：「華元曰：『敝邑易子而食，析骸以爨。』」言飢餓甚，不忍自食其子，乃與人易食之也。

【食肉寢皮】左傳：「譬於禽獸，臣食其肉而寢處其皮矣。」

【首肯】點頭以示允也。制府錄：「張公首肯久之。」

【海乙那】亦譯海乙納，海獸名；其頭類狗，故亦稱海狗；一名膾肭獸。牡者長六七尺，牝者長三尺餘。毛紫褐，色上唇有鬚，疏而且剛。四肢短小如鰐，陸行甚拙。晝則斜臥水面，夜食魚類烏賊等。其腎稱膾肭腎，相傳爲滋補藥品。

【易牙蒸了他兒子給桀紂喫】易牙亦作狄牙，春秋齊人，名巫，亦作雍巫。以滋味說齊桓公，桓公用爲嬖人，甚見親信。桓公卒，與其黨豎刁、開方共亂齊國。史記正義：「管仲有病，桓公往問之，曰『將何以教寡人？』管仲曰『願君遠易牙、豎刁』。」桓公曰：「易牙烹其子以快寡人，尚可疑耶？」夏桀、商紂爲古代暴君，與易牙相距五百年乃至一千一百餘年，蓋係狂人聯想之結合，非事實也。

【徐錫林】卽徐錫麟，字伯蓀，清末山陰人。光緒間游學日本，力謀革命。歸國後，以道員分發安徽，辦巡警學校；會行畢業式，閩城文武咸蒞，止錫麟槍斃巡撫恩銘，立時發難，事敗，與陳伯平、馬子畦同遇害。行刑時，曾剖其心以祭恩銘。

738 戊午上高宗封事 胡 錦

題解

文心雕龍曰：「或上書，或奏狀，慮有宣洩，則囊封以進，謂曰封事。」是封事卽奏疏也。其制殆昉於漢。考漢書

霍光傳「上令吏民得奏封事」卽封事之名見於史書者（參閱注釋第七冊霍光傳注）。戊午爲宋高宗紹興八年，在金陵劉豫之後，正和議空氣瀰漫於南都之際。作者乃上此震駭一時之彈章，直不啻於盈庭晦塞之間，投一巨大之炸裂彈。雖不必有其事，顧不可無此舉，宜金人募其書千金也。

作者述略

胡銓，字邦衡，號澹庵，廬陵人。生於宋崇寧元年，卒於淳熙七年。（公元一一〇三——一八〇）舉建炎進士，任樞密院編修官，上疏乞斬秦檜。王倫孫近頭懸之藁街。好事者鋟木傳之，金人募其書千金。榛怒其逆已，除名，編管新州。乾道中，入爲工部侍郎，以資政殿學士致仕。卒謚忠簡。著有澹庵集一百卷。

注釋

【王倫本一狎邪小人市井無賴】王倫，字正道，宋大名人家。貧無行，爲任俠，往來京、洛間，數犯法，幸免。汴京失守，欽宗御宣德門，倫直造御前，自薦其才。欽宗立除兵部侍郎。倫下樓，挾惡少數人，傳旨撫定都人。乃安。高宗時，奉命使金，屢被拘留，及金人脅之以官，竟不受，見迫而死。後謚愍節。按狎邪謂近於邪惡；無賴，猶言無職業之游氓。史記高祖紀：「始大人常以臣無賴，不能治產業。」集解引許慎曰：「賴，利也；無利，入於家也。」

【劉豫】字彥游，宋阜城人。少無行政，和中以進士拜殿中侍御史，爲言者所攻。金人南侵時，豫方知濟南府，

絕城納款，金徙豫爲東平府，充京東西淮南等路安撫使。建炎四年，金人冊豫爲皇帝，國號大齊，都大名府。紹興中，豫遷都汴，屢引金人入寇，不利。金人惡之，詰豫罪狀至汴，以鐵騎圍宮門，迫之行，併其子麟徙於臨潢，封豫爲曹王。僭號凡八年，年六十五卒。

【商鑑不遠】孟子：「詩云：殷鑑不遠，在夏后之世。」商卽殷也，言殷人滅夏而代之，殷之子孫欲以滅亡爲戒，不必求諸遠，卽在夏后之世也。按宋時避太祖父趙弘殷諱，故改殷爲商。

【左衽】謂衣襟左交，夷狄之服也。論語憲問：「微管仲，吾其被髮左衽矣。」

【陪臣】古者諸侯之大夫，對天子稱陪臣，禮曲禮：「自稱曰陪臣某。」

【梓宮】謂天子之棺。漢書注：「以梓木爲之，親身之棺也。」爲天子制，故亦稱梓宮。按宋史徽宗紀：「紹興

五年四月，帝崩於五國城，十二年八月，梓宮還臨安，十月，權攢於永祐陵。」

【淵聖】謂宋欽宗也。宋史欽宗紀：「康王卽位於南京，遙上尊號曰孝慈淵聖皇帝。」

【唱】同啖，以利餌人也。史記：「往說秦將唱以利。」

【問關】謂道路之難行也。漢書王莽傳：「問關至漸臺。」

【累卵】卵重累則易仆，喻危險也。漢書枚乘傳：「而欲乘累卵之危，走上天之難。」

【陸梁】跳躍貌。揚雄甘泉賦：「飛蒙茸而走陸梁。」

【僞豫入寇】僞豫指劉豫，蓋豫曾迭次引金人入寇也。

【敗之於襄陽】紹興四年夏，岳飛破李成，復襄陽六郡。襄陽，三國魏置郡，晉以後因之。明清政府今湖北襄陽縣。

【敗之於淮上】紹興四年冬，韓世忠大敗金人於大儀，追至淮而還。淮上淮水之上也。淮水源出河南桐柏山，東流經安徽境，瀦於江蘇、安徽間之洪澤湖。其下游自淮陰縣合於運河。

【敗之於渦口】紹興六年十一月，劉豫遣劉麟、劉猊分道寇淮西，楊沂忠等大敗猊於藕塘，追麟至南壽春而還。渦口爲渦水出口之處，在今安徽懷遠縣東北。

【敗之於淮陰】紹興三年十一月，知徐州趙立將兵勤王，敗金人於淮陰。按淮陰卽今江蘇淮陰縣。

【蹈海之危】紹興三年冬，帝奔明州；明年春正月，金人陷明州，屠其民，遂襲帝於海，帶走溫州。見綱鑑。

【萬乘】周制，天子地方千里，出兵車萬乘。孟子：「萬乘之國」後因謂天子爲萬乘。

【穹廬】氈帳也，其上穹窿，故名。史記匈奴傳：「匈奴父子乃同穹廬而臥。」

【魯仲連所以義不帝秦】魯仲連，戰國齊人，高蹈不仕，喜爲人排難解紛。遊於趙，秦圍趙急，魏使新垣衍請

帝秦，仲連堅不可，秦軍爲卻。後田單言於齊王，欲爵之，連逃於海上。見史記。

【秦檜以腹心大臣而亦爲之】秦檜字會之，宋江寧人。政和間登第，又中詞學兼茂科。靖康間，累遷御史中

丞二帝北遷，檜從至金，被留。高宗時，脫歸爲相，未幾落職，尋復相。力持和議，殺岳飛，竄張浚、趙鼎，主戰之臣，誅鋤殆盡，和議遂成。封秦、魏兩國公，進建康郡王，卒贈申王，謚忠獻。寧宗時，追奪王爵，改謚繆醜。

【石晉】謂石敬瑭也。五代晉之高祖。其父臬捩雞，本出於西夷，從晉王李克用征伐有功。敬瑭尙後唐明宗女，拜河東節度使，反於晉陽，借契丹援兵滅後唐。契丹立之爲晉帝，稱臣於契丹，上尊號曰父皇帝，自稱兒皇帝。後以納吐谷渾之降，契丹使人責讓，憂憤而死。

【禮部侍郎曾開】禮部掌禮秩學校及貢舉之職，以尚書領之，貳以侍郎。曾開，字天游，宋贛州人，徙居開封。崇寧進士；建炎中，歷禮部侍郎，忤秦檜，罷知徽州，以病免。

【愴諫】不用諫言也。左傳僖公十五年：「愴諫達下，固敗是求。」

【建白】陳述意見也。建謂建議；白謂稟白。唐書：「每建白，必阿邑倡和。」

【臺諫侍從】謂御史臺諫院，及左右給事之臣。

【孔子曰微管仲吾其被髮左衽矣】見論語憲問篇。

【衣裳之會】對兵車之會而言，和平之會也。穀梁傳：「衣裳之會十有一，未嘗有插血盟也，信厚也。」

【孫近】字叔諸，宋無錫人。宋崇寧進士，復中弘詞科。高宗朝，累官吏部侍郎，直學士院。從駕親征，以翰林學士承旨，參知政事，兼知樞密院。和議成，丐祠許之後，以和議有異論，士論少之，謫祕書監分司南京、漳州。

居住，移贛州卒。

【參知政事】宰相之副貳也。始於唐之裴寂，以迄於遼、金、宋、元，至明始廢。

【伴食中書】譏在職不事事也。唐書盧懷慎傳：「開元三年，懷慎與姚崇對掌樞密，懷慎自以爲吏道不及崇，每事皆推讓之，時人謂之伴食宰相。」中書漢武帝置，曰中書令，以總掌禁中書記；歷代因之，位比宰相。至唐中葉，僅存虛名。宋置三省，而中書令位高不除人，以他官行其職。

【政事堂】唐宋時，皆於禁中置政事堂，以議庶政。卻掃編：「唐之政令，雖出於中書門下，然定於宰相治事之地，號曰政事堂。」

【戴天】禮曲禮：「父之讐，勿與共戴天。」疏：「謂孝子之心，不許共仇人戴一天，必殺之乃止。」

【橐街】地名，在漢長安南門內。漢書陳湯傳：「陷陣克敵，斬郅支首及名王以下，宜懸頭橐街，蠻夷邸間，以示萬里，明犯彊漢者，雖遠必誅。」

【赴東海而死】史記魯仲連傳：「彼卽肆然而爲帝，過而爲政於天下，則連有蹈東海而死耳，吾不忍爲之民也。」參閱上「魯仲連義不帝秦」條。

題解

志與誌同記也。古人卽事物以見眞理，恆有假瑣物以明大義者，本篇卽其一類；以文體區之，蓋雜記類也。

作者述略

見第七冊注釋野廟碑。

注釋

【見於禮經】禮檀弓下「蠶則績而蟹有匡」

【載於國語】國語越語：「王召范蠡而問焉，曰：『吾與子謀吳，子曰未可也，今其稍蟹不遺種。』」注：「蟹食稻也。」

【揚雄太玄經辭】見第七冊注釋解嘲篇。按太玄經曰：「蟹之郭索，後蚓黃泉。」范明叔注：「雖有郭索多足之蟹，不如無足之蚓者，以其用心之一也。」

【晉春秋】在汲冢瑣語中。按汲冢周書亦有「海陽大蟹，其壳專車」之說。

【勸學】荀子勸學篇：「蟹六跪而二螯，非蛇蟺之穴，無所寄托者，用心躁也。」

【考於易象爲介類與龜鼈剛其外者皆乾之屬也】易「離爲蟹」言卦體外剛內柔，而性又大躁，故爲蟹也。又爲乾卦，爲鼈，爲龜，俱見說卦傳。

【周公所謂旁行】周禮冬官：「反行蟹厲」疏：「仄行，旁行也；今人謂之旁蟹。」

【左氏紀其爲災子雲譏其躁】國語左丘明作子雲，揚雄字。紀災譏躁，俱見前。

【沮洳】水浸處下濕地也。詩：「彼汾沮洳。」

【觱沸】泉湧出貌。詩小雅：「觱沸槛泉。」觱音必。

【緯蕭】緯織也；蕭荻蒿也。莊子列禦寇：「江上有家貧緯蕭而食者。」

【大中】大學中庸也。俱禮記篇名，宋以後爲四子書。

【六籍】卽六經書：詩、易、禮、樂、春秋也。佛書亦有禪家六籍。

699 僮 約 王 离

題 解

約，契約也。凡二人以上，以同意事項，訂立條件，互相遵守，而以文字爲之憑證者，概稱契約。僮僕也。本篇爲賣買僮僕之契約，係古代民衆應用文之一，讀之，不特可覘古昔契約之體製，且足覘封建時代奴隸制度之一斑，正不得以游戲雜文視之也。

作者述略

王襄，字子淵，漢蜀人。宣帝時，益州刺史王襄薦襄有逸才，應詔作聖主得賢臣頌，稱旨，與張子儔並待詔所幸宮觀，輒有歌頌，擢諫議大夫。會方士言益州有金馬碧雞之神，遣襄祀之道卒。

注 釋

【蜀郡】秦置，今四川舊成都、龍安、潼川、雅州四府，邛州及保寧府之劍閣以西，皆其地；即古蜀國，治今四川省。

成都縣。

【渝】漢渝氐道，在今四川松潘縣西北。

【決買券云云】決定價買立券云云者，如何如何之謂也。蓋時僅口說而未筆書。

【神爵】漢宣帝年號。（公元前六一——五八）

【資中】今四川資中縣。

【成都】縣名，秦置，今四川省治。

【食丁】食事畢也。

【縛落】落籬落也，縛落，編紮籬落之謂。

【鉏園斫陌】鉏同鋤，鋤園，鋤除園草也。田間道路，縱曰阡，橫曰陌，斫陌，謂斫去陌上之雜樹也。

【杜埤地】杜塞也；埤音皮，下濕也；謂修治下濕之地也。

【刻大枷】刻，斲削也。枷，打穀之具，俗稱連枷，以木爲之。

【杷】收麥器；一曰平田器，以竹爲之。

【鹿盧】與轆轤通，汲水之器。以軸置木架上，一端懸重物，一端貫長轂，上懸汲水之斗，並有曲木，用手轉之以取汲者也。

【蹠坐大呶】蹠坐猶箕踞，謂曲兩腳，其形如箕也。呶，喧嘩也。

【振頭】振整也；謂梳整其髮也。

【捶鉤刈芻】捶與錘通，鎧也；捶鉤，謂錘作釣鉤也；刈，割也；芻，謂割除蔓草也。

【結葦臘纏】葦，蘆葦也；結葦，謂約治之使不披離也。臘，刀也。纏，紵屬；可以爲布。臘纏，謂以刀治纏也。

【汲水酪佐醡醕】酪，乳漿也。醡，音雛模，羹漿之屬。文選作「沃不酪，住醡醕」。注：「醡醕亦美漿，醍醐之

屬，奴當甘耄淡，不得求美飲。」

【麪】粗製之衣。

【黏雀張鳥】黏，亦捕鳥之一法，以膠著之，使不得脫也。張，以網羅鳥也。

【繳】音勾，以繩繫矢而射也。

【梢】竿也，用以驅猪。

【堂廡】廡，堂下周屋，亦謂之廊。

【餽食】餽，俗作餵，食讀如飼，俱予以食物之義。

【被堤杜疆】被堤，塞漏也；杜疆，修籬也。

【落桑皮櫻】落桑，翦桑也；皮櫻，剥櫻皮也。

【瓠】臚也，剖之可以爲瓢，故曰作瓠。

【別茄披葱】別，披，俱分治之義。

【焚槎發芋】槎，伐木之餘，斜者曰槎，用作薪焚。蜀土收芋，皆窖藏之，至春乃發。

【壟集破封】治田事也。田中高處曰壟，壟集，平治耕地也。田土冬封春破，開始農作。

【斐】曝乾也。漢書賈誼傳：「黃帝曰：日中必斐。」一作煮。

【調治馬戶兼落三重】馬戶，水門也；蜀每以落置水流養魚，欲食乃取之。落與絡通，冒也。

【餉】音逋，申時食也。

【桮】古盈字。

【蘇】紫蘇，性行氣和血，見本草。

【脯】乾肉也。詩：「爾殺伊脯。」

【築肉臚芋】築擣也，臚羹也。謂擣肉爲糜，臚芋爲羹也。

【膾魚無鼈】膾，細切也；魚，裹物而燒也。

【染脣漬口】染脣，謂稍沾脣；漬口，謂稍浸潤其口也。

【交關伴偶】交關，猶交通也。後漢書：「武帝通道玉門，隔絕羌胡，使南北不得交關。」此禁其與伴偶交往也。

【江州】漢縣，故城在今四川巴縣西。

【府掾】府之屬吏也。

【推訪堊】堊音惡，白土也。訪堊未詳。

【縣亭】當在四川縣竹縣。漢書地理志：「縣竹縣紫巖山，縣水所出，東至新都，水入雒。」

【往來都洛】都謂成都，洛謂雒江，一名石亭江，又曰後江，源出四川什邡縣西北六十里之章山，東南流經

縣竹、德陽二縣界，又南經廣漢至金堂，合縣湔諸水。

【歸都擔枲】都與塗通；歸都，卽歸途也；擔也，枲音徒，牡麻也；卽大麻之不結實者。爾雅翼：「有實爲苴，無

實爲枲。」

【蹉】市名。

【武都】山名，在四川綿竹縣北，出茶。

【楊氏】池名，產荷，亦稱楊池。庾信謝趙王賚絲布等啓：「楊池掘荷，李園移樹。」

【夷蹲】展足屈下似坐也。

【益州】漢置，今四川省地。按後漢益州治雒，今四川廣漢縣，後徙治成都。

【轔】車輪之外周也，古以曲木爲之。周禮冬官考工記：「行澤者反轔，行山者仄轔。」

【彘盤】猪槽也。

【磬石薄岸】竹籠盛石以薄岸也。磬當作纍。

【四月當拔】拔，分也；如分秧之類。

【揜麥】揜種也；擇也。一本作揜。

【南安】漢縣，在今四川夾江縣西北，出橘。

【持車載輶】載車以往，求利之意，猶趕集之類也。

【蒲苧】蒲草苧麻，均可作繩。

【編蔣織薄】蔣，菰蒲也；生於陂澤，葉如蒲葦，可編作物，薄，簾也。

【根】門兩旁長木，俗稱門頰。

【上樓擊鼓】漢時官不禁報，怨民家皆高樓置鼓，其上有急即上樓擊鼓，以告邑里，令救助也。

【還落三周】還環也；謂循行籬落三匝也。

【種莞織席】莞草名，又名水葱，可以織蓆。詩小雅：「下莞上簟」箋：「莞，小蒲之席也。」

【主給賓客】言爲主人以供賓客之用也。

【仡仡】震動不安貌。

280 爲袁紹檄豫州 陳琳

題解

古之官文書用木簡，長尺二寸，凡徵召曉諭詰責等皆用之，名曰檄。袁紹據河北以討曹，時劉備正爲豫州刺史，作者乃草此檄以告之。文歷數阿曠罪狀，痛快淋漓，令人興奮，誠可愈頭風也。

作者述略

陳琳，字孔璋，後漢廣陵人。初爲何進主簿，後歸袁紹，紹敗歸漢，曹操以爲記室，徙門下督。嘗爲操作諸書及檄草，進呈，操先苦頭風，正臥病，讀琳所作，翕然起曰：「此愈我病。」即厚賜之。爲建安七子之一，著有《陳記室集》。

注釋

【左將軍領豫州刺史郡國相守】劉備歸陶謙，謙表爲豫州刺史；後歸操，操表爲左將軍。然左將軍非郡國相，豫州刺史亦非郡守，殊不能強合爲一，似郡上應有一「告」字。一說，此十二字爲他人所竄入，原本無之。

【望夷之敗】望夷宮名，在今陝西涇陽縣東南。二世齋於望夷宮，趙高遣人就弑之。

【呂后季年產祿專政內兼二軍外統梁趙】產、祿皆呂后兄子。后臨朝，以產爲梁王，祿爲趙王。漢禁衛軍有南北二軍，南軍在城內，北軍在城外，由產、祿分統之。

【絳侯朱虛興兵奮怒誅夷逆暴尊立太宗】周勃封於絳，爲絳侯。齊悼懷王子章，封朱虛侯。太宗，文帝廟號。勃與章共誅諸呂，立文帝，詳史記呂后本紀。

【司空曹操祖父中常侍騰】司空，少昊所置官，周時爲六卿之一，曰冬官大司空。漢改御史大夫爲大司空，與大司馬、大司徒並列三公。旋去大字，稱司空。中常侍，秦官，得出入禁中。後漢改以宦者爲之。騰字季興。

【左愴徐璜】左愴，河南人；徐璜，下邳人。皆後漢宦者。

【父嵩乞丐攜養】嵩字臣，高，本姓夏侯氏。騰養以爲子，莫審其生本末，故云。

【輸貨權門竊盜鼎司】古以鼎足喻三公。鼎司即公輔之職也。按嵩於靈帝時貨賂中官，及輸西園錢一億萬，因官至太尉。

【鋒協】猶鋒悞言其如鋒之利也。

【幕府董統鷹揚掃除凶逆】軍旅出征，居無常所以幕席爲府署，故曰幕府。漢衛青征匈奴，大克獲，武帝就其幕中拜爲大將軍。袁紹時爲大將軍，幕府即指紹也。鷹揚指武士，謂其威武奮揚如鷹也。詩：「雄師尚武，時維鷹揚。」凶逆指十常侍等宦者。按何進謀誅宦官，事洩被殺，紹乃勒兵盡捕諸閹人，無少長皆殺之。

【董卓侵官暴國】董卓字仲穎，隴西人。何進召卓以兵入京，誅宦官，卓聞命就道；既至洛陽，進已被殺，宦官亦爲紹所誅。卓乃擅權自恣，廢少帝，立獻帝。山東豪傑並起，以誅卓爲名。卓逼獻帝遷都長安，盡燒洛陽宮室。王允密說其心腹將呂布誅之。

【發命東夏】卓既專政，紹奔冀州，因拜爲渤海太守。紹即以其地之兵，起而討卓。東夏，中國東部之稱。書：「尹茲東夏。」按漢渤海郡，在今河北、山東一帶地，故稱東夏。

【夷傷折衄數喪師徒】紹與曹操孫堅等合兵討卓，操兵曾爲卓將徐榮所敗，兵多死傷。

【表行東郡領兗州刺史】秦取魏地，置東郡，今河北大名及山東長清一帶皆是。漢兗州刺史治昌邑，所轄

卽東郡地。表行者，謂表奏朝廷，使往東郡，領兗州刺史也。

【被以虎文獎蹟威柄】虎文，謂虎文之衣，虎賁將所服。蹟當作就，就或作噦，又作虓，形近蹟，蹟又爲蹟之異

體致誤。謂獎掖而成就威柄也。

【秦師一剋之報】孟明師敗於殲，秦穆公猶用之，卒以圖霸，事見左傳。

【忒】音脫，惡也。

【元元】民也。國策：「子元元」，注：「元，善也；民之類善，故稱元。」

【九江太守邊讓】邊讓，字文禮，陳留浚儀人。善屬文，爲九江太守。九江，後漢置郡，故城在今安徽定遠縣西北六十五里。

【身首被梟懸之誅妻孥受灰滅之咎】邊讓以世亂棄九江太守而歸，言議有侵操者，操殺之，族其家。按懸首於木曰梟。

【躬破於徐方】徐方，謂徐州也。時陶謙爲徐州牧，操伐陶謙，糧少引還。按後漢徐州治鄴，故城在今山東鄼城縣西南。

【地奪於呂布】呂布，字奉先，後漢九原人。初事丁奉，繼事董卓，誓爲父子；旋與王允共殺卓，爲卓餘黨所敗，往依袁術，復投袁紹，以事亡去。張邈迎爲兗州牧，操伐之，大敗於濮陽。兗州本操地，故云。

【裔】邊遠之地也。

【強幹弱枝】語本漢書賈誼傳，謂集其勢力於中央，以臨制地方也。賈誼說帝曰：「大國不過十餘城，小侯

不過數十里，上足以奉貢職，下足以供養祭祀，以藩輔京師，而漢郡八九十，形錯諸侯間，犬牙相臨，秉其阨塞地利，強本幹弱枝葉之勢也。」

【不登叛人之黨】登成也。叛人指呂布。語本左傳圍宋彭城。

【布衆奔沮】按紹征呂布事，諸史不載。

【方伯之位】方伯，一方諸侯之長也。禮：「千里之外設方伯。」按古方伯爲一州之表率，東漢以後，多稱刺史爲方伯。曹操爲兗州刺史，故云。

【有大造於操也】語本左傳呂相絕秦，造成也。

【鸞駕】卽鸞車，天子之乘輿也。鸞與鑾通，人君乘車，四馬四鑾八鑾，鈴象鸞鳥聲，故名。

【羣虜寇攻】董卓旣誅，其部將李傕、郭汜等作亂，長安大擾，韓暹等以獻帝還洛陽，中途屢遭寇犯，歷盡艱辛。

【冀州方有北鄙之警匪遠離局】紹領冀州牧，公孫瓚自燕攻之，時適獻帝東還，紹之左右勸紹往迎，紹不聽，爲操所先；及見詔書每下，有於己不便者，始悔其失，檄文故極意彌縫之。離局，謂遠其部曲也。按後漢冀州刺史治郭，故城在今河北柏鄉縣北。

【脅遷當御省禁】脅迫也，凡進用於天子曰御。省禁卽宮禁，漢因孝元皇后父名禁，故改禁中爲省中。此言

迫脅天子遷都也。按獻帝既還洛陽，曹操以迎駕往衛，迫遷於許。

【三臺】謝靈運晉書：「漢官尙書爲中臺，御史爲憲臺，謁者爲外臺，是爲三臺。」

【五宗】上自高祖，下及孫也。

【三族】有四說：（一）父母妻子兄弟爲三族，見史記注。（二）父族母族妻族爲三族，見漢書注。（三）父子孫爲三族，見周禮注。（四）父昆弟己昆弟子昆弟爲三族，見儀禮注。

【太尉楊彪歷典二司】楊彪字文華，華陰人。博習舊聞，嘗代董卓爲司空，代黃琬爲司徒，故云太尉。秦官漢因之，掌武事，其尊與丞相等，居三公之首，即大司馬也。

【因緣眦睚被以非罪榜楚參并五毒備至】張目互視曰：「睂眦，史記：『一飯之恩必酬，睚眦之怨必報。』」睂，謂小怨也。榜楚卽榜掠，謂鞭笞也。五毒，刑具之酷毒者也。後漢書：「笞掠無算，五毒畢加。」初學記謂爲桁、楊、荷、校、桎、梏、銀鐺、拷掠也。按袁術僭號，操託彪與術婚姻，誣以欲圖廢置，奏收下獄。孔融力救乃免。

【議郎趙彥】議郎，秦官漢制，秩比二千石，特徵賢良方正敦朴有道之士，任掌論議。趙彥，瑯邪人，通術數桓帝時，瑯邪賊興，宗資爲討寇中郎將，彥爲陳孤虛遁甲之法，一戰破之。

【梁孝王先帝母昆】梁孝王名武，景帝之弟。母昆謂同母兄弟也。

【破棺裸尸掠其金寶至令聖朝流涕】操發漢朝陵寢，破梁孝王棺，收其殉葬金寶。獻帝聞之，爲之哀泣。

【發邱中郎將摸金校尉】中郎將，秦官漢因之，領三署郎，位亞於將軍。後漢之季，增置雜號中郎將，如虎賁中郎將，使匈奴中郎將等。發邱中郎將爲操所增置，專司發掘邱墓之事。校尉，漢武所置官，如城門校尉，司隸校尉等，秩皆二千石，位亦次於將軍。摸金校尉亦操所增設，專司發墓收取金寶之事。

【墮突】毀壞之意。

【晉繳充蹊坑穿塞路】晉讀如增，魚網也。繳讀如灼，以繩繫矢而射也。晉所以網魚，繳所以弋鳥，坑穿所以捕獸類。充蹊塞路，均喻其法律之苛，法網之密也。

【無聊之民】卽民不聊生之義也。

【方詰外姦】詰謂問罪也，指紹伐公孫瓊事。

【梟雄】謂桀傲之雄。三國志：「劉備以梟雄之姿。」

【北征公孫瓊】公孫瓊字伯圭，董卓專政時，封薊侯。與紹相惡，紹因攻之。

【方舟】謂二舟相並而行也。爾雅：「大夫方舟。」

【厥圖不果】操引兵渡河，託言助紹，實圖襲之。會瓊破滅，紹亦覺之，操乃退軍放倉。

【大軍過蕩山西】西山地名甚多。按漢末黑山賊于毒等爲亂，袁紹以軍入朝歌鹿腸山討斬之。考黑山賊之黑山，在河南濬縣西北。西山當卽此。

【屠各左校皆束手奉質爭爲前登】屠各匈奴之貴種也。左校胡官名。時紹伐黑山屠各郭大賢等降紹助之，故云。

【敖倉】今河南滎澤縣西北有敖山。秦時，山上有城，中置倉，故名其地爲敖倉。

【以螗螂之斧禦隆車之隧】螗螂卽螳螂，前肢變形如鎌，便於捕捉他蟲，俗名曰斧。隆車，重大之車也。隧，要道也；以螳螂之臂，當重車於要道，卽「螳臂當車」氣雄力薄之義。螳臂當車事，見莊子、淮南子、韓詩外傳等，歷詳前注。

【中黃育獲】皆古勇士也。張衡賦：「使中黃之士，育獲之儔。」按尸子：「中黃伯曰：余左執泰行之獲，而右搏彫虎。」夏育能生拔牛毛，烏獲力能扛鼎。史記載秦武王有力，好戲，力士任鄙、烏獲、孟說，皆至大官。

【并州越太行】紹以甥高幹爲并州刺史。後漢并州治今山西太原縣。太行山連亘今河南、河北、山西境。語謂以并州高幹一軍，越太行而討操也。

【青州涉濟漯】紹以長子譚爲青州刺史。後漢青州治今山東益都縣。濟漯二水名；濟水亦稱沇水，源出河南濟源縣西王屋山，東流至山東，與黃河平行入海。漯河源出山東茌平縣西南，東北流經禹城縣入徒駭河。語謂以青州袁譚一軍，涉濟漯而討操也。

【大軍汎黃河而角其前】角謂如捕獸之捉其角。左傳：「譬如捕鹿，晉人角之，諸戎掎之，與晉踣之。」按操

軍在河南，紹軍在河北，故曰汎黃河。汎與泛同。

【荊州下宛葉而掎其後】劉表爲荊州刺史，操與袁紹相結，後漢荊州治漢壽，今湖南武陵縣東北。宛，秦縣，今河南南陽縣。葉，漢縣，今河南葉縣。掎音器，如捕獸之戾其足，亦出左傳見上條。語謂以荊州劉表一軍，向宛葉而躡操之後也。

【炳】音呐，燒也。

【沃】音惡，灌也。

【熛】音標，火飛也。

【呂布張揚之餘衆】呂布爲曹操所獲，縊殺之，降其部衆。張揚，字稚叔，雲中人。董卓以爲建義將軍，河內太守，其將揚醜殺之，以衆降操。

【鼓吹】漢樂列於殿庭者名鼓吹。大駕出遊，用短蕭饒歌，軍中行部用橫吹，然泛言之，統稱鼓吹。此指行營中之軍樂也。

【素揮】揮與徽通，旛也；招降之旗幟。

【宿衛】入宿宮禁，負保衛之職者。史記齊悼惠王世家：「哀王三年，其弟章，入宿衛於漢。呂太后封爲朱虛侯。」

【旅叛】謂援助叛逆也。

【幽】後漢幽州治薊，卽今河北大興縣。時紹之中子熙爲幽州刺史，故與并、青、冀三州之兵並進也。

【見兵】見同現，卽現有之兵也。

【建忠將軍】指張繡。按繡以軍功遷建忠將軍，時與劉表相合，故云協同聲勢也。

【羅落】聚集之意。

【五千戶侯】漢侯爵有封邑，五千戶侯，卽食邑五千戶也。

【如律令】言如法律命令之不可違失也。漢詔書檄文末多用之。

103 謝玄淝水破秦之戰

資治通鑑

題解

記載文以敍戰事爲最難，而敍戰事之最善者，史書中除左氏史遷外，當推涑水資治通鑑。通鑑之敍戰爭，尤以鉅鹿、昆陽、赤壁、淝水四大戰爲最出色。而淝水扼江、淮之衝，（淝水源出安徽合肥縣紫蓬山北，流二十里，分爲二，一東流入巢湖，一西州流至壽州入淮。）爲當時南北兩民族爭衡樞紐。苻秦挾方張之勢，憑斷流之衆，以臨東都，使無謝玄淝水一役，則東晉恐不待寄奴之篡，而江東且陸沉於氐族矣。此淝水之戰，更有係於

漢民族之消長，其重要從可知也。

作者述略

資治通鑑宋司馬光等奉敕撰。全書凡二百九十四卷，上起戰國，下迄五代，按年記事，凡一千三百六十二年。光自奉敕撰述，凡越十九年而成書。（公元一〇六五至一〇八四）進表稱精力盡於此書。採用雜書至三百二十二種。助其事者：前後漢屬劉放，三國南北朝屬劉恕，唐五代屬范祖禹，皆一時名士。元胡三省爲之音注。清畢撰續通鑑，自宋迄元，史事略備，但精審詳博，遠遜光書云。（司馬光事略，參閱第三冊赤壁之戰注。）

注釋

【秦王堅】苻堅也。其先略陽氏人，祖父洪始稱王，洪傳健，健傳生堅，堅弑生自立，稱大秦天王。初用王猛爲相，內政清明，疆土日擴；猛死，堅遂有圖晉之志。

【良家子】漢制，凡從軍不在七科譟內者，謂之良家子。漢書地理志：「漢興，六郡良家子，選給羽林期門，以材力爲官，名將多出焉。」

【羽林郎】漢武帝置建章營騎，後更名羽林。宣帝使中郎將、騎都尉監之，領郎百人，謂之羽林郎。取從軍死事之子孫養之，羽林官教以五兵，號羽林孤兒。

【司馬昌明】即晉孝武帝也。按孝武名曜，字昌明。

【尚書左僕射】僕射，秦官。魏、晉以後，爲尚書令之副，分領諸曹。

【謝安】字安石，陽夏人。少知名，累辟不就。年四十餘，始應桓溫徵，爲司馬；尋爲侍中，遷吏部尚書。孝武親政，遷中書監，錄尚書事。以破秦功，累官太保，卒贈太傅，字文靖。

【吏部尚書】晉尚書方曹之一掌選舉。

【桓沖】桓彝第五子，字幼子，小字買德郎。淹識有武幹，從桓溫征伐有功，累遷振威將軍。溫卒，詔拜中軍將軍，都督江、揚、豫諸州軍事。卒，諡宣穆。時鎮荊州。

【侍中】秦官，掌侍從奏對，親近之職。魏、晉以後，漸居華重。

【勢還不遠】胡注：「謂以勢言之，克晉之期，近在旦夕，還師不遠也。」

【秦州主簿】趙盛之爲少年都統。秦州，今甘肅天水縣。主簿，漢官，掌主諸簿目，爲縣佐貳。少年都統，苻堅新置之官，以所統皆少年也。

【慕容垂】燕主皝第五子。仕燕主暉爲大將軍，被讒奔秦，堅待以國士，命爲冠軍將軍，封賓都侯。

【姚萇】弋仲二十四子。兄襄，與苻堅戰，兵敗被殺。萇以諸弟降秦，苻堅拜爲揚武將軍，封益都侯。

【陽平公融】堅之季弟；陽平，今山東莘縣。

【鮮卑羌虜我之仇讐，常思風塵之變以逞其志】胡注：「慕容垂，鮮卑也；姚萇，羌也；其國皆爲秦所滅，雖曰

臣服，其實仇讐。」

【會】合也。

【龍驤建業】堅殺苻生得秦國時爲龍驤將軍故云。

【項城】今河南項城縣。

【涼州】今甘肅武威一帶。

【咸陽】今陝西咸陽縣。

【彭城】今江蘇銅山縣。

【潁口】潁水入淮之口也。水經注：「潁水至慎縣東南入於淮。」按慎縣故城，在今安徽潁上縣西北。

【謝石】安之弟，字石奴。初拜祕書郎，累遷尚書僕射，以破秦功封南昌郡公，卒謚襄。

【謝玄】字幼度，安兄奕之子。有經國才，屢辟不起。苻堅數入寇，謂求文武良將足以鎮禦北方者，安乃以玄應舉，以破秦功封康樂縣公，卒謚獻武。

【謝琰】安子，字瓌度。弱冠以貞幹稱，累官散騎常侍、侍中。以破秦功封望蔡公，死於孫恩之亂，謚忠肅。

【桓伊】字叔夏，銼人，小字野王。有武幹，歷淮南太守，豫州刺史，以破秦功進右將軍，封永修縣侯，卒謚烈。

【壽陽】即壽春。晉時以避諱改春爲陽，復魏仍爲壽春。今安徽壽縣。

【圍棋賭墅】古謂之奕。路史謂帝堯所作，以教丹朱者，賭墅，謂決賭於山墅，園廬也。

【西藩】桓沖時爲荊州刺史，在東都之西，故稱西藩。

【左袵】謂衣前幅掩相左也。中夏禮服皆右袵，深衣則用對襟，夷狄無禮服，止隨俗所好服之，多是左袵。論語憲問：「微管仲，吾其被髮左袵矣。」

【淮南太守】淮南郡本治壽陽，秦既得之，以郭褒爲太守。

【鄖城】杜預曰：「江夏雲杜縣東南有鄖城，按卽今湖北鄖縣。」

【硖石】水經注：「淮水東過壽春縣北，右合淝水，又北經山峽中，謂之峽石。對岸山結二城，以防津要。」杜佑曰：「硖石，今汝陰郡下蔡縣。」按今爲下蔡鎮，在安徽壽縣與鳳臺縣間。

【洛澗】水經注：「洛澗上承死馬塘水，北歷秦墟，下注淮，謂之洛口。」按在今安徽定遠縣壽縣間，新城村南。

【朱序】義陽人，興寧中爲梁州刺史，鎮襄陽，爲苻堅所執，拜爲度支尙書。

【廣陵相劉牢之】晉廣陵郡治淮陰，相漢制疆吏之一，位亞於刺史、守牧。劉牢之彭城人，謝玄鎮廣陵，以牢之爲參軍，領精銳前鋒，號北府兵。

【弋陽】胡注：「曹魏分西陽、蘄春置弋陽郡，秦未能有其地也；王詠領太守耳。弋陽，唐爲光、蘄、黃三州之地。」

按辭源：「弋陽，漢置縣，三國魏升爲郡，今河南潢川縣，故城在縣西。」

【八公山】胡三省注：「公山，在今壽春縣北四里。世傳漢淮南王安好神仙，忽有八公，皆鬚眉皓素，詣門求見，門者曰：『吾王好長生，今先生無駐顏之術，未敢以聞。』八公皆變成童，遂立廟於山上。或言今廟食於此山者，乃左吳、朱驕、伍被、雷被等八人，皆淮南王客，世以八公爲仙，誤也。」按八公山在今安徽鳳臺縣西北，肥水之北，淮水之南。

【青岡】去壽春縣三十里，今安徽壽縣界。

【張天錫】字純嘏，前涼人，小名獨活，弑玄靚自立，在位十二年，降於苻堅。堅敗後，復歸晉。桓玄時，用爲護羌校尉，涼州刺史。

【徐元善】未詳。

【雲母車】胡注：「晉制，雲母車以雲母飾轂車，臣下不得乘，以賜王公耳。」趙彥經續古今注：「石虎皇后乘輦，以純雲母代紗，四望皆通徹。」

【飧】音生，熟食曰飧；字林曰：「水澆飯也。」

【世子寶】垂第四子，垂在燕封吳王，故子稱世子；字道祐，小字庫句，垂死嗣位，改元永康，伐魏失敗，爲蘭汗所弑。在位三年，謚惠敏，廟號烈宗。

【慕容德】垂少弟，字元明，封范陽王，爲車騎大將軍。晉隆安中，自鄴徙清臺，後卽皇帝位於廣固，更名備德，跨有全齊。在位七年，卒，諡獻武，廟號世宗。

【爲太傅所不容逃死於秦】太傅慕容評也。垂在燕收晉兵有功，評忌欲誅之，乃與其子令寶奔秦，事見通鑑。海西公太和四年。

【爲王猛所賣秦主獨能明之】王猛，晉北海人，字景略，少倜儻有大志，隱居華陰山。桓溫伐秦，猛着短褐，往見，捫蟲而談，旁若無人。後仕秦，秦日強盛，削平諸國，臨終告堅弗圖。晉堅不能用，致有淝水之敗。按太和五年，猛將發長安，請垂子令參其軍事，以爲嚮導。造垂處，索得其佩刀，使所親詐爲使者，謂令曰：「吾今還東，便可速發！」令遂奔。猛表令叛狀，垂懼出走，及藍田，被獲，堅待之如舊。見通鑑。

【圖識】謂圖緯識錄占驗術數之書也。四庫提要云：「識者，詭爲隱語，預決吉凶，史記秦本紀稱盧生奏錄圖書之語，是其始也。」按卽今之所謂「預言」也。

【鄴都】鄴，漢縣名，在今河南臨漳縣境，以魏初都鄴，故稱鄴都。

【三秦】項羽三分關中，王秦降將章邯爲雍王，王咸陽以西；司馬欣爲塞王，王咸陽以東至河；董翳爲翟王，王上郡。是爲三秦。按在今陝西關中榆林一帶地。

【慕容暐】僑三子，字景茂，僑死，卽皇帝位，改元建熙。爲苻堅所敗，被執降秦，封新興侯。及垂、冲起兵，暐擬應。

之事發被誅，謚幽。

【滎陽】今河南滎陽縣。

【不覺屐齒之折】屐，木履也；齒，屐下所釘之木條；言其喜甚，踰距不成步也。胡三省曰：「史言『安矯情鎮物』，人臣以安社稷爲悅者也，大敵壓境，一戰而破之，安得不喜乎？屐齒之折，亦非安之訾也。」

【建康】東晉之都，即今南京。

【宗廟始備金石之樂】永嘉之亂，伶官樂器，皆沒於劉石，江左初立宗廟，以無雅樂及伶人，省太樂并鼓吹令。是後頗登歌食舉之樂，猶有未備。太寧末，明帝又訪阮孚等增益之。咸和中，成帝乃復置太樂官，鳩集遺工，而尚未有金石也。及慕容雋平冉閔，兵戈之際，鄴下樂人，頗亦有來者。謝尚鎮壽陽，採拾樂人，以備太樂，並制石磬，雅樂始頗具。而王猛平鄴，慕容氏所得樂聲，又入關右。今破苻堅，獲其樂工楊蜀等，閑習舊樂，於是金石始備焉。見胡三省通鑑注。

【散騎常侍】秦置散騎，又置中常侍，散騎傍乘輿，專獻可替否；中常侍出入禁中，常侍左右，並用士人。西漢爲加官。東漢省散騎而中常侍改用宦者。魏、晉復置，與中常侍合爲一，曰散騎常侍，復用士人，爲顯職。

【琅邪內史】漢以來，諸王國皆置內史，以治國人，視如郡守。漢武帝改左右內史爲京兆馮翊，惟王國不改，內史遂爲王國之官。琅琊亦作瑯琊，郡名，今山東舊奄、青沂、萊四府東南境及膠州之地。晉元帝嘗爲瑯

琊王。

428 王大夫述 胡天游

題解

左傳云：「上大夫受縣，下大夫受郡，縣邑之長曰宰、曰尹、曰公、曰大夫。」故縣令稱大夫也。本篇題爲「王大夫述」，實則敍述王大夫之政績也。

作者述略

見注釋第七冊命說。

注釋

【甲辰】清雍正二年，當公元一七二四年。

【上虞】浙江舊紹興府屬上虞縣。

【卒次】左傳襄公十三年：「恪居官次。」次位也；卒次，謂卒於官也。

【祖】祭名，出行之時，以祭路神也。文選注：「崔寔四民月令曰：祖道神也。黃帝之子，好遠游，死道路，故祀以

爲道神，以求道路之福。」

【今天下割省大小十五】清代定鼎之初，本部區域爲十五省，因明制也。至康熙二年，分陝西置甘肅省；六年，分江南爲江蘇安徽兩省，分湖廣爲湖北湖南兩省，於是始有十八省。

【盜祿血國】食祿而不治事曰盜祿，吸國民膏血以自肥曰血國。

【兩漢循吏】前漢書循吏傳，自文翁以下凡六人；後漢書循吏傳，自衛颯以下凡十二人，其見於他傳者尙多。

41 文 理 章 學 誠

題 解

本篇爲文史通義內篇之一，論爲文自有其本，可授受者規矩方圓，不可授受者心營意造。文章變化，非一成之法所能限，執古文而示人以法度，則惑矣。故纂類摘比之書，標識評點之冊，不可揭以告人，祇可用以自誌云。

作者述略

見注釋第一冊詩教。

注 釋

【良宇】姓左，爲作者朝夕論文之契友。

【歸震川氏】歸有光，學者稱爲震川先生。

【五祖傳燈】正宗紀：「五祖弘忍大師，黃梅人，先爲破頭山栽松行者，化後復生，遇四祖得度。」傳燈，猶言傳法，釋氏以燈喻法也。玉海：「祥符二年，楊億等上景德傳燈錄三十卷，自天竺七佛至達摩西來，傳至法眼，凡五十二世。」按傳燈錄爲僧道原所撰。

【靈素受錄】林靈素，宋永嘉人，少從浮屠學，苦其師笞罵，去爲道士，善妖幻，以方術得幸徽宗。受錄，亦受法之意，蓋道家以符錄相傳也。

【野狐禪】四家玄錄：「百丈大智禪師，一老人聽法曰：『僧住此山，有人問大修行底人，還落因果也無？』遂對曰：『不落因果，墮在野狐禪。請和尙代一轉語。』師曰：『汝但問。』老人便問，師曰：『不昧因果。』老人大悟曰：『今已免老狐身，只在山後住，乞依亡僧例焚燒。』巖中果見一死狐，積薪化之。」故禪家以外道爲野狐禪。

【嘉靖隆慶之間】嘉靖明世宗年號，隆慶明穆崇年號，當公元一五二二至一五七二年。

【王李之徒】王謂王世貞，字元美，號鳳洲，又號弇州山人，太倉人。嘉靖進士，好爲詩古文，持論爲文必西漢，詩必盛唐。而藻飾太甚，晚年漸始造平淡。李謂李攀龍，字于麟，歷城人。嘉靖進士，好爲詩文，論者多謂其

由摹擬剽竊而來。與謝榛、吳維岳、梁有譽及世貞稱五子。又與吳國倫、徐中行稱後七子。

【砥柱中流】 砥亦作底。書：「底柱析城。」注：「底柱，山名，在河水中。」故稱人獨立不撓者曰中流底柱。

【制藝】 宋時考試，以經文爲題，使引申其義，謂之經藝。入明，稍變其禮制；至成化二十三年會試，以反正虛實淺深，扇扇立格，是爲八股。以制科所定，故稱制藝；亦曰時文。

【祔】 遠廟曰祔。諸侯宗廟之數，依貴賤而有定制。遠祖世次逾定數以上，則遷主於祔。

【歸唐之集】 歸有光著有震川集。唐卽唐順之，字應德，明武進人。嘉靖中會試第一。於學無所不窺，著有荆川集。

【炳炳烺烺】 光明貌。

【杞梁之妻善哭其夫】 杞梁名植，春秋齊人。齊莊公襲莒，殖戰死，無子。其妻無所歸，就其夫之屍而哭之。道路過者，莫不爲之揮涕。十日而城爲之崩。見文選注引列女傳。又孟子：「華周杞梁之妻，善哭其夫，而變國俗。」

【持其志無暴其氣】 語見孟子公孫丑篇，謂固定其意志，毋爲氣所暴亂也。

【伊川先生】 程頤，字正叔，宋洛陽人。哲宗初，擢崇教殿說書。在經筵與蘇軾不合，遂出管勾西京國子監。紹聖中，以元祐諸臣被貶。少與兄灝同學於周敦頤。生平以誠爲本，以窮理爲主。晚年著《易傳》、《春秋傳》等。時

號伊川先生，謚正公。

【明道先生】程灝，字伯淳，舉進士。神宗時爲監察御史，旋乞去。與弟頤俱學於周敦頤。嘗泛濫諸家，出入老釋，返求諸六經而後得之。著定性書，與太極圖說相表裏，開聖學之祕。及卒，文彥博題其墓曰明道先生，謚純公。

【玩物喪志】書「玩物喪志」注：「以器物爲戲弄，則喪其志。」

【韓退之曰二句】見韓愈進學解，卽提綱挈領之謂也。

【籍湜】籍卽張籍，字文昌，唐烏江人。第進士，韓愈薦爲國子博士，甚賢重之。湜爲皇甫湜，字持正，唐新安人。元和進士，與張籍皆爲韓愈弟子。

【左思十稔而賦三都】左思，字太冲，晉臨淄人。博學能文，辭藻壯麗，造齊都賦，一年成之；作三都賦，十年乃成。豪貴家競相傳寫，洛陽爲之紙貴。三都，蜀都成都，吳都建業，魏都鄴也。

【陸機文賦】陸機，字士衡，晉吳郡人。父抗，吳大司馬。機少襲領父兵，爲牙門將軍。年二十而吳滅，退與弟雲勤學，積十一年，譽流京華。太康末，偕雲入洛陽，張華素重其名，曰：「伐吳之役，利獲二俊。」後事成都王穎，穎起兵，假機後將軍河北大都督。牽秀等忌之，譖機有異志，遂被殺。其所作文賦，具載文選，係未入洛時所著。

【劉勰文心雕龍】劉勰撰文心雕龍五十篇，論古今文體及文之工拙，爲中國最古之修辭學書。詳見注釋。

第三冊明詩

【鍾嶸詩品】鍾嶸著詩品三卷，列古今五言詩，自漢、魏以來百有三人，論其優劣，分爲上中下三品。詳見注釋第一冊詩品序。

【趙仲符取古人詩爲聲調譜】趙仲符，名執信，清益都人。爲王士禛之甥，顧論詩主聲調，力詆王士禛之專主神韻。有談龍錄、聲調譜及因園集十三卷。

【郢人寶燕石】韓非子：「宋之愚人，得燕石於梧臺之側，藏之以爲大寶。周客聞而觀焉，笑曰：『此燕石也，與瓦甓同。』」此云郢人，因韓非子有「郢人遺燕相國書」致誤。

239 載文 劉知幾

題解

作者領國史垂三十年，自負史才，顧與議者不合，乃商榷史例，撰史通一書。別史爲六家，而貫之以二體，更演爲內外篇，凡二十卷。論史法極謹嚴，自來史家皆奉爲規律。本篇在全書爲第十六目，論諸史所載之文，取去多失當，又多華而失實也。

作者述略

劉知幾字子玄，唐彭城人。擢進士第，累官鳳閣舍人，兼修國史。擢太子率更令。開元初，遷左散騎常侍，以功封居巢縣子。著《史通》，內外四十九篇，譏評今古。又別撰《劉氏家史》及《譜考》。會子貺抵罪，知幾爲請於執政，玄宗怒，貶安州別駕。卒，謚文。傳見唐書卷一百三十二，舊唐書卷一百二。劉子元傳。（避玄宗嫌諱，以字行。）

注釋

【國風】古者諸侯各以其國之民俗歌謠，貢於天子，而列於樂官，是爲國風。謂其感人如風之動物也。詩經自周南、召南至豳，有十五國風。

【宣僖善政其美載於周詩】周宣王命樊侯仲山甫築城於濟，尹吉甫作詩以送之，見詩《小雅·蒸民》：「吉甫作誦，穆如清風。」魯僖公修宮廟，敬郊祀，詩人爲作《閟宮》，以頌美之，見詩《魯頌》：「新廟奕奕，奚斯所作。」（奚斯，公子魚也。）

【懷襄不道其惡存於楚賦】楚懷王襄王信讒遠賢，屈原、宋玉作離騷、九歌，諸賦以刺之。

【南董】南史氏及董狐，皆春秋之良史也。崔杼既弑齊莊公，齊太史書曰：「崔杼弑其君。」崔子殺之，其弟復書而死者二人。南史氏聞之，執簡以往。晉靈公欲殺趙盾，盾出奔。趙穿弑靈公，盾反，不討。董狐書曰：「趙盾弑其君夷皋。」俱見左傳。

【中葉】猶中世也。詩：「昔在中葉，有震旦業。」

【虞帝思理夏后失御尙書載其元首禽荒之歌】虞書，帝庸作歌曰：「股肱喜哉，元首起哉，百工熙哉。」夏書五子之歌，其二曰：「訓有之，內作色荒，外作禽荒，甘酒嗜音，峻宇彫牆，有一於此，未或不亡。」

【鄭莊至孝晉獻不明春秋錄其大隧狐裘之什】左傳隱公元年，鄭莊公從穎考叔之請，與姜氏相見於隧，公入而賦：「大隧之中，其樂也融融。」姜出而賦：「大隧之外，其樂也洩洩。」遂爲母子如初。又僖公五年，晉獻公使士蕡爲二公子築蒲與屈，不慎寢薪焉。公使讓之，士蕡退而賦曰：「狐裘尨茸，一國三公，吾誰適從？」

【馬卿之子虛上林】馬卿，司馬長卿也。按司馬相如遊梁，著子虛賦；既被召，又爲上林賦。敷陳諸侯天子游獵之盛，藉子虛烏有先生亡是公三人爲辭，以諷諫焉。

【揚雄之甘泉羽獵】成帝永始四年正月，揚雄從上郊祀甘泉，時汾陰后土還奏甘泉賦以諷。十二月，從上校獵，奏羽獵賦以諷。

【班固兩都】章帝建初中，京師修宮室，而關中耆老猶瞻望西顧，班固乃上兩都賦，盛稱洛邑制度，以折西賓之論，見後漢書本傳。

【馬融廣成】鄧太后臨朝，世士以爲文德可興，武功宜廢。馬融以爲文武之道，聖賢不墜，五材之用，無或可

廢，上廣成頤以諷諫，廣成苑名。

【曹馬】指曹魏司馬晉也。蓋曹魏受漢禪，司馬晉受魏禪也。

【納陸】潘勗魏公九錫文：「是用錫君，納陸以登」謂鑿殿基爲陸級，納之雷內，不使露而升也。

【登壇】壇，謂受禪臺也。古有大事多設壇，如朝會、監誓、封拜大將等多用之。史記淮陰侯傳贊：「相國深薦策拜登壇。」

【形弓盧矢】形朱色，盧黑色，形弓盧矢，古以賜有功之諸侯。書：「形弓一，形矢百。」「盧弓一，盧矢百。」

【九命之錫】古天子優禮大臣而賜以器物殊禮以寵異之也。上公九命，亦稱九錫：一曰車馬，二曰衣服，三曰樂器，四曰朱戶，五曰納陸，六曰虎賁，七曰弓矢，八曰鉄鉞，九曰秬鬯。

【白馬侯服】古者多用白馬爲監誓，離王畿五百里至一千里之地爲侯服，謂刑白馬以誓而封於侯服近畿之地也。

【三恪之禮】周武克殷，封黃帝之後於薊，帝堯之後於祝，帝舜之後於陳，謂之三恪。或謂周武封虞、夏、商之後曰三恪，卽陳、杞、宋三國也。

【曹公歎蜀主之英略曰劉備吾儔】三國志魏武紀注引山陽公載記：「曹公船艦爲備所燒，引軍從華容道步歸，死者甚衆；旣而出謂諸將曰：『劉備吾儔也；但得計少晚，向使早放火，吾徒無類矣。』」

【周帝美齊宣之強盛云高歡不死】北齊文宣紀：「周文帝率衆出陝城，分騎北渡，至建州。帝親出戎次，周文帝聞帝軍容嚴盛，歎曰：『高歡不死矣，』遂退師。」

【或移都以避其鋒】蜀志關羽傳：「羽攻曹仁於樊，威震華夏，曹公議徙都許，以避其銳。」

【或斬水以汎其渡】北齊文宣紀：「周人常懼齊兵西渡，恆以冬月中河椎冰。」

【智昏菽麥識昧玄黃】曹魏檄吳文：「孫權小子，未辨菽麥。」按語本左氏謂晉悼公兄，劉則借曹之謂吳以誚蜀也。識昧玄黃，亦係字文誚高語。

【鷦鷯之巢葦】鷦鷯取茅葦毛毳爲巢，大如雞卵，繫以麻髮，至爲精密，故莊子謂「鷦鷯巢林，不足一枝。」

【螳螂之拒轍】莊子：「女不知夫螳螂乎？怒其臂以當車轍，不知其不勝任也。」又韓詩外傳：「齊莊公出獵，有螳螂舉足，將搏其輪，問其御；御曰：『其爲蟲也，知進而不知退，不量力而輕就敵。』」喻氣雄力薄，於事無濟也。

【詔命皆人主所爲】厚齋紀聞：「漢詔令，人主自親其文，光武詔『司徒堯也，赤眉桀也。』明帝詔曰：『方今上無天子，下無方伯。』豈代言者所爲哉？」不假手於人可證。

【第五倫爲督鑄錢掾見詔書而歎曰此聖主也一見決矣】第五倫，字伯魚，後漢京兆人，峭直無私，奉公盡節。嘗爲督鑄錢掾，領長安市，每讀詔書，常歎息曰：「此聖主也，一見決矣。」

【辛癸】卽桀紂也。夏桀名癸，商紂名受辛。

【動華】卽堯舜也。唐堯曰放動，虞舜曰重華。

【龐萌可以託六尺之孤四句】後漢書劉永傳：「龐萌爲人遜順，甚見信愛，帝常稱曰：『可以託六尺之孤，寄百里之命者，龐萌是也。』拜平狄將軍，使擊董憲而萌反。帝聞之，大怒，與諸將書曰：『吾嘗以龐萌社稷之臣，將軍得無笑其言乎？』」

【珪璋特達】喻特出於衆也。禮聘義：「珪璋特達，德也。」晉書顧和傳：「導謂和曰：『卿珪璋特達，機警有鋒，不徒東南之美，實爲海內之俊。』」

【斗筲下才】斗筲，言器小也。論語：「斗筲之人，何足算也？」注：「筲，竹器，容一斗二升。」

【猗與之頌】猗與，詩商頌首篇，小序謂祀成湯也。

【魚藻之刺】魚藻，在詩小雅，小序云：「刺幽王也。言萬物失其性，王居鎬京，將不能以自樂，故君子思古之武王焉。」

【三五】指三王、五帝也。

【三八】謂周召二公、八元、八愷也。

【起居】荀悅申鑑：「先帝故事，有起居注，動靜之節必書焉。」書錄解題：「起居注，自漢明德馬皇后始，漢

魏以來因之。唐藝文志「凡實錄詔令等並入起居注類」西京雜記「葛洪家有漢武禁中起居注

一卷。

【王沈魚豢】王沈字處道晉晉陽人有魏書四十八卷魚豢魏京兆人撰魏略五十卷。

【裴子野何之元】裴子野字幾原梁聞喜人有宋略二十卷何之元陳濶人著梁典三十卷。

【陳壽干寶】陳壽字承祚晉安漢人撰三國志時人稱其善敍事有良史之才干寶字令叔新蔡人著晉紀

二十三卷。

【王邵撰齊隋二史】王邵字君懋隋晉陽人有齊志十卷又隋書六十卷未成。

【山有木工則度之】見左傳隱十一年羽父語。

【詩有韋孟諷諫】韋孟楚元王傳及元王孫戊荒淫不遵法孟作詩諷諫後遂去位詩見文選。

【賦有趙壹嫉邪】後漢書文苑傳「趙壹字元叔作刺世嫉邪賦上計到京師司徒袁逢受計執其手延置上坐謂坐中曰『此人漢陽趙元叔也吾請爲諸君分坐』」

【篇則賈誼過秦】賈誼有過秦論上中下三篇見第七冊注釋。

【論則班彪王命】漢書敍傳「彪遭王莽敗光武卽位於冀州彪愍狂狡之不息迺著王命論以救時難。」

【張華述箴於女史】張華字茂先晉方城人學業優博辭藻溫麗著有博物志嘗懼后族之盛作女史箴以

諷見文選注引晉紀。

【張載題銘於劍閣】文選注：「臧榮緒晉書曰：『張載父收爲蜀郡太守，隨父入蜀，作劍閣銘。益州刺史張敏見而奇之，乃表上其文。世祖遣使鐫石紀焉。』」按載字孟陽，銘見晉書本傳。

【諸葛表主以出師】諸葛亮伐魏，有前後出師表。按蜀志建興五年，亮率諸軍北駐漢中，臨發上疏。又六年，亮聞魏兵東下，關中虛弱，十一月上言，見漢晉春秋。

【王昶書字以戒子】王昶字文舒，爲兄子及子作名字，皆依謙實。兄子默，字處靜；沈，字處道；其子渾，字玄冲。深，字道冲。遂書戒之曰：「欲使汝曹遵儒者之教，履道家之言，顧名思義，不敢越也。諺曰：『救寒莫如重裘，止謗莫如自修。』」斯言信矣。見魏志。

【劉向谷永之上疏】劉向，字子政。漢元帝時爲宗正，時外戚許、史放縱，宦官弘恭、石顯弄權。乃上封事諫。後成帝卽位，召拜郎中，數奏封事，見漢書楚元王傳。谷永，字子虛，爲太常丞，數上疏言得失。後爲刺史，奏事京師，見漢書本傳。文選俱有其文。

【晁錯李固之對策】漢書董錯傳：「錯爲人峭直深刻，孝文時拜太子家令，後詔舉賢良文學士，上親策之，以明國體。通人事，能直言三道之要，對策惟錯爲高第。」後漢書李固傳：「固字子堅，陽嘉二年，有地動山崩火災之異，公卿舉固對策，又特問當世之敵，爲政所宜。」

【荀伯子之彈文】宋書，伯子官御史中丞，莅職勤恪，有匪躬之稱。立朝正色，外內憚之。凡所奏劾，莫不深相訶毀，或延及祖禰，示其切直。

【山巨源之啓事】晉書。山濤字巨源，武帝受禪，爲吏部尚書，前後選舉，並得其才；所奏甄拔人物，各爲題目，時稱山公啓事。

【龜鏡】猶言龜鑑。龜所以卜，鏡所以照，故凡足以爲前知反省之助者曰龜鏡。北史：「此數事者，照爛典章，揚榷而言，是爲龜鏡。」又盧照鄰文：「思欲爲龜爲鏡，立德立言。」

74 紂事 劉知幾

題解

此篇爲史通內篇之第二十二目。以就事敍事，寧實無虛，寧今而真，無古而贗。又敍事貴簡，以四別二流，指證簡法；復輔以用晦之道，使詞約事豐，神餘象表，方爲合作。至於敍事妄飾，是爲大戒，凡詞令之出，服物之制，名號之傳，均不容稍有僭易也。

注釋

【斂】音亦敗壞也。書「彝倫攸斂。」

【微顯闡幽】謂顯明微細之節，闡揚幽暗之義也。左傳杜序：「其微顯闡幽，裁成義類者，皆據舊例而發義，指行事以正褒貶。」

【憑籥】憑讀如滯澀也。籥同鑰鎖也。

【殺青】後漢書：「吳恢欲殺青簡以寫經書。」注：「以火炙簡令汗，取其易書，復不蠹，謂之殺青，亦謂之汗簡。」

【揚子有云四句】見揚子法言問神篇。渾渾，誠樸貌。灑灑，夷曠貌。噩噩，嚴肅貌。

【荀悅漢紀】後漢書荀淑傳：「淑孫悅，字仲豫，獻帝時官祕書監，帝以班固漢書文繁難省，乃令悅依左氏傳體，爲漢紀三十卷，辭約事詳。」

【陳壽魏書】陳壽字承祚，晉安海人。少舉孝廉，除著作郎，撰三國志，分魏志、蜀志、吳志三書。善敍事，有良史之才。

【裴子野宋略王劭齊志】並見上篇注釋。

【賀六渾】北齊神武紀：「神武帝姓高名歡，字賀六渾，渤海蓚人也。世仕慕容氏，慕容敗歸魏。神武既累世北邊，故習其俗，遂同鮮卑。」

【士尼干】亦作士于尼。北史：「齊顯祖諱洋，字子進。武明太后孕帝時，有赤光照室，及產，名之曰侯尼于，鮮

卑言有相子也。」士于尼應作侯尼子。

【觀縷】觀本作覩，通作羅。金壺字考：「次序也。」左思吳都賦：「嗟難得而觀縷。」晉書傅咸疏：「臣前所以不羅縷者，莫因結奏，得從私願也。」

【權輿】始也；廣韻：「造衡自權始，造車自輿始。」

【聚蚊成雷】漢中山王傳：「衆煦漂山，聚蠭成雷。」蠭古蚊字。

【羣輕折軸】國策：「張儀說魏，積羽沈舟，羣輕折軸，衆口鑠金。」言積少成多，則輕物之累，亦可壓折車軸也。

【古文尚書】漢魯共王壞孔子宅，於壁中得尚書四十六卷，凡五十九篇，皆科斗古文，故謂之古文尚書。至東晉始顯，清顧炎武闡若璩俱議其僞。

【子太叔之狀目以美秀而文】左傳襄公三十一年：「子產之從政也，擇能而使之；馮簡子能斷大事，子太叔美秀而文，公孫揮能知四國之爲。」

【申生爲驪姬所譖自縊而亡】僖公四年傳：「姬謂太子曰：『君夢齊姜，必速祭之。』太子祭於曲沃，歸胙於公，公歸自田，六日，毒而獻之。公祭之地，地墳；與犬，犬斃；與小臣，小臣亦斃。姬泣曰：『賊由太子。』太子奔新城。十二月戊申，縊於新城。」

【紀信爲項王所圍代君而死】史記項羽本紀：「項王急圍穎陽，漢將紀信說漢王曰：『事已急矣，請爲王詭楚爲王，王可以間出。』於是漢王夜出女子滎陽東門，紀信乘黃屋，傅左纛。項王見紀信，問漢王安在？信曰：『漢王已出矣。』項王燒殺紀信。」

【焚炙忠良】殷紂造酷刑，膏銅柱，下加之炭，令有罪者行焉，輒墮炭中，妲己笑謂之炮烙之刑。忠臣梅伯等死焉。原文見書秦誓上。

【隨會論楚】左傳宣公十二年：「欒武子曰：『楚自克熊以來，在軍無日不討軍實而申儆之，訓之以華路藍縷，以啓山林。』」按係欒書語也。

【華輶藍縷以啓山林】華輶，左傳作華路，柴車也。藍縷，亦作襤縷，敝衣也。言駕柴車，服敝衣，以開闢土地也。參閱上條。

【衛青傳後】史記贊：「大將軍不敢親附士大夫，招賢者，侵人主之柄，奉法遵職而已。」按其文全出蘇建口語，史公運之爲贊，事舉而傳文省矣。

【孝文紀末】漢書贊：「孝文皇帝約身弛民，懷南越，和匈奴。」又「吳王詐病，而賜几杖，專務德化。」按皆史記紀中正文，班氏取以爲贊，亦一運化省筆之法。

【宋華耦來盟稱其先人得罪於宋魯人以爲敏】左傳文公十五年：宋華耦來盟，公與之晏辭曰：「君之先

臣督得罪於宋殤公，名在諸侯之策，臣承其祀，其敢辱君？魯人以爲敏。」按魯人，魯鈍之人也。

【墮石於宋五】見春秋僖公十六年：「墮石於宋五，墮星也；六鵠退飛，過宋都，風也。」

【公羊稱郤克眇六句】公羊成公二年：「客或跛或眇；於是使跛者逆跛者，眇者逆眇者。」穀梁成公元年：「季孫行父禿，晉郤克眇，衛孫良父跛，同時而聘于齊；齊使跛者逆跛者，禿者逆禿者，眇者逆眇者。」按公羊當作穀梁。

【漢書張蒼傳】云年老口中無齒。漢書張蒼傳：「免相後，口中無齒，食乳。」按句上無「年老」二字。本傳全錄史記、史記有老子無年字。

【筭】音詮，取魚竹器。

【目】魚豢典略云：「得鳥者，羅之一目也；然張一目之羅，終不得鳥矣。」

【輪扁所不能語斤】莊子天道：「斲輪徐則甘而不固，疾則苦而不入，不疾不徐，得之於手而應於心，口不能言。」按原文兼及郢人運斤故事，故曰不能語斤。輪扁，斲輪人名扁也。

【伊摯所不能言鼎】伊尹名摯，呂覽本味：「伊尹說湯以至味曰：『鼎中之變，精妙微纖，口弗能言，志弗能喻。』」

【言文】左傳襄公二十五年：「仲尼曰：『志有之，言以足志，文以足言，不言誰知其志。言之無文，行之不遠，慎辭哉！』」

【虞書云帝乃殂落……天下咸服】所引虞書俱見舜典。夏書見益稷謨。周書見武成篇。

【斥苦】莊子逸篇：「紳謳所生，必於斥苦。」司馬彪注：「引紳謳歌，爲力不齊而迫促之。」按卽竭力求及之意。

【士會爲政晉盜奔秦】左傳宣公十六年：「晉侯請於王，以黻冕命士會將中軍，且爲太傅。於是晉國之盜，逃奔於秦。」

【邢遷如歸衛國忘亡】見第八册摹擬篇注釋。

【犀革裹之比及宋手足皆見】左傳莊公十二年：「宋萬弑閔公於夢澤，奔陳。宋人請萬於陳，以賂陳人，使婦人飲之酒，而以犀革裹之。比及宋，手足見，宋人醢之。」

【三軍之士皆如挾纊】左傳宣公十二年：「楚子伐蕭，申公巫臣曰：『師人多寒。』王巡三軍，拊而勉之。三軍之士皆如挾纊。」

【高祖亡蕭何如失左右手】史記淮陰侯傳：「何聞信亡，不及以聞，自追之人。有言上曰：『丞相何亡。』上大怒，如失左右手。」

【漢兵敗績睢水爲之不流】史記項羽本紀：「項王大破漢軍，追擊至靈壁東，睢水上，漢軍卻爲楚所擠，多殺漢軍十餘萬人，皆入睢水，睢水爲之不流。」

【董生乘馬三年不知牝牡】鄒子：「董仲舒勤學，三年不窺園，乘馬不知牝牡。」

【翟公之門可張羅雀】漢書汲鄭傳：「下邦翟公爲廷尉，賓客墳門，及廢，門外可張爵羅；後復爲廷尉，客欲往，翟公大署其門曰：『一死一生，迺知交情；一貧一富，乃知交態；一貴一賤，交情乃見。』」

【處道受責於少期】晉書：「王沈，字處道，典著作，與荀覬、阮籍共撰魏書，多爲時諱，未若陳壽之實錄也。」按王沈魏書鄧哀王傳曰：「容貌姿美，有殊於衆，故特見寵異。」裴松之曰：「一類之言而分以爲三，亦敍屬之一病也。」松之本字世期，以避唐太宗諱，改少期。

【子昇取譏於君懋】魏書文苑傳：「溫子昇字鵬舉，永熙中，爲散騎常侍。濟陰王暉業嘗云：『江左文人，有顏延之、謝靈運、沈約、任昉，我子昇足以凌顏、轢謝、吐沈、含任。』」王劭齊志曰：「時議恨邢子才不得掌與魏之書，悵快溫子昇亦若此而撰永安記，率是支言。」按君懋即王劭字。

【磐石加建侯之言】史記：「高帝封王子弟地，大牙相制，此所謂磐石之宗也。」按磐石乃石之扁厚而大者，卽穩固之意。

【帶河申俾侯之誓】史記：「封爵之誓曰：『使河如帶，泰山若礪，國以永寧，爰及苗裔。』」言使黃河狹如衣。

帶泰山小如礪石，而封國始滅，謂決無其時也。

【論逆臣則呼爲問鼎】左傳：「楚子觀兵於周疆，定王使王孫滿勞楚子。楚子問鼎之大小輕重焉。」三代時，以九鼎爲傳國寶，楚王問鼎，蓋欲篡周也。

【稱巨寇則目以長鯨】鯨，大魚之猛惡能吞小魚者，身巨而長，故稱長鯨。以喻兇惡之人。左思賦：「長鯨吞航。」

【龍飛】喻帝王之御極也。易：「飛龍在天。」張衡賦：「龍飛白水。」

【游夏】子游、子夏也；皆孔子弟子，列入文學之科。

【南董】南史氏與董狐，皆春秋時之良史也。

【魏收代史】魏收，字伯起，南北朝鉅鹿人。機警能文，仕魏及北齊，與溫子昇、邢邵號北朝三才子。撰魏書一百十四卷，元魏初國號代，故稱代史。

【吳均齊錄】吳均著齊春秋，見上篇注釋。

【稱劉氏納貢則曰來獻百牢】魏書島夷劉氏傳：「車駕登瓜步，伐葦結筏，示欲渡江。義隆大懼，欲走建業，士女咸荷擔而立。義隆遣黃延年朝於行宮，獻百牢，並請和，求進女於皇孫。世祖以師婚非禮，許和而不

【敍元日臨軒必云朝會萬國】按魏書「太宗神瑞二年，春正月，賜附國大渠帥朝歲首者，繪帛金罽有差。」此言高齊事，乃齊書無元日會萬國明文，當是臣僚賀表中語，惜吳均齊錄已不可得見。

【吳徵魯賦】左傳哀公七年：「夏公會吳於鄆，吳來徵百牢，子服景伯對曰：『先王未之有也。』吳人曰：『宋百牢我魯不可以後宋，且魯牢晉大夫過十。吳王百牢，不亦可乎？』景伯曰：『吳將亡矣，棄天而背本，不與必棄疾於我，』乃與之。」

【禹計塗山】左傳哀公七年：「禹會諸侯於塗山，執玉帛者萬國。」杜注：「塗山在壽春縣東北。」按卽今安徽懷遠縣。

【王隱】晉書王隱傳：「隱字處叔，父銓，有著述之志，每私錄晉事及功臣行狀，未就而卒。元帝召隱爲著作郎，令撰晉史八十九卷。」

【諸葛挑戰冀獲曹咎之利】魏志注引晉陽秋：「諸葛亮寇於郿，據渭水南，亮挑戰，遣高祖巾幘，欲以激怒，冀獲曹咎之利。」史記項羽紀：「項王謂大司馬曹咎曰：『謹守成，星漢欲挑戰，慎勿與戰。』漢果數挑楚軍戰，楚軍不出，使人辱之；大司馬怒，渡兵汜水，半渡，漢擊之，大破楚軍，咎自剄。」按晉陽秋卽王隱所撰晉史也。

【崔鴻】字彥鸞，後魏清河人。博通經史。孝昌初，拜給事黃門侍郎。因劉淵、石勒等十六國，跨僭一方，各有國

書未有統一，乃撰十六國春秋，勒成百卷。

【慕容冲見幸爲有龍陽之姿】晉書載記：「苻堅滅燕，慕容冲姊爲清河公主，年十四，有殊色，堅納之，寵冠後庭。冲年十二，亦有龍陽之姿，堅又幸之。姊弟專寵，長安歌之曰：『一雌復一雄，雙飛入紫宮。』」按龍陽君爲戰國魏之幸臣，見戰國魏策。

【盧思道】北史盧玄傳：「玄之孫思道，才學兼著；齊天保中，魏史成，思道多所非毀。周平齊，追赴長安，終散騎侍郎，參內史事，集三十卷。」

【邢邵喪子不慟】北齊書：「邢邵，字子才，養孤子，恕慈愛特深。在兗州時，有都信云：『恕疾，便憂之，顏色貶損。及卒，痛悼雖甚，不再哭，其高情達識，開遣滯累，東門吳以還，所未有也。』」

【東門吳】戰國秦策：「梁人有東門吳者，其子死而不憂，其相室曰：『公子愛子也，死而不憂，何也？』東門吳曰：『吾嘗無子，無子之時不憂，今與無子之時同也，奚憂焉？』」

【李百藥】唐書：「李百藥字重規，定州安平人。隋內史令德林子也。幼多病，祖母趙以百藥名之。七歲，能屬文，號奇童。貞觀元年，拜中書舍人，封安平縣男。所撰齊史，行於世。」

【王琳雅得人心】北齊書：「王琳，字子珩，鎮壽陽，輕財愛士，得將卒之心。既及於難，當時田夫野老，知與不知，莫不爲之歎歎流涕。觀其誠信感物，雖李將軍之恂恂善誘，殆無以加焉。」

【李將軍恂恂善誘】漢書李廣傳：「廣行無部曲行陳，就善水草頓舍，人人自便。」將兵乏絕處見水，士卒不盡飲，不近水；不盡餐，不嘗食。寬緩不苛，士以此愛樂爲用。

【漢初立櫬】漢書高帝紀：「八年十一月，令士卒從軍死者，爲櫬歸其縣，縣給衣衾棺葬具。」注：「應劭曰：櫬，小棺也。」按史記無此事，文當作「漢初立櫬孟堅所書。」

【魯始爲髽】左傳襄公四年：「邾、莒伐鄆，滅紇，救鄆，敗於狐鮀。國人從喪者皆髽。魯於是乎始髽。」杜注：「髽，麻髮合結也。喪多不能備凶服。」

【河橋可作元凱取驗於毛詩】晉書杜預傳：「預字元凱，杜陵人。預以孟津渡險，請建河橋於富平津，議者以爲殷周所都，歷聖賢而不作者，必不可立故也。預曰：『造舟爲梁，則河橋之謂也。』及橋成，帝從百僚臨會舉觴屬預。」

【男子有笄伯支遠徵於內則】魏書：「劉芳，字伯文，彭城人，北徒通直常侍王肅之來奔也，寓於華林。肅語次曰：『古者婦人有笄，男子則無喪服，男子冠而婦人笄。』芳曰：『冠尊，故奪其笄稱也，非男子無笄。禮內則稱：『子事父母，雞初鳴，櫛纏笄總，男子有笄明矣。』肅以爲然，時人號爲劉石經。」按伯文北史作伯支。

【裴景仁秦紀】裴景仁秦紀今已無考。史通所引原文，見世說注引。苻作符。

【苻堅方食撫盤而詬】晉載記：「苻堅討姚萇，萇軍渴，有死者俄而降雨，萇營三尺，營外寸餘而已。」萇軍大振。堅方食，去案怒曰：「天何故降澤敵營？」

【洛干感恩脫帽而謝】北齊万俟普傳：「子塔字受洛干，戰有功，高祖親扶上馬，洛干免冠稽首曰：『願出死力。』」北史亦同。劭志亦無考矣。

【翼犍道武原諱】魏書帝紀：「昭成帝諱什翼犍。」按昭成卽道武帝諡也。

【黑獺周文本名】周書帝紀：「文帝，宇文氏，諱泰，字黑獺。」

【伯起】魏收字，撰魏書，見前。

【德棻】卽令狐德棻，撰周書，見前。

【彌降蒯聵字之熾也】彌降，八凱中之一人。蒯聵衛莊公名。刺客傳亦有趙蒯聵。

【重耳黑臀名之鄙也】重耳，晉文公名。黑臀，晉成公名。成公之生也，其母夢神規其臀以黑，曰：「使有晉國

三而畀驩之孫。」故名曰黑臀。

【齊丘之犢彰於載識】杜臺卿齊記載識云：「首牛入西谷，逆犢上齊丘。」

【河邊之狗著於謠詠】王劭齊志載謠云：「蘿蔓頭團團，河中狗子破爾宛。」

【氏姓本複滅省從單】通鑑釋例：「魏之羣臣，出代北者皆複姓，孝文遷洛，改爲單姓，史患其煩，皆從後

姓，」按北朝諸史，亦非盡改，其省改之文，於魏書官氏志具列之。

【去万紐而留于】周書：「唐瑾仕魏爲驃騎開府，周文歎異之，賜姓萬紐于氏。」華岳頌碑：結銜作万紐于瑾。又魏書官氏志：「勿忸于氏後改爲于氏。」通志氏族略：「勿忸于氏後改爲于同。」

【存狄而除厘】原註：「如作存扶而除乞亦可。」按魏書官氏志：有乞扶氏改爲扶氏，又有厘狄氏後改爲狄氏，北齊臣有厘狄迴洛，厘狄盛之屬皆是廣韻：「厘，始夜切。」

【文勝質則史】見論語雍也篇：「質勝文則野，文勝質則史，文質彬彬，然後君子。」

【烏孫】漢西域國名，卽今新疆伊犁河流域之地。先居燉煌、祁連之間，後逐大月氏而建烏孫國，與漢和親，故宮室仿漢儀。

【刻鵠不成反類於鷺】言模仿不能畢肖也。馬援戒兄子書：「畫虎不成反類犬，刻鵠不成猶類鷺。」按鷺，野鶴也。

75 煩 省 劉知幾

解 題

荀子非相云：「久則論略，近則論詳，略則舉大，詳則舉小。」卽本篇之大意也。前之敍事三章，以用筆言。此則

以載事言。參綜會悟之，可以得事增文簡之法，文載史通內篇第三十三目。

注 釋

【干令昇史議歷詆諸家而獨歸美左傳】干寶，字令昇，見前史通二體篇云：「干寶著書，乃盛譽丘明而深抑子長，其義云：能以三十卷之約，括囊二百四十年之事，靡有遺也。」

【張世偉著班馬優劣論】晉書本傳：「輔字世偉，御史中丞，著名士優劣論云：『世人稱司馬遷、班固之才，優劣多以班爲勝，余以爲史遷敍三千年事，五十萬言，煩省不敵，固之不如遷必矣。』」

【年淺近者撰錄多備】左傳杜預釋例：「文公已上六公，書日者二百四十九；宣公已下亦六公，書日者四百三十二。計年數略同而日數加倍，此亦久遠遺落，不與近同也。」

【輶軒】輕車也；天子之使臣乘之。風俗通序：「周、秦常於歲八月，遣輶軒之使，求異代方言。」

【謝承】吳志妃嬪傳：「吳主權謝夫人之弟也。」隋書經籍志：「後漢書一百三十卷，無帝紀，吳武林太守謝承撰。」參閱下「華謝」條注。

【陳壽偏委於蜀中巴梁語詳於二國】陳壽撰三國志，見前。但蜀志最短，此言詳於巴梁者，蓋并壽所撰之益都耆舊傳而言也。

【宋齊受命梁陳握紀】言南朝四代也。宋劉裕、齊蕭道成、梁蕭衍、陳陳霸先，俱再傳而易代。

【禹貢一州】禹貢夏書篇名。禹制九州貢法，而詳其山川道里之遠近，物產之所宜，故曰禹貢。其所定九州，爲兗、冀、青、徐、豫、荆、揚、雍、梁。此言一州，謂其疆域之小也。

【秦氏二世】秦始皇傳至二世而亡，言年祚之促也。

【介葛辨犧於牛鳴】左傳僖公二十九年：「介葛盧來朝，聞牛鳴，曰：『是生三犧，皆用之矣，其音云。』問之而信。」

【叔孫志夢於天壓】左傳昭公四年：「初，穆子去叔孫氏，及庚宗，遇婦人，私而宿焉。適齊，夢天壓己，弗勝。顧而見人黑而上僂，號之曰：『牛助余，』乃勝之。既立，所宿庚宗之婦人獻以雉，曰：『吾子長矣。』見之，則所夢也。號之曰牛。」唯遂使爲豎，有寵，卒亂其室。」

【楚人教晉以拔旆】左傳宣公十二年：「邲之戰，晉師奔，或以廣隊不能進；楚人惎之，脫局，少進，馬還，又惎之；拔旆投衡，乃出。顧曰：『吾不如大國之數奔也。』」

【城者謳華以乘甲】左傳宣公二年：「宋城，華元爲植巡功，城者謳曰：『睆其目，皤其腹，乘甲而復于思！思乘甲復來。』使其驥乘謂之曰：『牛則有皮，犀兕尚多乘甲則那？』役人曰：『從其有皮，丹漆若何？』華元曰：『去之！夫彼口衆我寡。』」

【武帝乞漿於柏父】漢武故事：「上微行，嘗夜至柏谷，舍於逆旅，因從乞漿，主人翁曰：『無漿，正有溺耳。』

且疑上爲姦盜，欲攻之。主人媼睹上狀貌而異之，止其翁，翁不聽。媼飲翁酒，縛之，乃殺雞爲食以謝客。明日上歸，召媼賜金千斤。」

【陳平獻計於天山】漢書高帝紀：「至平城，爲匈奴所圍，七日，用陳平計得出。」應劭曰：「陳平使畫工圖美女，間遺閼氏，云欲獻之；閼氏畏其奪己寵，因謂單于曰：『漢天子亦有神靈，得其地非能有也。』於是開一角得出。」

【長沙戲舞以請地】漢書景十三王傳：「長沙定王發，母微，故王卑溼貧國。」應劭曰：「景帝後二年，諸王來朝，有詔更前稱壽歌舞，定王但張袖小舉手，左右笑其拙，上怪問之，對曰：『臣地小國狹，不足迴旋。』帝乃以武陵、零陵、桂陵益焉。」

【楊僕怙寵而移關】漢書孝武紀：「元鼎三年冬，徙函谷關於新安，以故關爲弘農縣。」應劭曰：「時樓船將軍楊僕，數有大功，恥爲關外民，上書乞徙東關，以家財給其用度。武帝意亦好廣闊，於是徙關三百里。」

【帝堯則天稱大書惟一篇】論語泰伯：「大哉！堯之爲君也，巍巍乎惟天爲大，惟堯則之。」書惟堯典一篇。
【周武觀兵孟津言成三誓】周書：「惟十有一年，武王伐殷，戊午，師渡孟津，作泰誓三篇。」按孟津在今河南孟縣南，今曰河湯渡。

【繫辭】周易繫辭文王所作，繫於卦爻之下者。孔子更作繫辭傳以釋之。

【蚩尤黃帝戰於阪泉】蚩尤黃帝時之諸侯好兵喜亂，帝徵諸侯之師征之，戰於涿鹿。蚩尤作大霧，帝爲指南車以破之，遂戮蚩尤。按蚩尤黃帝之戰，乃在涿鹿，此云阪泉，乃黃帝與炎帝之戰之誤。阪泉，在今河北保定縣東。

【城濮鄖陵之事】春秋成公十六年：「甲午晦晉侯及楚子鄭伯戰于鄖陵，楚子鄭師敗績，楚殺其大夫公子側。」又僖公二十八年：「夏四月己巳，晉侯齊師宋師秦師及楚人戰于城濮，楚師敗績，楚殺其大夫得臣。」按城濮春秋衛地，今山東濮縣南有臨濮故城。鄖陵春秋鄭邑，今河南鄖陵縣。

【有窮篡夏少康中興】左傳襄公四年：「昔有夏之方衰也，后羿因夏民以代夏政，而淫於原獸。弃武羅伯，因熊髡、彪圉而用寒浞。寒浞，伯明氏之讒子弟也，行媚於內，而施賂於外，樹之詐慝，以取其國家。」又哀元年：「昔有過澆滅夏后相，后繇方娠逃歸有仍，生少康焉。澆求之，奔有虞，虞君妻之二姚，而邑諸紛能布其德，以收夏衆，使女艾諜澆，復禹之跡，祀夏配天。」

【王莽光武】王莽，漢孝元皇后之姪，字巨君，爲大司馬，弑平帝，立孺子嬰，攝政，稱假皇帝，尋篡位，國號新。光武名秀，長沙定王發之後，與兄伯升起兵討之，莽敗被殺。

【夫差旣滅句踐霸世】春秋時，越王句踐之父允常，爲吳王闔閭所敗，句踐遂敗闔閭而雪其恥。闔閭子夫

差，復報越，困勾踐於會稽，勾踐請和，用范蠡、文種十年生聚，十年教訓之策，因以滅吳。渡淮水，會諸侯，受方伯之命，橫行江、淮間，名震中國。

【桓玄宋祖】晉桓玄字敬道，溫之子。嗣父爲南郡公。安帝時，爲江州刺史，都督荆、江等八州軍事。據江陵，入建康，迫帝禪位。劉裕起兵討之，大破之，斬之於江陵。裕字寄奴，彭城人。初仕晉，爲下邳太守，討孫恩、盧循、桓玄等有功，封晉爵宋王，弑安、恭二帝，篡位，是爲宋武帝。

【張儀馬錯爲秦開蜀】國策秦策：「司馬錯與張儀爭論於秦惠王前，司馬錯欲伐蜀，張儀曰：『不如伐韓。』卒起兵伐蜀，十月取之，遂定蜀。」又史記秦本紀：「惠王八年，張儀復相秦，九年，司馬錯伐蜀，滅之。」索隱：「蜀西南夷，有杜宇自立爲王，曰望帝。蜀王元年，張儀伐蜀，蜀王與戰不勝，爲儀所滅。」

【鄧艾鍾會】三國魏志：「鄧艾，字士載。鍾會，字士季，太傅繇小子也。司馬文王以蜀將姜維屢擾邊陲，大舉圖蜀。景元四年秋，下詔使鄧艾統諸軍三萬餘人，趨甘松沓中，綴維會統十萬衆，分從斜谷、駱口入，移檄蜀將吏士民。」

【沈蕭】沈約，字休文，著宋書。蕭子顯，字景陽，著南齊書。

【孫習】孫盛字安國，著晉陽秋。習鑿齒字彥威，著漢晉春秋。

【華謝】華嶠，字叔駿，博聞多識。晉泰始中，拜散騎常侍，典中書著作。元康中，以東觀漢紀煩穢，改撰後漢紀。

九十七卷，其十典未成而終。謝承字偉平，山陰人。其女兄爲吳孫權夫人。博學洽聞，拜五官中郎將，遷長沙都尉，武陵太守。著有後漢書百餘卷。

【班馬】班固、司馬遷也，撰漢書及史記。

749 疑古 劉知幾

解題

此篇爲史通外篇之第三目。作者有慨於古文隱諱，粉飾爲多，自新莽始，以及當塗，類以攘穡之詐，危爲推挹之文，凡資口實，率附陶、姚，於是特著疑例十條，以發其覆。竟謂古聖且蒙疑謗，此事誰容售欺；憑伊借面，有辭，至竟隱形無地耳。

注釋

【虞夏之典】卽舜典、大禹謨也。書虞書：「虞舜側微，堯聞之聰明，將使嗣位，歷試諸難，作舜典。」書大禹謨：「臯陶矢厥謨，禹成厥功，帝舜申之作大禹謨。」

【商周之誥】成湯旣黜夏命，復歸于毫，作湯誥。周公作大誥，洛誥，多士。召公作召誥。成王作康誥，酒誥，梓材。康王作康王之誥。見書經。

【仲虺周任】仲虺，湯之左相，書有仲虺之誥，周任商之太史，左傳曾引其言。

【史佚臧文】史佚，周史官；成王與弟叔虞戲，削桐葉爲圭，以與之曰：以此封若。史佚曰：「天子無戲言」於是封叔虞於唐。臧孫辰，春秋魯大夫，卒諡文仲。孔子言其有不仁者三，不知者三。

【少昊之以鳥名官】竹書紀年：「少昊登帝位，有鳳凰之瑞，或曰『名清不居帝位，帥鳥師居西方』」，以鳥紀官。按名清，上古人名。

【陶唐之御龍拜職】史記夏紀：「帝孔甲立，好方鬼神事，天降龍二，有雌雄，孔甲不能食。陶唐後有劉累，學擾龍於豢龍氏，以事孔甲，孔甲賜之姓曰御龍氏，受豕韋之後。」

【后羿寒浞】見上篇。又竹書紀年：「帝太康居斟鄩，畋於洛表，帝仲康七年，世子相出，居商丘。帝相八年，寒浞殺羿。九年，相居於斟灌。二十六年，浞使其子澆滅斟灌。二十七年，伐斟鄩滅之。二十八年，弑帝；后縉歸於有仍，伯靡奔夏。世子少康生，在丙寅年。乙酉，少康奔虞。甲辰，少康使女文毅澆。乙巳，伯靡殺寒浞，少康歸於夏邑。」

【蒲姑伯陵】左傳昭公二十年：「齊侯至自田，晏子侍於遄臺，晏子曰：『昔爽鳩氏始居此地，季薦因之，有逢伯陵因之，蒲姑氏因之，而後太公因之。』」

【論語曰七句】按所引分見論語顏淵、八佾、泰伯篇。

【孟子曰三句】孟子語見風俗正始篇：「堯舜不勝其美，桀紂不勝其惡，傳言失指，圖景失形。」

【魏文帝曰三句】三國魏志文帝紀：「魏春秋曰：帝升壇禮畢，顧謂羣臣曰：『舜禹之事，吾知之矣。』」

【漢景帝曰二句】景帝語見史記儒林轅固生傳：「食肉不食馬肝，不爲不知味；言學者無言湯、武受命，不爲愚。」

【定禮】卽修春秋，以春秋爲周禮舊法也。

【隱閔非命】左傳隱公十一年：「羽父請殺桓公，公曰：『吾將授之矣。』羽父懼，反譖公於桓公而請弑之。十一月，羽父使賊弑公於鴟氏，立桓公。」又閔公元年：「初，公傅奪卜齶田，公不禁；秋八月，共仲使卜齶賊公于武闈，成季以僖公適邾，共仲奔莒，乃入立之。」

【惡視不終】左傳文公十八年：「文公二妃敬嬴，生宣公，敬嬴嬖而私事襄仲，襄仲欲立之，叔仲不可。仲殺惡及視而立宣公，書曰：『子卒諱之也。』夫人姜氏歸於齊，大歸也；將行，哭而過市，曰：『天乎！仲爲不道，殺嫡立庶。』杜注：「惡，太子，視，其母弟；夫人，姜氏，惡，視之母出姜也。」

【君娶於吳是謂同姓而司敗發問對以知禮】論語述而：「陳司敗問『昭公知禮乎？』孔子曰：『知禮。』」孔子退，揖巫馬期而進之曰：「吾聞君子不黨，君子亦黨乎？君娶於吳爲同姓，謂之吳。孟子君而知禮，孰不知禮？」巫馬期以告，子曰：「丘也幸，苟有過，人必知之。」

【克明俊德】書堯典：「粵若稽古帝堯曰：放勳，欽明文思安安，允恭克讓，光被四表，格于上下，克明峻德，以親九族，九族既睦，平章百姓，百姓昭明，協和萬邦，黎民於變時雍。」

【比屋可封】陸賈新語無爲篇：「堯、舜之民，可比屋而封；桀、紂之民，可比屋而誅者，教化使然也。」

【高陽高辛二氏各有才子八人謂之元凱】左傳文公十八年：「昔高陽氏有才子八人：蒼舒、隤斂、檮戭、大臨、尨降、庭堅、仲容、叔達，天下之民，謂之八愷。高辛氏有才子八人：伯奮、仲堪、叔獻、季仲、伯虎、仲熊、叔豹、季狸，天下之民，謂之八元。」注：「八凱謂垂、益、禹、臯陶之倫；八元謂稷、契、朱虎、熊羆之倫。」

【渾沌窮奇檮杌饕餮】帝鴻氏有不才子，天下之民，謂之渾沌；少昊氏有不才子，天下之民，謂之窮奇；顓頊氏有不才子，天下之民，謂之檮杌；緝雲氏亦有不才子，天下之民，以比三凶，謂之饕餮。並見左傳文公十八年。按渾沌，獸名；無孔竅也。神異經：「崑崙西有獸，名爲渾沌。」窮奇，惡獸名；山海經謂狀如牛，蝟毛。神異經謂狀如虎，有翼能飛。檮杌，亦惡獸名；神異經：「西方荒中，有獸焉，其狀如虎而犬，毛長二尺，人面虎足，猪口牙，尾長一丈八尺，攬亂荒丘，名檮杌；又名傲狠，一名難訓。」饕餮，惡獸名；神異經：「西南方有人焉，身多毛，頭上戴豕，貪如狼惡，好自積財，而不食人穀；強者奪老弱者，畏羣而擊單，名曰饕餮。」

【咎繇】卽皋陶。

【汲冢瑣語】隋書經籍志：「古文璵語四卷，汲冢書。」按晉書東晉傳：「太康二年，汲郡人不準，盜發魏襄

王墓，或言安釐王冢得竹書數十車。其紀年十三篇，記夏以來至周幽王爲犬戎所滅，以事接之三家分晉，仍述魏事，至安釐王之二十年。蓋魏國之史書，大略與春秋皆多相應。其中經傳大異，則云：『夏年多殷益干啓位，啓殺之。太甲殺伊尹，文丁殺季歷。』自周受命至穆王百年，非穆王壽百年也。幽王既亡，有共伯和者攝行天子事，非二相共和也。』其易經二篇，與周易上下經同。易繇陰陽卦二篇，與周易略同。繇辭則異。卦下易經一篇，似說卦而異。公孫段二篇，公孫段與邵涉論易。國語三篇，言晉楚事。名三篇，似禮記，又似爾雅論語。師春一篇，書左傳諸卜筮，師春似是造書者姓名也。瑣語十一篇，諸國卜夢妖怪相書也。梁丘藏一篇，先敍魏之世數，次言丘藏金玉事。繳書二篇，論弋射法。生封一篇，帝王所封。大歷二篇，鄒子談天類也。穆天子傳五篇，言周穆游行四海，見帝臺西王國。圖詩一篇，畫贊之屬也。又雜書十九篇，周食田法，周書論楚事，周穆王美人盛姬死。大凡七十五篇，七篇簡書拆壞，不識名題。冢中又得銅劍一枚，長二尺五寸，漆書科斗字。初發冢者，燒策照取寶物，及官收之，多燼簡斷札，文既殘缺，不復詮次。武帝取其書，付祕書校綴次第，尋考指歸，而以今文寫之，哲在著作，得觀竹書，隨疑分釋，皆有義證。』

【山海經】始見於史記，而未言何人所作。其卷首有劉秀校上奏，稱爲伯益所作。王充論衡、吳越春秋亦同此說。然書中多夏商以後地名，必周秦間人所述，非出於伯益矣。所述山水，多參以神怪，卽列子所謂「大禹行而見之，伯益知而名之，夷堅聞而志之」也。晉有郭璞注，又有圖贊，明楊慎有補註，清郝懿行

又有箋疏。古以此書列於道藏，或入於地理書，清四庫目錄入小說家類，蓋以其書皆誌怪之說也。凡十八篇。

【帝丹朱】山海內南經：「蒼梧之山，舜葬於陽，帝丹朱葬於陰。」

【廣書】舜典又云五十載陟方乃死。此謂孔安國傳也。傳云：「方，道也；升道南方巡守，死於蒼梧之野而葬焉。」至蔡傳以「陟方」作「升遐」解，而又援竹書「帝王之沒曰陟」爲據，或又以漢書注「掘土爲坑曰方」爲方字之據；若爾，則只如竹書書「陟」已足，卽綴「方」字尙可強通，而復綴之以「乃死」何耶？蔡云：「猶言『殂落而死』也。」殂落下添「而死」二字，尙復成語耶？詳味句法，畢竟孔傳爲正。但以大禹謨受終之文印之，是時禹攝帝位久矣，舜不應更事親巡古經此等處當闕疑。

【蒼梧】山名，亦曰九疑，在今湖南寧遠縣。
羅淵又謂之屈潭。

【汨羅】二水名，合流曰汨羅江，在今湖南湘陰縣北，西流入湘。戰國時屈原懷沙自沈於此。水經注謂之汨羅；史記：「舜葬於江南九疑，是爲零陵。」卽此地也。

【百越】亦作百粵，古者江、浙、閩、粵之地，爲越族所居，謂之百越。

五嶺 始見於史記張耳傳，其說有三：（一）漢書注引服虔曰：「山嶺有五，因以爲名，交趾合浦界有此嶺。」

（二）裴氏廣州記：「大庾、始安、臨賀、桂陽、揭陽，是爲五嶺。」（三）方輿紀要：「入嶺之途五路：自福建入廣東之循梅，一也；自江西南安入南雄，二也；自湖南之郴入連，三也；自道州入廣西之賀，四也；自全州入靜江，五也。」

【媒劃】謂文身也；媒同裸。

【歎瘡】歎音囂，熱氣也；歎瘡，瘡癟之氣也。

【二妃】娥皇、女英也。堯之二女，同降於舜，娥皇爲后，女英爲妃。舜崩于蒼梧之野，二女歿于江、湘之間。相傳娥皇爲湘君，女英爲湘夫人，見列女傳。

【夏桀放於南巢】湯伐桀，放于南巢。按南巢在今安徽巢縣。

【趙嘉遷於房陵】淮南子：「趙王遷流於房陵，思故鄉，作山水之謳。」又史記趙世家：「秦既虜遷趙之亡大夫，共立嘉爲王。六年，秦破嘉，滅趙。」按嘉當作遷。房陵今湖北房縣。

【周王流彘】史記周本紀：「厲王卽位，暴虐侈傲，國人謗王，王怒，得衛巫，使監謗者，以告則殺之，國人莫敢言，道路以目。三年，乃相與畔，襲厲王，厲王出奔彘。」韋注：「彘卽永安。」按永安，在今四川奉節縣東。

【楚帝徙郴】史記項羽本紀：「諸侯罷戲下，各就國。項羽使使徙義帝長沙郴縣，陰令衡山、臨江王擊殺之。」

于江中。郴，今湖南郴縣。

【益爲啓誅】案竹書紀年，啓既立，費侯伯益出就國，無啓殺益事，蓋瑣語中載之。

【太甲殺伊尹】竹書紀年：「太甲元年，伊尹放太甲于桐，乃自立；七年，王潛出自桐，殺伊尹。」

【文丁殺季歷】竹書紀年：「文丁十一年，周公季歷伐翳徒之戎，來獻捷，王殺季歷。」按文丁即太丁。

【商均】虞舜之子。

【桓獨不全】晉書安帝紀：「隆安二年，廣州刺史桓玄舉兵反。元興二年，玄篡位，帝蒙塵。三年，帝幸江陵；五月，督護馮遷斬玄於狹盤州，乘輿反正。」

【桓效曹馬而獨致元興之禍】曹、馬謂曹丕、司馬炎之篡漢、魏也，元興，晉安帝年號，當公元四〇二年至四〇四年。按桓玄自元興二年稱楚王，至三年，劉裕起兵討玄，玄敗，走死。

【湯誓序云五句】書湯誓序：「伊尹相湯伐桀，升自陑，遂與桀戰于鳴條，作湯誓。」又仲虺之誥：「成湯放桀于南巢，惟有慚德。」曰：「予恐來世以台爲口實。」鳴條，今山西安邑縣有鳴條岡。南巢見前。

【周書殷祝篇稱桀讓湯王位云云】殷祝篇在逸周書第六十六。其略曰：「湯將放桀，士民奔湯，國中虛，桀

請湯曰：「君有人，請致國。」湯曰：「否，士民惑吾爲王明之。」士民復致於桀曰：「何必君更？」桀南徙不齊，民奔湯，桀復請湯，言國君之有也。」湯曰：「否，我爲君王明之。」桀徙於魯，又曰：「國君之有也。」

湯不能止桀，而復薄三千諸侯曰：『有道者處之。』三千諸侯莫敢卽位，然後湯卽天子之位。

【湯以天下讓務光】按墨子所云，莊子亦載之，而務作晉讓王篇云：「湯將伐桀，因晉光而謀，晉光曰：『非吾事也。』湯伐桀，冠之以讓晉光，曰：『吾子何不立乎？』辭曰：『吾聞之，無道之世，不踐其土，況尊我乎？不忍久見也，乃負石而自沉於廬水。』

【三分有二商紂爲獨夫】論語泰伯：「三分天下有其二，以服事殷，周之德，可謂至德也已矣。」孟子梁惠王下：「殘賊之人，謂之一夫，聞誅一夫紂矣，未聞弑君也。」書經曰：「獨夫受。」按獨夫，猶一夫也。

【紂有臣億萬人其亡流血漂杵】周書武成：「甲子昧爽，受率其旅若林，會于牧野，罔有敵于吾師，前徒倒戈，攻于後以北，血流漂杵；一戎衣，天下大定。」

【武王爲泰誓數紂過失】書泰誓上：「今商王受，沈湎冒色，敢行暴虐，焚炙忠良，剗剔孕婦。」中：「淫酗肆虐，惟受罪浮于桀，剗喪元良，賊虐諫輔。」下：「今商王受，斷朝涉之脰，剖賢人之心，作威殺戮，毒痛四海。」

【呂相爲晉絕秦】左傳成公十四年：「夏四月戊午，晉侯使呂相絕秦。丁亥，及秦師戰于麻隧，秦師敗績。」

【陳琳爲袁檄魏】文見昭明文選，題曰：「爲袁紹檄豫州。」李善注：「魏志曰：『陳孔璋避難冀州，袁本初使典文章，作此檄。』」

【子貢曰紂之惡不至是君子惡居下流】論語子張篇：「子貢曰：『紂之不善，不如是之甚也，是以君子惡

居下流，天下之惡皆歸焉。」

【班生亦云安有據婦人臨朝】班生卽班固，其所著漢書云：「成帝宴飲，乘輿幄坐，畫紂據妲己，上指問班伯曰：『紂至是乎？』伯對曰：『書云用婦之言，何有踞肆於朝，所謂衆惡歸之，不如是之甚也。』」

【劉向】漢之宗室，字子政，楚元王之四世孫。爲人簡易，無威儀，專積思於經術。元帝時，爲中壘校尉。時外戚王氏專權，上數欲用爲九卿，爲王氏所持，官終不遷。所著有洪範五行傳、列女傳、新序、說苑等。其論桀、紂事，見說苑。

【微子之命篇序云殺武庚】書微子之命序：「成王旣黜殷命，殺武庚，命微子啓代殷後，作微子之命。」竹書紀年：「周武王十二年，伐殷，王親禽受於南單之臺，遂分天之明，立受子祿父，是爲武庚。成王元年，武庚以殷畔；三年，王師滅殷，殺武庚。」

【合謀二叔殉節三監】周武王滅殷，立紂子祿父，命弟管叔、蔡叔、霍叔監之，謂之三監。二叔指管、蔡。

【有臣若伍子胥】伍子胥當作申包胥。左傳定公四年：「初，伍員與申包胥友，其亡也，謂申包胥曰：『我必覆楚國。』申包胥曰：『子能覆之，我必能興之。』及昭王在隨，申包胥如秦乞師，立依於庭牆而哭七日，秦師乃出，王率復國。」

【西伯戡黎始咎周】書西伯戡黎序：「殷始咎周，周人乘黎，祖伊恐，奔告于受，作西伯戡黎。」按史記載

糾賜文王弓矢斧鉞，使得專征伐，爲西方諸侯之長，故戡黎、戡克也。

【論語季氏之伐顓臾】論語季氏篇：「季氏將伐顓臾，孔子曰：『顓臾，昔者先王以爲東蒙主，且在邦域之中矣，何以伐爲？』」左傳僖二十一年：「顓臾，風姓也；實司太皞與有濟之祀。」注：「顓臾，魯之附庸也。」

【楚及吳越僭號】楚及吳、越皆屬子爵而均稱王，故云。

【戡黎滅崇】史記周本紀：「明年，敗耆國，殷之祖伊聞之，懼以告紂，紂曰：『不有天命乎，是何能爲？』」明年，伐崇侯虎而作豐邑。」正義：「耆國，卽黎國也。括地志：『黎侯國也在潞州黎城縣東北十八里。』崇夏鯀封邑，在豐鎬之間。」

【魏司馬文王害權臣黜少帝坐加九錫行駕六馬】司馬文王，司馬懿次子司馬昭也。以諡文，故稱文王。兄師歿，嗣爲大將軍，專國政。魏三少帝紀：「甘露五年，以司馬文王封晉公，加九錫。咸熙二年，命晉王建天子旌旗，駕六馬，位在燕王上。」按權臣指曹爽，少帝指曹髦。蓋嘉平元年，司馬氏殺曹爽；甘露三年，昭復弑高貴鄉公而立元帝也。

【荀勗猶謂之人臣以終】荀勗，字公曾，晉武受禪，拜中書監。王隱晉書曰：「勗性佞媚，良史當著佞倖傳。」蓋其人媚賈禍晉者也。是其前詔馬傾曹可知。惟訛昭之語，本傳不載耳。

【太伯可謂至德也已三句】見論語泰伯篇。

【呂氏春秋所載云云】按呂氏春秋十二紀、八覽、六論，均無載太伯事者，當係吳越春秋之誤。吳越春秋云：「古公三子：長曰太伯，次曰仲雍，雍一名虞仲，少曰季歷。季歷娶妻太任氏，生子昌，昌有聖瑞。古公曰：『興王業者，其在昌乎？』太伯、仲雍望風知指，曰：『歷者適也。』知古公欲以國及昌。古公病，二人託名採藥於衡山，遂之荆蠻。斷髮文身，爲夷狄之服，示不可用。古公卒，太伯、仲雍歸，赴喪畢，還荆蠻，國民君而事之。自號爲勾吳。古公將卒，令季歷讓國於太伯，而三讓不受，於是季歷蒞政。」

【衛叔之誅】史記衛世家：「初，宣公愛夫人夷姜，生子伋，以爲太子。爲太子娶齊女而自取之，生子壽子朔。伋母死，夫人與朔共讒太子伋，公乃使伋於齊，而令盜遮界上殺之。」按事見左傳桓公十六年，伋作急子。

【楚建之逐】左傳昭公十九年：「楚子生太子建，王爲之聘於秦，費無極與逆，勸王取之，城城父而寘太子焉。」又二十年：「無極言於楚子曰：『建將以方城之外叛，王信之，使城父司馬奮揚殺太子；未至，太子建奔宋。』

【雄雞自斷其尾用獲免於人犧】國語周語：「賓孟適郊，見雄雞自斷其尾，問之侍者，曰：『憚其犧也。』」
【晉士蕡見申生之將廢也曰爲吳太伯猶有令名】左傳閔公元年：「晉侯作二軍，公將上軍，太子申生將下軍，還爲太子城曲沃。士蕡曰：『太子不得立矣，分之都城而位以卿，先爲之極，又焉得立？不如逃之，無

使罪至爲吳太伯不亦可乎猶有令名與其及也」

【尚書金縢篇】書金縢序：「武王有疾，周公作金縢。」

【周公殺管叔而放蔡叔】左傳昭公元年：「子產咨於子太叔，太叔曰：『子爲鄭國，利則行之，又何疑焉？周公殺管叔而蔡蔡叔，夫豈不愛，王室故也？』」

【君奭篇】亦周公所作。

【誠】當作咸，和也；誠也。見左傳。

【赦淮南】漢書：「淮南厲王長，高帝少子也，孝文卽位，自以爲最親，驕蹇，數不奉法，上寬赦之，入朝甚橫，文帝不治，歸國益恣。及謀反事覺，吏雜奏所犯當棄市制曰：『其赦長死罪，廢勿王。』」

【寬阜陵】後漢書：「光武帝子阜陵質王延，封淮陽，性驕奢，有告延作圖讖咒詛事，顯宗特加恩，徙爲阜陵王。延懷怨望，復有告延謀逆者，肅宗詔曰：『王前犯大逆，有同管蔡，先帝屈法，王曾莫悔，今貶爲侯。』後幸九江，見延，以喜以悲，復爲王。」

【輪扁】見敍事篇注。

【孟子曰盡信書則不如無書】孟子盡心下，「盡信書則不如無書，吾於武成取二三策而已矣。仁人無敵於天下，以至仁伐至不仁，而何其血之流杵也？」

【武成之篇】書武成序：「武王伐殷，往伐歸獸，識其政事，作武成。」

【王沈之不實】見敍事篇注。

【沈約之多詐】沈約，字休文，武康人。仕宋及齊，累官司徒左長史。梁武帝受禪，爲尙書僕射，遷尙書令，卒謚隱。著有晉書、宋書、齊紀、梁武紀、邇言、謚例、宋文章志、四聲韻譜及文集百餘卷。按梁書沈約傳謂「高祖助業既就，約嘗扣其端曰：『今不可以淳風期萬物，攀龍附鳳者，莫不云明公其人也。』」高祖受禪，爲尙書僕射。」

91 說 難 韓非子

題解

本篇之說非論說之說，乃以言語喻人使從己之說也；卽孟子所謂「說大人則藐之」，應讀如稅。以文法言，乃他動詞，非自動詞也。本篇爲韓非子之第十二篇，言游說之難，而陳其方術。蓋時當戰國，縱橫家之風瀰漫一世，以言說而取卿相者，實繁有徒，非之作此，正時代潮流之對症藥也。

作者述略

注 釋

【橫失】失同佚，橫佚，猶言放縱也。

【所說之心】謂聽我說者之心，卽人君之心也。

【以成他故】謂有所避諱，乃託以他故也。

【規異事而當】謂君規謀異事，而智謀之士，當知此者。

【周澤未渥也而語極知】謂未沐君之恩澤，言語卽已盡其智能，蓋卽身疏而言親之意。

【問己】謂離間自己也。

【賣重】獨賣力，言小題大做也。

【藉資】謂藉君之所愛以爲己資也。

【嘗己】卽試己也。

【其意有下也然而不能已】謂人君已有從己之意，然不能止其私也。

【欲內相存之言】內讀若納，謂欲納其相存之言也。

【概】礙也。

【無以其謫怒之】謫責也；咎也，謂毋咎責以動其怒也。

【伊尹爲宰百里奚爲虜皆所以干其上也】按史記殷本紀：「伊尹欲干湯而無由，乃爲有莘氏媵臣，負鼎俎以滋味說湯，致於王道。」又晉世家：「晉滅虞，虜虞公及其大夫井伯百里奚，以媵秦穆姬。」

【鄭武公欲伐胡】鄭武公名掘突，桓公之子也。胡亦春秋諸侯，歸姓，在今河南郾城縣。

【厚者爲戮】戮同勑。國語：「戮力同德。」戮力，爲努力於事功之義。此言以親厚者所言爲有功也。

【繞朝之言當矣其爲聖人於晉而爲戮於秦也】晉人誦取士會於秦，繞朝贈之以策，曰：「莫謂秦無人！吾謀適不用也。」見左傳。言繞朝之言非不當也，顧晉人雖以爲聖，後秦竟以言戮之，是亦厚薄之分，處知失宜也。

【彌子瑕】春秋時衛靈公幸臣。孟子：「彌子之妻與子路之妻，兄弟也。」

429 別賦 江淹

題解

本篇亦爲賦體，其體製格局，與恨賦相同。歷述富貴、任俠、從軍、絕國、伉儷、方外、狹邪各類之莫不以別離爲最不堪。作者工於寫愁，故敍來蒼涼感喟，哀怨動人；千古下讀之，猶覺黯然欲絕也。

注 釋

【秦吳兮絕國燕宋兮千里】秦在陝西，吳在江南；燕在河北，宋在河南。言此四國，川塗既遠，別恨必深，故舉以爲喻也。

【春苔兮始生秋風兮颸起】此言春秋二季，觸景生情，別恨愈切也。

【蕭蕭】風聲也。

【漫漫】無涯際之貌。

【逶遲】遲一作迤逶迤，歷遠貌。

【容與】閒暇自得貌。

【御】進也。

【橫玉筋而霑軾】玉筋淚也；軾，車前橫木；霑軾，言涕多也。

【離】與罹通，遭也。

【巡層楹而空揜】巡過也。層楹，高柱也。揜，揜涕也。

【躡躅】行不進也。

【龍馬】瑞馬也。尙書中候：「帝堯卽政，龍馬銜甲，赤文綠色，有帝王錄，紀興亡之數。」

【帳飲東都】長安東都門也。漢疏廣、疏受乞骸骨，公卿大夫，故人邑子，爲設祖道，供張東都門外。見漢書疏廣傳。

【送客金谷】金谷在河南洛陽縣西。谷中有水，入於瀍水。晉石崇有別廬，在金谷澗中，號金谷園。王詡還長安，崇送之於此。

【琴羽】羽，五音之一，其聲細幽；琴羽，琴之羽聲也。

【燕趙歌兮傷美人】燕、趙古多美人，古詩：「燕趙多佳人。」謂別離之歌，傷及美人之心也。

【驚駟馬之仰秣聳淵魚之赤鱗】韓詩外傳：「伯牙琴鼓而淵魚出聽，瓠巴鼓瑟而六馬仰秣。」仰秣，仰而不食，此言音樂之感及異類也。

【報士】卽以國士待我以國士報之也。語見國策豫讓對趙襄子。

【韓國趙廁】韓國，指戰國時荀政爲嚴仲子刺殺韓相俠累事。趙廁，指戰國豫讓爲智伯報仇，謀刺趙襄子於塗廁事。並見史記刺客列傳。

【吳宮燕市】吳宮，指春秋時專諸爲吳公子光置匕首於魚腹中，刺殺王僚事。見左傳昭公二十七年。燕市，指戰國時荆軻爲燕太子丹刺秦王事。見史記刺客列傳。

【負羽】古時徵召之書，有急事則以鳥羽插之，謂之羽書。負羽，言負羽書也。

【遼水】卽遼河，古名句驪河。有東西二源，東遼河出遼寧東平縣西北之平頂山西，遼河出河北承德縣北之圍場中海刺哈山東麓，至遼源縣，二河相合，縱貫遼寧西部，至營口，入遼東灣。

【雁山】卽雁門山，亦曰句注山，在山西代縣西北。山海經云：「雁門飛雁出其間。」絕頂置關，曰雁門關，自古爲戍守重地。

【照爛】猶照耀也。

【煙燼】煙燼與綑縕同，元氣蘊釀也。

【視喬木兮故里】言懷故國之思也。孟子梁惠王：「所謂故國者，非謂有喬木之謂也，有世臣之謂也。」語卽本此。

【決北梁兮永辭】北梁，亦古離別之地，與南浦相類。王襄九懷：「躋江海兮蟬蛻，絕北梁兮永辭。」語卽本之。按齊書州郡志：「北梁郡，北蒙。」是在關外東胡、匈奴、鮮卑等更迭佔據之地也。

【班荆】布荆於地而坐也。春秋時，楚人伍舉與聲子相善；伍舉將奔晉，聲子遇於鄭郊，班荆相與食，而言復故。見左傳襄公二十六年。

【湄】水草交曰湄，謂水岸也。詩：「在水之湄。」

【淄右】淄水之右也。淄水源出山東萊蕪縣，東北流至壽光縣，匯清濱；又北出，合小清河，由淄河口入海。

【河陽】春秋地名，今河南孟縣，有河陽故城。

【結綬】綬，絲繩，以承受印環也；與組同。出仕爲結綬，猶罷官爲解組也。

【流黃】涵有三義：（一）玉也。淮南子：「流黃出而朱草生。」（二）絹也。古樂府：「中婦纖流黃。」（三）簾也。西京雜記：「會稽歲時獻竹簾，供御，世號爲流黃簾。」按此似指簾解。

【迴文詩】詩以一定之法，排列成文，迴環往復，無不可讀，謂之迴文詩。迴文詩序云：「前秦安南將軍竇滔，與寵姬趙陽臺之任，而遺其妻蘇蕙於家；蕙織錦迴文，題詩二百餘首，計八百餘字，縱橫反覆，皆爲文章，名曰璇璣圖。」按此言棄婦之別離也。

【華陰上士】華陰，今陝西華陰縣。昔修羊公隱華陰山下石室中，食黃精，不知所終。

【少別千年】言少時之別，世已千年也。此敍方士之別離。

【芍藥之詩】采蘭贈芍，謂偷情也。詩鄭風：「維士與女，伊其相謔，贈之以芍藥。」

【佳人之歌】漢李延年歌：「北方有佳人，遺世而獨立，一顧傾人城，再顧傾人國；寧不知傾城與傾國，佳人難再得。」

【桑中衛女上宮陳娥】詩鄒風：「期我乎桑中，要我乎上宮。」桑中上宮，皆所期之地。衛莊姜無子，以陳女

戴嬪子完爲子，完爲公子州吁所弑。戴嬪乃大歸於陳。

【送君南浦】南浦水名，源出景首山西，在今湖北武昌縣南三里。以楚辭有「送美人兮南浦」一語，南浦遂沿爲送別之地。按此節言狹邪之別離也。

【淵雲之墨妙】漢王褒字子淵，揚雄字子雲，俱擅文章。

【嚴樂之筆精】漢嚴安，臨淄人。武帝朝，以故丞相吏陳擊匈奴之非利。徐樂無終人與主父偃、嚴安俱上書，與安俱拜郎中。

【金闈之諸彥】金闈，一作金門，卽金馬門之省稱也。漢武使學士待詔金馬門，備顧問。因未央宮前有銅馬，故曰金馬門。

【蘭臺之郡英】蘭臺，漢時藏祕書之宮觀，以御史中丞掌之，後置蘭臺令史，掌書奏。傅毅、班固、俱曾爲蘭臺令史。

【賦有凌雲之稱】史記司馬相如傳：「司馬相如既奏大人之頌，天子大說，飄飄有凌雲之氣，似游天地之間。」凌雲，言高舉出塵也。

【辯有雕龍之聲】雕龍，喻善辯也。史記孟子荀卿列傳：「故齊人穎曰：談天衍，雕龍奭。」裴駟引劉向別錄云：「騁奭修衍之文飾，若雕鏤龍文，故曰雕龍。」

62 謝靈運傳論 沈約

題解

謝靈運，小字客兒，南朝宋陽夏人。文章之美，江左莫逮。爲永嘉太守，遨遊山水，輒旬日不歸；後爲臨川內史，游放不異永嘉，爲有司所糾，徙廣州，率爲人所陷，棄市。宋書有傳，本篇卽附傳末，有同史記、漢書之傳贊。蓋作者以謝爲文士，輯宋書既成，於傳下作此，藉以暢論文之利害，辭之是非。文爲汎論，兩漢、魏、晉文士作風與魏文典論論文相同，初非專論靈運一人也。

作者述略

見注釋第七冊修竹彈甘蕉文。

注釋

【五常】禮：「合生氣之和，道五常之行。」鄭玄注：「生氣，陰陽也；五常，五行也。」又白虎通義：「五常者何？」

仁義禮智信也。」

【志動於中則歌詠外發】漢書藝文志：「書曰：『詩言志，歌詠言。』故哀樂之心感，而歌詠之聲發。」毛詩序：「情動於中而形於言，嗟歎之不足，故永歌之。」

[六義]毛詩序：「詩有六義焉：一曰風，二曰賦，三曰比，四曰興，五曰雅，六曰頌。」

[四始]史記孔子世家：「關雎之亂，以爲風始；鹿鳴爲小雅始；文王爲大雅始；清廟爲頌始。」

[風什]毛詩題：「鹿鳴之什。」詩每十篇同卷，故曰什也。

[虞夏以前遺文不覩]祇虞書益稷謨有「帝庸作歌」，夏書有五子之歌，以前不見歌文。

[周室既衰風流彌著]風流謂流風所播，成爲習俗也。北史：「金石可滅，而風流不泯。」文選李善注：「幽厲之時，多有諷刺，在下祖習，如風之散，如水之流，故曰彌著。」

[導清源]謂開其先路也；蓋屈宋爲辭賦之祖。

[振芳塵]謂步武其後而發揚光大之也；蓋賈馬爲漢代辭賦之宗。

[英辭潤金石]英美也；英辭，即美文。仲長子昌言：「英辭雨下。」潤滋也。金謂鐘鼎之屬，石謂碑碣之類。古

人頌功紀事，寓戒恆銘諸金石。吳越春秋：「樂師謂越王曰：君王德可刻之於金石。」

[高義薄雲天]謂陳義之高，足以上薄雲天也。李善引法言曰：「或問屈原、相如之賦孰愈？曰：『原也過以浮，如也過以虛；過者蹈雲天，虛者華無根。』」

[王襄劉向揚班崔蔡之徒]王襄字子淵；劉向字子政；揚雄字子雲；班固字孟堅；崔駰字亭伯；蔡邕字伯喈；俱兩漢詞賦大家。

【蕪音累氣】蕪穢也；累負也。

【平子】張衡，字平子，後漢西鄂人。善屬文，作兩京賦，構思十年乃成。

【建安】漢獻帝年號，當公元一九六——二一九年。

【三祖陳王】魏志：「明帝青龍四年，有司奏武皇帝爲魏太祖，文皇帝爲魏高祖，明皇帝爲魏列祖。」陳王，陳思王曹植也。

【二班】班彪班固父子也。

【子建仲宣】子建，曹植字仲宣；王粲字俱，在建安七子之中。

【飄】音標，暴風也；飄流，猶風流。

【同祖風騷】風騷，謂詩之國風、楚辭之離騷也。魏晉陽秋：「自司馬相如、王褒、揚雄諸賢，代尙詩賦，皆體則風騷，詩揔百家之言。」

【詭】變也。

【元康】晉惠帝年號，當公元二九一——二九九年。

【潘陸特秀】潘岳，字安仁；陸機，字士衡；陸雲，字士龍；俱晉代詞賦大家。續晉陽秋：「逮乎西朝之末，潘、陸之徒，有文質而宗師不異。」

緝旨星稠繁文綺合】緝盛也稠密也緝旨星稠謂義旨繁盛如星之密也綺羅縠也繁文綺合謂文辭繁

華，如羅綺之緝合也。漢書：「宣帝曰辭賦譬如女工有綺縠也。」

【綴平臺之逸響】逸響猶流風也。漢書：「梁孝王廣治睢陽城爲複道自宮連屬於平臺三十餘里招延四方豪傑。」此指司馬相如之文。

【采南皮之高韻】南皮爲魏文帝與建安七子文讌之所高韻蓋指應玚徐幹等之文也。

【江右】謂西晉也。蓋東晉都建業稱江左西晉都洛陽故稱江右。

【在晉中興玄風獨扇】續晉陽秋：「正始中王弼何晏好莊子玄勝之談而俗遂貴也。」晉自永嘉之後王衍等皆好玄談故云。

【爲學窮於柱下博物止乎七篇】柱下指老子因老子爲柱下史也博物七篇指莊子因莊子內篇其數凡七也。

【自建武暨於義熙歷載將百】建武晉元帝年號義熙晉安帝年號自建武元年至義熙十四年當公元三一七年至四一八年恰爲百載。

【寄言上德】寄言猶寓言也孫綽曰：「莊子多寄言渾沌得宗罔象得珠。」上德見老子道德經：「上德不德是以有德。」

【託意玄珠】託意，猶寄意也。莊子：「黃帝遊乎赤水之北，登乎崑崙之山，而南還歸，遺其玄珠。」郭象注：「此明得真之所由。」

【適麗】謂適勁而絢麗也。孫綽集序：「綽文藻適麗。」

【無聞焉爾】義卽未嘗聞焉。公羊傳：「紀子伯者，何無聞焉爾。」

【仲文始革孫許之風叔源大變太元之氣】仲文，殷仲文也。孫許，孫綽、許詢也。續晉陽秋：「許詢有才藻，善屬文，詢及太原孫綽，轉相祖尙，又加以三世之辭，而風騷之體盡矣。」詢、綽並爲一時文宗，自此作者悉化之；至義熙中，謝混始改之。叔原，謝混字也。太元，晉武帝年號，當公元二八〇至二九九年。

【宋氏】劉裕篡晉，國號曰宋。

【顏謝】謂顏延之與謝靈運也。延之，字延年，南朝宋之臨沂人。文章冠絕當時，與謝靈運齊名。南史：「延之、靈運，自潘岳、陸機之後，文士莫及。江右稱潘、陸，江左稱顏、謝焉。」

【興會標舉】興會，情興所會。鄭玄周禮注：「興者，託事於物也。」標舉，高舉也。

【體裁明密】體裁，文詞之程式也；體謂體製，裁謂翦裁。明密，謂明暢而縝密也。謝承後漢書：「魏朗爲河內太守，明密法令也。」

【方軌前秀垂範後昆】方軌，謂兩車並行也。史記：「車不得方軌。」方軌前秀，謂與前代俊秀，並駕齊驅也。

垂範猶垂裕尙書「垂裕後昆」謂爲後代楷範也。

【敷衽論】心商榷前藻】敷衽見離騷「跪敷衽以陳辭。」王逸注「敷布也，衽，裳際也；敷衽，跪時之姿態也。商榷見陸機樂府篇：「商榷爲此歌」猶言磋議也。

【八音】金石絲竹匏土革木也。金，鐘也；石，磬也；絲，琴瑟也；竹，簫管也；匏，笙竽也；土，壎也；革，鼓也；木，柷圉也。

【玄黃律呂】玄黃謂五色相宣易：「天玄而地黃。」律呂謂八音協暢。黃帝使伶倫造律呂，截竹爲筒，陰陽各六，陽者爲律，陰者爲呂。參閱禮運篇「五聲六律」條注。

【宮羽相變】五音，宮商角徵羽。宮爲黃鐘大呂之屬，其音沉重；羽如鳴馬在野，見管子宮羽相變，謂五音終始可以相變，參閱禮運篇「五聲六律」條注。

【先士茂製諷高歷賞】謂先代文士之佳作，諷詠之者，咸以爲高，歷代辭人所共傳賞也。

【子建函京之作】曹植贈丁儀王粲詩曰：「從軍度函谷，驅馬過西京。」

【仲宣灞岸之篇】王粲七哀詩曰：「南登灞陵岸，回首望長安。」

【子荆零雨之章】孫楚字子荊，晉中都人才，藻卓絕，爽邁不羣。其陟陽侯詩曰：「晨風飄岐路，零雨被秋草。」

【正長朔風之句】王瓚字正長，晉義陽人。博學有俊才，拜司空掾，歷散騎常侍。嘗作雜詩云：「朔風動秋草，正長朔風之句。」

逸馬有歸心。」

【靈均】屈原字也。離騷：「名余爲正則兮，字余曰靈均。」

【張蔡曹王】謂張衡、蔡邕、曹植、王粲也。

【潘陸顏謝】謂潘岳、陸機、陸雲兄弟及顏延之、謝靈運也。

【來哲】謂後代哲人君子也。西征賦：「如其禮樂，以俟來哲。」

544 職方氏 周 禮

題解

職方氏爲周禮夏官司馬之屬官，掌天下之地圖，主四方之貢職。本篇說明其制度及職掌，特於九州之山川、土宜、人民物產，詳加辨別。讀之，可以覘先民時代行政區域之一斑。

作者述略

周禮，相傳爲周公居攝以後所作，擬周室之官制，書成而未實行者。分天官、地官、春官、夏官、秋官、冬官六篇。秦火後，漢河間獻王得之山巖屋壁之中，而佚冬官一篇，因以考工記補之。在諸經中，爲最晚出，故其真偽，亦聚訟不一。橫渠語錄曰：「周禮是的當之書，然其間必有末世增入者。」鄭樵通志引孫處之言曰：「周公居攝六年之後，書成歸豐，而實未嘗行。蓋周公之爲周禮，亦猶唐之顯慶開元禮，預爲之，以待他日之用；故僅述大

略，俟其臨事而增益之。」至西漢之季，杜子春能略識其字，後鄭玄爲之解詁，賈公彥爲之疏，即爲今行本凡

四十二卷。

注 釋

【四夷八蠻七閩九貉五戎六狄】 鄭注：「東方曰夷，南方曰蠻，西方曰戎，北方曰貉，閩蠻之別也。四八七九五六，周之所服國數也。」

【九穀六畜】 稷、穀、黍、稻、麻、大豆、小豆、大麥、小麥爲九穀。周禮：「三農生九穀，馬、牛、羊、雞、犬、豕爲六畜。」左傳：

「爲六畜五牲三犧，以奉五味。」

【周知其利害】 注云：「利，金錫竹箭之屬；害，神姦鑄鼎所象百物也。」按左宣三年傳：「楚子問鼎之大小輕重，王孫滿對曰：『夏之方有德也，遠方圖物，貢金九牧，鑄鼎象物，百物而爲之備，使民知神姦。』」即此之所謂知其害也。

【九州】 古代九州制各不同，此當爲周禮九州，卽揚、荆、豫、青、兗、雍、幽、冀，并是也。

【貫利】 貫同慣；貫利，習慣利益也。

【東南曰揚州】 周都鎬京，在今河南，其東南曰揚州，今江蘇、安徽、江西、浙江、福建之地。

【其山鎮曰會稽】 注：「山鎮，鎮名山，安地德也。」會稽，山名，卽古防山，又曰棟山，在今浙江紹興縣東南十

三里。按史記夏本紀稱「禹會諸侯於江南，計功而崩，因葬焉，命曰會稽。會稽者，會計也。」皇覽曰：「禹冢在山陰會稽山，本苗山縣南七里。」越傳曰：「禹到越望苗山，會諸侯，爵有德，封有功者，更名苗山曰會稽山。」呂氏春秋曰：「禹葬會稽，不煩徒。」墨子曰：「禹葬會稽，衣裘三領，桐棺三寸。」各說不同，而會稽命名之來源，可以知矣。

【其澤藪曰具區】大澤曰藪，具區，卽今太湖也。爾雅：「吳越之間有具區。」

【其川三江】三江之說，歷來不同，此之三江，據賈疏云：「禹貢云九江，今在廬江尋陽南，皆東合爲大江。揚州所以得有三江者，江至尋陽南，合爲一，東行至揚州，入彭蠡，復分爲三道而入海，故得有三江也。」按禹貢：「三江既入，震澤底定。」韋昭引吳地記云：「松江東北行七十里，得三江口，東北入海爲婁江，東南入海爲東江，並松江爲三江。」

【其浸五湖】浸澤之總名。五湖亦各說不同，鄭注祇有「具區，五湖，在吳南」一語。張勃吳錄以五湖爲太湖之別名，惟此與具區分言，似非太湖。韋昭吳越春秋注，以胥湖、蠡湖、洮湖、滆湖、太湖爲五湖。虞翻後漢書注，以滆湖、洮湖、射湖、貢湖、太湖爲五湖。姑蘇志以貢湖、游湖、胥湖、梅梁湖、金鼎湖爲五湖。皆在太湖近傍。至司馬貞史記索隱文選李善注，以及小學紺珠，更以五湖非在一處，則與此尤爲不合。

【竹箭】鄭注：「箭，篠也。」書禹貢：「篠蕩既敷。」注：「篠，箭竹，蕩，大竹。」此言竹箭，猶言細竹大竹也。

【其民二男五女】謂其處之民，女多於男，男約二分，女約五分也。

【其畜宜鳥獸】鄭注：「鳥獸，孔雀鸞鷟犀象之屬。」

【正南曰荊州】今湖南、湖北及四川東部、貴州北部、廣西全縣、廣東連縣，皆其地。

【其山鎮曰衡山】衡山五嶽之一，在今湖南衡山縣西北三十里。山有七十二峯，回雁爲首，嶽麓爲足。

【其藪澤曰雲晉】晉同夢。雲夢澤在今湖北安陸縣南。本二澤，雲在江北，夢在江南，方八九百里。華容以北，安陸以南，枝江以東，皆其地。

【其川江漢】江卽長江。漢爲漢水，源出陝西寧光縣北蟠冢山，東南流經河南入湖北境，經鄖縣、均縣、光化、穀城、襄陽；又東南經宜城、鍾祥、京上，至潛江；又東經天門、沔陽，折東北受沮水、澴水；又東南由漢陽入於江。

【其浸潁湛】鄭注：「潁出陽城，宜屬豫州，在此非也。」按潁係河名，出河南登封西境潁谷，東南流入安徽，至西正陽關入淮。旣非巨浸，又未經荊州之境。湛，鄭云：「未聞。」杜子春云：「或爲淮。」

【其利丹銀齒革】丹卽丹砂，亦卽硃砂，齒爲象齒，革爲犀兕之皮。

【河南曰豫州】河南者，黃河之南也。豫州今河南全省及陝西南境。

【其山鎮曰華山】五嶽中之西嶽曰華山，亦曰太華山，在今陝西華陰縣。山海經：「太華之山，削成而四方，其高五千仞，其廣十里。」

【其澤藪曰圃田】圃田澤，在今河南中牟縣西。水經注：「圃田澤多麻黃草。詩所謂『東有甫草』也。東西四十餘里，南北二百里許，中有沙岡，上下二十四浦，津流逕通，淵潭相接。」

【其川熒雒】熒亦作榮；鄭注：「熒，堯水也。」賈疏：「禹貢云，濟出王屋，始出堯，東流爲濟，南渡河決爲熒，春秋戰於熒澤是也。」按熒澤在今河南熒澤縣治南。禹貢：「熒波既瀦。」又：「導沇水東流爲濟，溢爲熒。」鄭玄曰：「自平帝以後，熒澤塞爲平地，熒陽民猶以其處爲熒澤。」是熒澤古爲巨浸可知。雒河出陝西雒南縣西北冢嶺山，東流入河南，經盧氏、永寧，又東北經宜陽、洛陽、偃師、鞏縣，納澗瀍伊諸水，至洛口，入於河。

【其浸波溠】鄭云：「波讀爲播，禹貢曰：『熒播旣都。』」按今本禹貢作「熒波旣豬。」疏云：「洪水之時，熒澤水大動，成波浪。周鄭王本皆作熒，播謂此澤名熒，播謂此澤名熒，春秋閔二年衛侯及狄人戰於熒澤，不名播也。」澗，據鄭云：「春秋傳曰：『楚子除道梁澗，營軍臨澗，』則澗宜屬荊州，在此非也。」按澗水亦名汎恭河，在湖北隨縣，西北入鄖水。

【其利林漆絲枲】林，鄭云：「竹木也。」枲，牡麻也；大麻之不結實者。爾雅翼：「有實爲苴，無實爲枲。」

【其畜宜六擾】六擾，卽馬牛羊雞犬豕，與六畜六牲同。

【其穀宜五種】鄭云：「黍稷菽麥稻也。」

【正東曰青州】合禹貢之徐州今山東膠東濟南一帶，及江蘇之徐州邳縣，安徽之宿縣、泗縣之地皆是。

【其山鎮曰沂山】沂山，在今山東沂水縣北，其陰爲臨朐，其陽爲沂水，故鄭云：「沂山沂水所出也。」

【其澤藪曰望諸】鄭云：「望諸在蓋明都也在睢陽。」賈云：「按禹貢云『道柯澤被明都』。彼禹貢無望諸，故從明都。按春秋宋藪澤有孟諸，明都，卽宋之孟諸也。」按今本禹貢正作「導荷津被孟諸」。又爾雅十藪，宋有孟諸。今河南商邱縣東北有孟諸澤，亦作望諸。戰國屬齊，樂毅奔趙，趙封之爲望諸君，本其所從來也。

【其川淮泗】淮、泗俱爲古四瀆之一。淮水，源出河南省之桐柏山，東流入安徽境，瀦於江蘇、安徽間之洪澤湖。其下流，本由江蘇漣水縣入海，清時淤塞，其幹流遂自淮陰縣合於運河。泗水，出山東泗水縣陪尾山，自泗水縣歷曲阜、滋陽、濟寧、鄒縣、魚臺、滕縣、沛縣、徐州、邳州，宿遷、桃源至清河縣入淮，此禹跡也。今其故道，自徐州以南，悉爲黃河所占。

【其浸沂沭】沂河有四：（一）出山東蒙陰縣北，名大沂河，東南流，經沂水、折南經蘭山，入江蘇邳縣，注於運河。（二）出沂水縣，名小沂河，入於大沂河。（三）出山東滕縣，亦名小沂河，東流入費縣，至顓臾村之東北，

注於浚河；又東南入於大沂河。（四）出山東鄆縣西北，名西沂河，西流經曲阜，合洙水，入於泗。按周公以禹貢徐州爲青州，則上述四沂河均合流。河源出山東沂水沂山，南流入江蘇，至東海縣，合鹽河入海。
【其民二男二女】鄭云：「二男二女，數等似誤也，蓋當與兗州同，二男三女。」賈云：「若本數等，當言一男一女，必不作二男二女。青州西北與兗州相接，宜與兗州同爲二男三女也。」

【河東曰兗州】河東，黃河之東也。釋名：「兗州取兗水爲名。」兗水卽沇水，凡青州之西北境，及今河北省大名、正定河間之東南境，皆其地。

【其山鎮曰岱山】書：「歲二月，東巡守，至于岱宗。」岱宗卽岱山，亦卽泰山，在今山東泰安縣北，亦五嶽之一。唐六典：「泰山周一百六十里，高四十餘里，丈人峯在山間，特出羣峯之表；又有東西南三天門，東西中三溪，爲山之最勝。」

【其澤藪曰大野】鄭注：「大野在鉅野。」元和志：「大野澤一名鉅野。」按鉅野澤在山東鉅野縣北，澤最廣大，元末爲黃河所決，遂淤。今山東嘉祥縣有獲麟堆，春秋魯人獲麟於大野，卽其地。蓋嘉祥卽鉅野分置也。

【其川河汎】河卽黃河，汎卽濟。書禹貢：「濟河惟兗州。」按濟水亦稱汎水，源出河南濟源縣西王屋山，東南流爲濟龍河，入黃河。其故道本過黃河而南，入山東，與黃河並行入海。

【其浸廬維】鄭注：「廬維當爲雷雍，字之誤也。禹貢曰：『雷夏既澤，雍沮會同』。雷夏在城陽。」按史記：「舜耕歷山，漁雷澤。」注：「雷澤，兗州澤，今屬濟陰。」又漢書地理志：「濟陰郡，成陽雷澤在西北。」又水經注：「雷澤在成陽故城西北，卽舜所漁也。」是雷夏卽雷澤，在今山東濮縣東南，接菏泽縣界，澤今已淤。

【雍水】源出陝西鳳翔縣治西北雍山，東南經岐山爲漳水，又東經扶風武功入於渭。

【其穀宜四種】鄭云：「四種，黍稷稻麥。」賈云：「以其東與青州相接，有稻麥；西與冀州相接，有黍稷，故知也。」

【正西曰雍州】今陝西、甘肅、寧夏及青海額濟納之地皆是。

【其山鎮曰嶽山】鄭注：「嶽，吳嶽也。」按在今陝西隴縣西南，東隣岐岫，西接隴岡，卽禹貢之岍山，亦作汧山。

【其澤藪曰弦蒲】地理志云：「吳山在汧西，有弦蒲之藪，汧水出焉。」按在今陝西隴縣西，卽汧水所決而成也。

【其川涇汭】涇河爲關中八川之一，源出甘肅化平縣西南大關山麓，東流至涇川縣入陝西，東南流經長武、邠縣，醴泉、涇陽、高陵，入于渭汭，水之隈曲處也。賈疏則云：「周公制禮之時，以汭爲水名，卽皇澗，卽詩大雅公劉：『夾其皇澗』是也。」

【其浸渭洛】渭河源出甘肅渭源縣西北烏鼠山，東南流至清水縣入陝西境，經鳳翔納雍水，東流經省治南，納黑水、勞河及豐、滻、潏諸水；北納涇水、漆水、沮水，東北流至朝邑，納洛水，東流至潼關入黃河。洛河有二，此洛據疏云：「卽詩云『瞻彼洛矣』一也；與禹貢『導洛自熊耳』別也。」源出陝西定邊縣東南白於山，東南流經保安、甘泉，南流入鄜縣，納沮水，又南流至朝邑南，合渭水，東入於河。

【其利玉石】藍田山在陝西藍田縣東，乃驪山之南阜，山出美玉，亦曰玉山，故云。

【東北曰幽州】舜分冀州東北爲幽州，今河北、遼寧二省地；周時兼有山東登萊一帶。

【山鎮曰醫無閭】鄭注：「醫無閭在遼東。」按醫無閭亦作醫無閭，在今遼東北鎮縣西十里，爲陰山山脈之分支，西與河北朝陽之松嶺相接，舜封十二山，以此山爲幽州之鎮。

【其澤藪曰葵養】注云：「葵養在長廣。」疏云：「地理志：『長廣屬徐州瑯琊，有萊山。』周時幽州南侵徐州之地也。」按長廣漢縣，在今山東萊陽縣東。

【其川河汎】與兗州同。按汎河一名濟水，亦名白溝水，又曰沙水，發源河北贊皇縣西南之贊皇山，東流入高邑，分支入柏鄉，晉注於寧晉泊。正支入柏鄉，俗稱槐河，亦入寧晉泊。

【其浸蓄時】鄭云：「蓄出萊蕪，時出般陽。」按蓄卽淄水，源出山東萊蕪縣，東北流至壽光縣匯清水泊。又北出，合小清河，由淄河口入海。時水今曰烏河，一曰彫水，又曰如水，又曰烏龍水，出山東臨淄縣西南矮

槐樹鋪合澧水系水北流，西折入桓臺縣北注麻大湖。

【其畜宜四擾】鄭注：「四擾馬、牛、羊、豕。」

【其穀宜三種】注：「三種，黍、稷、稻。」疏：「西與冀州相接，冀州皆黍稷，幽州見宜稻，故知三種黍、稷、稻也。」

【河內曰冀州】大河以北，總謂之河內。冀州今河北山西二省及河南高河以北，遼寧遼河以西之地皆是。

【其山鎮曰霍山】注云：「霍山在彘陽。」按霍山亦曰霍太山，卽古太岳也。爾雅釋山：「西方之美者，有霍山之多珠玉焉。」在今山西霍縣東南，遞高三十里，主峯高百丈有奇，盤踞二百里，世稱中鎮。

【其澤藪曰楊糴】鄭康成云：「楊糴所在未聞。」

【其川漳】鄭云：「漳出長子。」賈云：「漳水出上黨，沾大厔谷，東北至安平、阜城入河。行千六百八十里。長子，卽上黨也。」按漳河上游分清漳、濁漳。清漳出山西平定縣沾嶺，濁漳出山西長子縣發鳩山，二水分流，至河南涉縣東南之合漳村始合爲一；又東南流，經河北大名縣治南，入衛河。

【其浸汾潞】注：「汾出汾陽，潞出歸德。」按汾河源出山西寧武縣治西南之管涔山，西南流經靜樂縣，納嵐水，南經舊太原府境，納晉水，洞渦水；西南流會澮河；又西南，由榮河縣北入於黃河。潞河卽白河，爲北運河之上游，水經潞水注：「沾水，俗謂之西潞水；鮑丘水，世謂之東潞水，會流南逕潞縣爲潞河。」按今仍稱北運河爲潞河。

【正北曰并州】虞舜分冀東恆山之地爲并州，卽今河北省之舊正定、保定、山西之舊太原、大同等府地。周制同虞。

【其山鎮曰恆山】鄭注：「恆山在上曲陽。」按在今河北曲陽縣西北，亦曰常山，亦曰南嶽，亘舊保定府西境，及山西大同府東境。

【其澤藪曰昭餘祁】鄭注：「昭餘祁在鄆。」按卽在今山西祁縣平遙介休之界，汾水所瀦也。亦名祁藪，亦曰嘔夷澤。今在祁縣東南者名昭餘池，時涸時溢，在平遙西南跨介休界者，名鄆城泊，一名鄆澤，又曰蒿澤，匯中都水入汾。

【其川虧池嘔夷】鄭注：「虧池出鹵城，嘔夷出平舒。」按虧池卽滹沱河，源出山西繁峙縣東之泰戲山，由代縣、崞縣、定襄、五台、盂縣境入河北，歷平山、正定、深澤、安平、饒陽、獻縣，合滏陽河，東北流爲子牙河；至天津會北運河入海。嘔夷見上條。

【其浸涑易】鄭注：「涑出廣昌，易出故安。」按涑水卽拒馬河，源出河北涑源縣涑山，東流經易縣涑水、定興，入白溝河。易水有三，皆出河北易縣，其自定興西南合拒馬河者曰中易，卽今之白澗河，亦卽武水。在定興西爲沙河，入於中易者曰北易，卽濡水。經徐水、歷安新爲霍河者，曰南易。

【其畜宜五擾】注：「五擾，馬、牛、羊、犬、豕。」疏：「六擾中雞爲緩，故去之。」

【其穀宜五種】注：「五種，黍、稷、菽、麥、稻也。」疏：「若饋用六穀，則兼有菽；若民之要用，則去菽。」

【九服之邦國】服謂服事天子，邦國謂諸侯。詩：「侯服于周。」言諸侯皆服事於周也。王畿之外，服有九等，是曰九服，於下分述之。

【方千里曰王畿】王畿，王城附近之地也；其面積爲千方里。

【侯服】書禹貢：「五百里侯服。」傳：「侯，候也；斥候而服事。」疏：「襄十八年左傳稱：『晉人伐齊，使司馬斥山澤之險。』斥，謂檢行之也；斥候，謂檢行險阻，伺候盜賊，此五百里主爲斥候而服事天子，故名侯服。」

【甸服】鄭玄云：「服治田，出穀稅也。」書禹貢：「五百里甸服，百里賦納總；二百里納銍，三百里納秸服，四百里粟，五百里米。」周制亦略同。

【男服】書禹貢：「二百里男邦。」傳：「男，任也；任王者事。」疏：「男聲近任，故訓爲任。」言爲王任其職事也。

也。

【采服】疏：「采，事也；爲王事，民以供上。」書禹貢：「百里采。」疏：「此百里之內，主供王事而已。事謂役也，有役則供，不主於一，故但言采。」

【衛服】疏：「言衛者，爲王衛禦。」書禹貢：「二百里奮武衛。」傳：「奮武衛，天子所以安也。」

【蠻服】疏：「言蠻者，近夷狄，蠻之言糜，以政教糜來之。」書禹貢：「三百里蠻。」疏：「鄭云：蠻者，聽從其俗，

羈縻其人耳，故云蠻。蠻之言縉也；縉是繩也。言蠻者，以繩束物之名。王肅云：蠻慢也；禮儀簡慢。

【夷服】疏：「言夷者，以其在夷狄中，故以夷言之。」書禹貢「三百里夷」疏：「夷訓平也；言守平常教耳。」

【鎮服】疏：「言鎮者，以其入夷狄深，故須鎮守之。」

【藩服】疏：「言藩者，以其最在外爲藩籬，故以藩爲稱。」

【凡邦國千里……方百里則百男】鄭注：「周九州之界，方七千里，七七四十九，方千里者四十九；其一爲畿內，餘四十八，八州各有方千里者六。一州之中，以其千里封公，則可四；又以其千里封侯，則可六；又以其千里封伯，則可十一；又以其千里封子，則可二十五；又以其千里封男，則可百。方千里者，爲方百里者百；以方三百里之積，以九約之，得十一有奇。云七伯者，字之誤也。」疏：「周九州之方七千里者，以先王之作土有三焉。若太平之時，土廣萬里，中國七千；中平之世，土廣七千，中國五千；衰末之世，土廣五千，中國三千。方千里開方之百里一截，縱橫皆爲十截；十而百，則得爲方百里者百。至以方三百里之積，以九約之者，方三百里三三而九，用爲方百里者九十九，爲十一伯。餘有方百里者一，不盡，故云十一有奇也。今經云『方三百里則七伯』，以十一似七字，故云字之誤也。」

【巡守】天子巡行諸國也。書「五載一巡守」，亦作巡狩。孟子：「天子適諸侯曰巡狩；巡狩者，巡所守也。」

二歲王若不巡守，則六服盡朝，謂之殷國，其戒四方諸侯與巡守同。」

疏「王有故不巡守於方岳之下，則春東方盡來，夏南方盡來，秋西方盡來，冬北方盡來，王待之亦各於其時。在國外爲壇，行朝覲盟載之法，亦如上文戒令四方諸侯者。王殷國所在無常，或在畿內，國城外即爲之，或向畿外諸侯之國行之，故有戒令之事也。」

551 春秋左氏傳序 杜 預

題解

元凱既注左傳，乃作此序，以弁其端；而題目文多不同。孔穎達正義云：「或云春秋序，或云左氏傳序，或云春秋經傳集解序，或云春秋左氏傳序。案晉、宋古本及今定本，並云春秋左氏傳序，今依用之。」蓋春秋爲經，左氏爲之傳，此則序春秋名義，經傳體例，及作者集解之意，亦猶孔子之書序，子夏之詩序也。爾雅釋詁：「敍緒也；」序敍同義，卽舉其綱要，若繭之抽緒耳。

作者述略

杜預字元凱，晉杜陵人。泰始中，爲河南尹。羊祜舉以自代，拜鎮南大將軍，伐吳，平之。功成之後，修經籍，作春秋左傳集解，嘗對武帝曰：「臣有左傳癖。」後贈征南大將軍，故亦稱杜征南。傳見晉書卷三十四。

注釋

【春秋者魯史記之名也】左昭二年，韓起聘魯，稱見魯春秋。國語晉語載司馬侯對晉悼公曰：「羊舌肸習於春秋。」國語楚語申叔時論傅太子之法云：「教之以春秋。」禮坊記云：「魯春秋記晉喪曰殺其君子奚齊。」按周制，每國有史記，當同名春秋，此獨言魯史記者，以孔子修魯史所記，以爲春秋。今杜之集解，專指孔子所修之魯史春秋耳。

【記者以事繫日以日繫月以月繫時以時繫年所以紀遠近別同異也】孔疏：「言於此日而有此事，故以事繫日；月統日，故以日繫月；時統月，故以月繫時；年統時，故以時繫年；所以紀理年月遠近，分別事之同異也。而春秋之經文，或時而不月，月而不日，或日不繫月，月而無時者。春秋二百四十二年之間，有日無月者十四，有月無時者二。桓十七年五月無夏，昭十年十二月無冬，二者皆有月而無時。僖二十八年冬下無月，而有壬申丁丑，當是本文自闕，仲尼修史不得不因其闕文，使有日而無月。」

【年有四時故錯舉以爲記之名】錯，交錯也；此爲解釋名爲「春秋」之義，謂年有四時，不可偏舉四字以爲書號，故交錯互舉，取春秋二字。蓋春先於夏，秋先於冬，舉先可以及後，言春足以兼夏，言秋足以見冬，故舉二字以包四時也。是此書名雖春秋，其實兼冬夏四時之義，而四時之內一切萬物生植孕育，盡在其中。孝經云：「春秋祭祀，以時思之。」詩魯頌云：「春秋匪懈，享祀不忒。」鄭箋：「春秋猶言四時也。」即此義之證也。

【周禮】見本冊上職方氏作者述略。

【史官掌邦國四方之事達四方之志】周禮春官宗伯之屬，有大史，下大夫二人；小史，中士八人；內史，中大夫一人；外史，上士四人；御史，中士八人；俱屬掌書之官。小史職曰：「掌邦國之志」；內史職曰：「凡四方之事書，內史讀之」；外史職曰：「掌四方之志」；「掌達書名于四方」。此正言小史內史之職也。

【大事書之於策小事簡牘而已】獨斷：「策者，簡也；其制長二尺，短者半之，其次一長一短，兩編下附。」孔疏：「簡札牒畢，同物而異名，單執一札謂之簡，連編諸簡乃名爲策，故於文策或作冊。象其編簡之形，以其實一也。」孟子離婁：「王者之迹息而詩亡，詩亡然後春秋作。晉之乘，楚之檮杌，魯之春秋，皆是也。是言經據策書，傳憑簡牘，經之所言其事大，傳之所言其事小，故知小事在簡，大事在策也。」

【孟子曰：……其實一也】孟子離婁：「王者之迹息而詩亡，詩亡然後春秋作。晉之乘，楚之檮杌，魯之春秋，一也。」趙岐注：「乘者興於田賦乘馬之事，因以爲名。檮杌者，嚚凶之類，興於記惡之戒，因以爲名。春秋以二始，舉四時，記萬事之名。」是三者立名雖異，記事則同，故云其實一也。孔疏：「案外傳申叔時司馬侯乃是晉楚之人，其言皆云春秋，不言乘與檮杌，然則春秋是其大名，晉楚私立別號，故守其本名。」

【韓宣子適魯】韓宣子名起，晉大夫，食采於韓，因以爲氏，諡曰宣子。時魯昭公新立，宣子新爲政，故聘於魯。

事見左昭二年傳。

【見易象與魯春秋曰周禮盡在魯矣】杜注：「彼以爲易象卽今周易上下經之象辭也。」春秋謂魯史記之策書也。春秋遵周公之典以序事，故曰周禮盡在魯矣。」

【吾乃知周公之德與周之所以王】杜預云：「易象、春秋是文王、周公之所制，故見春秋知周公之德，見易象知周之所以王也。」文王能制此典，卽是身有聖德，聖不空生，必王天下，周室之王，文王之功，故觀其書知周之所以得王天下之由也。」

【周之舊典禮經】疏云：「周之舊日正典，禮之大經也。」按左隱七年傳：「告終嗣也；以繼好息名，謂之禮經。」杜注：「此言凡例，乃周公所制禮經也。」又十一年傳：「滅不告敗，勝不告克，不書于策。」可知書於策者，必有典例，卽謂之禮經，孔子未修以前之所記也。

【官失其守】左襄三十一年傳稱：「臣能守其官職。」又昭二十年傳：「守道不如守官。」是言爲官各有所守，周德既衰，邦國無法，羣小在位，故官失所守，蓋言史官失其所掌也。

【上之人不能使春秋昭明】左昭三十一年傳：「春秋之稱微而顯，婉而辨，上之人能使昭明。」注：「上之人謂在位者也。」此言在上之人，非是賢聖，不能使春秋褒貶，勸戒昭明也。

【赴告策書諸所記注多違舊章】隣國相命，凶事謂之赴，他事謂之告。孔疏：「赴告之中，違舊章者，若隱三

年平王以壬戌崩，赴以庚戌。桓五年，陳侯鮑卒，再赴以甲戌己丑。及不同盟者而赴以名，同盟而赴不以名之類是也。策書記注，多違舊章者，仲尼既已修改，不可復知；正以仲尼修之，故知其多違也。」

【教之所存文之所害則刊而正之】孔疏：「名教善惡義存於此事，若文無褒貶，無以懲勸，則是文之害教。故書曰『天王狩于河陽』。又昭十九年『許世子弑其君買』。傳云『許悼公瘡五月，戊辰，飲太子止之藥，卒。太子奔晉。書曰弑其君。君子曰：盡心力以事君，舍藥物可也』。許止進藥不由於醫，其父飲之，因茲而卒，名教善惡須存於此者也。不罪許止，不沒晉文，無以息篡逆之端，勸事君之禮，故隱其召王之名，顯稱弑君之惡；如此之例，皆是文之害教，則刊削本策，改而正之。」

【史有文質事有詳略】論語雍也：「質勝文則野，文勝質則史，文質彬彬，然後君子。」此言史有文質，謂居官之人辭有詳略，謂書策之文；史文則辭華，史質則事直；華則多詳，直則多略；故春秋之文，詳略不等也。

【傳曰其善志】左昭三十一年傳：「春秋齊豹曰盜，三叛人名，以懲不義，數惡無禮，其善志也。」

【又曰非聖人孰能修之】左成十四年傳：「春秋之稱，微而顯，志而晦，婉而成章，盡而不汙，懲惡而勸善，非聖人誰能修之。」

【左丘明受經於仲尼】史記十二諸侯年表序：「自孔子論史記，次春秋，七十子之徒，口受其傳，魯君子左

丘明懼弟子各有妄其意，失其真，故具論其語，成《左氏春秋》。又嚴氏《春秋》引觀周篇云：「孔子將修春秋，與左丘明乘如周，觀書於周史，歸而修春秋之經，丘明爲之傳，共爲表裏。」

【先經以始事】言傳或先經爲文，以始後經之事也。若隱公不書卽位，先發仲子歸于我衛州吁弑其君完，先發莊公娶于齊是也。

【後經以終義】言後經爲文以終前經之義也。若昭二十二年，王室亂定八年，乃言劉子伐孟以定王室。哀二年，晉納蒯聵於戚。哀十五年，乃言蒯聵自戚入衛。

【依經以辯理】謂依經之言以辯此經之理也。卽經有其事，傳辯其由耳。若隱公不書卽位而求好於邾，故爲蔑之盟。按其經文明，其歸趨是也。

【錯經以合異】謂錯經爲文以合此經之異也。若地有兩名，經傳互舉；或經言「侵」，傳言「伐」；或經言「伐」，傳言「侵」，於文雖異，於理則合也。

【例之所重舊史遺文略不盡舉】此言有經無傳之意也。若桓元年秋，大水；傳云：「凡平原出水爲大水。」至莊七年秋，大水於例已爲重出，則傳略其文。舊史遺文者，謂舊史遺餘策書之文，蓋舊史已沒，獨策書遺留耳。

【載籍】猶言書籍。說文：「籍部書也。」張衡東京賦：「多識前世之載。」注：「載亦書也。」

【優而柔之使自求之饜而飲之使自趨之】孔疏：「優柔俱訓爲安寬舒之意也。饜飲俱訓爲飽饑裕之意也。謂丘明富博其文，優游學者之心，使自求索其高意，精研其大義，飽足學者之好，使自奔趨其深致；其廣記備言，欲令使樂玩不倦也。」

【江海之侵膏澤之潤】江海以水深之故，所浸者遠；膏澤以雨多之故，所潤者博。此喻傳之廣記備言，亦欲浸潤經文，使義理通洽也。按脂之釋者爲膏，雨之爲潤，若脂膏然，故稱膏澤。孟子離婁：「諫行言聽，膏澤下於民。」

【渙然冰釋怡然理順】渙然散貌，怡然悅貌；謂渙然如春冰之盡解，則怡然心悅，而衆理皆順矣。猶豁然貫通之義。

【發凡以言例】發凡，卽引發其大意；繫之以例，卽爲凡例。左傳釋經，發凡五十，其別四十有九。如隱七年傳：「凡諸侯同盟，於是稱名，故薨則赴以名，告終嗣也；以繼好息民，謂之禮經。」卽發凡之開端也。

【微顯闡幽】易繫辭：「微顯闡幽。」微謂纖隱，闡謂著明，言纖隱之處以顯，幽暗之義以明也。

【據舊例而發義指行事以正褒貶】言據舊典凡例而發經義，如例稱「得雋曰克」，傳言「如二君故曰克」，指其人行事是非以正經之褒貶，如晉侯召王使狩，鄭伯不教其弟，仲尼沒其召，顯稱鄭伯，丘明正述其事，先解經文是也。

【諸稱書不書先書故書不言不稱書曰之類】傳中稱書者，如文二年「書士穀堪其事」襄二十七年「書先晉晉有信」之類是。不書者，如隱元年「春正月，不書卽位，攝也」；「邾子克未王命，故不書爵」之類是。先書者，如桓二年「君子以督爲有無君之心，而後動於惡，故先書弑其君」僖二年「晉會虞師伐虢，滅下陽；先書虞，賄故也」之類是。故書者，如隱三年壬戌平王崩，赴以庚戌，故書「三月庚戌，天王崩」成八年「杞叔姬卒，來歸自杞，故書」之類是。不言者，如隱元年鄭伯克段於鄢，「不言出奔，難之也」莊十八年「夏公追戎于濟西，不言其來，諱之也」之類是。不稱者，如僖元年「不稱卽位，公出故也」莊元年「不稱姜氏，絕不爲親禮也」之類是。書曰者，如隱元年書曰「鄭伯克段于鄢」隱四年書曰「衛人立晉衆也」之類是。

【起新舊發大義謂之變例】言上述七者，皆所以起新舊之例，令人知發凡是，七者是新發明經之大義，謂之變例，別以正例言也。

【史所不書卽以爲義】言有史所不書，正合仲尼意者，仲尼卽以爲義，改其舊史，及史所不書，如宣十年「齊崔氏出奔衛」傳稱「書曰崔氏非其罪也，且告以族，不以名」是告不以名，故知舊史無名，及仲尼修經，無罪見逐，例不書名，此舊史之文，適當仲尼之意，因而用之是也。

【經無義例因行事而言則直言其歸趣而已非例也】國有大事，史必書之，其事既無得失，其文不著善惡，

故傳直言其指歸趣向而已，非褒貶之例也。春秋此類最多，如隱元年「及宋人盟于宿」傳曰：「始通也。」杜注：「經無義例，故傳直言其歸宿而已。」

【發傳之體有三】卽上述發凡正例，新意變例；歸趣非例是也。

【爲例之情有五】卽左成十四年傳「微而顯」等五例，已見上條。

【稱族尊君命舍族尊夫人】春秋成十四年「秋，叔孫僑如如齊逆女」，「九月，僑如以夫人婦姜氏至自齊」。傳云：「秋，宣伯如齊逆女；稱族尊君命也。」疏云：「叔孫是其族也，褒賞稱其族，貶責去其氏。銜君命出使，稱其族，所以爲榮；與夫人俱還，去其氏，所以爲辱。出稱叔孫，舉其榮名，所以尊君命也；入舍叔孫，替其尊稱，所以尊夫人也。」

【梁亡】春秋僖十九年經書「梁亡」，是秦亡之也。傳云：「梁亡不書，自取之也。」疏云：「諸侯受命天子，分地建國，無相滅之理，此以自亡爲文，不書所取之國，以爲梁國自亡，非復取者之罪，所以深惡梁也。故不言秦滅梁而以自亡爲文。」

【城緣陵】春秋僖十四年經書「春，諸侯城緣陵」，是齊率諸侯城之以遷杞也。傳云：「諸侯城緣陵而遷杞焉；不書其人，有闕也。」疏云：「不言某侯某侯，不具書其所城之人，爲其有闕也。知闕爲器用不具，城池不固而去，爲惠不終，故總言諸侯以譏之。」

【參會不地】春秋桓二年經書「公及戎盟于唐冬，公至自唐」傳云：「特相會往來稱地，讓事也；自參以上，則往稱地，來稱會，成事也。」疏云：「會必有主，二人共會，則莫肯爲主，兩相推讓，會事不成，故但書地。至三國以上，則一人爲主，二人聽命，會事有成，故書稱會。」

【與謀曰及】春秋宣七年經書「夏公會齊侯伐萊」傳云：「夏公會齊侯伐萊，不與謀也。師出與謀曰及，不與謀曰會。」疏云：「與謀者，同志之國，共行征伐，彼與我同謀計議，議成而後出師，則以相連及爲文。彼不與我謀，不得已而往應命，則以相會合爲文。」

【諸所諱辟】辟本作避，諱辟，諱言之也。若僖十六年經書「公會齊侯宋公陳侯衛侯鄭伯許男邢侯曹伯于淮」十七年傳云：「淮之會，公有諸侯之事，未歸而取項，齊人以爲討而止公。」又云：「九月公至書曰至自會，猶爲諸侯之事也；且諱之也。」

【璧假許田】周制，諸侯有大功者，於京師受邑，爲將朝而宿焉，謂之朝宿之邑。方岳之下，亦受田邑，爲從巡狩，備湯水以供沐浴焉，謂之湯沐之邑。魯以周公之故，受朝宿之邑於京師，許田是也。鄭以武公之勳，受湯沐之邑於泰山，祊田是也。隱桓之世，周德既衰，魯不朝周，王不巡狩，二邑皆無所用，因地勢之便，欲相與易，祊薄不足以當許，鄭人加璧以易許田。然諸侯不得擅易天子之田，故文諱其事。桓元年經書「鄭伯以璧假許田」，言若進璧以假田，非久易也。

【丹楹刻桷】禮制宮廟之飾，楹不丹，桷不刻。莊二十三年經書「秋，丹桓公楹」。二十四年「春，刻桓公桷」。傳云：「皆非禮也。」疏云：「穀梁傳曰：『禮，楹天子諸侯黝堊，大夫蒼，士鼈。丹楹，非禮也。』又曰：『天子之桷，斲之礪之，加密石焉。諸侯之桷，斲之礪之。大夫斲之。士斲本，刻桷，非正也。』要知正禮，楹不丹，桷不刻，故云皆非禮也。」

【天王求車】桓十五年經書「天王使家父來求車」。傳云：「非禮也；諸侯不貢車服，天子不私求財。」蓋車服上之所以賜下，非下之所以貢上，而諸侯皆有通常職貢，天子非可以例外私自誅求也。

【齊侯獻捷】春秋莊三十一年「六月，齊侯來獻戎捷」。傳云：「非禮也；凡諸侯有四夷之功，則獻于王。王以警于夷，中國則否。諸侯不相遺俘。」疏云：「獻者自下奉上之稱，諸侯不相遺俘。齊侯失辭稱獻，失禮遺俘，故因其來辭，見自卑也。以其太卑，故書以示過。」

【齊豹盜】春秋昭二十年「盜殺衛侯之兄摯」。傳云：「仲尼曰：『齊豹之盜。』」疏云：「齊豹，衛國之卿；春秋之例，卿皆書其名字。齊豹忿衛侯之兄，起而殺之，欲求不畏強禦之名，春秋抑之，書曰盜者，賤人有罪之稱也，使其求名而名亡。」

【三叛人名】春秋襄二十一年「邾庶其以漆閭丘來奔」。昭五年「莒牟夷以牟婁及防茲來奔」。昭三十一年「邾黑肱以濫來奔」。疏云：「邾庶其、莒牟夷、黑肱三人，追小國之臣，並非命卿，其名於例不合。」

見經，竊地出奔，求食而已，不欲求其名聞，春秋故書其名，使惡名不滅，欲蓋而名彰。

【觸類而長之】易繫辭文也。意謂推此可以及彼；若隱四年，經書「翬帥師」，傳稱「羽父固請，故書曰翬帥師，疾之也。」十年，經亦書「翬帥師」，傳雖不言，書曰或故書，是知與上同爲新意。又隱元年傳「曰儀父貴之也。」則桓十七年云「儀父」亦是貴之也。

【二百四十二年】春秋自魯隱公元年起，至哀公十四年西狩獲麟止，凡二百四十二年。獲麟以後，孔子絕筆，經則魯史舊文，傳則終說前事，辭無褒貶矣。

【春秋雖以一字爲褒貶，然皆須數句以成言】春秋莊二十五年「陳侯使女叔來聘」，傳曰：「嘉之，故不名。」僖二十五年「衛侯燬滅邢」，傳曰：「同姓也，故名。」褒則書字，貶則書名，褒貶在於一字，顧不可單書一字以見褒貶，故經必須數句以成言，義則待傳而後曉。謂若隱元年「秋七月，天王使宰咺來歸惠公仲子之贈」及昭十三年「夏四月，楚公子比自晉歸于楚，弑其君虔于乾谿」，皆三句以上文也。

【八卦之爻可錯綜爲六十四】八卦，謂乾坤震兌巽離艮坎也。係伏羲氏所作，周文王取而錯綜之，廣爲六十四卦，即乾坤屯蒙以至既濟未濟也。

【古今言左氏春秋者十數家】漢書儒林傳：「漢興，北平侯張蒼及梁太傅賈誼、京兆尹張敞、大中大夫劉

公子，皆修左氏傳訓詁；授趙人貫公、公傳子長卿、長卿傳清河張禹、禹授尹更始、更始傳子咸及丞相翟

方進|方進授清河胡常，常授黎陽賈護，護授蒼梧陳欽，而劉歆從尹咸、翟方進受之。此前漢言左氏者也。中興以後，鄭玄、鄭衆、賈逵、馬融、延篤、彭仲博、許惠卿、服虔、穎容之徒，皆傳左氏春秋。魏世則王肅、董遇爲之注。

【膚引公羊穀梁適足自亂】膚謂皮膚，以喻淺近。公羊謂春秋公羊傳，爲周末公羊高所傳述，其玄孫壽及胡母子都錄爲書，漢何休作解詁。其書多引讖緯，所謂黜周王魯，變周文從殷質之類，尤爲後學所師承。穀梁謂春秋穀梁傳，係周末穀梁亦所述，而傳其學者錄爲書。晉范寧注唐楊士勸疏，穀梁與公羊同師而傳義之精者。公羊或弗能及。言春秋者，左傳爲一派，公穀爲一派，顧公穀均口相傳授，因事起問，與左氏之詳事釋經不同。故言膚淺引之以解左氏，適足以自錯亂也。

【劉子駿創通大義】劉歆字子駿，漢之宗室，與父向領校祕書，集六藝羣書，種別爲七略。受左氏春秋於尹咸、翟方進，欲建立於學官，大爲衆儒所訕；至新莽時始得立。初，左氏傳多古字古言，學者傳訓詁而已，及歆治左氏，引傳文以解經，經傳相發明，由是章句義理備焉，故曰創通大義。

【賈景伯父子】賈逵字景伯，後漢扶風人。父徽，字元伯，受業於劉歆，作春秋條例。逵傳父業，作左氏傳訓詁。【許惠卿】名淑，後漢魏郡人。

【穎子嚴】名容，後漢陳郡長平人，善春秋左氏傳，徵辟皆不就。初平中，避亂荊州，聚徒千餘人，著春秋條例。

五萬餘言。

【經傳集解】丘明作傳，不敢與聖言相亂，故與經別行。公羊、穀梁以及毛公、韓嬰之徒，爲詩作傳，亦莫不如是。經傳異處，省覽爲煩，故作者特爲分年相附，別其經傳，聚集而解之，謂之經傳集解。蓋與何晏、朱熹之聚集諸家義理，以解論語、孟子，謂爲集解，其義固有別也。

【釋例】春秋紀事之書，前人後人行事相類，書其行事，不得不有此例。而散在他年，非相比較則善惡不彰，褒貶不明，故作者別集諸例，從而釋之，名曰釋例。將令學者察其同異，易明其學也。

【春秋之作左傳及穀梁無明文】春秋之作，左氏、穀梁俱未言及，何休所注公羊，亦無明文。惟孔舒元公羊傳本云：「十有四年春，西狩獲麟。何以書記異也？今麟非常之獸；其爲非常之獸奈何？有王者則至，無王者則不然。則孰爲而至，爲孔子之作春秋？」

【仲尼自衛反魯】論語子路：「子曰：吾自衛反魯，然後樂正，雅頌各得其所。」按孔子以魯定十四年去魯，應聘諸國，哀十一年冬，自衛反魯。是時道衰樂廢，孔子來還，乃正之。按左哀十一年傳：「孔文子之將攻太叔也，訪於仲尼。仲尼曰：『胡籩之事，則嘗學之矣；甲兵之事，未之聞也。』退，命駕而行。曰：『烏則擇木，木豈能擇鳥？』」文子遽止之，曰：「圉豈敢度其私，防衛國之難也。」將止，魯人以幣召之，乃歸。

【修春秋立素王】家語：「齊大夫子餘歎美孔子言云：天其素王之乎！」董仲舒對策：「孔子作春秋，先正

王而繫以萬事，是素王之文焉。」賈逵春秋序：「孔子覽史記，就是非立素王之法。」鄭玄六藝論：「孔子既西狩獲麟，自號素王，爲後世受命之君，制明王之法。」盧欽公羊序：「孔子自因魯史記而修春秋，制素王之道。」按素，空也；素王，言無位而空王之也。

【丘明爲素臣】疏云：「孔子自以身爲素王，故作春秋，立素王之法；丘明自以身爲素臣，故爲素王作左氏之傳。其言丘明爲素臣，未知誰所說也。」

【言公羊者亦云黜周而王魯】言公羊者，卽指何休之徒。黜周王魯，謂排黜周室之正統，而以魯爲王，承其統也。顧公羊無明文，亦不過推測之談耳。以杞在春秋，爲夏之後，本爵爲上公，而經稱杞伯，以爲孔子黜之。宣十六年「成周宣榭火。」公羊傳曰：「外災不書，此何以書新周也？」其意言周爲王者之後，比宋爲新，因此故謂春秋託王於魯，以周宋爲二王之後，黜杞周於庶國。又何休隱元年注云：「唯王者然後改元立號，春秋託新王，受命於魯。」宣十六年注云：「孔子以春秋當新王，上黜杞，下新周而故宋，黜周爲王者之後。」是黜周王魯之說也。

【危行言孫以辟當時之害】論語憲問：「邦有道，危言危行；邦無道，危行言孫。」鄭玄以爲據時高言高行者皆見危，謂高行爲危行也。何晏以危爲厲，厲言厲行，不隨俗也。疏云：「危，厲也；孫，順也；言邦有道，可以厲言行，邦無道，則厲其行，不隨汚俗，順言辭以避當時之害也。」

【微其文隱其義】定元年公羊傳曰：「定、哀多微辭，主人習其讀而問其傳，則未知己之有罪焉爾。」何休注：「此假設而言之，主人謂定、哀也，習其經而讀之，問其傳解詁，則不知己之有罪，於是此孔子畏時君，上以諱尊隆恩，下以辟害容身，慎之至也。」是即孫言避害，微文隱義之說也。

【公羊經止獲麟而左氏經終孔丘】西狩獲麟，在魯哀十四年，孔丘卒，在魯哀十六年。公羊哀十四年卽止，而左傳經至哀十六年。是十五、十六兩年春秋係魯史之舊，未經孔子刪削，故十六年有「夏四月己丑，孔子卒」之文也。

【文王既沒文不在茲乎】論語子罕：「子畏於匡，曰：『文王既沒，文不在茲乎？天之將喪斯文也，後死者不得與於斯文也；天之未喪斯文也，匡人其如予何？』」孔子過匡，匡人以兵遮而脅之，從者驚怖，故設此言以自慰解。意謂文王雖沒，其爲文王之道，豈不在茲身乎？蓋孔子自比己身，言有文王之道，天若未喪文王之道，必將使我制作，匡人不能違天以害己。此言是有制作本意也。

【歎曰鳳鳥不至河不出圖吾已矣夫】此亦論語子罕篇語也。言聖人受命而王，則鳳鳥至，河出圖，今鳳鳥不至，河不出圖，是時王之政，不能致此瑞也。蓋孔子先有制作之意，而恨時無嘉瑞，易言之，卽旣得嘉瑞，便須制作耳。河圖孔安國以爲卽八卦，鄭玄以爲河圖洛書，龜龍銜而出，如中候所說龍馬銜甲，赤文綠色，甲似龜背，袤廣九尺，上有列宿斗正之度，帝王錄紀興亡之數是也。

【麟鳳五靈】疏：「麟、鳳、龜、龍、白虎，五者神靈之鳥獸。」按禮禮運：「麟、鳳、龜、龍，謂之四靈。」蓋言飲食之由。

四靈與羞物爲羣，四靈既優，則羞物皆備。龍是魚鮒之長，鳳是飛鳥之長，麟是走獸之長，龜是甲蟲之長，飲食所須，唯此四物，四物之內，各舉一長，羞物皆備矣。此處作者，乃欲徧舉嘉瑞，故增白虎一靈。禮禮器：「升于中天而鳳凰降，龜龍假。」詩序：「麟趾，關雎之應，騶虞，鵲巢之應。」騶虞卽白虎也。是鳳龜龍麟騶虞，並爲嘉瑞，因稱五靈。

【麟出非其時虛其應而失其歸】麟爲王者之瑞，必待聖王在位而後出，今出於衰亂之際，是非其時也。上無明王，是虛其應，爲人所獲，是失其歸，亦猶聖人而生非其時，道無所行，功無所濟，與麟相類，是可慨喟耳。

【周平王東周之始王也】平王名宜臼，幽王之子，於卽位之元年，東遷洛邑。周自武王伐紂，定天下，恆居鎬邑，是爲西都。周公攝政，營洛邑，謂之東都。成王雖暫至洛邑，旋還鎬京，爲西周。至平王，始遷洛爲東周。故云平王，東周之始王也。

【隱公讓國之賢君也考乎其時則相接】左隱十一年傳：「羽父請殺桓公，將以求大宰，公曰：『爲其少故也，吾將授之矣；使營菟裘，吾將老焉。』」是隱公有讓位之誠。平王四十九年而隱公卽位，隱公三年而平王崩，是其時代相衔接也。

【周公之祚胤】祚福也。胤，後裔也。詩既醉：「永錫祚胤」。祚胤，言福祚及後胤也。周公封于魯，故隱公爲其後胤。

【祈天永命】書召誥：「用供王能祈天永命」。言用善德治民，得長命也。

【采周之舊會成王義垂法將來】春秋所書，尊卑盡備，王使來聘，錫命，贈，含有天子撫邦國之義。公如京師，拜賜，會葬，有諸侯事王者之法，雖據魯史爲文，足成王者之義也。以其王義，垂法將來，將使後世天子，法而用之，非獨遺諸將來之諸侯也。

【所書之王卽平王也……安在其黜周而王魯乎】經書「元年春，王正月，三月，公及邾儀父盟于蔑」。王，卽平王也。月，卽周正也。公，卽魯隱公也。魯用周正，則魯事周矣。天子稱王，諸侯稱公，魯尚稱公，則號不改矣。然則春秋之文，安在而黜周王魯乎？若黜周王魯，則魯宜稱王，周宜稱公；此言周王而魯公，知非黜周而王魯也。

【如有用我者吾其爲東周乎】論語陽貨「公山弗擾以費畔召，子欲往，子路不說……子曰：彼召我而豈徒哉？如有用我者，吾其爲東周乎？」意謂彼召我者，必謂我有賢能之德也；旣謂我有賢能之德，或將能用我言。如其能用我言者，吾其爲東方之周乎？言將欲興周道於東方也。此引孔子語，以明孔子非特不黜周，且欲興周也。惟鄭玄以東周爲成周，其義獨異，當非作者本意。

【章往考來四句】易繫辭「夫易彰往而察來，而微顯闡幽」疏：「往事必載，是彰往也；來事豫占，是察來也。」微顯闡幽者，謂微而之顯，幽而闡明也。又繫辭：「聖人之情見乎辭。」疏云：「辭則言其聖人所用之情，故觀其辭而知其情也。」又繫辭：「其旨遠，其辭文，其言曲而中，其事肆而隱。」要皆此數句之所取義也。

【聖人包周身之妨】謂聖人妨慮必周於身，自知無患，方始作之。若成湯繫於夏臺，文王囚於羑里，周公留滯於東都，孔子絕糧於陳蔡，自古聖人出因困危，固嘗有之，然防患甚周，不必隱避也。

【子路欲使門人爲臣】孔子以爲欺天】論語子罕「子疾，子路使門人爲臣。病問曰：『久矣哉！由之行詐也。無臣而爲有臣；吾誰欺？欺天乎！』」蓋子路以孔子將死，使門人爲臣，欲令以臣禮葬君，冀顯榮夫子，夫子瘳而責之，以爲我實無臣，何故而爲有臣？吾之於人也，嘗欺於誰？吾尙不敢欺人，何故使吾欺天乎？

【而云仲尼素王丘明素臣又非通論】子路使門人爲臣，有僭天子之禮，孔子尙以爲欺天，況神器之重，非人臣所敢議，而云仲尼爲素王，丘明爲素臣，又非通理之論也。疏云：「臧文仲山節藻棁，謂之不知；管仲鏤簋朱紱，稱其器小；季氏舞八佾，云孰不可忍！若仲尼之竊王號，則罪不容誅，而言素王素臣，是誣大賢而負聖人也。」

【制作三年文成致麟既已妖妄】服虔云：「夫子以哀十一年自衛反魯而作春秋，約之以禮，故有麟應而

至。」作者以爲麟是王者之瑞，非爲制作而來，而云仲尼致之，是妖且妄也。

【引經以至仲尼卒亦又近誣】先儒以爲孔子自衛反魯，卽作春秋，作三年而後致麟，雖得麟猶不止，比至孔丘之卒，皆是仲尼所修。而服虔云：「春秋終於獲麟，故小邾射不在三叛人中也。弟子欲明夫子作春秋以顯其師，故書小邾射以下至孔子卒。」作者亦取服義，故於哀十四年「西狩獲麟」下注云：「麟者，聖王之嘉瑞也；時無明王，出而遇獲，仲尼傷周道之不興，感嘉瑞之無應，故因魯春秋而修中興之教，絕筆於獲麟之一句。所感而作，固所以爲終也。」

【左氏小邾射不在三叛之數】三叛見前條注。春秋哀十四年「春，西狩獲麟。」小邾射以句繹來奔。射是小邾大夫，以句繹之地來奔魯，實與邾庶其、黑肱、莒牟夷同事同罪，傳稱庶其等爲三叛人，而不及射，可見春秋之經，止於獲麟，獲麟以上，是仲尼之意，此雖事與彼同，而不及褒貶之例矣。

【感麟而作起獲麟則文止於所起】此作者闢先儒孔子作春秋三年文成而獲麟之說也。言孔子有感於麟之被獲，始作春秋；其動機既起於獲麟，則文亦止於獲麟，起於斯，即止於斯也。

【反袂拭面稱吾道窮亦無取焉】公羊傳稱孔子聞獲麟，反袂拭面，涕沾袍曰：「吾道窮矣！」作者闢之。以聖人盡性窮神，樂天知命，生而不喜，死而不戚，困於陳蔡，則援琴而歌，夢奠兩楹，則負杖而詠，寧復畏懼死亡，下沾衿之泣，愛惜性命，發道窮之歎耶？故公羊之說，爲無取焉。

解題

陸機自依趙王倫位至中書郎。及倫以篡逆破誅，齊王冏收機付廷尉獄，賴成都王穎等救得免。時成都王穎推功不居，勞謙下士。機既感全濟之恩，又以穎必能康隆晉室，遂委身焉。穎以機參大將軍事，表爲平原內史，機到官上表謝之。見晉書卷五十四陸機傳。平原郡名戰國趙邑，平原君勝封地。漢置郡今山東舊武定濟南府之西部，北自樂陵，南至長清諸縣皆是。內史爲王國之官，自漢諸王國皆置內史，以治國人，視如郡守；至晉因之，迄隋始廢。平原內史，治理平原一郡之官守也。「表」者，章奏之一也。文心雕龍表篇謂七國時言事於主，皆稱上書；秦改書曰奏；漢定禮儀，則有四品：一曰章，二曰奏，三曰表，四曰議。原其爲用，所以對揚王庭，昭明心曲。表體多包蓋，取義於儀標。按謝表謝恩之章奏也。

作者述略

陸機字士衡，三國時吳郡人。年二十而吳亡，閉門勤學且十年。晉太康末，入洛。趙王倫引爲相國參軍，遷中書郎。倫以逆誅，齊王冏疑其參預逆謀，下之獄。賴成都王穎、吳王晏並救得免。機遂事穎，穎表爲平原內史。太安初，穎與河間王顥起兵討長沙王乂，假機後將軍河北大都督，督諸軍二十餘萬。機固辭不獲。旣進軍與長沙

王又戰於鹿苑，機軍大敗，時部下將多不用命，又讒機於穎，穎因收機殺於軍中。見晉史卷五十四陸機傳。

注釋

【陪臣陸機言】李善注：「蔡邕獨斷曰：『諸侯境內，自相以下，皆爲諸侯稱臣；於朝皆稱陪臣。』」按論語季氏篇：「陪臣執國命。」陪臣者，諸侯之臣也。時陸機事成都王，非列官於朝，故稱陪臣也。

【魏郡太守】漢置治鄴，在今河南臨漳縣西南四十里。太守官名，見醉翁亭記。「太守」條注。按太守爲掌執一郡之政權者。

【兼丞張舍】「張舍」人名。「丞」爲佐貳官之稱。「兼」兼職也。

【齋】音咨，又音躋；持以與人也。送呈也。

【板詔】李善注：「凡王封拜謂之『板官』；時成都王攝政，故稱『板詔』。」

【假】官之兼攝者曰假，猶今言兼職也。時穎以機參大將軍，故機於平原內史爲兼職也。

【平原內史】見上解題。

【祇竦】敬懼也。祇音資，敬也。見說文。竦音悚，懼也。詩長發：「不憇不竦。」

【不知所裁】裁，裁答也。言祇竦之至，不知如何作答也。李注：「范曄後漢書陳蕃上疏曰：『臣誠悼心，不知所裁。』」

【出自敵國】陸機吳人，吳爲晉所滅，是於晉爲敵國也。李注：「漢書蒯通說韓信曰：『敵國破，謀人亡。』」
【世】世說文：「三十年爲一世。」按此處之世，泛指先世也。

【先臣】指其祖先也。猶言先世之臣。

【宣力】尚書虞書益稷篇帝舜曰：「予欲宣力四方，汝爲。」注：「布力立治之功，汝羣臣當爲之。」按宣力，猶言効力也。

【丘園】易賁卦：「六五，貢于丘園，束帛箋箋，吝終吉。」象曰：「六五之吉，有喜也。」王肅曰：「隱處丘園，道德彌明，必有束帛之聘。」

【耿介】楚辭離騷：「彼堯舜之耿介兮。」朱注：「耿，古迴反。光也。介，大也。」按耿介，言道德光大也。

【皇澤廣被】言皇家恩德之普遍賜與也。漢王褒四子講德論：「皇澤豐沛。」

【惠濟無遠】言恩所至，達於極遠，猶「無遠弗届」也。

【擢身羣萃】擢，拔也。萃，英也。言拔自羣英之中也。

【歷官有六】臧榮緒晉書曰：「太熙末，太傅楊駿辟機爲祭酒。駿誅，徵爲太子洗馬。吳王出鎮淮南，以機爲郎中令，遷尚書中兵郎，轉殿中郎，又爲著作郎。」見李善注。

【身登三閣】李注：「晉令曰：祕書郎掌中外三閣經書。」按機曾任著作郎，著作郎於晉以前隸中書，至晉

武帝始改隸祕書，稱祕書著作，（見晉史卷二十四職官志）故機得與祕書郎同登三閣。

【兩宮】李注：「兩宮，東宮及上臺也。」

【服冕乘軒】左傳哀公十五年，「衛太子謂渾良夫曰：『服冕乘軒，三死無與。』」按冕爲古者大夫服用之禮冠，軒爲大夫以上服用之車乘也。

【仰齒貴游】上列於貴游子弟，猶與貴族子弟等列也。齒，列也。周禮地官師氏「凡國之貴遊子弟學焉。」

注：「王公子弟無官司者。」

【振景拔迹】言擢拔之使處高位也。景，同影。振，起也。

【顧邈同列】邈，凌邈也。言顧盼則凌邈同列之人，喻榮貴也。

【施重山岳】言施與恩德之重也。李注：「葛龔讓州辟文曰：『恩重山岳。』」

【義足沒灰】李注：「言君之義我身如灰之滅，不足報也。」極言恩義之重。

【遭國顛沛】詩大雅蕩蕩蕩蕩之揭。傳：「顛，仆也。沛，拔也。」言顛仆傾拔，喻國家多難也。時晉內有賈后

諸王之亂，外有羌胡之叛，故謂遭遇國家多難顛危之時也。

【無節可紀】節，謂事之一端也。言無一端之事功可述也。紀，述也。

【曠盪】曠，音礦，空闊也。盪，蕩蕩也。曠盪，言空闊無邊，喻受恩之廣大也。

【憂愧若厲】既憂且愧，如處於危境也。厲，危也。易乾「夕惕若厲」。

【橫……見枉陷】橫，暴也。孟子離婁「其待我以橫逆」。按此卽謂齊王問誣陷機參預趙王倫篡逆之事，而下之獄也。參見題解。

【故齊王問】卽司馬問也。字景治。嗣封齊王。趙王倫篡位，問因衆心怨望，起軍移檄天下，大破之。及王輿誅，惠帝反正，拜大司馬，輔政。沈於酒色。長沙王乂發兵攻之，斬於閭闈門外。永嘉中追謚武閔。故前也。

【誣人與衆人共作禪文】晉永康元年（西元三〇〇年）趙王倫執政，引機爲相國參軍，及倫將篡位，又以爲中書郎。明年改元永寧，倫篡位稱帝。齊王問起兵討殺之，問以機職在中書，九錫文及禪詔疑機與焉，遂下機獄。見晉史陸機傳。禪文，趙王倫逼晉惠帝禪位於己之文也。

【幽執囹圄】漢書司馬遷傳報任安書：「深幽囹圄之中。」

【弟雲】陸雲字士龍，少與兄齊名。年十六，以吳亡，入洛見張華，刺史周浚召爲從事，累官至中書侍郎。成都王穎表爲清河內史，轉大將軍右司馬。雲好以正言諫穎，爲左右所忌，會機軍敗，左右誣機叛逆，並收雲殺之。事跡附見機傳後。

【散騎侍郎】官名。魏初與散騎常侍同置，自魏至晉，散騎常侍、侍郎與侍中黃門侍郎共平尙書奏事，江左乃罷。見晉書卷二十四職官志。

【袁瑜】王隱晉書曰：「袁瑜字世都。」見李注。

【中書侍郎】官名。魏黃初初，中書置監令，又次置通事郎、黃門郎，掌機要奏事。及晉改爲中書侍郎。見職官志。

【馮熊】李注：「馮熊字文熙。」

【尚書右丞】漢武帝始四年始置尚書，立丞四人。及光武改爲左右丞。晉存之。右丞主臺內庫藏廬舍，凡諸器用之物及廩振人租布刑獄兵器督錄遠道文書章表奏事等。見職官志。

【崔基】時爲尚書右丞。

【廷尉正】秦官名。掌刑法獄訟。晉時屬官有正、監、平。見職官志。

【顧榮】李注：「王隱晉書曰：『顧榮字彥先。』」按榮吳郡人。仕吳爲黃門侍郎。吳亡與陸機兄弟同入洛。時號三俊。拜郎中。歷遷廷尉正。以世亂棄官歸廣陵。相陳敏反。榮起兵攻之。元帝鎮江東。以爲軍司。加散騎常侍。卒謚元。

【汝陰太守】汝陰縣名。漢置。今安徽阜陽縣治。晉時爲郡太守官名。秦本名郡守。漢改稱太守。晉書職官志：「郡皆置太守。」是太守係處理一郡之事者。

【曹武】李注：「晉百官名曰：『曹武字道淵。』」

【獲免】獲得也。獲免得免於罪也。

【陰蒙避迴岐嶇自列】李注：「言密自蒙蔽，避迴間黨。岐嶇艱阻，得自申列也。廣雅曰：『列，陳也。』」按避迴猶言迴避也。岐音奇，嶇音區。岐嶇通作崎嶇，山路不平也。此處引申爲艱難解。

【片言隻字不關其間】李注：「王隱晉書曰：『機與吳王晏表曰：「禪文本草今見在中書，一字一迹，自可分別。」』言禪文中間雖一句一字，亦與彼輩無關係也。」

【字蹤筆迹皆可推校】李注：「蔡邕書曰：『惟是筆跡，可以當面。』」按筆所留之迹即字蹤也。蹤音縱，跡也。言筆迹皆可推求考校而得也。

【翻然】改變貌。見荀子彊國篇注。

【蕞爾之生】李注：「左傳子產曰：『諺云：「蕞爾之國。」』杜預曰：『蕞小貌也。』」

【尚不足袞】李注：「說文曰：『尚曾也。』孔安國尚書傳曰：『袞惜也。』」

【區區本懷】區區，小也。區區本懷，猶文選李陵答蘇武書之「區區此心」也。

【畏逼天威】左傳僖公九年夏：「齊侯下拜……曰天威不遠，顏咫尺。」杜注：「言天鑒察不遠，威嚴常在顏面之前。」按言畏逼於天子之威嚴也。

【卽罪惟謹】言惟謹自就罪也。李注：「公羊傳曰：『不卽罪爾。』何休曰：『不就罪也。』漢書曰：『終軍詰

【徐偃請下御史，徵偃卽罪】論語曰：『子在宗廟朝廷，便便言，惟謹爾。』按說文：「謹慎也。」

【鉗口結舌】言不敢施口舌以申辯也。李注：「莊子曰：『鉗墨翟之口。』慎子曰：『臣下閉口，左右結舌。潛夫論曰：『臣鉗口結舌而不敢言。』』按鉗，奇炎切，同籀。

【所天】所戴之天，謂君也。李注：「左傳箴尹克黃曰：『君天也。』何休墨守曰：『君者，臣之天也。』」

【莫大之釁】釁，喜印切；瑕隙也。言極大之瑕隙，資人中傷也。李注：「孝經曰：『五刑之屬三千，而罪莫大於不孝。』」莫大言不能再大也。

【聖聽】聖上之聽聞也。言讒臣進言於君也，聖以指君。

【陛下】本爲指天子之稱，時成周執政，故亦以陛下稱之。蔡邕獨斷：「天子必有近臣，執兵立陛側，以戒不虞。人臣與天子言，不敢指斥，故呼在陛下者而告之，因卑達尊之意也。」

【愷悌之宥】李注：「毛詩曰：『愷悌君子。』杜預左傳注曰：『宥赦也。』」

【迴霜收電】言回嚴霜之威，收雷電之怒也。李注：「荀悅申鑒曰：『人主威如雷電之震。』」

【使不墮越】左傳僖公九年夏，齊侯對宰孔曰：「恐墮越於下。」杜注：「墮越，顛墜也。」

【扶老攜幼】戰國策齊策：「薛人扶老攜幼迎孟嘗君道中。」

【懷金拖紫】李注：「楊子法言曰：『使我紆朱懷金，其樂不可量也。』解嘲曰：『紆青拖紫。』拖，徒我切。」

按懷金謂懷金印，拖紫謂拖紫綬，言就官職也。

【退就散輩】言退而就散官輩之職也。散官有其名而閒散無職事者。

【五情震悼】李注：「文子曰：『昔中黃子曰：色有五章，人有五情。』」按五情當卽五性。漢書翼奉傳：「五性不相害。」晉灼注：「翼氏五性。肝性靜，靜行仁；心性躁，躁行禮；脾性力，力行信；肺性堅，堅行義；腎性智，智行敬。」五情震悼，猶言五內驚震哀悼也。

【跼天蹐地】詩小雅正月：「謂天蓋高，不敢不局；謂地蓋厚，不敢不蹐。」注：「局本又作跼，其欲反，蹐，井亦反，徐音積說文小步也。」傳：「局，曲也。蹐，累足也。」言跼蹐不安於天地之間也。

【若無所容】史記信陵君傳：「魏公子自責似若無所容。」言似無所容其身者。

【日月之明】書泰誓武王曰：「惟我文考若日月之照臨。」

【曲照】曲者，直之反；曲照，猶言照及私曲，喻恩德之及於私人也。

【雲雨之澤】言恩澤之下降如雲雨也。李注：「范曄後漢書鄧騭上疏曰：被雲雨之沃澤也。」

【朽瘁】言衰弱多病也。朽，衰也。瘁，音萃，病也。勞也。

【丹書】左傳襄公二十三年：「初，裴豹隸也，著於丹書。」杜注：「蓋犯罪沒爲官奴，以丹書其罪。」

【得夷平民】言得與平民等也。夷，平也。等，齊也。

【猥辱大命】猥，乃也。大命，上命也。後漢書王常傳：「臣蒙大命，得以鞭策託身陛下。」

【顯受虎符】漢書文帝紀曰：「初與郡守爲銅虎符竹使節。」按符以竹爲之，書文字或繪圖其上，剖而爲二，各存其一，合之以爲徵信者。虎符，符上繪虎形也。符又有以木及金玉爲之者，故有「銅虎符」之名。顯受，猶言榮膺也。

【陸沈】莊子則陽：「日之陸沈者也。」按陸沈謂無水而沈，喻隱匿也。

【撫翼】李注：「漢書『攜手逐秦，撫翼俱起。』」按撫翼，猶振翮也。

【安國】漢梁成安（今河南臨汝縣東南）人，徙睢陽（今河南屬縣）字長孺。事梁孝王爲中大夫。吳、楚反，安國捍吳兵於東界，名由此顯。武帝時累遷御史大夫。後爲御尉。以材官將軍屯漁陽，敗於匈奴，徙屯右北平。因忽忽不樂，嘔血死。參見下條。

【免徒】漢書韓安國傳：「事梁孝王爲中大夫，其後安國坐法抵罪。梁內史缺，漢使使者拜安國爲梁內史，起徒中爲二千石。」

【起紓青組】言起之於徒中，使爲貴官也。紓，曲屈繫繞也。青組，青色之印綬也。漢制，印綬九卿用青，故以喻貴官也。一說：青組，官二千石之車飾，見李注。

【張敞】漢平陽（今山西臨汾縣南）人，字子高。宣帝時爲京兆尹，市無偷盜。坐與楊惲厚，免歸。後又召拜

冀州刺史乘傳到郡，郡中盜賊屏息。元帝欲召爲左馮翊，會病卒。

【亡命】李注：「命名也。謂所犯罪名已定，而逃亡避之，謂之亡命。漢書張敞爲京兆尹，坐與楊惲厚善，不宜處位，免爲庶人。數月，冀州部中有大賊，天子思敞功，使使召敞，卽裝隨使者詣公車上書。天子引敞見拜，爲冀州刺史。敞起亡命，復奉使典州。」

【朱軒】古顯者所乘之車也。李注：「二千石之車飾」也。

【方】譬也，擬也。

【荷】核我切任也。被也。

【未足爲泰】泰通也。見易序卦。按泰與否相對，所謂「否極泰來」，卽厄盡而通也。此言未足以爲亨通，極意明己所處之泰也。

【蒙垢含忝】蒙受也。垢，污辱也。忝，方言曰：「貪而不施謂之忝。」言受垢辱之罪，含貪鄙之心也。

【忝竊】言非其才而辱居之也。

【毀宗夷族】言受恩深重，雖毀滅宗族，不能報大德也。

【哽結】哽咽塞也。言氣結喉塞也。

【常憲】常法也。

【便道之官】李注：「如淳漢書注曰：『律二千石以上，告歸寧不過行在所者，便道之官無問也。』」言便道過行在之官，不得拜謁君上也。行在，天子巡行所居之處也。

【稽額城闕】稽音雞。至也。額思黨切。額也。稽額，以額叩地也。城闕，天子之居也。言叩首於天子之前也。
【天衢】京都爲天子所居之所，故京都轂輦之道爲天衢也。按孔文舉薦禰衡表李注：「李陵詩曰：『策名於天衢。』班固漢書述曰：『攀龍附鳳，並集天衢。』」

【輦轂】輦里演切，以二人輓之車也。後亦用以稱天子之車。轂音谷，車輪中心圓木也。輦轂，言京師也。漢書司馬遷傳：「得待罪輦轂下。」是也。

【屏營】屏音并，屏營惶恐也。國語楚語：「申胥曰：『昔楚靈王獨行屏營。』」

745 鹽鐵論 本議 桓寬

解題

漢書武帝紀：「天漢三年初榷酒酤。」應劭曰：「縣官自酤榷賣酒，小民不復得酤也。」又食貨志下稱東郭咸陽孔僅爲大農丞，領鹽鐵事，有「敢私鑄鐵器鬻鹽者，鈸左趾」之議。又稱桑弘羊管諸會計事，稍稍置均輸以通貨物。是武帝時有鹽鐵酒榷均輸諸利也。鹽鐵者，言煮鹽冶鐵由朝廷設官專理之而榷較其稅收，均

輸者，言大農諸官籠天下之貨物，貴買賤賣以營利也。及昭帝始元六年徵文學賢良問以治亂，皆對願罷郡國鹽鐵酒榷均輸務本抑末，毋與天下爭利。御史大夫桑弘羊以爲此迺所以安邊竟制四夷，國家大業不可廢也。當時詰難頗有其議文，至宣帝時，汝南桓寬推衍其議，極其論難，著數萬言。見漢書公孫賀劉屈釐傳贊。而漢書藝文志諸子略之儒家有桓寬鹽鐵論六十篇。清四庫儒家類著錄鹽鐵論十二卷。但據張敦仁重刻本，則僅十卷，篇數與漢志同。本議爲鹽鐵論中之第一篇，本者指鹽鐵之本論也。議者卽議鹽鐵之當罷與不當罷也。

作者述略

桓寬字次公，漢汝南人。治公羊春秋，舉爲郎，至廬江太守。博通善屬文。宣帝時，推行鹽鐵之議，增廣條目，著書六十篇；亦欲以究治亂成一家之法焉。其著論也，嘗稱聞諸汝南朱生，言賢良文學則有茂陵唐生、魯國萬生、中山劉子、九江祝生之流六十有餘人；而朝廷則有桑弘羊與丞相御史兩府之士，相互論難焉。見漢書公孫劉車王楊蔡陳鄭傳。

注釋

【惟】發語詞。

【始元六年】漢書食貨志下：「昭帝卽位六年，詔郡國舉賢良文學之士，問以民所疾苦，教化之要，皆對願

罷鹽鐵酒榷均輸官。」按始元爲漢昭帝年號，即西元前八一年。

【丞相】官名，秦置丞相，尊之則爲相國。掌丞天子，助理萬機。漢初朝廷及王國皆置相國，旋改爲丞相。按丞相指車千秋也。漢書食貨志下：「迺與丞相千秋共奏罷酒酤。」

【御史】官名，周時掌贊書而授法令。秦漢並爲親近之職。長官曰御史大夫，掌副丞相；次曰御史中丞，掌禪書，兼司糾察。後漢以來，始專主彈劾矣。按御史指御史大夫桑弘羊也。漢書公孫劉車等傳贊：「御史大夫弘羊以爲此迺所以安邊境，制四夷，國家大業，不可廢也。」

【賢良文學】漢書昭帝紀：「六年春，二月，詔有司問郡國所舉賢良文學民所疾苦。」賢良文學爲各地所推舉者，亦科舉之一。據公孫賀、劉屈釐等傳贊所云，則當時賢良爲茂陵唐生等，文學爲魯國萬生等，共有一六十餘人。

【淫佚】邪辟放浪也。國語越語：「淫佚之事。」注：「放濫也。」

【末利】按「末」字對「本」而言，與下文之「就本者寡，趨末者衆」之「末」同。古代以農爲「本」，以商爲「末」。末利謂商賈之利也。史記秦本紀：「上農除末。」

【郡國】史記秦始皇本紀二十六年：「分天下爲三十六郡。」正義引風俗通云：「周制，天子方千里，分爲百縣，縣有四郡。」是郡統於縣也。自始皇分爲三十六郡，則縣統於郡矣。漢因之。又以諸郡分封諸王，自

高祖文帝以來，封建甚衆，諸王各自建國，故稱郡國也。

【鹽鐵酒榷均輸】見上解題。

【敦厚之樸】言重厚質樸之風俗也。古代尙質樸而薄華靡，故以敦厚喻風俗之美。孔子家語王言：「民敦而俗樸。」按敦厚同義，詩鄒風北門：「王事敦我。」傳：「敦厚也。」

【文繁則質衰】莊子繕性：「文滅質，博溺心。」郭注：「文博者心質之飾也。」按此謂文巧盛則質樸之風衰，與「文滅質」之意同。

【末修則民淫本修則民慤】商競奇器淫巧之物，故治商則民易趨於淫佚；農尙質樸，故務農則民趨於誠慤矣。修治也務也，慤音推，誠也，厚也。

【大夫】指御史大夫桑弘羊也。見上「御史」條注。按弘羊漢雒陽（今河南屬縣）人。年十三，事武帝爲侍中，以心計用事，言利事析秋毫。後爲治粟都尉，領大農丞，盡管天下鹽鐵。乃置平準於京師，受天下委輸。元封中爲御史大夫，與霍光等同受遺詔輔昭帝。弘羊自伐其功，欲與子弟得官，怨霍光，與上官桀謀反被誅。

【匈奴】漢時最強盛之外族也。唐虞以上爲山戎、獮狁、葦粥，居於北蠻。夏時稱戎狄，逼太王亶父。周初文王伐畎夷氏，武王逐戎夷。後穆王伐犬戎。春秋時其名尤繁，若晉之赤翟、白翟，秦之獮戎、義渠、烏

氏、朐衍晉北之林胡、樓煩燕北之東胡、山戎雖其族甚繁，大抵皆匈奴種也。至楚漢之爭，而匈奴單于冒頓崛起，統一諸部落以與中國抗，時爲漢患。故大夫以爲言，詳見漢書匈奴傳。

【邊鄙】land 邊界之城邑也。

【先帝】先稱已故者也。先帝指武帝也。

【虜】說文「獲也」。古時戰爭稱被俘掠者曰虜，因而稱敵人亦曰虜。此處猶言「胡虜」也。

【修障塞】障音嶂，又音章；塞上險要處築城，置吏士守之曰障塞，音賽，邊界也。言修治邊界上之亭障也。

【飭烽燧】飭音敕，謹也。治也。烽燧有寇警舉火爲號也。古人戍守作高土臺。臺上作桔槔，桔槔頭有兜零。以薪草置其中，常低之；有寇即燃火舉之以相告。

【屯戍以備之邊】言勒兵以備邊患也。屯，音豚，勒兵而守也。戍，从人持戈，赴邊之守卒也。按此句盧文弨以「邊」字屬之下句未妥，今據王先謙較勘改正。

【蕃貨】言使貨繁盛也。蕃繁也。

【府庫】聚財貨之處也。禮曲禮云：「在府言府，在庫言庫。」

【贍】音蟬去聲，給養也。

【孔子曰】語見論語季氏篇。

【不患寡而患不均不患貧而患不安】按下文謂「蓋均無貧和無寡安無傾」朱注「寡謂民少貧謂財乏；均謂各得其分；安謂上下相安。」言各得其分則無不均而貧不足患矣。上下和樂則民生蕃息而寡不足患矣。

【畜仁義以風之】易大畜卦：「以畜其德。」畜言修養也。詩大序：「風，風也；教也。風以動之；教以化之。」風言教化也。言修養仁義以風化也。

【善克者不戰善戰者不師善師者不陣】孫子謀攻：「是故百戰百勝，非善之善者也；不戰而屈人之兵，善之善者也。故上兵伐謀；其次伐交；下政攻城。」按「善克者不戰」謂善於克敵者不用爭戰，卽孫子所謂「不戰而屈人之兵」也。「善戰者不師」言善於戰者不用兵，卽孫子所謂「上兵伐謀」也。「善師者不陣」言善於用兵者不臨陣對敵也，卽孫子所謂「其次伐交」也。

【廟堂】朝廷也。禮禮器。「廟堂之上，罍尊在阼，犧尊在西。」

【折衝】制敵也。兵車也。淮南子說山：「折衝萬里。」注：「衝，兵車也；所以衝突敵城也。」

【王者行仁政無敵於天下】孟子公孫丑上：「以德行仁者王……以德服人者，中心悅而誠服也。」又梁惠王：「仁者無敵，王請勿疑。」言仁者天下之民皆願歸之，故無敵於天下也。又公羊傳成公元年：「王者無敵，莫敢當也。」

【桀黠】性情凶狡也。桀，賊殺也。黠，音轄，狡猾也。

【擅恣】擅，音繕，專也。恣，資四切。縱，音轄，放縱也。

【犯厲】厲，賊殺也。犯厲，以暴力相侵賊也。

【殺伐郡縣朔方都尉】郡縣注見前「郡國」條。朔方郡名，在今綏遠南境，鄂爾多斯右翼後旗界內。都尉官名，漢時最多。此指郡將。按武帝元朔二年冬，匈奴入上谷、漁陽，殺略吏民千餘人。帝遣衛青擊之，取河南地。主父偃請據之以拒匈奴，因立朔方郡。五年，匈奴數侵擾朔方。又入代，殺都尉朱英。卽所謂「殺伐郡縣朔方都尉」也。

【悖逆】犯上作亂也。

【元元】民也。戰國策秦策蘇秦始以連橫說秦王章：「子元元。」注：「元，善也。民之類善，故稱元。」

【縱然被堅執銳】王先謙校勘小識曰：「縱字當衍。」被堅執銳，言穿堅甲持利器也。

【古者貴以德而賤用兵】言古者以用德爲貴而用兵爲賤也。如國語周語祭公諫穆王用兵，謂「先王耀德不觀兵」是也。以德與用兵並列，以猶用也。

【孔子曰】見論語季氏篇。

【文德】尚書大禹謨：「帝乃誕敷文德，舞干羽于兩階。七旬有苗格。」謂以禮樂教化，使之觀感而心服也。

來之……安之」來之使之來歸服也。安之安撫之也。論語季氏：「故遠人不服則脩文德以來之。既來之則安之。」又「遠人不服而不能來也。」

【暴兵露師】暴音僕。曠也。師也。言軍隊暴露於外也。

【通有無之用】卽以其所有，易其所無，有無相通也。

【市朝】猶市集也。公衆集會之所也。論語憲問云：「吾力猶能肆諸市朝。」

【師】士師也。以德行教育人者。

【易曰】見易繫辭下篇。

【故工不出則農用乖】乖離也。違也。言農家用品離隔也。按盧文弨云：「乖，大典作乏。」蓋據永樂大典以校勘，而王先謙亦以通典十一引作乏，知乖是乏之誤。按此數語見史記貨殖傳引，惟文稍異。史記引周書曰：「農不出則乏其食，工不出則乏其事，商不出則三寶絕，虞不出則財匱少。」

【寶貨】卽史記所稱引之三寶，謂珠玉、金也。

【通委財】通委輸之財也。委輸也。後漢書千乘貞王伉傳：「國土卑溼，租委鮮薄。」

【導民以德】論語爲政篇：「道之以德，齊之以禮，有恥且格。」卽此語所本。導道同。

【民歸厚】言民之德行歸於仁厚也。論語學而篇：「曾子曰：『慎終追遠，民德歸厚矣。』」

【老子曰】按老子中無此文。惟第五十七章有：「天下多忌諱而民彌貧；民多利器，國家滋昏。」語或本此。
【通鬱滯】鬱，積也。頓，停也。言商所以流通屯積停滯之貨也。

【管子曰】按管子國蓄篇：「國有十年之蓄，而民不足於食，皆以技能望君之祿也。君有山海之金，而民不足以用，是皆以其事業交接於君上也。」與此數句意相似而辭稍異，或即指此而稍變其文。

【沃野之饒】言肥沃田野之豐富也。饒，富有也。

【隴蜀】隴，卽今甘肅省。秦於甘肅置隴西郡，謂地處隴山之西也。蜀，卽今四川省。

【丹】史記李斯傳：「西蜀丹青不爲采。」

【荆揚】荆，指今湖南、湖北以及四川、貴州、廣西、廣東之一部。揚，指今江蘇、安徽、江西、浙江、福建諸地。卽禹貢所稱之荊州、揚州也。

【皮革骨象】禹貢稱荆揚貢齒革羽毛。按骨象謂獸骨象牙也。

【江南】泛指長江以南之地。史記李斯傳：「江南金錫不爲用。」

【柟梓】史記貨殖傳：「江南出柟梓。」按柟音南，與楠同，常綠喬木也。梓音子，落葉亞喬木。

【燕齊之魚鹽旃裘】史記貨殖傳：「山東多魚鹽。」龍門碣石北多馬牛羊旃裘。按山東卽指齊，龍門碣石北卽指燕、旃裘同牘。

【堯】爲古九州之二。堯約當今山東北部與河北南部。豫約當今河南禹貢有堯豫二州。
【漆絲繩綺】書禹貢兗州「厥貢漆絲」又豫州「厥貢漆枲繩綺」按繩音螭細葛布也。綺音佇麻布也。
【聖人作爲舟楫之用】易繫辭下「刳木爲舟，剡木爲楫，舟楫之利，以濟不通」是卽謂聖人制作也。禮樂記「作者之謂聖」謂作者卽聖人也。楫同楫。

【服牛駕馬致遠窮深】易繫辭下「服牛乘馬，引重致遠，以利天下」按服駕也。乘也。義可互通。
【庶物】萬物也。易乾卦「首出庶物，萬國咸寧」

【不務民用淫巧衆】務力也。民用，民生日用之具也。淫巧，奇技淫巧之器，不切民用也。

【是以盤庚萃居】按盧文弨羣書拾補校曰：「萃」大典「莘」亦未詳。案說苑反質篇：「盤庚大其先王之室而遷於殷。茅茨不翦，采椽不斲，以變天下之視。是亦從儉者也。」張敦仁考證云：「按卽盤庚下篇。鞠人謀人之保居也。以文學語意推之，與上經朕不肩好貨，下經無總于貨寶正相吻合；但未詳此「萃」當彼經何字，并其說若何耳。此書所稱，當是金文，而尙書最多駁異，類如是矣。」拾補云：大典「莘」乃「萃」之譌也。按盤庚萃居亦猶禹卑宮室之意，但萃字不可考耳。盤庚商王。商都河北宮室奢侈，民居墮隘，盤庚病之，遂渡河而南移都於毫。詳史記殷紀，書有盤庚篇。

【舜藏黃金】注釋雜纂「盤庚遷都事與舜藏黃金並言者，蓋漢世經師之說。」「藏」不用之意。

【高帝禁商賈不得仕宦】史記平準書「天下已平，高祖乃令賈人不得衣絲乘車，重租稅以困辱之。孝惠高后時，爲天下初定，復弛商賈之律，然市井之子孫亦不得仕宦爲吏。」按高帝漢高祖劉邦也。崩後，羣臣以高祖起微細，撥亂世反之正，平定天下，爲漢太祖，功最高，上尊號爲高皇帝。故稱高帝。見史記高祖紀。

【醇】厚也。見廣雅釋詁。

【排困市井】史記平準書正義：「古人未有市及井，若朝聚井汲水，便將貨物於井邊販賣，故言市井。」按排困市井，猶排斥困辱市上之商賈也。市井猶言市井之人，指商賈而言也。

【防塞利門】言杜絕營利之途也。按利門猶下文之「開利孔」，以譬牟利之機括與徑途也。

【傳曰】此或本孟子梁惠王「王曰何以利吾國，大夫曰何以利吾家，士庶人曰何以利吾身，上下交爭利而國危矣」之語，但辭句不同，未敢臆斷。

【罪梯】罪梯猶言厲階，罪厲之階梯，喻禍端也。

【物多苦惡】言多惡劣之物也。苦謂麤惡也。

【郡置輸官】郡國皆置均輸官也。史記平準書「桑弘羊爲大農丞筦諸會計事，稍稍置均輸以通貨物矣。」

索隱「孟康曰：謂諸當所輸於官者，皆令輸其土地所饒，平其所在時價，官更於佗處賣之，輸者既便而

官有利」漢書百官表「大司農屬官有均輸令」又「元封元年（元封爲武帝第六次之建元，當西元一一〇——一〇五。）弘羊請置大農丞數十人，分部主郡國；各往往縣置均輸鹽鐵官。」

【均輸開委府於京】言於京師設委輸之府以處理均輸也。史記平準書「置平準於京師，都受天下委輸，委輸委託官府處理輸運之物也。」

【以籠貨物賤卽買貴則賣】籠包舉之也。猶言囊括天下之貨物，以時其貴賤而買賣之。史記平準書「大農之諸官，盡籠天下之貨物，貴卽賣之，賤則買之。如此，富商大賈無所牟大利。」

【商賈】周禮地官市人「商賈爲主。」注「行曰商，處曰賈。」按轉輸貨物以通有無曰商，居貨待售曰賈。【貿利】取利也。史記平準書集解「如淳曰：『牟，取也。』」按史記原文作「牟」與「貿」通。

【故曰平準】按準所以取平之器也，揆平取正以爲準則，故曰平準也。史記索隱「大司農屬官有平準令丞者，以均天下郡國輸斂，貴則糴之，賤則買之；平賦以相準輸，歸於京都，故命曰平準。」盧文弨拾補曰：「通考」曰：「上有『命』字。」王先謙校勘亦謂：「通典十一『曰』上亦有『命』字。」按史記原文亦作「故命曰平準」命名也。此處似當依盧、王二氏所校補「命」字爲妥。

【農人納其穫女工效其功】盧文弨拾補云：「農人納其穫，女工効其織。」依通典正。

【吏留難】盧文弨拾補曰：「留」字上脫「恣」字，通典通考有。」按恣，任也，縱也。言官吏任意與民留難。

也。

【齊陶之縑】齊陶謂齊之陶地也。當今山東定陶縣西南縑，并絲繒也。見說文。按禹貢稱兗州貢絲。班婕妤怨歌行稱「新裂齊紈素」是齊地本以絲織品著名也。

【蜀漢之布】蜀漢謂蜀郡與漢中郡也。蜀漢相連，故並稱。說文總蜀布也。漢書張騫傳：「見邛竹杖蜀布。」是蜀地以布名也。

【行姦賣平】王先謙校勘小識：「周禮小宰：『聽賣買以質劑』。先鄭云：『質劑謂市中平賈，今時月平是也。』法言學行篇：『一闢之市，必立之平。』李注：『市無平必失貴賤之正。』據此若今市中經紀平定時價長落矣，故曰『賣平』。潛夫論巫列篇：『此猶人之有姦言賣平以干求者也。』與此行姦賣平同義，亦曰『賣評』。見後漢蓋勳傳注。」

【狠】助詞，猶乃也。

【閨門擅市】言總合縣門內之人專買賣之利也。

【萬物並收】卽籠天下之貨物也。見上「以籠貨物」條注。

【物騰躍】盧文弨拾補：「通典」「躍」作「踊」。張敦仁考證：「華本（錫山華氏活字本，見重刻鹽鐵論考證序）」「躍」改「踊」。按史記平準書：「物踊騰躍」。漢書作「物踊騰躍」。集解晉灼曰：「踊，甚也。」

言計市物賤而豫益稽之也。物貴出賣，故使物甚騰也。」索隱：「案漢書『羅』字作『躍』者，言物踊貴而價起，有如物之騰躍而起也。」是「物騰躍」與「物騰踊」義俱可通，一本史記，一依漢書，意均謂物價之高漲也。

【侔利自市】自爲賣買以取利也。胡子贊云：「張本重『牟利自市』四字。」王先謙校勘云：「通典十一『侔』作『牟』。」按依上下文句當重「牟利自市」四字，侔字義爲齊也，均等也，當改作牟。王說是。【賈萬物】以居奇萬物，賣貴買賤以取利也。

739 書何易于孫樵

題解

此篇選自孫可之集，爲記何易于事。易于爲可之同時人，故得接聞其言行而爲之記。書者記也。題曰書何易于而不曰何易于傳者，以其雖記一人之事，謹詳其人之一二行事，而不足以概其全也。

作者述略

孫樵字可之，又字隱之，自稱關東（函谷關以東）人，不知其籍何郡縣也。唐大中九年進士，授中書舍人，僖宗幸岐、隴（今陝西及甘肅境），時詔赴行在，遷職方郎中。嘗自撰錄所著文三十五篇，編爲十卷，即孫可之

集也。爲文有意爲奇，讀書志引蘇軾言，所謂「學韓愈而不至者爲皇甫湜，學湜而不至者爲孫樵」也。見四庫總目提要別集類四。

注釋

【益昌】縣名。東晉置。隋省。唐復置，改爲西昌。故城在今四川安縣東三十里。按孫樵唐人，則益昌當作西昌。此仍作益昌，亦文人好古之所致也。

【令】令，發號也。假借爲縣長。後漢書光武紀注「縣萬戶以上爲令」爲後世稱縣令之所本。

【刺史】官名。刺者言刺舉不法，史者言使也。漢書百官表「監御史秦官，掌監郡。漢省，丞相遣史分刺州，不常置。武帝元封五年，初置部刺史，掌奉詔條察州秩六百石，員十三人。」日知錄隋以後刺史謂「魏晉以下爲刺史，持節都督。隋文帝開皇三年罷郡，以州統縣，自是刺史之名存而職廢。後雖有刺史，皆太守之互名。」按唐行州縣制，刺史卽掌握一州之政權者。

【城嘉陵江南】謂益昌縣城建於嘉陵江之南也。水經注「漢水南出嘉陵道爲嘉陵水」江名本此。按嘉陵江源出陝西鳳縣嘉陵谷，西南流，經甘肅入四川，至巴縣入長江。

【崔朴】與何易于同時，人事蹟無考。

【腰笏】笏音忽。釋名釋書契云：「笏，忽也。君有教命及所啓白，則書其上，備忽忘也。」古者自天子至士皆

執笏禮玉藻云：「天子以球玉，諸侯以象，大夫以魚須文竹，士以竹本象笏。」後世惟品官執笏。此言纏笏於腰也。

【隙不可奪】隙間也。左傳隱公五年：「皆於農隙以講事也。」此言農隙不可奪。卽孟子梁惠王上：「不違農時」之意。

【屬令】言統屬下之縣令也。

【卽山樹茶】卽就也。易屯：「卽鹿無虞」是也。樹種也。孟子滕文公：「樹藝五穀」是也。此言就山種茶也。茶常綠灌木，春生嫩葉，採下焙製，有紅綠二種，爲解渴之良品。

【鹽鐵官】謂主管國家鹽鐵之官也。見上鹽鐵論本議注。

【榷筦】榷音覺。征稅法也。筦音管，主也。按唐德宗時始稅茶，穆宗時置榷茶使。此言鹽鐵官奏重榷筦，兼指主茶稅也。

【征茶】征稅也。征茶卽徵收茶稅也。參上條。

【矧】矧音唎，本作弦。說文段注：「增益之詞，其意益，其言曰矧，是爲意內言外。今俗云已如是，況又如是也。」

【剗】楚限切，音鏟，削也。見廣雅釋詁。剗也，見集韻。

【明府公】屬吏對縣令之尊稱。漢書孫寶傳：「孫寶爲京兆尹，故吏侯文曰：『明府素著威名。』」是明府本

爲太守州牧之尊稱，此則用以稱縣令。曰明府公者，更見尊重也。

【寧免竄海裔】寧，豈能也。竄音爨，放逐也。書舜典「竄三苗於三危」是也。海裔，海邊也。淮南子原道「故雖遊於江潯海裔」是也。此言「豈能免於被放逐至海邊乎。」

【觀風使】觀察各地風俗之使官也。禮王制「命太師陳詩以觀民風」是也。唐貞觀中設視風俗使，即此所云之觀風使也。

【垂白僂杖】垂白猶言垂老；垂，將及也。杜甫有垂老別詩。以老者髮漸白，故曰垂白。僂，音縷，隴主切，曲也。見廣雅釋詁。老者多背曲，荷杖乃能行，故曰僂杖也。

【競民】說文「競，彊語也。」段注：「彊語謂相爭。」按競民謂爭訟之民也。

【縣州】西魏置，本爲潼州，隋初改曰縣州。今爲四川縣陽縣。

【羅江】唐時直隸於縣州之屬縣。漢爲涪縣地，晉置萬安縣，梁改屏亭縣，西魏復曰萬安，迄唐始改今名。今爲四川羅江縣。

【相國裴公】相國，宰相之尊稱。漢書百官表「蕭何爲丞相，七年遷爲相國。」是相國本尊於丞相。其後丞相亦稱相國，遂爲宰相之通稱。裴公即指裴度。觀下文言會昌五年考新唐書宰相表會昌以前年號爲開成、寶曆、長慶、元和等，此數十年中，舍裴度任宰輔外，無有姓裴者任相國，故知必係裴度也。度字中立。

河東聞喜人貞元進士淮蔡作亂，度力請討賊，拜門下侍郎平章事。亂平，封晉國公，知政事。後爲人所排，被外徙。嗣又屢次入相，名震四夷。

【全廉約】廉有分辨不苟取也。約，省儉也。言成全其廉潔儉約也。

【會昌五年】唐武宗李瀍年號，共六年。五年當西元八四五年。

【上下考】唐置考功郎中、員外郎各一人，掌文武百官功過善惡之考法。其考法分四善：一曰德義，二曰清慎，三曰公平，四曰恪勤。又就其職司之差異而分爲二十七最。以一最四善爲上上；一最三善爲上中；一最二善爲上下；無最而有二善爲中上；無最而有一善爲中中；職事粗理，善最不聞爲中下；愛憎任情，處斷乖理爲下上；背公向私，職務廢缺爲下中；居官飾詐，貪濁有狀爲下下。見唐書卷四十六百官志。

【督賦】督催也。督賦言催督賦稅也。

【上請貸期】貸音態，寬假也。謂向上司請寬假期限也。

【緊繩】繩約束之也。爾雅釋器：「繩之謂之縮之。」按緊繩謂緊逼，譬猶繩之纏緊也。

【百姓】書堯典：「平章百姓。」謂百官也。後世假作平民之稱。

【度支費】度支官名，掌天下租賦物產，歲計所出而支調之，故曰度支。唐有度支郎中，見唐書百官志。按度支譬今之財政部；度支費譬財部所撥之經費也。

韓楚原周振甫

釋注

761716



開明書店出版

開明活葉文選注釋 第十冊

題解

梓州爲隋時置，後改稱新城郡。唐復置梓州，後改稱梓潼郡，尋復故。宋曰梓州梓潼郡，升爲潼川府，故治卽今四川三台縣。兜率寺卽在三台縣南二里南山上。隋開皇中建，前瞰縣城，供揖如畫。「兜率」本爲佛經中所稱之天名，一作兜術天。普曜經稱：「兜術天有大天宮」是也。寺名兜率，亦以取譬天宮。文冢爲聚封作文之草於冢中也。曰：「梓州兜率寺文冢」者，明冢之所在地也。銘本爲勒金石以紀功德，及後立石於墓，亦繫以銘。文心雕龍誅碑所謂「碑實銘器，銘實碑文」，又稱屬碑之體爲「其序則傳，其文則銘」。此篇爲「文冢」之銘，故必有序以志其事而後繫之以銘。其旨在憤已之工文而不見用於世，因「文冢」而欲追美孔壁汲冢之藏書，並冀得風水之貞，以利其後之爲文。其意雖無聊，而其事其文固甚奇也。

作者述略

劉蛻字復愚，唐荆南長沙（今湖南省治）人。荆南歲解舉人，多不成名。蛻始及第，號「破天荒」，爲文奇詭岸傑，自成一家。官至左拾遺，以論令狐滈恃權納貨之罪，謫華陰令。有文泉子集。

注釋

【草】作文之草稿也。

【封】築土爲墳以埋藏也。禮檀弓：「我見封之若堂者然。」

【銳於用】謂疾於用世或利於用世也。

【天不工蛻】天不使蛻善於作工也。工字作動詞用。

【文蛻】「文」字亦假作動詞，謂使蛻善於作文也。

【無事】謂太平也。國家無事，卽太平矣。

【文爲號】以文爲名號也。言一切名號皆用文以爲之。周禮春官大祝「辨六號：一曰神號，二曰鬼號，三曰示號，四曰牲號，五曰齋號，六曰幣號。」注：「號謂尊其名，更爲美稱焉。神號若云皇天上帝，鬼號若云皇祖伯某，牲號若云后土地，幣號若玉云嘉玉，幣云量幣。」按尊其名，更爲美稱，卽文之也。如曲禮牛曰一元大武，豕曰剛鬣，羊曰柔毛，雞曰翰音等，等皆是。

【文明代】以文光明其世也。唐人避太宗諱，世字多改作代，此代字亦當作世解。

【殖】蕃息也。國語晉語「同姓不婚，惡不殖也。」

【文乎旅常】周禮春官司常「日月爲常，交龍爲旅。」是旅常皆旗之別名，以文彩不同而異其名。繪日月文者名「常」，繪交龍文者爲「旅」。按此句承上文而言，以日月星辰爲旅常之文，與周禮不合，或作者記憶偶疏歟？

【彝器】彝，延知切，音僕。彝器，宗廟常器也。周禮六彝，雞彝、鳥彝、黃彝、虎彝、蟲彝、羣彝。見說文。按此卽所謂

昆蟲鳥獸文乎彝器也

【徐方之土】方地也淮南本經「戴圓履方」是也。「徐方」猶「徐地」指徐州也。書禹貢「海岱及淮惟徐州厥貢惟土五色」徐方之土謂徐州所貢五色之土也。

【文於侯社】文飾於諸侯之社中也。

【夏翟之羽】五色雉之羽毛也。書禹貢「羽畎夏翟」言羽山之谷雉具五色也。按翟音狄山雉尾長者見說文夏五色也。

【旌旄】音精毛析羽注旗竿之上也。按旌上有析羽之旗也。見釋名釋兵蓋旗有注全羽注析羽不注羽三種通稱全注羽爲旒注析羽爲旌旄本爲注牛尾於竿首此則泛指注竿首之毛矣。

【登龍於章】言繪龍於章服也。章衣服之有記號可以識別者禮明堂位「有虞氏服黻夏后氏山殷火周龍章」

【升玉於藻】藻上飾以玉也。卽玉藻冕上下垂之飾禮玉藻「天子玉藻十有二旒」注「祭先王之服也。雜采曰藻天子以五采藻爲旒旒十有二」

【彫礪】音彫籠彫刻畫文飾也礪磨礪也彫礪謂彫刻琢礪也。

【涂凍】音徒凍粉飾也。涂飾牆壁也。說文木部「朽所以涂也」凍沾漬也見類篇。

【時文】對於古文而言，謂應試之文也。

【撼】常作憾，恨也。禮中庸：「人猶有所憾。」

【嘆】說文：「悟解氣也。」王注：「蒼頡篇：嘆，噴鼻也。」

【跂倚】踦音企，企立也。倚音意，側立也。

【祇祇畏畏】祇音脂，敬也。見說文。祇祇畏畏，言敬畏之甚也。

【如臨上帝】如降臨天帝也。詩大雅皇矣：「皇矣上帝，臨下有赫。」

【粲如星】粲爛如星光也。粲，鮮明貌。詩伐木：「於粲洒掃。」

【光如貝】光澤如寶貝也。

【氣如蛟宮之水】拾遺記：「昔北極之外，有潼海之水，勃潏高隱於日中，有巨魚大蛟，莫測其形也。吐氣則八極皆闇。當唐堯時，懷山爲害。大蛟繁天，繁天則山河俱溢。至聖之治，水色俱溢，無有流沫。」按柳毅傳稱毅入龍宮，蛟龍同類並稱，故亦以蛟之居爲蛟宮歟？此蓋言文氣之盛也。

【黯如屯雲】深黑如雲之堆積。黯音闇，深黑也。

【熬燥】音熬炙，焦灼也。說文：熬，乾煎也。燥，乾也。

【春陽】如春日之鮮明也。詩豳風七月：「春日載陽。」

【華川】明媚之泉流也。

【逶逶迤迤】迤音邕危切，迤音移。邪行也。見說文逶字注。

【海運】謂大鵬之飛行海上也。玉篇「運行也」。『海運』見莊子逍遙遊。

【茫洋】廣大也。此謂如大道之無所不包容也。

【浸淫】說文「淫浸淫隨理也」。段注：「浸淫者，以漸而入也。」

【爲農文之使風雨以時】此承上文言，欲使「文」以濟世而載道，然後以之文乎農事，則「風雨以時」也。爲農文之言以「文」之道爲農以修飾農事也。「使風雨以時者」，意謂既以其道行農事，則陰陽和順，故風雨皆因時而來，不爲災也。

【兵文之使戎虜以順】此亦承上文而來。「兵文之」，卽爲兵以行其道，則敵國皆歸順也。戎虜猶言西戎、

胡虜，皆指中國以外之敵國言。

【文於野文於市】言以其道行之於田野，行之於都市也。

【口者使之言材者使之用】承上「幽隱之士以出」而言，言隱士旣出而用世，則其善於口辨者使之盡言，有材者使之盡用也。

【乙】文有脫字，勾其旁而增之也。

【注楷】注文插入其中也。楷，口戒切，強突也。見集韻。

【朱墨圍】以朱及墨圍繞也。朱爲正赤，墨爲黑色。

【周易】卽易經也。一說以「易道周普，无所不備」故稱周易。見鄭玄易贊及易論。一說周代之易，周爲代名。見孔穎達周易正義。

【筮之】筮，音誓，易卦用蓍也。見說文。段注：「曲禮曰：龜爲卜，策爲筮。策者筮也。」按蓍爲蒿屬，易以爲數。天子蓍九尺，諸侯七尺，大夫五尺，士三尺。見說文。是「筮之」者，卽用蓍策以占休咎也。易繫辭上：「乾之策二百一十有六，坤之策百四十有四，凡三百六十。當期之日，二篇之策萬有一千五百二十。當萬物之數也。是故四營而成易，十有八變而成卦，八卦而小成。引而伸之，觸類而長之，天下之能事畢矣。」此筮占之大略也。

【復】易卦名。反也，還也。明動息往復之道，由天行以及人事也。詳見易復卦。

【䷗】此爲震下坤上，卽復卦之象也。按卦以一表陰陽，三畫成卦，以象三才。錯綜陰陽則成八卦；卽乾三坤三，震三艮三，離三坎三，兌三巽三。八卦用以寫天地、雷、風、水、火、山、澤之象。此卦震下坤上，卽雷下地上；易言之，雷在地下也。故復卦象曰：「雷在地中，復。」正義：「雷在地中復者，雷是動物，復卦以動息爲主，故曰雷在地中。」按雷以象動，雷在地中以象靜，卽以明動靜起伏反復不絕也。

【之】與也。見王引之經傳釋詞。

【同人】易卦名。正義曰：「同人謂和同於人。」按同人謂和同其所類聚之人，非上下和同也。正義謂「和同於人」，蓋亦本自然之象以推明人事也。

【䷌】此爲離下乾上，卽同人之象也。離爲火，火性炎上；乾爲天，天本在上，是兩者和同於上也。故同人象曰：「天與火同人，君子以類族辨物。」正義「言君子法此同人，以類而聚也。分辨事物，各同其黨，使自相同而不間雜也。」

【鳴於地中】此復卦之象也。復雷在地下，故曰「鳴於地中」也。

【殷殷隆隆】殷音隱，雷發聲也。此指雷聲言。

【七日而復】此本復卦之「反復其道，七日來復也。」言自然之運行，以七日爲一週，滿七日則復返於初也。正義謂：「陽氣始於剝盡之後，至陽氣來復時，凡經七日。」又謂：「易譚稽覽圖云：『六十卦卦有六爻，爻別主一日，凡主三百六十日。餘有五日四分日之一者，每日分爲八十分，五日分爲四百分；四分日之一又爲二十分，是四百二十分。六十卦分之，六七四十二卦，別各得七分，是每卦得六日七分也。六日七分舉成數言之，凡七日也。』」此卽所以稱「七日來復」之故也。

【復來而天下昭融】「復來」承上復卦言，「天下昭融」承上同人卦言。復來，卽來復也，參上條注。昭融卽

昭明融洽，言和同也。此句承上而言，言經七日，而其道復返於初，返於初而天下和同。蓋綜合復同人兩卦之義而言之。

【召龜而合之】按龜與筮皆爲占卜休咎之物，故既筮之後，復召龜卜以合之也。龜指龜甲，卜法見下注。左傳僖公四年：「蓍短龜長，不如從長。」

【將聽襲吉】襲取也。將聽取於吉也。言將取卜而吉者從之也。

【卜】音樸，灼剝龜也。象炙龜之形，一曰象龜兆之縱橫也。見說文。按卜卽以龜定吉凶之法，用火灼龜甲，觀其裂文，以定休咎也。

【於火】付之於火也。此指投其文於火也。

【如秦】如秦始皇之焚書也。史記秦始皇紀三十四年，丞相李斯議：請史官非秦紀皆燒之。非博士官所職，天下敢有藏詩書百家語者，悉詣守尉雜燒之。令下三十日不燒，黥爲城旦。

【兆】灼龜坼也。見說文。按灼龜裂文，卽謂之兆。卜者因兆以知吉凶。

【卜於水】卜投文於水中也。

【不成乎河洛】言不能成爲河圖洛書也。易繫辭上：「河出圖，洛出書，聖人則之。」正義：「如鄭康成之義，則春秋緯云：河以通乾出天苞，洛以流坤吐地符。河龍圖發洛龜書感。河圖有九篇，洛書有六篇。孔安國

以爲河圖則八卦是也，洛書則九疇是也。」

【卜於木而悶悶】卜藏其文於木器中，而其兆悶悶不吉也。悶悶抑鬱不得志，此段作不利不吉義。
【土協吉】卜藏之於土中，則與筮相合而吉也。協和合也。

【彊彊爲冢】彊彊堆積也。此言堆積成墳也。

【汲之兆乎】汲冢之形象乎？汲冢見上疑古篇注。按汲冢中藏竹書甚多，今作者欲埋文於冢，故曰「汲之兆乎」也。

【峭峭爲壁】高峻如壁也。壁卽指孔壁，見下條注。

【魯之兆乎】魯指魯國也。漢魯恭王壞孔子宅，得壁中書，皆古文。按孔壁藏書亦藏於土中也，故作者引之，稱「魯之兆乎」也。

【占】視兆問也。見說文。按卽卜辭也。

【土之文】卽指冢中之文也。

【爲山河】文心雕龍原道：「文之爲德也大矣！與天地並生者何哉？……山川煥綺，以鋪理地之形，此蓋道之文也。」文之德既與天地並生，其道又足以煥綺山川，則當與化生萬物之陰陽同功，故此言文亦可以化爲山河也。後宋蘇軾之潮州韓文公廟碑：「下則爲河獄，上則爲日星」之語，亦同此意。

【華英】華榮也。說文通訓定聲「開花謂之華。」爾雅釋草「木謂之華。」英草榮而不實者，見說文。按此言草木之精英也。

【不崩不竭爲滋味而傳乎】不崩指山言，不竭指川言。竭音傑，涸也。爲滋味而傳指華英，言草木之華英因得文之滋味而傳布也。

【結爲邱陵】此卽與上「文之土爲山河」同義，言凝結而成丘陵也。邱字當作丘，以避孔子諱故增邑作邱，謂土高也。陵爲大阜也。易坎卦「地險山川丘陵也。」

【爲其設險乎】易坎卦稱邱陵爲地險，是可據以設備，故曰：「爲其設險乎。」設險謂設備險要，易坎卦「王公設險以守其國。」

【融爲川瀆】融化而成川瀆也。瀆爲入海之河流。按此與結爲邱陵相對成文，就其凝聚言則爲丘陵，就其融化言則成川瀆，皆虛設之辭，非實有如此也。

【朝宗】謂流注於海也。朝音潮。周禮大宗伯諸侯春見天子曰朝，夏見曰宗。後以川瀆歸海，亦猶諸侯之朝宗，故亦以朝宗名之。書禹貢「江漢朝宗于海。」

【華爲百穀】言使其精美而成爲百穀也。華作動詞用。百穀言穀類之衆多也。

【絜祭祀之粢盛】絜淨祭祀之黍稷，盛於器也。絜同潔淨也。祭祀祈禱於鬼神也。粢，黍稷也。盛，盛於器，卽在

於器中也。左傳桓公六年：「絜粢豐盛」。又「粢盛豐備」。

【墟壤】丘墟之土也。墟，丘也。壤，泥土也。

【芻稿】芻音粗。芻稿，飼牲之乾草也。

【塗】泥也。見說文新附。

【陶甄】陶者周回調鈞以製器也。甄音眞，匱也。見說文。段注：「匱者，作瓦器也。董仲舒曰：『如泥之在鈞，惟陶者之所爲。』」陶，作瓦器者。

【塊爲五色】爲五色之土塊也。見上「徐方之土」條。

【分封茅社】謂以五色之土，分封諸侯，用白茅以薦之社也。

【流於樂】流演化也。言演化而入於樂器也。

【土鼓】樂器名。周禮籥章：「掌土鼓幽籥。」注：「土鼓，以瓦爲匡，以革爲兩面，可擊也。」

【缶桴】缶卽土塊之塊。缶桴本作蕡桴。禮禮運：「蕡桴而土鼓。」注：「蕡讀爲缶，塙也。」按塙卽土塊也。桴，擊鼓杖也。音浮。缶桴，以土製成之桴也。

【夷】大也。詩有客：「降福孔夷。」

【坎爲洿池】陷而爲洿池也。坎苦感切，陷也。洿音烏，水濁不流也。孟子梁惠王上：「數罟不入洿池，魚鼈不

可勝食也。」

【壇竈】壇，唐干切，音彈。祭壇場也。見說文。竈，音躁，炊竈也。周禮以竈祠祝融。見說文。按壇以土築，用以祀神。竈以供炊，爲古五祀之一。禮月令「孟夏之月，其祀竈。」

【竅】音空，義亦同。莊子養生主「批大郤，導大窾。」釋文「竅，郭司馬云：『空也。』」

【芝菌】瑞草也。按芝爲隱花植物，菌類生枯木腐蝕處。質硬而滑，面作雲紋，有青赤黃白黑紫六色。相傳以爲瑞草。以其屬菌類，故此稱芝菌。

【涌】水涌出也。見說文。按涌，古穴切，音琰。

【醴泉】泉從地中出，其味甘若醴，故曰醴泉。見論衡是應。按醴音禮，酒之甘者也。

【禱】音倒，求也。

【城社】城爲城牆，社爲封土以祀地神也。見廣雅釋言。

【狐鼠憑妖】承上文言，狐鼠憑藉城社以爲妖厲也。卽謂城狐社鼠，言欲掘狐則恐壞城，薰鼠則恐灼社，故狐鼠得憑之爲妖也。

【萌爲蘭茝】生爲蘭茝也。萌，生也。蘭茝，香草名。楚辭離騷「矯菌桂以紝蘭兮；又申之以攬茝。」言兩者皆爲佩服之物也。

【以佩服見藝】因被佩挂服用而見種也。藝種植也。

【介而爲石使之能言】堅確而爲石，使之能言，民之怨讐也。「介石」見《易·豫》。「石言」見《左傳》昭公八年：「石言于晉，晉侯問於師曠曰：『石何故言？』對曰：『石不能言，或馮焉……今宮室崇侈，民力彫盡，怨讐并作，莫保其性，石言不亦宜乎？』」

【舒而爲螭使之飲泉】舒遲緩也。螭同虯。言爲虯之遲緩，則使之地下飲泉。荀子勸學：「螭無爪牙之利，筋骨之強；上食埃土，下飲黃泉，用心一也。」

【遊魂之未返者】此本襲楚辭招魂之意；特楚辭所指者人之魂，而此則指文之魂耳。遊魂未返，言魂之遊蕩於外而未歸於家中也。

【巫師】以舞降神，爲人祈禱者也。說文謂「巫」象兩袖相舞形，古者巫咸初作巫。按周禮春官有司巫，是巫爲古代降神之官，故此稱「巫師」，師官名也。

【巾三招之】楚辭招魂集注序：「招魂者，宋玉之所作也。古者人死則使人以其上服升屋履危，北面而號曰：皋某復，遂以其衣三招之，乃下以覆尸。此禮所謂復，而說者以爲招魂、復魂；又以爲盡愛之道，而有禱祠之心者，猶冀其復生也。如是而不生，則不生矣。於是乃行死事，此制禮者之意也。」按：「巾三招之」者，猶云以衣三招之也。巾猶衣也。周禮春官序官「巾車」注：「巾猶衣也。」

【號曰】卽「升屋履危北面而號曰」也。見上條注。按號謂高呼以招其魂也。

【在几閣而來歸兮掩爲塵垢】言魂之留於几閣者來歸，因將爲塵埃所掩蔽也。按几閣爲作者草文之處，故招之也。

【在耳目而來歸兮奄視汝醜】言魂之流傳在人耳目中者來歸，因人將忽視汝而以爲醜惡也。奄，倚檢切，忽也。按文爲人所誦，必有留存於人之耳目中者，故招之也。

【在口吻而來歸兮譽不汝久】言魂之留於人口吻間者來歸，以人之稱譽汝不久也。吻，唇也。按文既爲人所稱譽，則必有常被人稱道而不絕於口吻間者，故招之也。

【筆絕之年而麟見祟】春秋哀公十四年：「春，西狩獲麟。」注：「麟者仁獸，聖王之嘉瑞也。時無明王，出而遇獲。仲尼傷周道之不興，感嘉瑞之無應，故因魯春秋而修中興之教，絕筆於獲麟之句所感而作，固所以爲終也。」祟音邃，神禍也。見說文。按古人本以麟爲祥瑞之獸，不當云祟。此以其出非其時，譬諸神禍，故稱祟也。

【舍非珠玉】春秋文公五年：「王使榮叔歸舍。」注：「珠玉曰舍，舍口實也。」按人死以珠玉實口中曰舍，此爲文冢，自無舍珠玉之事矣。

【斂無裙襦】斂，衣尸也。見禮喪大記。裙，音羣，下裳也。襦，音襦，短衣也。見說文。按短衣猶言上衣也。

【詩禮之儒】論語季氏「陳亢問於伯魚曰：『子亦有異聞乎？』對曰：『未也。嘗獨立，鯉趨而過庭。』曰：『學詩乎？』對曰：『未也。』『不學詩無以言。』鯉退而學詩。他日又獨立，鯉趨而過庭。』曰：『學禮乎？』對曰：『未也。』『不學禮無以立。』鯉退而學禮，聞斯二者。』按儒者雖教授六藝，而以詩、禮二者爲尤重，故稱詩、禮之儒也。

【幽墟】地下之冢也。幽暗也，引申爲地下之義。墟，墓也。

【莽蒼之野】草野也。莽蒼，草野之色也。莊子逍遙遊：「適莽蒼者。」

【大塊之邱】大地之丘也。莊子齊物論：「大塊噫氣。」注云：「大地。」邱見上「結爲邱陵」條注。

【唐大中丁卯】唐宣宗大中元年，西元八四七年也。按大中計十三年，丁卯爲其元年。

【戊辰之季秋】據陳垣中西回史日歷推，是日爲九月初一，即西歷十月十三日。

【風水惟貞將利其子孫乎】郭璞葬經：「葬者，乘生氣也。氣乘風則散，界水則止。古人聚之使不散，行之使有止，故謂之風水。」此言得風水之吉，將利其後之文乎。子孫卽指其後之爲文，或後世之文也。

728 唐吏部侍郎贈禮部尙書昌黎韓先生墓誌銘

皇甫湜

題解

此篇選自皇甫持正集，持正爲作者之字，蓋以姓字名其集也。唐吏部侍郎爲正四品上官，共二人，隸屬於吏部尚書。掌文選勳封考課之政，以三銓之法官天下之才；以身言書判德行才用勞較，較其優劣而定其留放。見新唐書卷四六百官志。韓愈以穆宗長慶二年（西元八二二年）轉吏部侍郎，四年（西元八二四年）卒，贈禮部尚書，故云「吏部侍郎贈禮部尚書」也。贈者，儀禮既夕所謂知死者贈言，卒後封贈也。禮部尚書爲正三品，一人；又侍郎一人，正四品下。掌禮儀祭享貢舉之政。其屬有禮部、祠部、膳部、主客四部。昌黎在今河北省。韓愈文中常自稱爲昌黎人，故此亦曰昌黎韓先生。然據朱子所考證，知愈爲南陽人，而稱昌黎者，或以時昌黎之族類盛，而欲託之以爲尊耶？南陽有二，韓愈之南陽，卽今河南修武縣，是稱昌黎韓先生者爲失考矣。皇甫湜爲愈之門人，故稱韓先生而不名。誌者識也，或立石墓上，或埋之墳中，古人皆曰誌。爲之銘者，所以識之之辭也。然恐人觀之不詳，故又爲序以冠於銘。韓愈已見第二冊祭十二郎文作者述略。

作者述略

皇甫湜字持正，唐睦州（今浙江建德縣）人。元和進士，仕至工部郎中。下急使酒，裴度辟爲判官。嘗爲度撰福先寺碑，索每字三縑，度笑謂不羈之才。著有皇甫持正集。

注釋

【長慶四年八月】唐穆宗四年八月，卽西元八二四年也。長慶爲穆宗年號，共四年。

【以疾免吏部侍郎】按洪譜云：「行狀云：『得病滿百日假既罷』」是韓氏以病假百日滿後辭吏部侍郎職也。免爲辭職而得准也。吏部侍郎見解題。

【十二月丙子】據陳垣中西回史日歷推爲十二月十五日。

【薨】呼宏切。公侯卒也。見說文。按韓愈非公侯而亦稱曰薨者，尊之也。

【孤祀】孤子祀也。孤爲無父之子也。祀小字符，幼聰穎，長慶進士，爲集賢校理。

【功緒】周禮天官宮正：「稽其功緒。」疏：「釋曰：『緒，業也。』」注：「功，吏職也。」言考察吏職之功狀也。

【訃】音赴。告喪也。見玉篇。

【三月癸酉】據推爲三月二十一日。

【河南河陽】爲春秋時河陽邑，見左僖二十八年傳。漢置縣。故城在今河南孟縣西。

【神道碑】於墓道前立碑以志死者之生平也。襄陽耆舊傳：「漢光武夢見蘇山神，嘉之，使立蘇嶺祠，刻二石鹿挾神道。」神道謂墓路也。碑稱神道，則漢時已然。漢楊震碑首題太尉楊公神道碑銘是也。

【後魏】朝代名，北朝之一。姓拓拔氏。晉時拓拔珪自立爲代王，國號魏，都平城。史以其別於三國時之曹魏，故稱後魏。傳至孝文帝，遷都於洛，改姓元氏。凡十二主，一百四十九年（西元三八六至五三四）而分裂爲東西魏。

【安桓王茂】韓茂字元興，後魏安武（今甘肅鎮原縣南）人。善騎射，膂力過絕人。初爲武賁中郎將，以戰功拜散騎常侍，殿中尚書，封安定公。文成帝時拜尚書令，加侍中征南大將軍。卒謚桓王。此稱安桓王係合定安公與桓王二者而一之也。見魏書本傳。

【祖朝散大夫桂州長史諱叡素】按韓叡素官桂州長史，化行南方。有子四：仲卿、少卿、雲卿、紳卿。朝散大夫爲散官，以加文武官吏之有德行聲望者，並不理事。爲隋所置。桂州卽今廣西桂林縣治。長史爲掌判諸曹五府外府，並錄卒伍軍團之名數，器械車馬之多少；每秋贊大將軍考課。見新唐書百官志。諱本爲先王名，見禮記王制「奉諱惡」注。後用作死者之名之尊稱。

【父祕書郎贈尚書左僕射諱仲卿】新唐書韓愈傳稱：「父仲卿，爲武昌令，有美政。既去，縣人刻石頌德。終祕書郎。」按祕書郎掌四部圖籍，以甲乙丙丁爲部，皆有三本；一曰正，二曰副，三曰貯。凡課寫功程皆分判。爲從六品上官。左僕射掌統理六官，爲令之貳，令闕則總省事，劾御史，糺不當者。見新唐書百官志。贈封贈也，詳題解。

【旣發不掩聲震業光】言其爲文旣表見於世而不可掩蓋，其聲譽震動而文章光耀也。業事也。韓氏事文，故業卽指文章言。

【驚爆】驚惶之極也。爆音曝，火裂。見廣韻。言驚惶之來若火之爆裂者，明其驚惶之甚也。

【萃排之】萃音瘁，聚也。集也。言聚而排斥之也。

【乘危】言登於危險之境也。乘登也。見詩豳風七月「亟其乘屋。」

【無圓無方】易繫辭上「蓍之德圓而神，卦之德方以知。」此以方圓喻文章，言無論其文之爲圓神爲方

智也。清代章學誠文史通義書教篇下稱「撰述欲其圓而神，記注欲其方以智。」亦以方圓論文章，足

以與此相互發明。

【抉經之心】抉發六經之精微也。抉音決發也。心者精神命脈之所寄，最精微處也。

【執聖之權】執握聖人制作之權柄也。禮樂記「作者之爲聖，述者之爲明。」此以韓氏作文，同符作者，故稱「執聖之權」也。

【尚友作者】上與聖者爲友也。尚友言上友古人。作者，卽作者之爲聖也。見上條注。

【跋邪觝異】拔邪說闢異端也。跋同拔，見說文段注。觝音邸，排擊也。卽韓愈進學解「觝排異端」之謂也。

按邪說見孟子滕文公下「世道衰微，邪說暴行又作。」異端見論語學而「攻乎異端，斯害也已。」

【以扶孔氏存皇之極】以扶翼孔子之教，保存王者建立之準則也。按書洪範「次五曰建用皇極。」注「皇大也，極中也。凡立事當用大中之道。」正義「凡所立事，王者所行皆是，無得過與不及，常用大中之道也。」

【知與罪非我計】言知我與罪我，皆非我所計及也。孟子滕文公下「孔子曰：『知我者其惟春秋乎，罪我者其惟春秋乎？』」

【茹古涵今】茹音如食也。涵泳也。言咀嚼涵泳於古今之學術也。

【渾渾灝灝】廣大深遠之貌。廣雅釋訓「渾渾，大也。」灝音皓，遠大也。按此語本法言問神「虞夏之書渾渾爾。商書灝灝爾。」

【凌】侵也。音陵。爾雅釋言義疏「凌者，凌之假借也。」按冰凌之凌從久，侵凌之凌从水，是凌爲正字，非假字也。此言其筆墨之侵入紙上也。

【栗密】堅緻也。禮聘義「緻密以栗。」此言文章組織之嚴格也。

【窈眇】音杳妙，精微也。漢書元帝紀「窮及幼眇。」幼即窈字也。

【入神出天】入乎化境而出乎天然。言文章之妙已出於規矩準繩之外，是謂入乎神化；雖入乎神化而依舊出於自然是謂出天。

【姬氏】周公旦姓姬，故卽以姬氏稱之。周公製禮作樂，以成成康之治。其文字之傳於後者甚多，若書之金縢、大誥、多士諸篇皆周公作，是周公善文，故假以推崇韓愈也。

【進士】新唐書選舉志有進士科，試時務策五道帖一大經。後又試以辭章爲諸科中之尤貴者，得人才亦

盛按韓愈於貞元八年（西元七九二年）登進士第，年二十五。見洪譜。

【三十有一仕】卽本傳稱：「會董晉爲宣武節度使，表置觀察推官也。按時爲貞元十四年（西元七九八年）。

【其爲御史尙書郎中書舍人】本傳：「遷監察御史。」洪譜云：「十九年癸未（卽貞元十九年，西元八〇三年）公年三十六，自博士拜監察御史。」又本傳：「改都官員外郎。」洪譜云：「四年己丑（卽元和四年，西元八〇九年）公年四十二，改都官員外郎，守東都省神道碑。」云：「除尙書都官郎中分司判祠部。」行狀新舊史皆云員外郎，送李正字序亦但云都官郎，碑文誤也。按神道碑亦皇甫湜作，誤稱尙書郎，此文誤與碑同。是尙書郎當依本傳作都官員外郎也。又本傳：「進中書舍人。」洪譜云：「十一年丙申（是年元和，卽西元八一六年）正月丙戌，以考功郎中知制誥，遷中書舍人。」是本文當作「其爲御史員外郎中書舍人」也。按新唐書百官志稱：「監察御史十五人，正八品下，掌分察百寮，巡按州縣獄訟，軍戎，祭祀，營作，大府出納皆蒞焉。」都官郎中員外郎各一人，掌俘隸簿錄，給衣糧醫藥而理其訴免」等事。中書舍人「六人，正五品上，掌侍進奏，參議表章，凡詔旨制勅璽書冊命皆起草進畫，旣下則署行。」

【前後三貶】按韓愈爲監察御史時，以言事被貶爲陽山令，是其一。及爲都官員外郎遷職方員外郎時，又

以言事貶爲博士，是其二。及爲中書舍人時，又以議與宰相不合，貶爲太子右庶子，是其三。詳見新舊唐書本傳，參閱下條注。

【皆以疏陳時事廷議不隨爲罪】按洪譜云：「公與張署、李方叔上疏言：『關中天下根本，民急如是，請寬民徭而免田租。』天子惻然，卒爲幸臣所讒，貶連州陽山令。」又「舊史云：『愈嘗上章數千言，極論宮市之弊，貶陽山令。疏今不傳。』」按此卽貞元十九年愈以御史被貶事也。又新唐書本傳：「華陰令柳澗有皇，前刺史劾奏之未報，而刺史罷澗諷百姓，遮索軍頓役直後，刺史惡之，按其獄，貶澗房州司馬。愈過華，以爲刺史陰相黨，上疏治之。旣御史覆問，得澗贓，再貶封溪尉。愈坐是復爲博士。」此卽元和七年由員外郎貶爲博士事也。又本傳：「初，憲宗將平蔡，命御史中丞裴度使諸軍按視。及還，具言賊可滅，與宰相議不合。愈亦奏言淮西連年侵掠，得不償費，其敗可立而待。然未可知者，在陛下斷與不斷耳。執政不喜，命有人詆愈在江陵時爲裴均所厚，均子鍔素無狀，愈爲文章字命鍔，謗語囂暴，由是改爲太子右庶子。」此卽元和十一年由太子舍人下貶事也。

【常惋佛老氏法潰聖人之隄乃唱而築之】言常恨佛教道教破壞聖道，於是起而謀挽救之也。惋音腕，駭恨也。道教宗奉老子，故以老子指道教。聖人之隄指儒家所唱之禮教。儒家以禮教爲人倫之大防，故作者譬之爲聖人之隄。隄爲佛道所潰，故稱築也。按韓愈有原道一文，卽辟佛老而築聖人之隄者也。

【及爲刑部侍郎】按元和十二年（西元八一七年）愈以功遷刑部侍郎。刑部侍郎僅一人，正四品下，掌律令刑法，徒隸按覆讞禁之政。見新唐書本傳及百官志。

【遂昌言憲宗迎佛骨非是】按鳳翔法門寺有護國真身塔，塔內有釋迦文佛指骨一節。其法三十年一開，云開則歲稔人泰。憲宗元和十四年（西元八一九年），遣中使杜英奇押宮人三十持香花迎入大內，留禁中三日，乃送佛祠。王公士庶奔走贊歎。愈上表極諫，詳見集中論佛骨表一文。文昌言謂直言也。憲宗爲唐順宗長子，名純。卽位後，用李絳、裴度等擒吳元濟平淮西。唐之威令，幾於復振。晚年多服金丹，恆躁怒，爲內侍陳弘志等所弑。年號元和，在位十五年。見新唐書本紀。

【任爲身恥】言委爲一己之恥，卽以身任其恥。任，委也。管子五行：「任君賜賚。」按論佛骨表有云：「羣臣不言其非，御史不舉其失，臣實恥之。」意卽指此。

【就貶八千里海上】卽洪譜所稱元和十四年（西元八一九年）貶潮州刺史也。按昌黎集中有左遷至藍關示姪孫湘詩，首聯爲「一封朝奏九重天，夕貶潮州路八千。」卽此「就貶八千里」所本。潮州濱海，故此云「海上。」

【非苟知之亦允蹈之】見揚子法言，苟，但也。

【吳元濟反】唐清池（故城在今河北滄縣東南四十里）人爲申、蔡等州節度使。吳少陽之子少陽死，元

濟匿不發喪，以病聞。僞表請元濟主兵，倚蔡州刺史董重質爲焚剽，關東大恐。後裴度、李愬奉命進討，愬進執元濟，斬於長安。

【吏兵久屯無功】按討吳元濟在元和十二年，行狀、神道碑及舊史云：「秋，以兵老久屯，賊未滅。」此言吏兵久屯無功，卽指是也。

【國涸將疑】言國帑枯竭，將士疑懼也。涸音鶴，枯也。

【恂恂】音曾，恐懼之貌。恂，懼也。見廣韻。

【先生以右庶子兼御史中丞行軍司馬】新唐書本傳：「由是改太子右庶子。及度以宰相節度彰義軍，宣慰淮西，奏愈行軍司馬。」按右庶子官名，正四品下，二人掌侍從獻納啓奏。御史中丞亦正四品下，三人掌以刑法典章糾正百官之罪惡。行軍司馬從四品下，掌弼戎政。居則習蒐狩，有役則申戰守之法；器械糧糒軍籍賜予皆專焉。均見新唐書百官志。

【宰相軍出潼關】時憲宗命裴度以宰相節度彰義軍，俾招討吳元濟，故稱宰相軍也。見新唐書本傳。潼關在今陝西潼關縣治。

【請先乘遽至汴】韓愈請先乘遽至汴，感說都統韓弘。弘說用命師乘遽和，參見行狀、神道碑。舊唐書本傳：按乘遽謂趁驛車也。汴即今河南開封縣。都統掌征伐，總諸道兵，此即指韓弘也。

乘猶言師徒乘爲駕四馬之兵車此則泛指軍隊言

【卒擒元濟】李愬自唐州文城壘，提其卒以夜入蔡州，擒元濟。見新唐書李愬傳。參觀上「吳元濟反」條注。時元和十二年也。

【王庭湊反】洪譜云：「長慶元年七月，鎮州亂，殺田弘正，立王廷湊。命深州刺史牛元翼節度深冀以討之。十月命裴度爲鎮州四面行營都招討使。」

【圍牛元翼於深】牛元翼唐趙州（今河北趙縣）人。才果而善謀，王承宗倚之以爲雄強。王庭湊反，穆宗撥元翼深冀節度使以討之。廷湊圍元翼無所濟。事平，徙元翼山南東道，加檢校工部尙書。元翼朝京師，廷湊盡殺元翼親將百八十人。元翼聞之，憤恚卒。深在今河北深縣北。按此卽元翼討廷湊時爲廷湊所圍事，參觀上條注。

【元稹言於上曰韓愈可惜】按新唐書本傳：「詔愈宣撫，旣行，衆皆危之。元稹言韓愈可惜。」元稹見第二冊與元微之書題解。

【穆宗悔馳詔無徑入先生曰止君之仁死臣之義】按新唐書本傳作：「穆宗亦悔，詔愈度宜從事，無必入。」愈曰：「安有受君命而滯留自顧。」與此稍異。穆宗名恆，憲宗第三子。好遊幸，昵羣小，擊球奏樂，久不視朝。又好餌金石之藥，在位四年崩，年號長慶。

【遂至賊營麾其衆責之賊恆汗伏地乃出元翼】新唐書本傳云：「遂疾驅入廷湊嚴兵迓之甲士陳庭既坐，廷湊曰：『所以紛紛者，乃此士卒也。』」愈大聲曰：「天子以公爲有將帥材，故賜以節，豈意同反賊邪？」語未終，士前奮曰：「先太師爲國擊朱滔，血衣猶在此軍，何負朝廷，乃以爲賊乎？」愈曰：「以爲爾不記先太師也！若猶記之，固善。且爲逆與順利害，不能遠引古事；但以天寶來禍福，爲爾等明之。安祿山、史思明、李希烈、梁崇義、朱滔、朱泚、吳元濟、李師道有若子若孫在乎？亦有居官者乎？」衆曰：「無。」愈曰：「田公以魏博六州歸朝廷，官中書令，父子受旗節；劉悟、李祐皆大鎮，此爾軍所共聞也。」衆曰：「弘正刻故此軍不安。」愈曰：「然爾曹害田公，又殘其家矣，復何道？」衆乃譴曰：「侍郎語是。」廷湊恐衆心動，遽麾使去。因泣謂愈曰：「今欲廷湊何所爲？」愈曰：「神策六軍之將，如牛元翼比者不少，但朝廷顧大體，不可棄之。公久圍之何也？」廷湊曰：「卽出之。」愈曰：「若爾則無事矣。」會元翼亦潰圍出，廷湊不追。按麾呼透切音，攜以手指攜也。惟音匡怯也，懼也。

【春秋美臧孫辰告羅於齊以爲急病】國語魯語上第五篇，稱魯饑，臧文仲言於莊公，請以國之名器請羅於齊。並自請往，謂：「賢者急病而讓夷，今我不如齊，非急病也。」遂以鬯圭與玉磬如齊告羅，齊人歸其玉而與之羅。卽此「急病」之所本。按春秋莊公二十有八年：「冬，大無麥禾。臧孫辰告羅于齊。」左傳：「冬饑，臧孫辰告羅于齊，禮也。」卽此所謂「美」之也。

【古所謂大臣者邪】論語先進「子曰『所謂大臣者，以道事君，不可則止。』」

【遷拜京兆尹】按愈以宣換王廷湊功於長慶元年遷吏部侍郎。三年以吏部侍郎爲京兆尹兼御史大夫。見新唐書本傳及洪譜。按京兆尹本漢官，爲管理京師地方之長官。唐因其制。

【斂禁軍帖旱糴】斂收束也。禁軍護衛禁省之軍，卽天子之衛隊也。帖音貼，說文段注：「引伸爲帖服，爲帖妥。」按卽安服之義，言遇旱時安定糴價也。行狀云：「改京兆尹，六軍將士皆不敢犯。私相告曰：『是尙欲燒佛骨者，安可忤。故盜賊止。遇旱米價不敢上。』」

【醫倖臣之鋟】醫音薛，釋名釋飲食。「獸曰齧，齧醫也。」按此有折磨意。倖臣，寵倖之臣。鋟音忙，刀端也。此言鋒芒也。行狀云：「李紳爲御史中丞，械囚送府，使以尹杖杖之。公曰：『安有此。』使歸其囚。」時李紳方得幸於穆宗，故此稱倖臣也？

【薨年五十七】按愈卒於長慶四年（西元八二四年），距生於大曆三年（西元七六八年），爲五十七歲。薨見前注。

【洞朗軒闢不施戟級】言胸懷光明坦白，無城府也。軒，長廊之有窗者。闢，開也。洞軒朗開，喻光明也。施用也。戟格也，見釋名釋兵。戟級，言有階級之見如枝格之互於胸也。按新唐書本傳稱：「愈性明銳，不詭隨。」行狀云：「公氣厚性通。」亦可參證。

【殮以餉口】殮字當作飧，從夕食。韻會舉要云：「言人旦則食飯，夕則食飧。」按玉篇：「飧爲水和飯也。」

餉爲餉之清者，見劉熙釋名。餉口，言以甘口。

【醉義】按詩既醉，「既醉以酒，既飽以德。」醉義謂以道義教之，若使之醉酒也。

【樂易】謂和樂平易，藹然可親。詩所謂愷悌也。見荀子榮辱注。

【高平郡君范陽盧氏】高平郡在今山西晉城縣東北。范陽在今河北大興縣治。按夫人稱君，詩鶴之奔奔。「我以爲君」是也。韓愈夫人盧氏，范陽人，封於高平郡，故稱高平郡君。

【左拾遺李漢】漢爲唐宗室，字南紀。少學於韓愈，愈以子妻之。第進士，累遷左拾遺。以極諫出佐興元幕府。宣宗時，召拜宗正少卿，卒。按漢時爲左拾遺，故云。左拾遺從八品上，六人掌供奉諷諫，大事廷議，小事則上封事。

【聳】思計切，胥去聲。同增方言：「東齊間聳謂之倩。」

【集賢校理樊宗懿】集賢校理官名，爲集賢殿書院之校理，掌刊緝經籍，校理圖書，故稱集賢校理。樊宗懿。

亦愈婿，正掌此職。

【未笄】笄音雞，簪也。儀禮：士昏禮：「女子許嫁，笄而醴之稱字。」注：「許嫁，已受納徵禮也。笄女之禮，猶冠男也。」按此言未許嫁也。

【萬頸胥延】胥，皆也。延，長也。言萬人皆延長頭頸以望也。

【坐廟以行】坐行謂膝行也。見《左傳昭公二十七年》：「執羞者坐行而入。」此言跪於廟中以膝行也。

【痠】普通痛也。

【乖微歲千】言乖違衰微已千年也。

【焯役】使其光明也。焯，光明貌。音酌。役，使也。

【曠義滂仁】曠，音霍。滿弩也。見《玉篇》：滂，鋪郎切。沛也。言使仁義滂沛擴充也。

【經紀】本爲天文進退之度數。《禮記月令》：「毋失經紀。」是也。此引申作綱紀解。

【大環】環字古通作圓。說文：圓，天體也。大環卽指天也。

【睞】音噤。閉也。太玄經：「萬物各睞。」

【後昆】書仲虺之誥：「垂裕後昆。」謂後世子孫也。此借作後世解。

736 文 章 論 李 德 裕

題 解

文章之義本爲文彩。周禮考工記謂：「畫繪之事，青與赤謂之文，赤與白謂之章。」是也。嗣後用以指文辭，亦

以稱辭之有文彩者；故此論兼散文韻文，非如後世僅以文章名散文也。此篇選自會昌一品集外集，四庫別集類三謂編分三集：會昌一品集二十卷，皆武宗時制誥，別集十卷，外集四卷，皆賦詩雜文。

作者述略

李德裕字文饒，唐趙郡（今河北趙縣）人。生於貞元三年（西元七八七年），卒於大中三年（西元八四九年），年六十三。德裕少力學，敬宗時爲浙西觀察使，因帝狎羣小，上丹辰六箴。文宗時爲李宗閣、牛僧孺所排，不得進用。武宗時由淮南節度使入相，弭藩鎮之禍，決策制勝。宣宗時爲忌者所構，貶崖州司戶，卒。著有《次柳舊聞》、《會昌一品集》等。

注 釋

【魏文】魏文帝曹丕也。丕字子桓，曹操長子。操卒，嗣爲丞相，封魏王。漢建安末，廢獻帝自立，國號魏，改元黃初。性好文學，著有《典論》，詩賦百餘篇。在位六年崩，謚文。傳見《三國志》、《魏書》卷二。

【典論】典法也。典論猶言法言。隋書《經籍志》着錄《典論》五卷。

【文以氣爲主，氣之清濁有體】語見《典論》論文篇。

【英詞麗藻】華麗之詞藻也。英，華也。藻，文采也。

【流宕忘返】宕蕩也。流宕忘返猶流連忘返也。孟子《梁惠王下》：「從流下而忘反謂之流，從流上而忘反謂

之連。」按反卽古返字。

【希聲】聲之希微不可聞也。老子「聽之不聞名曰希。」

【窈眇】窈，倚曉切。音杳，深遠也。眇，米擾切。音眇，精微也。言深遠精微也。

【洄洑】洄，音回，水旋流貌。洑，音伏，洄流也。洄洑，水盤旋也。

【逶迤】逶，烏麾切。迤，逸爾切。逶迤，邪行也，曲折委流貌。

【從兄】同祖兄也。南史袁昂傳：「從兄提養訓教，示以義方。」

【翰】爲德裕從兄，工爲文，擢進士第。天寶末，房琯、韋涉俱薦爲史官，以表揚張巡功績，人多稱之。累遷翰林

學士，病免卒。

【風恬】恬，音甜。風恬，風靜也。

【誥命】上施於下之教令也。誥，告也；命，發令也，皆見說文。

【蘇廷碩】名頤，京兆武功（今陝西武功縣西南）人。生於唐咸亨元年，卒於開元十五年。（西元六七—七二七）年五十八。幼敏悟，自登進士第，累遷中書舍人。襲父瓌封爵，號小許公。開元中，進同紫微黃門平章事，與宋璟同當國，多所匡正。後爲吏部尚書，卒謚文憲。頤以文章顯，時稱大手筆。

【沈休文】即沈付，休文其字也。詳見第七冊修竹彈甘蕉文作者述略。

【音韻爲切重輕爲難】意謂文辭以音韻諧和爲切要，以聲調重輕適當爲難能。按音謂爲字音，韻謂字音收聲之部。沈約宋書謝靈運傳論：「一簡之內，音韻盡殊；兩句之中，輕重悉異；妙達此旨，始可言文。」所謂「音韻爲切，重輕爲難」，即指此也。

【荆璧】卽楚國和氏之璧也。卞和得璞以獻之楚王，王以爲石也，刖之。及王卒再獻而又遭刖刑。如是三獻，王使人剖之，始得玉。見漢書鄒陽傳獄中上梁王書注。

【隋珠】隋侯之珠也。隋侯卽隨侯。淮南子汜論訓：「隨侯之珠。」注：「隨侯，漢中國姬姓諸侯也。隨侯見大蛇傷斷，以藥傅而塗之；後蛇於夜中銜大珠以報之，因曰：『隨侯之珠。』」

【穎】疵也，瑕也。按穎，盧對切，音未，絲節也。見說文段注：「絲有約結不解曰穎，引申之，凡人之愆尤皆曰穎。」此作疵解，亦屬引伸義。

【王陳應劉】王粲、陳琳、應瑒、劉楨也。均見第七冊典論論文注。

【靈均以來此祕未覩】沈約宋書謝靈運傳論：「正以音律調韻，取高前式。自靈均以來，多歷年代；雖文體稍精，而此祕未覩。」按靈均，楚屈原之字也。楚辭離騷：「字余曰靈均。」是也。此祕卽所謂「欲使宮羽相變，低昂舛節。若前有浮聲，則後須切響。一簡之內，音韻盡殊；兩句之中，輕重悉異；妙達此旨，始可言文。」亦見謝靈運傳論。

〔隻耦〕隻卽單辭隻句之隻，不對偶之散行也。耦卽駢儻之辭，相對之句也。

〔篇無定曲〕言一篇之中無一定之音節也。曲本爲樂歌之音節，此則作文辭之音節解。

〔金石〕古樂器，金謂鐘之屬，石謂磬之屬。周禮大師「金石土革絲木匏竹」，卽所謂古之八音也。

〔至音〕音之極美也。至極也。易坤「至哉坤元」。

〔今文〕今文與上「古辭」相對爲文。古辭指六朝以前散行之文；今文指作者當時流行之文，蓋爲沿襲六朝之駢文也。

〔絲竹〕本爲古樂中八音之二，見上「金石」條注。絲如琴瑟，竹如簫竹也。惟此處之絲竹，當係指唐時通行之胡琴、琵琶、羌笛，而非古樂之絲竹。否則上既言琴瑟，而下又稱絲竹，不亦疊牴架屋乎？

〔鞞鼓〕鞞，駢迷切。音粦，騎鼓也。禮月令「命樂師修鞞鞞鼓」是也。

〔聲律〕聲音之合於樂律也。封演聞見記謂：「李登以五聲命字。」五聲者，卽區別字爲宮、商、角、徵、羽五聲也。大抵宮、商卽後之所謂陽平、陰平，徵、羽、角卽後之所謂上去入三聲也。說見徐景安樂書及沈約起而創爲四聲譜，援宮、商之律呂以入詩文，是爲聲律論之創始。大旨在確定詩文中之聲律，如音樂之有規律而不可犯。厥後演而爲唐之律詩律賦。

〔風雅〕詩有國風及大小雅。按詩大序謂：「上以風化下，下以風刺上，主文而諭諫，言之者無罪，聞之者足。」

以戒，故曰風。〔言天下之事，形四方之風謂之雅。雅者，正也。言王政之所由廢興也。政有小大，故有小雅也有大雅也。〕

〔離騷〕戰國時屈原所作。原名平，與楚同姓，仕於懷王。以讒被疏，憂心煩亂，不知所憇，乃作離騷。離騷者，司馬遷謂離憂也。班固謂離猶遭也。見史記屈原傳及楚辭王逸注。

〔文箴〕文心雕龍銘箴篇：「箴者，所以攻疾防患，喻鍼石也。」厥後諫諫之文亦名曰箴。大抵多用韻語。文箴爲篇名，即用爲作文之誠也。

〔惚悅〕音忽況，微妙不測，自然而然也。老子：「惟恍惟惚。」

〔杼軸〕織具。杼持緯，軸受經。按此借杼軸以譬聲律也。

〔礪〕礪音龍。說文段注：「俗謂磨穀取米曰礪。」按此引申爲磨琢解。

〔錯以金翠〕錯治玉石也。金翠，金銀翡翠也。言飾以金銀翡翠。按翡翠翠色寶石也。

〔彫〕音雕刻鏤也。雕刻之雕當作彫；雕爲鳥名，彫則彫刻也。

醉鄉者，謂隱於醉中，別有境界也。唐書藝文志有皇甫松醉鄉日月三卷，此文亦其流亞也。其稱頌醉鄉與下睡鄉之記相似。篇中歷敍醉鄉中之人物，隱然以己爲追步前人也。

作者述略

王績字無功，絳州龍門（今山西河津縣西）人。隋大業中舉孝悌廉潔，授祕書省正字，求爲六合丞；以嗜酒歸鄉，種黍釀酒，蒔藥草自供。著書東皋，號東皋子。唐武德初待詔門下省，侍中陳叔達聞其好酒，日給一斗，時稱斗酒學士。貞觀初以疾罷。嘗採歷來善酒者爲譜，有東皋子集。

注釋

【曠然無涯】虛空而無邊際也。曠，明也，引申爲虛空之稱，見說文段注。

【阪險】傾危也。呂覽孟春「阪險原隰」按阪音反。山脊也。見說文。

【一揆】一致也。揆音跪。孟子離婁下「其揆一也。」

【大同】極和合也。與「一揆」義近。「一揆」就天氣言，此就風俗言，皆謂其趨舍不殊，無差異而歸於同也。與儒家禮禮運篇中之所謂「大同」稍異。

【聚落】人所聚居也。見綱目集覽。按落居也。見廣雅。

【憎】惡也，見說文。按惡爲嫌恨也。

【五穀】稻、黍、稷、麥、豆也。周禮天官冢宰疾醫下五穀鄭注：「稻、黍、稷、麥、菽。」菽卽豆也。

【于于】無知之貌。莊子應帝王「其覺于于。」

【徐徐】安穩貌。莊子應帝王「其臥徐徐。」

【黃帝氏嘗獲游其都】黃帝氏卽軒轅氏也。見第三册漢書藝文志注。按抱朴子曰：「黃帝酒泉法以麴米和藥成丹，一斗酒納一升水，藏之千歲，味常新。」

【歸而杳然喪其天下】杳然，茫茫然失所守也。言歸而茫然失其有天下之尊貴也。杳同窅。莊子逍遙遊「窅然喪其天下焉。」按莊子本指堯而言，上文謂：「堯治天下之民，平海內之政，往見四子藐姑射之山，汾水之陽。」此指黃帝卽借用其意。

【結繩之政已薄矣】上古未有文字，以結繩記事，易擊辭下。「上古結繩而治」是也。此言結繩之政已入於澆薄，謂失風俗之淳厚也。黃帝時結繩而治，見於莊子胠篋篇「昔者容成氏、大庭氏、柏皇氏、中央氏、栗陸氏、驪畜氏、軒轅氏、赫胥氏、尊盧氏、祝融氏、伏羲氏、神農氏當是時也，民結繩而用之。」軒轅氏卽黃帝也。

【作爲千鍾百壺之獻】孔叢子曰：「平原君與子高飲，強子高酒曰：『昔有遺謬堯、舜千鍾，孔子百觚。』又魏文帝詔朝臣曰：『蓋聞千鍾百觚，堯、舜飲之也。』」按壺觚皆爲酒器，故或言壺或言觚也。此言作千鍾百

壺之飲以獻於醉鄉也。

【姑射神人】姑射山上之神人也。莊子逍遙遊：「藐姑射之山，有神人居焉。肌膚若冰雪，淖約若處子；不食五穀，吸風飲露；乘雲氣，御飛龍而遊乎四海之外，使物不疵癘而年穀熟。」釋文：「藐，音邈。簡文云：『遠也。』」姑射山名在北海中。

【假道】借路也。左傳僖公二年：「假道於虞以伐虢。」按此謂借路以至醉鄉也。因莊子下文有堯往見四子藐姑射之山，窅然喪其天下之說，故此云：「因姑射神人以假道」也。

【義和】夏仲康時掌執四時甲子之官。義氏、和氏也。按義氏、和氏自唐虞至三代，世掌天時。見書胤征傳注。【棄甲子而逃】甲爲十干之首，子爲十二支之首，用以紀時。此言棄所掌干支之職而逃也。書胤征：「惟時義和顛覆厥德，沈亂於於酒畔，官離次，倣優天紀，避棄厥司。」言義和沈湎於酒，而棄其所掌紀時日之職也。

【冀臻其鄉】希望至醉鄉也。臻音至也。

【失路而道夭】言迷失路途而卒於道也。按義和以酒廢甲子，胤國之君往征之，故此言其未至醉鄉而道夭也。見書胤征。

【末孫桀紂】桀爲夏亡國之君，紂爲商亡國之君，皆末代之王。對禹湯言古曰末孫。

【怒而昇其糟邱】昇登也。糟邱，釀酒後所餘之糟堆積如邱也。太公六韜云：「紂爲酒池迴船，糟丘而牛飲者三千餘人爲輩。」按此言酒積至成池可以迴船，糟堆積成邱，王充辨其妄，見論衡語增篇丘同邱。

【仞】八尺也。見說文漢書食貨志注引應劭云：「五尺六寸也。」則以周尺當漢七寸，故就漢制言當作五尺六寸也。

【公旦】周公姬旦也。武王之弟。詳書周書及史記周本紀。

【酒人氏之職】周禮天官冢宰有「酒人」一職，掌「酒人」職者卽稱「酒人氏」。

【典司五齊】典，職守也。典司五齊，謂職守爲主管五齊也。五齊見周禮天官冢宰酒正下，「辨五齊之名：一曰泛齊，二曰醴齊，三曰盎齊，四曰緹齊，五曰沈齊。」泛齊者，言酒熟時滓浮於上也。醴齊者，言酒熟時汁滓一體，其味頗甜也。盎齊者，酒熟而作醕白色也。緹齊者，言酒熟而紅赤也。沈齊者，酒熟而滓沈，汁甚清也。詳見周禮注疏。

【拓土七千里】書周官「六服羣辟，罔不承德。」按六服謂侯服、甸服、男服、采服、衛服、蠻服也。以周禮夏官司馬職方氏所云：國畿方千里，其外方五百里一服計之，則六服爲三千里。又以周禮注以王城以外之服地指「兩面相距」，則六服當爲六千里，加國畿千里，正爲七千里。作者所云或係本此，然周禮職方氏明言九服，不曰六服，則開拓之土當云萬里矣。總之，七千爲約舉之辭，亦屬虛數，不必泥也。

【三十年刑措不用】三十年亦約舉之數，「三」虛數也，以言其多，見汪中釋。三九刑措不用，謂刑罰置而不用也。按史記周本紀作：「成康之際，天下安寧，刑措四十餘年不用。」此句當卽本此。

【幽厲】幽王、厲王也。厲王名胡，卽位三十七年（西元前八七八—八四二年）。性好利，行暴虐侈傲，國人謗之。厲王怒，監謗者得，卽殺之。三年後，國人相與畔襲之，厲王失國奔彘。幽王名宮涅，厲王之孫，宣王之子也。嬖愛褒姒，廢申后及太子，立褒姒爲后，以其所生子爲太子。申侯怒，約犬戎以攻幽王，殺之於驪山下。見史記周本紀。

【阮嗣宗】卽阮籍，見第二冊詠懷詩十七首作者述略。

【陶淵明】卽陶潛，見第二冊飲酒作者述略。

【壤】地也。國策齊策：「齊之左壤。」

【華胥氏】伏羲氏之母也。帝王世紀：「燧人之世，有巨人跡出于雷澤，華胥以足履之，有娠，生伏羲。」按此卽言燧人氏之世也。

717 草書勢 崔 瑞

解題

草書之起，當在秦漢之際。說文序謂：「漢興有草書。」庾肩吾書品云：「草勢起於漢時，解散隸法，用以赴急。」是草書由隸體蛻化，因赴速急就而生。此篇寫草書之筆勢，兼述文字演變之過程。

作者述略

崔瑗字子玉，漢涿郡安平（今河北安平縣）人。生於建初二年（西元七七年），卒於漢安元年（西元一四二），年六十六。早孤，從賈逵學。兄章爲州人所殺，瑗手刃報仇，因亡命。赦後舉茂才，遷汲令。後遷濟北相。以事徵詣廷尉，卒。著有賦、碑、銘、箴及此篇等五十七篇。

注 釋

【書契】文字也。古無筆墨，文字都用刀刻，「書契」卽用刀刻之文字也。易繫辭下：「上古結繩而治，後世聖人易之以書契。」

【顓皇】倉顓也。稱皇者尊之辭。皇本爲大君之義，倉顓僅爲黃帝之史官，不當稱皇，故知皇爲尊之也。說文敍：「黃帝之史倉顓，見鳥獸蹏迹之迹，知分理之可相別異也，初造書契。」是倉顓爲黃帝之史官也。

【寫彼鳥跡】見上條注。寫謂摹倣也。又說文敍：「書契下段注：『高誘注呂覽曰：『倉顓生而知書，寫倣鳥跡以造文章。』』」

【以定文章】卽本於上條注：「以造文章」也。說文序：「倉顓之初作書，蓋依類象形，故謂之文。」又云：「文

者物象之本。」按文爲獨體之字，由文字以進於字句之組織，卽文章也。

【爰暨】爰音袁，引辭。暨音既，至也。爰暨，及於也，至於也。

【末葉】衰亂之世也。葉世也。詩長發「昔在中葉」

【典】書也。从册在刀上，見說文。飾猶今置書於架上也。

【僻】邪也。詩板「民之多僻。」

【政之多權】諸侯各自爲政，其權不絕於王也。說文敍「其後諸侯力政，不統於王。」

【惟作佐隸】祇作輔助徒隸用之書也。按卽指隸書漢書藝文志六藝略小學類：「是時始造隸書矣；起於獄官多事，苟趨簡易，施之於徒隸也。」是時卽秦始皇時也。說文敍「左書卽秦隸書，秦始皇帝使下杜人程邈所作也。」（原文句誤置，今從許注改正。）又按隸書便捷，因用以輔佐篆書之不逮，故新莽時稱左書，左佐字同。此處之佐隸，不當作佐書隸書解，卽輔佐徒隸也。

【舊字是刪】舊有之字是刪削也。蓋隸書刪改篆字，漢志所謂「苟趨簡易」（見上條注）也。自隸書通行，篆書漸至廢棄，故曰「舊字是刪」也。

【諭指】示意也。指意也。見書盤庚「王播告之修木匿厥指。」

【古式】古法也。式法也。

【法象】有法則之形象也。法，有程式可師法也，象同像。

【儀】度也。見說文。度謂程式也。

【員不副規】言其圓者不合於規也。員同圓，規所以規畫圓形也。

【崎】音奇，傾側也。見廣雅釋訓。

【竦企】立而舉踵以望遠也。竦音悚，簡勇切，立也。企音器，舉踵也。見說文。

【鳥跱】鳥止也。跱音峙，止也。見廣雅釋祐。

【黜點點黷】狀草書之勢，言似絕而不斷，若連珠也。黜，展豸切。點，知柱切，同主。說文曰：「有所絕止，（主）而識之也。」黷，乃玷切。

【怫鬱】氣結塞而不舒也。怫音弗，一作弗同。漢書溝洫志「魚弗鬱兮柏冬日。」

【放逸生奇】言勢縱恣不檢束而出奇筆也。

【凌邃】歷深遠之景也。凌通陵，歷也。邃音粹，深遠也。

【惴慄】憂懼而戰慄也。惴音贅，慄音栗。

【旁點邪附】字旁之點邪附，卽點斜附於旁也。邪同斜。見漢書司馬相如傳「邪與肅慎爲鄰」句注。

【蜩螗】卽螗蜩蟬也。爾雅釋蟲「螗蜩」注「俗呼爲胡蟬。」方言「蟬，宋衛之間謂之螗蜩。」注「似蟬

而小鳴聲清亮。」按螗音唐蜩音掉。

【揭枝】以足鉤住於枝上。揭居旭切。說文段注：「曲其肘如轂而持之也。」

【綰】音綫，與綫同。集韻：「綫說文縷也。或作綰。」

【糾結】纏結也。糾吉有切。

【杜伯】周宣王時大夫。史記周本紀：「宣王崩。」正義云：「周春秋云宣王殺杜伯而無辜。後三年宣王會諸侯田於圃日中。杜伯起於道左。衣朱衣冠。操朱弓矢。射宣王中心折脊而死。」按此事本墨子明鬼下篇引。

【捷毒】捷音乾。以肩舉物也。毒害也。捷毒卽指杜伯以朱弓矢加害宣王也。

【蠟】語蹇切。高險也。

【騰蛇】騰音騰。神蛇也。見說文。

【墮】音雀。崩潰也。見廣韻。

【沮岑】山崩毀也。沮音咀。毀也。岑小而高。見說文。

【崩崖】岸崩毀也。

【髣髴】一作彷彿。彷彿近似也。

731 讀韓愈所作毛穎傳 柳宗元

題解

唐韓愈作毛穎傳，述以兔之毛穎爲筆，而其文辭怪奇，當時頗有非之者，張籍書所謂戲謔之言，舊史亦從而爲之言曰：「譏戲不近人情。」惟柳子厚獨以爲奇，既作是文書其後，又答楊誨之書云：「足下所持韓生毛穎傳來，僕甚奇其書，恐世人非之，今作數百言，知前聖不必罪併也。」此文選自柳河東集卷二十一。

作者述略

柳宗元字子厚，唐河東人。生於大歷八年，卒於元和十四年（西元七七三——八一九），年四十七。少時精敏絕倫，爲文章偉精致，一時輩行無不推仰。第進士，中博學弘詞，拜監察御史。坐王叔文黨，貶永州司馬，徙柳州刺史，爲文益進，世號柳柳州。韓愈謂其文雄深雅健，似司馬子長。有柳河東集、外集、龍城錄、舊唐書卷一百六十、新唐書卷一百六十八，均有傳。

注釋

【居夷】時子厚坐王叔文黨，貶永州司馬。永州在今湖南零陵縣，時爲蠻夷之地，故云居夷。論語子罕「子欲居九夷。」語本此。

【中州】當時俗稱河南省爲中州，謂其居天下之中也。按天下指中國言。

【韓愈】見第二冊祭十二郎文作者述略。

【楊子誨】卽誨之，楊憑之子。

【角】音覺，競也。漢書谷永傳：「角無用之虛文。」

【暇】息也。南史江子一傳：「朱異休暇之日。」

【竊竄】「竄」改易也。韓愈詩：「漬墨竄古史。」「竊」盜也，此有抄襲之意。

【取青媲白】媲，匹。切。妃也。偶也。取青色以配白色，喻文采也。清阮元文言說：「如青白之成文。」可參證。

【肥皮厚肉】譬文章僅有辭藻色采，毫無意義風骨也。

【柔筋脆骨】此亦譬文章軟弱無力也。

【俳】音牌，戲也。

【善戲謔兮不爲虐兮】見詩衛風淇澳，諱，戲也。

【太史公書】卽司馬遷所著之史記。王國維《太史公繫年考略》：「史公所著百三十篇，後人謂之史記，史記非公所自名也。漢人所謂史記，皆泛言古史，不指太史公書，明太史公書當時未有史記之名也。故在前漢則著錄於向、歆七略者，謂之太史公百三十篇，楊惲傳謂之太史公記，宣元六王傳謂之太史公書。其

在後漢，則班彪略論、王充論衡、超奇案書對作等篇，宋忠注世本（左傳正義引）亦謂之太史公書。應劭風俗通謂之太史公記（見卷一及卷六），亦謂之太史公書（見卷二），是兩漢不稱史記之證也。惟後漢書班彪傳稱司馬遷作史記，乃范曄語。西京雜記（卷二）稱司馬遷發憤作史記，則吳均語耳。稱太史公書爲史記，蓋始於魏志王肅傳，乃太史公記之略語。抱朴子內篇猶以太史公記與史記互稱，可知以史記名書始於魏晉間矣。

【滑稽列傳】載淳于髡、優孟、優旃三人見史記卷一百二十六索隱：「滑，謂亂也；稽，同也。以言辯捷之人，言非若是，說是若非，能亂同異也。」按滑音骨。

【呻吟】詠誦之聲。莊子列禦寇：「鄭人緩也，呻吟裘氏之地，祇三年而緩爲儒。」

【應對進退】論語子張：「子游曰：『子夏之門人小子，當灑掃、應對、進退，則可矣。』」

【掬溜播灑】卽灑掃之謂也。「掬」音菊，以兩手取也。

【罷憊】罷，同疲。「憊」讀如敗，困也。疲極曰憊。

【息焉游焉】禮學記：「君子之於學也，藏焉脩焉，息焉游焉；夫然，故安其學而親其師，樂其友而信其道。」

【不學操縵不能安弦】禮學記：「大學之教也，時教必有正業，退息必有居學；不學操縵，不能安弦。」「操縵」雜弄弦屬也。「操」音七刀切。「縵」音慢。

【大羹】不和五味之羹也。禮樂記「大羹不和」注「大羹肉清不調以鹽菜。」

【玄酒】水也。禮禮運「故玄酒在室。」疏「以其色黑謂之玄。太古無酒，此水當酒所用，故謂之玄酒。」

【薦】公羊傳桓公八年注「無牲而祭謂之薦。」

【榦】莊加切。音渣。說文「榦果似梨而酢。」段注「內則粗梨注曰『粗梨之不減者』。爾雅郭注山海經郭傳皆云『榦似梨而酢濃』。按卽今之肉粗味酸者也。」

【柚】余救切。音幼。說文「條也，似橙而酢。」羣芳譜「柚，一名條，實大而粗，橘中下品也。……又有名文蛋，名仁崽者，亦柚類也。」

【蟄吻】謂齧痛口邊也。「蟄」音哲，蟲齧也；此爲動詞。吻口邊也。

【裂鼻】謂鼻欲坼裂也。洛陽伽藍記云姜質亭山賦「燃目之綺，裂鼻之芬。」

【澀】音濁，味不甘滑曰澀。杜甫詩「酸澀如棠梨。」

【文王之昌蒲菹】呂覽遇合「文王嗜昌蒲菹，孔子聞而效之，縮頸而食，三年然後勝之。」

【屈到之芰】國語楚語「屈到嗜芰。有疾，召宗老屬曰：『祭我必以芰。』屈到春秋時楚人，康王時爲莫敖。」

「芰」菱也，兩角爲菱，四角爲芰。

【曾晳之羊棗】孟子盡心「曾晳嗜羊棗，而曾子不忍食羊棗。」疏「穢與棗一物有二名，穢小而棗大，穢

酸而棗甘耳。羊棗，則楨棗之屬也。」按曾子卽曾參，曾晳爲曾參之父。

【弛】音豕，放也。猶言放鬆。

【六藝】卽六經也。史記滑稽列傳：「六藝於治一也：禮以節人，樂以發和，書以道事，詩以達意，易以神化，春秋以道義。」

【壅大川】國語周語：「防民之口，甚於防川；川壅而潰，傷人必多。」

【百家】謂諸子也，舉成數而言。史記五帝紀：「尙書獨載堯以來，而百家言黃帝，其文不雅馴。」賈誼傳：「賈生年少，頗通諸子百家之書。」按漢書藝文志：「諸子百八十九家，是合賈生以後諸家言之。」

【穿穴】有研究貫通之意。

【咷咷】音帖，音諧，多言貌。

【喙】許穢切，說文：「口也。」

715 三 戒 幷序 柳宗元

題解

戒者，警戒之辭也。三戒蓋託於臨江之麋，黔之驢，永某氏之鼠以戒世之依勢干非，出技怒強，竊時肆暴者。假

物以諷世，本於戰國諸子寓言之文也。此篇選自柳河東集卷十九箴戒類。

注釋

【麋】鹿屬，牡者有角，惟冬至則解其角。似鹿而色青黑，大如小牛肉，蹄目下有二竅，爲夜目。

【臨江】今江西清江縣。

【畋】音田獵也。呂覽直諫「以畋於雲夢。」韓詩內傳「春曰畋。」

【麇】音迷，爲麝之或字。集韻「麝鹿子也，或从兒。」

【怛】驚也，懼也。按是使犬驚懼也。

【以爲犬良吾友】「良」信也，誠也。或作「以爲犬爲我之良友」的倒句講，亦通。

【啖其舌】「啖」音淡，啖食也。啖其舌，言犬自縮其舌而不敢齧麋也。

【狼藉】言縱橫散亂也。蟬史「狼起臥游戲多藉草，而草皆穢亂，故里語云狼藉。」

【黔】黔州，卽今四川彭水縣。

【龐】厚大也，充實也。詩四牡「四牡龐龐。」

【愁愁】魚僅切，謹敬也，有小心之意。

【噬】音誓齧也。左傳哀公十二年「國狗之瘞，無不噬也。」

【蕩】搖也。左傳僖公三年「齊侯與蔡姬乘舟於囿，蕩公。」

【跳踉】正字通「踊躍貌。」踉音良。

【瞷】卽噉字，同啖食也。

【永】永州，今湖南零陵縣。

【畏日拘忌異甚】史記太史公自序「嘗竊觀陰陽之術大祥，而衆忌諱，使人拘而多所畏。」正義「言拘束於時日，令人有所畏忌也。」

【僮】說文「未冠也。」段注「辛部曰『男有臯曰奴，奴曰童。』按說文僮童之訓與後人所用正相反。」按今指未及冠之僕役也。

【椸】余之切，音移。衣架也。

【大率】大抵也。

【晝累累與人兼行】「累累」狀多也。謂鼠在日間，猶與人並行。描寫鼠之不畏人也。

【齧】音臬。噬也。謂齒相切以斷絕之也。

【陰類】鼠在夜出，故曰陰類。

【假】借也。禮王制「大夫祭器大假。」

【羅捕之】「羅」捕鳥之網也。「羅捕之」謂以網盡捕之也。

【冕】臭俗字。惡氣也。

788 醉翁亭記 歐陽修

題解

醉翁亭在今安徽滁縣西南七里。歐陽修年譜仁宗慶曆五年（西元一〇四五）知滁州，十月甲戌至郡；六年，公年四十，自號醉翁。醉翁亭記當作於是時也。醉翁亭本爲僧智儻所建，歐公宴飲於此，因以名之。公年四十，似不當名翁，今曰翁者或寓已謫貶之感歟？以公當強仕之年，卽爲朝廷所棄，置之閒散之地，一若以處衰老之人者，故名翁以志慨歟？此文選自歐陽文忠公集。

作者述略

見第八冊秋聲賦作者述略。

注釋

【滁】卽今安徽滁縣津浦綫經之。

【蔚然】「蔚」音尉。草木盛貌也。

11. 【深】極也，甚也。庚子山集序：「深爲梁王所賞。」

12. 【琅邪】亦作瑯琊，山名。晉元帝爲瑯琊王，避地此山，因名。

13. 【潺潺】鋤山切，音孱。水流聲。

14. 【釀泉】泉名，因其泉水可以釀酒，故曰釀泉。

15. 【翼然】如羽翼之覆也。爲形容詞。

16. 【智慇】僧名，爲歐陽修之友。

17. 9. 【太守】官名，秩二千石。秦本名郡守，漢景帝時始稱太守，宋以後改郡爲府，故知府亦稱太守。

18. 【霏】音菲，煙霧貌。

19. 【暝】音冥，幽也，晦也。

20. 10. 【野芳發而幽香……山間之四時也】野芳發而幽香，春景也；佳木秀而繁陰，夏景也；風霜高潔，秋景也；水落而石出者，冬景也。春夏秋冬謂之四時。

21. 11. 【負者】負，擔荷也。任在背曰負。孟子梁惠王上：「斑白者，不負戴於道路矣。」按此處謂歐公所見擔荷之滁民也。

【塗】同途。

【僵僂提攜】「僵僂」音於縷背曲也。「提攜」謂挈之以行也。按此乃狀長者挈攜孩童之姿態。長者人長，故必僵僂以提攜孩童也。或曰僵僂引申爲年老者，亦通。

15 【冽】音列，水清也。見說文。

16 【山肴野蔌】「肴」音爻，或作餚。肉類之蒸熟者。「山肴」若谿中之魚類及山間之鳥獸肉也。「蔌」音速。爾雅：「菜謂之蔌。」「野蔌」山中之野菜也。

17 【酣】音邯。飲酒不醒不醉興味正濃時曰酣。

18 【非絲非竹】絲竹爲古樂之二絲如琴瑟之類，竹如簫管之屬。

19 【射者中】「射」音實。凡戲博者以爭能取中皆曰射。「中」涉仲切，音妙。矢至的曰中。按「射者中」狀投壺之樂也。投壺爲古賓主燕飲時相與娛樂之事。設一壺使賓主以次投矢於其中，勝者酌酒飲不勝者。率以竹製，本爲投壺之矢，見說文。此則用以行酒令者。「交錯」謂交間錯雜也。

20 【頽然】「頽」吐臥切，音惰，委廢貌。

21 【陰翳】「陰」淺黑色也。「翳」隱蔽也。按陰翳有漸漸暗黑之意。

22 【廬陵】今江西廬陵縣。歐公爲廬陵人。

720 睡鄉記 戴名世

題解

此篇選自南山集。睡鄉謂睡中之境地也。宋蘇軾有睡鄉記。作者此記，主旨 在感慨現實之人世，故贊嘆睡鄉，以謂惟此中可以全其天，寧其神，休其體也。

作者述略

戴名世字田有，號褐夫，別號憂庵，清桐城（今安徽桐城縣）人。生於清順治十年（西元一六五三——一七一三）。康熙進士，官編修。少年才思豔發，尤留心一代史事。時訪明季遺老，考求故事，所著南山集，用明永曆年號。左都御史趙申喬劾爲狂妄，事下刑部，竟坐大逆伏法。株連獲譴者數十人，時康熙五十二年也。

注釋

【太始】天地未生以前也。列子「太易者未見氣也，太初者氣之始也，太始者形之始也，太素者質之始也。氣、形、質具而未相離，故曰渾淪；渾淪者，言萬物相渾淪而未相離也。」

【六合】莊子齊物論「六合之外，聖人存而不論」注：「六合，謂上下四方也。」按「六合之外」言上下四方之外，卽宇宙之外也。

【在在】猶言處處也。

【冥然】冥音銘，幽也。見說文。冥然謂幽暗不明也。

【塊然】安然獨處也。漢書陳湯傳：「使湯塊然。」

【酬酢】猶應對也。易繫辭：「是故可與酬酢。」

【頑鈍然】昏然無知之貌。頑音五鰥切，愚也。見廣雅釋詁。

【枯槁然】形如枯木也。枯槁同義。莊子天下篇：「雖枯槁不舍也。」

【其天則全】言能保全其天性，不爲外物所斲喪也。

【其神則寧】言能安靜其精神，不爲外物所煩擾也。

【孳孳然】勤勉不怠之貌。漢書王莽傳：「孳孳不已者。」

【汲汲然】欲速也。漢書揚雄傳：「不汲汲於富貴。」

【呻吟】呻吟，詠誦之聲也，痛苦之聲也，義並通。

【哈嚙】音憾，夢話也。

【莊周至其鄉化爲蝴蝶蝴蝶至其鄉化爲莊周】莊子齊物論：「昔者莊周夢爲蝴蝶，栩栩然蝴蝶也。自喻適志與，不知周也。俄然覺，則蘧蘧然周也。不知周之夢爲蝴蝶與，蝴蝶之夢爲周與？周與蝴蝶，則必有分

矣。」按莊周見第二冊胠篋篇作者述略。

719 百丈山記 朱熹

題解

百丈山在今福建建陽縣東北七十里，接崇安、浦城二縣界。本文錄自朱文公全集。全篇均以客觀眼光記述百丈山之景物，末段點出作記本意，並對全山勝景作總括之敍述，是記敍文中之簡潔而明白者。

作者述略

見第五冊朱九江先生佚文序「紫陽」條注。

注釋

【絕壑】謂極杳深之山壑也。

【垂崖】猶懸崖，狀山崖之倒懸也。

【磴】玉篇「巖磴」水經注「石磴繁委若羊腸也。」按磴，石之堆積如級也。

【石梁】石橋也。

【亭午】至午也。文選孫綽遊天台賦「爾乃羲和亭午。」按正字通云：「亭午卽直午之義，停古作亭直與。

值同

【淙】徂農切，音悰，又鋤廬切。水流貌。

【濺濺】將先切，音箋。水流聲。

【山門】僧寺之外門也。西樵野記「江夏悟真寺，一僧法名元仁，秋夕月朗，輒出山門閒步。」

【瞰】苦濫切，音闕。俯視也。

【峽】音洽，山峭夾水曰峽。

【躡】呢輒切，音磊。登也。

【庵】僧尼等奉佛之舍，皆謂之庵。

【卑庳】庳音婢，屋卑也。「卑庳」謂陋而小也。左傳襄公三十一年「宮室卑庳。」

【罅】虛訝切，音罅隙也。鬼谷子抵巇「罅者，嶠也；嶠者，成大隙也。」

【峻】峭而急也。

【潺潺】音孱，水流聲。

【林薄】謂草木叢雜之處也。木叢生曰林，草叢生曰薄。

【瀑布】水由峭壁直下，或由高處斜下，其勢洶湧，水沫飛濺，遙望之如匹練下垂，故謂之瀑布。「瀑」步木

切音僕。

【漢湧】「漢」音奮，水漫也。「漢湧」水湧出貌。

【燭】照也。呂覽士容「故火燭一隅。」

【璀璨】玉光也。見說文新附。

【揖】同挹。酌也。詩大東「維北有斗，不可以挹酒漿。」王禹偁黃岡竹樓記「遠吞山光，平揖江瀨。」

【蘆山】一名蘆峯山。亦在福建建陽縣西北七十里，接崇安縣界，與西山對峙。宋乾道中，朱熹更名曰雲谷，築草堂讀書其下，並作記以記之，理宗曾親書「蘆峯書院」四字扁之。

【薄】音博，逼近也。左傳僖公二十三年「浴薄而觀之。」疏：「逼近之意。」

【西山】確有是山，非泛指西面之山也。亦在建陽縣西北六十餘里，四面壁立，山頂平曠，有石城遺址，昔人所築以避兵者。宋蔡元定嘗結蘆山麓讀書，理宗御書「西山」二字表之，刻於西南崖上。

【殫數】猶盡數也。

【識】音志，記也。論語述而「默而識之。」

題解

此文選自北斗雜誌，爲對話體之敘述文。借老柏與野薔薇之一問一答，說明作者對於人生之見解，此種文字亦謂之「寓言」。

作者述略

見第四冊運河與揚子江作者述略。

注釋

【柏】有扁柏、側柏、叢柏、花柏、羅漢柏等之別。此指扁柏也。扁柏爲喬木，山中到處有之。其鱗狀之小葉，與莖密接，全不舒放，夏際開花，結球果。

【腰大十圍】「腰」指樹身；「十圍」謂樹身有十人合抱之圍圓。

【野薔薇】似薔薇而花略小，有淡紅及純白二種，花皆單瓣，而芬芳過之。藥店用以製爲薔薇露者，即此花也。

【朝露似的生命】古詩十九首驅車上東門篇：「年命如朝露，人生忽如寄。」朝露見日即消，喻短促也。
【槎枒】「槎」應作杈。枒枒卽杈枒，謂樹枝縱橫雜出也。
【曼】美也，輕細也。

【胭脂花】「胭」亦作臘。「臘脂花」卽紫茉莉也，見花草譜。本西印度原產。多年生，亦有一年生者。草本，莖高二三尺。葉卵形，或心臟形而尖。花有合片萼如漏斗狀，呈白色、紅色或黃色等，甚美麗。

【雞冠花】東印度原產，一年生。草本，高二三尺。葉披針形，葉端尖銳，互生。秋夏間莖頂出變形之花軸，如雞冠狀。赤色或黃色白色。

【贅疣】皮膚上贅生之結肉也，今借以喻事物之無用者。莊子駢拇「彼以生爲附贅縣疣」

778 蟬與紡織娘 鄭振鐸

題解

此篇選自山中雜記，爲雜記中之第七篇。係作者於避暑武康縣莫干山時所記。全篇寫蟬與紡織娘之鳴聲，以見夏秋節候之交替，因而起住山與歸去之感。

作者述略

鄭振鐸生於清光緒二十四年（西元一八九八年），福建長樂人。曾在英國倫敦大學研究，歷任上海時事新報館編輯，暨南大學、中國公學及復旦大學中國文學教授，暨商務印書館小說月報編輯，現任燕京大學教授。著有文學大綱、中國文學史等書。

注釋

【曼杜令】爲西樂器 mandoline 之譯名，用撥頭彈奏之絃樂器也。

【紅樓】指富貴家之樓閣，爲婦女所居者。唐李商隱無題詩「紅樓隔雨相望冷」是也。

【重幔】幔幕玩切，音縵幕也。重當讀平聲，除容切，複疊也。重幔，言重疊之幔也。

【淙淙】水聲也。見說文。淙音蹤。

【颯颯】風聲也。颯思答切。宋玉風賦「有風颯然而至。」又鮑昭蕪城賦「颯颯風威。」

【中世紀】西元四七六年，西羅馬帝國滅亡後，千年之間，史家稱爲中古，亦稱中世紀。是時條頓人種勃興，破壞羅馬之文明。自此至第十四紀止，史家謂之黑暗時代。然近世之文明實胚胎於此。

【武士美人】武士 (Knight) 為中世紀封建時代以殊禮升授之騎士，甚爲當時社會所尊貴，故與美人並稱。

【行吟詩人】專以遊行各地吟詠爲業之詩人。

【曼】音萬引也。見說文，謂引而長之也。

【紡織娘】蟲名。北人稱聒聒兒，體有灰、綠二色，觸角甚長，黃褐色，有黑點。雄者前翅甚闊，發聲器闊大發達，棲息草間。夜鳴如紡紗聲，故稱紡織娘。

【咷嘵】咷，其吉切，笑也。見玉篇嘵，吉擾切，鳥聲。見廣韻。按此處作鳴聲解。

【金鈴子】蟲名。吳俗稱螂蛤子。棲於草間者，體形似蟋蟀而小，長二分許，色淡黃，俗稱草金鈴。細聲咿嚶，清越可聽。棲於樹上者，體較蟋蟀略大，作青綠色，鳴聲更高，俗稱樹金鈴。

【叮令】叮音丁。叮令，金鈴子鳴聲也。

【薤露之曲】薤露本爲古歌曲名，見宋玉對楚王問及漢初田橫自殺，門人傷之，爲作挽歌；首章卽薤露，言人命如薤上之露，易晞滅也。次章卽蒿里，言人死魂魄歸乎蒿里也。嗣後以爲喪歌。至李延年始分爲二曲：以薤露送王公貴人；以蒿里送士大夫庶人，使挽柩者歌之，謂之挽歌。見崔豹古今注。按薤系械切，音械。蔬類植物，狀似韭而中空。鱗莖如小蒜，謂之薤白，可食，並入藥。

【熒熒】熒音螢。熒熒，光燄也。

【白老鼠】俗稱洋老鼠，長約二三寸，毛純白，大都爲人所畜養以供賞玩。

【戲籠中走輪盤】戲籠，卽用以畜養白老鼠而特製之籠，以其善作走輪盤之戲，故稱戲籠。輪盤亦特製以供白老鼠之走踏者，甚小巧，普通以竹木或鉛絲製成，作球形，中空，懸於戲籠內；白老鼠躍入其中，用足走踏，盤旋輪轉，故曰走輪盤。

【老僧入了定】老僧默坐，至片念不起，謂之入定。

【滴翠軒】軒本指殿堂前檐特起，曲椽中無梁者，後假作房屋之名。滴翠軒在莫干山上爲作者避暑所居之處。

【咯篤】咯，音酪。咯篤謂蟬跌入鉛斗中掙扎之聲。

【心南】卽鄭貞文，心南其字也。福建長樂人。日本東京帝大理學士。歷任福建高等學校教務長、廈門大學教務主任、東方文化事業總委員會委員，及商務書館化學編輯。按鄭心南係與作者同住在莫干山滴翠軒之人，參山中雜記。

【依真】姓鄭，爲心南之女。

【潛蹤】隱藏踪跡也。潛，音齊鹽切。隱藏也。

765 致文學青年 夏丏尊

題解

此篇選自中學生第十五期。以愛好文學而欲以文學爲終身職業的中學畢業生爲對象，主旨 在指導文學青年「要把文學當作終身的事業，切勿輕率地以文學爲終身的職業。」

作者述略

見第二冊一〇八頁兩法師篇「丐尊」條注。

注釋

【披讀】翻開閱讀也。披，翻也。韓愈進學解：「手不停披於百家之編」是也。

【復】本音服，爲往來之義。此讀方六切，音福，答覆也。

【一相情願】乃俗語言，祇顧一己之願望，而不顧四圍之環境也。意有空想或夢想之誼。

【紈袴子弟】指富貴家之子弟也。以紈袴爲富貴家子弟所服，故卽以此稱之，有輕視之意。漢書敍傳云：

「出與王、許子弟爲羣，在綺襦紈袴之間。」

【鈔胥】詹錄之胥吏也。周禮天官序官：「庶人在官者曰胥。」此卽胥吏之所本。

【幕府】幕字本作莫。史記李廣傳：「莫府省約文書籍事。」索隱：「凡將軍謂之莫府者，蓋兵家合施帷帳，故稱幕府。古字通用，遂作莫耳。」是幕府義本指軍幕，後則其義漸泛，凡行政官之記室，皆謂之幕府矣。

【清客】門客也。因多擅藝能，又自託於清高，故爲之主人者，稱爲清客。

【杜甫李白】爲唐代最著名之詩人。見第五冊李白詩、杜甫詩作者述略。

【左思】晉臨淄（今山東臨淄縣）人。字太沖，博學，兼善陰陽之術。作齊都賦一年乃成；復賦三都，構思十年，門庭藩溷皆著紙筆；偶得一句，卽便疏入。自以所見不博，求爲祕書郎。

【洛陽紙貴】洛陽，今爲隸屬於河南之一縣。戰國時稱周之王城曰河南，成周曰洛陽。漢置河南、洛陽二縣，故城在今縣東。唐徙今治。按左思《三都賦》成，皇甫謐稱善，爲其賦序。張載爲注魏都，劉逵爲注吳、蜀二都而序之。張華歎爲班固、張衡之流也。於是豪貴之家競相傳寫，洛陽爲之紙貴。

【稿費或版稅】稿費係出售文稿所得之費。版稅係將文稿交書店代爲印售，而抽其所入百分之幾爲版權稅也。

【魯迅】見第一冊與幼小者譯者述略。

【周作人】見第一冊古文學作者述略。

【高爾基】Maxim Gorky 爲蘇俄小說家。一八六八年生於尼奇尼諾高羅特 (Nizhni-Novgorod)。七歲時已成爲孤兒。他做過鞋店的小夥計，製圖裱畫店的徒弟，汽船的廚夫，園丁，賣聖像，麵包的小販，鐵路看守人，律師的鈔寫等等。後從事文藝創作，曾一度被俄皇監禁。革命後加入共產黨，著有《母親》、《沈淵懺悔》等等。

【僕歐】即 Boy 之音譯，意即謂僕人也。

【柴霍甫】Tchekhov, Anton Pavlovitch (1860—1904) 爲俄國小說家及戲劇家。曾在莫斯科大學醫科卒業，爲醫疫長。在大學時曾假名投稿於雜誌，爲文學生活的開始。數年後，公開其第一小品集《博得

好評，遂確定其文學家之地位。其有名之劇本有海鷗、櫻桃園等。有名之小說有黑衣僧第六號病室等。
【易卜生】 Ibsen, Henrik (1828—1906) 挪威劇作家。幼家貧，爲藥店學徒者垂七年。十九歲時即創爲詩歌，以努力自修，卒得入大學。後任劇院經理，導演諸劇，頗得成效。及劇場破產，即以作劇爲生，以社會劇爲最著，爲開近代劇的先河者。

【威爾斯】 Wells, Herbert George (1866) 本爲倫敦大學之研究科學者，一度爲學校教師。後爲各雜誌撰文。自一八九五年創作小說成功後，遂從事文藝創作。頗傾向於社會主義。一九二〇年完成世界史綱，甚著聲譽。

【商行爲】 商業的行爲，以經營商業譬諸文字之出賣也。

【景氣不景氣】 為日本名詞。此指市面言，市面繁榮即謂之景氣，衰落即謂之不景氣。